



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Dr. R. Edvard. C. no. 10. 1/2. 1/2. 553.
VI, 34. 3/1
hile



CHARLES PLUMMER.



Scandinavian Collection.

CJ 50 < Ana755



300015929T

Digitized by Google



ANALECTA NORRŒNA

HERAUSGEGEBEN

VON

THEODOR MÖBIUS

I.

T E X T.

ANALECTA NORRŒNA

AUSWAHL AUS DER

ISLÄNDISCHEN UND NORWEGISCHEN LITTERATUR
DES MITTELALTERS

HERAUSGEGEBEN

VON

THEODOR MÖBIUS



LEIPZIG

VERLAG DER J. C. HINRICHS'SCHEN BUCHHANDLUNG

1859



VORWORT

Vorliegende kleine Sammlung soll mit demnächst erscheinendem Glossar, dem auch eine Grammatik folgen wird, ein Hilfsbuch zur Erlernung der Norrœna sein. Eine Anzahl Lesestücke, von belehrendem und unterhaltendem Inhalt, in charakteristischer und für Grammatik und Wörterbuch möglichst ergiebiger Form, in zuverlässigen Texten, in correcter und gleichmässiger Orthographie — diess schien mir für das Selbststudium wie für den akademischen Unterricht ein Bedürfniss, und diesem Bedürfnisse versuche ich durch mein Buch abzuhelpen. Es beschränkt sich auf die Prosa, deren verschiedene Stil-Arten es so weit vertritt, als es die mancherlei Bedingungen, von denen die Wahl des einzelnen Stückes abhängig war, gestatteten; gleichwohl würde die Auswahl eine mannigfaltigere sein, hätte ich es nicht vorgezogen, den Auszügen einen grösseren Umfang zu geben, andererseits einige so häufig angeführte und doch so schwer zugängliche Schriften, wie Ynglinga saga, oder, die mir namentlich für akademischen Gebrauch geeignet schienen, die so höchst wichtige Íslendingabók und die herrliche Gunnlaugs saga nicht in Auszügen, sondern vollständig mitzuthellen. Aus den leicht erreichbaren und zum Theil ganz vortrefflichen Saga-Ausgaben des Nordisk Literatur-Samfund habe

ich eben so wenig etwas entlehnt, wie aus der von Manchen vielleicht vermissten Egils saga, seitdem auch sie in einer so höchst saubern und sorgfältigen, von Jón Þorkelsson besorgten Handausgabe (Reykjavík 1856, Leipzig bei Lorch) vorliegt.

Indem ich zur näheren Kenntniss der Schriften, die hier vollständig oder bruchstückweise aufgenommen sind, auf meinen Catalog (Leipzig, bei Engelmann 1856) und die darin angeführten Hilfsmittel verweise, sei hier nur des dort nicht Angeführten mit wenigen Worten gedacht.

Nr. IX, X, XI waren bisher ungedruckt und sind mir von Herrn Gudbrandr Vigfússon in Kopenhagen mitgetheilt worden. Rücksichtlich der Hallfreðar saga vandræðaskálds, beruft sich der Verfasser von Vatnsdæla saga (Kjöbb. 1812, p. 192) auf sie mit den Worten: Opt kom Hallfreðr til Skeggsvalda ok talaði við dóttur hans er Kolfinna hét; þeirrar konu fékk Griss Semingsson, en þá lék sama orð á með þeim sem sagt er í sögu hans. Eine solche ist uns sowohl in der Flateyjarbók als auch in Cod. AM. 132 fol., einer vortrefflichen und bei ihrem reichen Inhalte schon vielfach benutzten Membrane aus der Mitte des XIV. Jahrhunderts, aufbewahrt. Während sie aber in Flateyjarbók in mehrere Abschnitte getheilt der Ólafs saga Tryggvasonar einverleibt ist, die erst in der auf Flateyjarbók basirenden Skálholter Ausgabe dieser Saga, part. II, Append. p. 19^a — 22^b zu einem ‚þáttur Hallfreðar Vandræða Skálds‘ vereinigt sind, findet sie sich in Cod. AM. 132 fol. als ein zusammenhängendes Ganze. Dieser (wohl der auch von Jón Eiríksson für seinen Commentar zur Gunnlaugs saga (Havn. 1775) in not. 83 und 88 benutzten) Handschrift ist das hier mitgetheilte Ende entnommen, merkwürdig sowohl durch die Bezugnahme auf die in Gunnlaugs saga berichteten Begebenheiten, als auch durch die Erzählung von der dem Hallfred vor seinem Tode erscheinenden fylgja;

beides ist dem entsprechenden Abschnitte in Flateyjarbók (Fms. III, p. 26—28) fremd. Eine ausführliche Darstellung von des Dichters Leben und seinem Uebertritt zum Christenthume giebt Konrad Maurer in seiner Geschichte der Bekehrung des Norweg. Stammes zum Christenthume, Bd. I, p. 361—371.

Verschieden nach Inhalt und Umfang von dem der Saga Magnúss góða in der Flateyjarbók eingeschalteten þáttur Þorsteins Síðu-Hallssonar ist die hier zum ersten Male gedruckte Letzte der noch ungedruckten Islendingasögur, die saga Þorsteins Síðu-Hallssonar. Ihre einzige Pergamenthandschrift, welche auch Fóstbrœðra saga enthielt, ist im Jahre 1728 verbrannt, und während Fóstbrœðra saga uns noch in mehreren anderen Handschriften erhalten ist, würde Þorsteins saga völlig verloren sein, wenn nicht Asgeirr Jónsson eine Abschrift jener Membrane gefertigt hätte. Nach dieser, ebenfalls einzigen, Abschrift, cod. AM. 142, fol., die auch für Fóstbrœðra saga von Rafn und Finn Magnúsen benutzt worden (vgl. Grönl. hist. Mind. II, p. 259), ist sie hier abgedruckt; der Mangel des Anfangs und die Lücke vor dem Ende der Saga, mindestens von je 1 bis 2 Blättern, sowie die Unleserlichkeit mehrerer Worte treffen die Membrane, nicht Asgeirs Abschrift. Die Saga selbst, verfasst ums J. 1250, wie H. Guðbr. Vigfússon aus dem Umstande vermuthet, dass Gizurr Þorvaldsson (184, 16) noch nicht jarl genannt wird, erregt Interesse theils durch die in ihr erzählten Träume, theils durch ihre Uebereinstimmung rücksichtlich der Brjáns orrosta (im J. 1014) mit der (von ihr allein, nirgends sonst, angeführten) Njáls saga (170, 15). Die 170, 25 erwähnte Saga vom irischen König Brian Boroimhe findet sich nicht mehr; eine Brjáns saga im Cod. AM. 602, d. ist ein æfintýri ganz anderen Inhaltes.

Als eine Ergänzung jener Lücke in Þorsteins saga lässt sich gewissermassen der hier aus cod. AM. 564^a, 4^o abge-

druckte draumr Þorsteins betrachten; er ist vielleicht um so willkommener, als seine freilich nur zum Theil verständlichen visur zu den noch handschriftlichen Quellen von Egilssons *Læxikon* gehören.

Hemings þáttur, eine nordische Tell-Sage, ist einer kleinen, wohl sehr wenig verbreiteten Sammlung entlehnt, die Jón Þorkelsson unter dem Titel: *Sex sögu þættir* zu Reykjavík 1855 herausgegeben hat. Die kleine Erzählung, nach ihren historischen und mythischen Elementen vom Müller in seiner *Sagabibliothek III*, 356—368 gewürdigt, ist wahrscheinlich auf Island und, da sich der Schluss derselben in der vor 1334 geschriebenen *Hauksbók* (cod. AM. 544, 4°, vgl. *Annal. f. nord. Oldk. og Hist.* 1847, p. 192) findet, zu Anfang des XIV. Jahrhunderts verfasst. Sie findet sich vollständig in *Flateyjarbók* col. 822—826, der *Saga Magnúss góða ok Haralds harðráða* eingeschaltet und auf einer ganz ähnlichen Ueberlieferung scheint der hier gegebene Text zu beruhen. Ueber die Hemings-Sage und die verwandten vom Egill (*Þiðreks saga* k. 75), vom Toko oder Pálma-Tóki (*Saxo*, ed. Müll. Velsch. I, p. 486 ff. und II, p. 293 ff-), vom Eindriði ilbreiðr (*Ólafs saga Tryggv.* k. 235, Fms. II, p. 259—274) und anderen, handeln ausser Jac. Grimm in der *Mythol.* p. 353—354, Frederik Schiern in einem besonderen Aufsätze: *En nordisk Sagns Vandringer, fornemmelig med Hensyn til Sagnet om Wilhelm Tell* (1839), der seinen *Historiske Studier*, Bd. I, (Kjöbh. 1856) p. 40—109 einverleibt ist, und P. A. Munch in seiner *Norweg. Geschichte*, Th. I, 1, (1853) p. 72—73, Anm., und Th. II. (1855) p. 345, Anm. Zu den zwei Aufzeichnungen des norwegischen Hemingsliedes in *Landstads Norske Folkeviser* (Chra 1853) nr. 15 A und 15 B hat neuerlich Sophus Bugge in seinen *Gamle Norske Folkeviser* (Chra 1858), p. 1—6 eine dritte: Hemingjen aa Harald kungen hinzugefügt; zwei färöische Aufzeich-

nungen: Geyta tättur und Galta tättur finden sich in *Hammershaimbs Sammlung* (NO. XV) p. 145—163, eine schwedische in *Afzelius' Sagohälder* I, p. 48.

Die Jóns saga helga bildet einen Theil der von Gudbrandr Vigfússon herausgegebenen Biskupasögur, deren 1. Bd. Kopenhagen 1858 erschienen ist. Er enthält eine ältere und eine jüngere Saga des später canonisirten Bischofs zu Hólar, des Jón Ögmundarson (geb. 1052, gew. 1106, gest. 1121). Der jüngeren, einer isländischen Uebertragung der vom bekannten Gunnlaugr munkr Leifsson zwischen 1203 und 1208 lateinisch verfassten, jedoch verlorenen Schrift sind die beiden hier mitgetheilten Stücke entnommen. Nicht ohne Interesse wird man lesen und sich darüber wundern, wie der heilige Jón, der das Heidenthum in seinen Namen, Liedern, Sitten mit Stumpf und Stiel auf Island auszurotten suchte, denselben Sæmund zu einem so nahen, ihm in der Förderung des Christenthums so treulich beistehenden Freunde haben konnte, der nachher das Gerücht über sich ergehen lassen musste, die heidnischen Gedichte der ältern Edda gesammelt zu haben.

Die Auswahl aus Grágas und Gulapingslög hat der Leser mit mir Herrn Prof. Maurer in München zu verdanken, von dessen juristischem Beistande auch das Glossar zeugen wird.

Sämmtliche hier mitgetheilte Lesestücke, möchten nun meine Vorlagen reine Abdrücke aus Handschriften sein oder nicht, erscheinen in einer und derselben orthographischen Form, wie diess Angesichts der Bestimmung dieses Buches nicht nur erlaubt, sondern auch nothwendig war. Die von mir befolgte Orthographie aber, deren Begründung in die Grammatik gehört, ist die in den neueren nordischen Ausgaben übliche, die, ein Ergebniss historisch-grammatischer Forschung einerseits, einer sorgfältigeren und umfassenderen Beobachtung der handschriftlichen Ueberlieferung andererseits,

wohl kaum noch wesentliche Veränderungen erleiden dürfte. Ausser Jacob Grimm waren mir Munch und Unger in dieser Beziehung nicht minder Fährer als Gislason.

Um jedoch dem Leser auch die Orthographie der Handschriften vorzuführen, ihn das Verhältniss zwischen überlieferter und normalisirter Orthographie kennen zu lehren, und ihn dadurch zugleich zum Lesen, zwar nicht von Handschriften, doch der nach Handschriften gedruckten Ausgaben vorzubereiten, habe ich anhangsweise eine chronologisch geordnete Reihe von Proben aus isländischen und norwiegischen Handschriften gegeben, die ich theils den trefflichen Facsimiles, womit mehrere der neueren Ausgaben geziert sind, theils dem überaus inhaltreichen und werthvollen Buche Konrad Gislasons: *Um frumparta islenzkrar tungu í fornöld* (Kopenhag. 1846), theils anderen zuverlässigen Werken entlehnt habe. Ich habe meine Vorlagen so getreu wiederzugeben gesucht, als es die mir zu Gebote stehenden Typen gestatteten und soweit dadurch der alleinige Zweck, der kein paläographischer, sondern ein orthographischer war, nicht beeinträchtigt wurde. Ohne dem Fleisse des Lesers vorzugreifen zu wollen, habe ich nur hier und da einer auffallenden Form die gewöhnliche in Klammern beigelegt, wohl auch dann und wann die Eigennamen durch grosse Anfangsbuchstaben ausgezeichnet.

Noch sei hier auf das merkwürdige aus Cod. AM. 645 4^o auf p. 290 mitgetheilte Stück besonders hingewiesen. Diese Handschrift, eine der ältesten und mit so vielen Abbreviaturen geschrieben, dass nach einer Notiz von der Hand des Arni Magnússon seiner Zeit nur ein Mann im Eyjafjord sie zu lesen vermochte, enthält unter anderen (postula sögur) auch Acta S. Clementis Romani. Hier nun hat der isländische Bearbeiter die im Original befindlichen Namen der griechisch-römischen Götter mit den nordischen vertauscht und den Jupiter durch Þórr, die Venus durch Freyja u. s. w.

wiedergegeben, wie dies auch zu Anfang der Trojumanna saga geschieht. In derselben Handschrift wird erzählt, dass Brutus und Cassius den Cäsar in Pörs höfi i Rumaborg erschlagen haben, und in einem Citat aus Hiob wird der Leviathan durch miðgarðsormr glossirt. — Der damit noch unbekannte Leser wolle übrigens aus der hier gegebenen Auswahl nicht den Eindruck mitnehmen, als stehe diese rück-sichtlich des Alters der Handschriften mit deren wirklicher Zahl in gleichem Verhältniss; vielmehr ist hier so ziemlich alles angegeben, was von den sehr wenigen Handschriften aus dem zwölften Jahrhundert bis jetzt aufgefunden worden, während der vom XIV. Jahrhundert an immer zunehmende Reichthum kaum angedeutet werden konnte. Von den in orthographischer Beziehung eines ganz besonderen Studiums würdigen Schriften aus der Hand des gelehrten Herrn Haukr Erlendsson (s. Catalog p. 100) durfte jedoch keine unver-treten sein.

Ich hatte die Absicht erläuternde Anmerkungen beizufügen; da diese jedoch nach der grösseren oder geringeren Nothwendigkeit sehr ungleich ausgefallen sein würden, habe ich es vorgezogen, was mir einer sachlichen und sprachlichen Erklärung zu bedürfen schien, in lexikalischer Form dem Glossar einzuverleiben; das Wenige, was ich p. 301 — 302 über die Verse gesagt, soll nur zu einem richtigen Lesen derselben anleiten. Für die Construction der visur in Gunnlaugs saga war ich allein auf Egilssons Wörterbuch (A—Ra) angewiesen; ob ich nicht vielleicht Unrecht gethan, einen mir sehr freundlich angebotenen Beistand unbenutzt zu lassen, mögen nachsichtige Sachkenner entscheiden.

Bei der angestrengtesten Sorgfalt ist es mir leider nicht gelungen, das Buch frei von Druckfehlern herzustellen. Ein vollständiges Verzeichniss derselben, da ich dergleichen Aerger-nissen noch mehreren zu begegnen fürchte, wird der andere Theil enthalten. Nur bitte ich schon jetzt folgende zu

berichtigen; 7, 10 *lies*: tekr; 32, 21 u. 20: bardagi und bardaga; 33, 22: ytra; 40, 6—9: vor glöð, rauk, ennit, valröf *Theilungsstriche*; 50, 27: gœðing; 53, 18: hans þar haug; 62, 22: kostnað at ryðja; 71, 16: Agnars; 78, 21: fulltings; 79, 22: trú; 80, 5: eykjum; 84, 9: títt; 84, 21: þessi; 85, 2: þá er þeir; 86, 1: fylgt; 102, 8: annarra; 104, 22 und 23 in eine Zeile; 107, 2: Haralds; 110, 22: Helgu; 160, 18: svannmærar; 164, 19: gengu.

INHALT

I. Aus SNORRA-EDDA

Pórr p. 1. — Pórr ok Útgarða-Loki p. 2 ff. —
 Pórr dregr Miðgarðsorminn p. 10 ff. — Pórr ok
 Hrungnir p. 12 ff. — Pórr ferr til Geirröðar-
 garða p. 15 ff. — Baldr p. 17 — Frá lífi
 Baldrs ok för Hermóðs til Heljar p. 18 ff. —
 Völsungar ok Niflungar p. 21 ff. — Hrólfr kraki
 p. 28. ff. — Héðinn ok Högni p. 30 ff. p. 1—31

II. FUNDINN NOREGR p. 31—34

III. YNGLINGA SAGA *mit Vorrede, aus HEIMS-*
KRINGLA p. 34—74

IV. Aus ÓLAFS SAGA HINS HELGA (hin minni)
 Ólafr ok Dala-Guðbrandr p. 75—82

V. Aus ÓLAFS SAGA HINS HELGA (hin meiri)
 Ólafs fall á Stiklarstöðum p. 82—98

VI. ÍSLENDINGABÓK p. 98—111

VII. Aus NJÁLS SAGA (*aus Rasks Oldnord.*
Læseb.) — Gunnarr á Hlíðarenda
 p. 111 ff. — Njáls brenna p. 125 ff. p. 111—134

VIII. GUNNLAUGS SAGA ORMSTUNGU OK SKÁLD-
 HRAFNS p. 135—166

IX. Aus HALLFREDAR SAGA VANDRÆDASKÁLDS (*neu*)
 Dauði Hallfreðar p. 167—168

- X. ÞORSTEINS SAGA SÍDUHALLSSONAR (*neu*) . p. 169—184
- XI. DRAUMR ÞORSTEINS SÍDUHALLSSONAR (*neu*) p. 184—186
- XII. HEMINGS ÞÁTTIR p. 186—203
- XIII. *Aus* ÞIDREKS SAGA AF BERN
Grimhildar hefnd p. 204—234
- XIV. *Aus* BARLAAMS SAGA
Josaphat ok hans faðir p. 235—240
- XV. *Aus* JÓNS SAGA HELGA (eptir Gunnlaug
munk) — Jón bisk. ok Sæmundr
hinn fróði p. 240 ff. — Um Jón
biskup p. 143 ff. p. 240—245
- XVI. *Aus* SPECULUM REGALE
Um hirð p. 245—255
- XVII. UM STAÐPROFIT, I. UM RADÐARSTAÐI . . p. 255—261
- XVIII. *Aus* GRÁGÁS (*nach dem Cod. reg., her-
ausgegeben von V. Finsen*) — Um
prest p. 261 ff. — Um fjórðungs
dóma p. 263 ff. — Um aðildir víg-
saka p. 264 ff. — Um dánarfé
p. 265 ff. — Um þurfamanna tíund
p. 269 ff. p. 261—270
- XIX. *Aus* GULAPINGSLÖG (hin eldri)
Leysingslög (Norg. gaml. Love I,
p. 29—37.) p. 270—281
- XX GRIDAMÁL (*aus* Heiðarviga saga) . . p. 282—283

Proben isländ. und norweg. Orthographie aus

Handschr. des XII.—XV. Jahrh. . p. 284—300

Anmerkungen zu den Versen p. 301—319

ANALLECTA NORRŒNA

E D D A

PÓRR

Pórr er ásanua framast, sá er kallaðr er Ásapórr eðr Ökupórr; hann er sterkastr allra guðanna ok manna. Hann á þar ríki, er Þrúðvangar heita, en höll hans heitir Bilskirnir: í þeim sal eru fimm hundruð gólfa ok fjórir tigur; þat er hús mest, svá at menn hafa gert. Svá segir í 5. Grímnismálum:

Fimm hundruð gólfa ok um fjórum tögum
svá hygg ek Bilskirni með hugum;
ranna þeirra er ek rept víta
mins veit ek mest magar.

10

Pórr á hafra tvá, er svá heita: Tanngnjóstr ok Tanngrisnir, ok reið, þá er hann ekr, en hafarnir draga reiðina; því er hann kallaðr Ökupórr. Hann á ok þrjá kostgripi: einn þeirra er hamarrinn Mjólnir, er hrímpursar ok bergrisar kenna, þá er hann kemr á lopt, ok er þat eigi undarligt; 15 hann hefir lamit margan haus á feðrum eðr frændum þeirra. Annan grip á hann beztan, megingjarðar, ok er hann spennir þeim um sik, þá vex hán um ásmegin hálfu. En þriðja hlut á hann þann, er mikill gripr er í, þat eru járnglófar; þeirra má hann eigi missa við hamars 20 skaptit. En engi er svá fróðr, at telja kunnir öll stórvirki

hans; en segja kann ek þér svá mörg tíðindi frá hánum, at dveljast munu stundirnar, áðr en sagt er allt þat er ek veit.

ÞÓRR OK ÚTGARDALOKI

Þat er upphaf þessa máls, at Ökupórr fór með hafra
 5 sína ok reið, ok með hánum sá áss, er Loki er kallaðr; koma þeir at kveldi til eins búanda ok fā þar náttstað. En um kveldit tók Þórr hafra sína ok skar báða, eptir þat vāru þeir flegnir ok bornir til ketils; en er soðit var, þā settist Þórr til náttverðar ok þeir lagsmenn. Þórr bauð
 10 til matar með sér búandanum ok konu hans ok börnum þeirra; sonr búa hét Þjálfi, en Röskva dóttir. Þā lagði Þórr hafrstökurnar utar frá eldinum ok mælti, at búandi ok heimatmenn hans skyldu kasta á hafrstökurnar beinumum. Þjálfi, son búanda, hélt á lærlegg hafrsins ok spretti á
 15 knífi sínum ok braut til mergjar. Þórr dvakdist þar of náttina; en í öttu fyrir dag stóð hann upp ok klæddi sik, tók hamarinn Mjólni ok brá upp, ok vígði hafrstökurnar, stóðu þā upp hafrarnir ok var þā annarr haltr eptra fæti. Þat fann Þórr ok taldi, at búandinn eða hans hjón mundi
 20 eigi skynsamliga hafa farit með beinum hafrsins; kennir hann, at brotinn var lærlegggrinn. Eigi þarf langt frá því at segja: vita megu þat allir, hversu hræddr búandinn mundi vera, er hann sá, at Þórr lét siga brytnar ofan fyrir augun; en þat er sá augnanna, þā hugðist hann falla mundu
 25 fyrir sjóninni einni samt: hann herði hendrnar at hamarskæptinu, svá at hvítuðu knúarnir. En búandinn gerði, sem vān var, ok öll hjúnin; kölluðu ákaflega, báðr sér fríðar: buðu, at fyrir kvæmi allt þat, er þau áttu. En er hann sá hræzlu þeirra, þā gekk af hánum móðrinn, ok
 30 sefaðist hann ok tók af þeim í sett börn þeirra, Þjálfu ok Rösku, ok gerðust þau þā skyldir þjónustumenn Þórs ok fylgja þau hánum jafnan síðan.

Lét hann þar eptir hafra, ok byrjaði ferðina austr í Jötunheima ok alt til hafsins, ok þá fór hann út yfir hafit þat it djúpa; en er hann kom til lands, þá gekk hann upp ok með hánum Loki ok Þjálf ok Röskva. Þá er þau höfðu litla hríð gengit, varð fyrir þeim mörk stór; gengu 5 þau þann dag allan til myrks. Þjálf var alra manna fót-hvatastr; hann bar kyl Þors, en til vista var eigi gott. Þá er myrkt var orðit, leituðu þeir sér til náttastaðar ok fundu fyrir sér skála nókkurn mjök mikinn, vátu dyrr á enda ok jafnbreiðar skálanum: þar leituðu þeir sér til náttbóls. En 10 of miðja nátt varð landskjálfti mikill, gekk jörðin undir þeim skykkjum, ok skalf húsit; þá stóð Þórr upp ok hét á lagsmenn sína, ok leituðust fyrir ok fundu afhús til hægri handar í miðjum skálanum ok gengu þanneg; settist Þórr í dyrrin, en önnur þau vátu innar frá hánum, ok vátu 15 þau hrædd, en Þórr hélt hamarskaptinu ok hugði at verja sik; þá beyrðu þau ym mikinn ok gny. En er kom at dagan, þá gekk Þórr út, ok sér, hvar lá maðr skamt frá hánum í skóginum, ok var sá eigi látill: hann svaf ok hraut sterkliga. Þá þóttist Þórr skilja, hvat látum verit hafði of 20 náttina; hann spennir sik megingjörðum, ok óx hánum ásmegin; en í því vaknar sá maðr ok stóð skjótt upp: en þá er sagt, at Þór varð þilt einu sinni, at slá hann með hamrinum, ok spurði hann at nafni, en sá nefndist Skrímir: en eigi þarf ek, sagði hann, at spyrja þik at 25 nafni, kenni ek, at þú ert Ásapórr; en hvárt hefir þú dregit á braut hanzka minn? Seildist þá Skrímir til, ok tók upp hanzka sinn; sér Þórr þá, at þat hafði hann haft of náttina fyrir skála, en afhúsit, þat var þumlungrinn hanzka-ans. Skrímir spurði, ef Þórr vildi hafa föruneysi hans, 30 en Þórr játti því. Þá tók Skrímir, ok leysti nestbagga sinn ok bjóst til at eta dögurð, en Þórr í öðrum stað ok hans félagar. Skrímir bauð þá, at þeir legðu mótaneysi sitt, en Þórr játti því; þá bauð Skrímir nest þeirra alt í

- cinn bagga ok lagði á bak sér; hann gekk fyrir of daginn ok steig heldr stórum, en síðan at kveldi leitaði Skrýmir þeim náttstaðar undir eik nökkurni mikilli. Þá mælti Skrýmir til Þórs, at hann vill leggjast niðr at sofa: en
- 5 þér takit nestbaggann ok búit til nátturðar yðr. Því næst sofnar Skrýmir ok hraut fast; en Þórr tók nestbaggann ok skal leysa: en svá er at segja, sem útrúligt mun þikkja, at engi knút fékk hann leyst ok engi álarendann breyft, svá at þá væri lausari en áðr. Ok er hann sér, at þetta
- 10 verk má eigi nýtast, þá varð hann reiðr; greip þá hamarinn Mjólni tveim höndum ok steig fram öðruin fæti at þar er Skrýmir lá, ok lýstr í höfuð hánun; en Skrýmir vaknar ok spyr, hvárt laufsblað nökkvart félli í höfuð hánun, eða hvárt þeir hefði þá matazt ok sé búnir til rekkna? Þórr
- 15 segir, at þeir munu þá sofa ganga. Ganga þau þá undir aðra eik. Er þat þér satt at segja, at ekki var þá ótta- laust at sofa. En at miðri nátt, þá heyrir Þórr, at Skrýmir hrýtr ok sefr fast, svá at dunar í skóginum. Þá stendr hann upp ok gengr til hans, reiðir hamarinn títt ok hart
- 20 ok lýstr ofan á miðjan hvirfil hánun: hann kennir, at hamars múðrinn sökkr djúpt í höfuðit. En í því bili vaknar Skrýmir ok mælti: hvat er nú? féll akarn nökkut í höfuð mér? eða hvat er títt um þik, Þórr? En Þórr gekk apr skyndiliga ok svarar, at hann var þá nývaknaðr, sagði, at
- 25 þá var miðnátt ok enn væri mál at sofa. Þá hugsaði Þórr þat, ef hann kvæmi svá í færi, at slá hann it þriðja högg, at aldri skyldi hann sjá sik síðan: ligr nú ok gætir, ef Skrýmir sofnaði fast. En litlu fyrir dagan þá heyrir hann, at Skrýmir mun sofnat hafa, stendr þá upp ok bleypr at
- 30 hánun, reiðir þá hamarinn af öllu afli ok lýstr á þunn- vangann, þann er upp vissi: sökkr þá hamarinn upp at skaptinu. En Skrýmir settist upp ok strauk of vangann ok mælti: hvárt munu fuglar nökkurir sitja í trénu yfir mér? mik grunar, er ek vaknaða, at tros nökkut af kvist-

unum félli í höfuð mér; hvárt vakir þú, Þórr? Mál mun vera upp at standa ok klæðast, en ekki eigut þér nú langa leið fram til borgarinnar, er kallað er Útgardr. Heyrt hefi ek, at þér hafist kvísat í milli yðvar, at ek vara ekki líkill maðr vexti, en sjá ekulut þér þar stærri menn, er þér komit 5 í Útgardr. Nú mun ek ráða yðr heilræði: látit þér eigi stórliga yfir yðr, ekki munu hirðmenn Útgardaloka vel þola þvilikum kógursveinum kóprrði; en at öðrum kosti hverfist aptr, ok þann ætla ek yðr betra af at taka. En ef þér vilit fram fara, þá stefnit þér í austr, en ek á nú norðr 10 leið til fjalla þessa, er nú munut þér sjá mega. Tekr Skrymir nestbaggann, ok kastar á bak sér, ok snýr þvers á braut í skóginn frá þeim, ok er þess eigi getit, at æsirnir bæði þá heila hittast.

Þórr fór fram á leið ok þeir félagar, ok gékk fram 15 til miðs dags; þá sá þeir borg standa á völlum nökkurum, ok settu hnakkann á bak sér aptr, áðr þeir féngu sét yfir upp; ganga til borgarinnar, ok var grind fyri borghliðinu ok lokin aptr. Þórr gékk á grindina ok fékk eigi upp lokit; en er þeir þreyttu at komast í borgina, þá smugu 20 þeir milli spalanna, ok kómu svá inn, sá þá höll mikla, ok gengu þanneg; var hurðin opin; þá gengu þeir inn ok sá þar marga menn á tvá bekki ok flesta ærit stóra. Því næst koma þeir fyrir konunginn Útgardaloka ok kvöddu hann, en hann leit seint til þeirra, ok glötti um tönn, ok 25 mælti: seint er um langan veg at spyrja tíðinda, eða er annan veg, en ek hygg, at þessi sveinstauli sé Ökubórr? en meiri mántu vera, en mér lízt þú; eða hvat íþrótt er þat, er þér félagar þykkist vera viðbúin? Engi skal hér vera með oss, sá er eigi kunni nökkurskonar list eða kuðn- 30 andi umfram flesta menn. Þá segir sá, er síðarst gékk, er Loki heitir: kann ek þá íþrótt, er ek em albuinn at reyna, at eingi er hér sá inni, er skjótara skal eta mat sinn en ek. Þá svarar Útgardaloki: íþrótt er þat, ef þú

- esfir, ok freista skal þá þessar ípróttar; kallaði utar á
 þekkin, at sá, er Logi heitir, skal ganga á gólf fram ok
 freista sín móti Loka. Þá var tekit trog eitt ok borit inn
 á hallargólfrit ok fylt af slátri: settist Loki at öðrum enda,
 5 en Logi at öðrum, ok át hvárrtveggi sem tíðast, ok mœttust
 í miðju troginu; hafði þá Loki etit slátr alt af beinum,
 en Logi hafði ok etit slátr alt ok heinin með ok svá
 trogit; ok sýndist nú öllum, sem Loki hefði látit leikinn.
 Þá spyrr Útgardaloki, hvat sá hinn ungi maðr kunni leika.
 10 En Þjálfi segir, at hann mun freista at renna skeið nokkur
 við einnhvern, þann er Útgardaloki fær til. Hann segir,
 Útgardaloki, at þetta er góð íprótt, ok kallar þess meiri
 ván, at hann sé vel at sér búinn of skjótleik, ef hann
 skal þessa íprótt inna; en þó lætr hann skjótt þessa skulu
 15 freista. Stendr þá upp Útgardaloki ok gengr út, ok var
 þar gott skeið at renna eptir sléttum velli. Þá kallar
 Útgardaloki til sín sveinstaula nökkurn, er nefndr er Hugi,
 ok bað hann renna í köpp við Þjálf. Þá taka þeir it
 fyrsta skeið, ok er Hugi því framarr, at hann snýst aptr
 20 í móti hánum at skeiðs enda. Þá mælti Útgardaloki: Þurfa
 muntu, Þjálf, at leggja þik meirr fram, ef þú skalt vinna
 leikinn; en þó er þat satt, at ekki hafa hér komit þeir
 menn, er mér þykkir fóthvatari en svá. Þá taka þeir aptr
 annat skeið, ok þá er Hugi er kominn til skeiðs enda ok
 25 hann snýst aptr, þá var langt kólfeskot til Þjálf. Þá mælti
 Útgardaloki: vel þikkja mér þit renna skeiðit; en eigi trúi
 ek hánum nú, at hann vinni leikinn, en nú mun reyna,
 er þeir renna it þriðja skeiðit. Þá taka þeir ean skeið;
 en er Hugi er kominn til skeiðs enda ok snýst aptr, ok
 30 er Þjálf eigi þá kominn á mitt skeiðit: þá segja allir, at
 reynt er um þenna leik. Þá spyrr Útgardaloki Þór, hvat
 þeirra ípróttu mun vera, er hann muni vilja hjerta fyrir
 þeim, svá miklar sögur sem menn hafa gjört um stórvirki
 hans. Þá mælti Þórr, at helzt vill hann þat taka til, at

þreyta drykkju við einhvern mann. Útgarðaloki segir, at þat má vel vera, ok gengr inn í höllina ok kallar skutilsvein sinn, biðr, at hann taki vítiðhorn, þat er hirtumenn eru vanir at drekka af. Því næst kemr fram skutilsveinn með horninu ok fær Þórr í hönd. Þá mælti Útgarðaloki: 5 af horni þessu þykkir þá vel drækkit, ef í einum drykk gengr af, en samir menn drekka af í tveim drykkjum, en engi er svá litill drykkjumaðr, at eigi gangi af í þrimr. Þórr litr á hornit, ok sýnist ekki mikit, ok er þó heldr langt, en hann er mjök þyrstr; tekkr at drekka ok svelgr 10 alstórum ok hyggr, at eigi skal þurfa at lúta optar at sinni í hornit. En er hann þraut eyrindit, ok hann laut or horninu, ok sér, hvat leið drykkinum, ok lizt hánun svá, sem allitill munr mun vera, at nú sé lægra í horninu, en áðr. Þá mælti Útgarðaloki: vel er drukkit, ok eigi til 15 mikit; eigi mundak trúa, ef mér væri sagt frá, at Ásaþórr mundi eigi meira drykk drekka; en þó veit ek, at þú munt vilja drekka af í öðrum drykk. Þórr svarar öngu, setr hornit á munn sér ok hyggr nú, at hann skal drekka meira drykk, ok þreytir á drykkjana, sem hánun vannet til eyr- 20 indi, ok sér enn, at stikillinn hornsins vill ekki upp svá mjök, sem hánun líkar; ok er hann tók hornit af munni sér, ok sér, lizt hánun nþ svá, sem minna hafi þorrat, en í hinu fyrri sinni: er nú gott berandi borð á horninu. Þá mælti Útgarðaloki: hvat er nú, Þórr? muntu nú eigi 25 sparast til eins drykkjar meira, en þér mun hagr á vera? Svá lizt mér, ef þú skalt nú drekka af horninu hinn þriðja drykkinn, sem þessi mun mestr ælaðr; en ekki muntu mega hér með oss heita svá mikill maðr, sem æsir kalla þik, ef þú gerir eigi meira af þér um aðra leika, en mér 30 lizt sem um þenna mun vera. Þá varð Þórr reiðr, setr hornit á munn sér, ok drekk, sem ákastigast má hann, ok þreytir sem lengst á drykkinn; en er hann sá í hornit, þá hafði nú helzt nokkut mún á fengið, ok þá býr hann

- upp hornit, ok vill eigi drekka meira. Þá mælti Útgarda-
 loki: auðsét er nú, at máttir þín er ekki svá mikill, sem
 vér hugðum; en viltu freista um fleiri leika? sjá má nú,
 at ekki nýtir þú hér af. Þórr svarar: freista má ek enn
 5 of nökkura leika, en undarliga mundi mér þykkja, þá er
 ek var heima með ásum, ef þvílíkir drykkir væri svá litlir
 kallaðir. En hvat leik vilit þér nú bjóða mér? Þá mælti
 Útgardaloki: þat gera hér ungir sveinar, er lítit mark mun
 at þykkja, at hefja upp af jörðu kött minn; en eigi mundak
 10 kunna at mæla þvílíkt við Ásapór, ef ek hefða eigi sét
 fyrr, at þú ert miklu minni fyrir þér, en ek hugða. Því
 næst hljóp fram köttur einn grár á hallargólfit ok heldr
 mikill; en Þórr gékk til ok tók þendi sinni niðr undir
 miðjan kviðinn ok lypti upp, en kötturinn baugði hangit,
 15 svá sem Þórr rétti upp höndina; en er Þórr seildist svá
 langt upp, sem hann mátti lengst, þá létu kötturinn einum
 fœti, ok fær Þórr eigi framit þenna leik. Þá mælti Út-
 gardaloki: svá fór þessi leikr, sem mik varði; kötturinn er
 heldr mikill, en Þórr er lágr ok lítill hjá stórmenni því,
 20 sem hér er með oss. Þá mæltu Þórr: svá lítinn sem þér
 kallit mik, þá gangi nú til einnhverr ok fáiast við mik, nú
 em ek reiðr. Þá svarar Útgardaloki, ok litast um á bekk-
 ina, ok mælti: eigi sé ek þann mann hér inni, er eigi
 mun litliræði í þykkja, at fást við þik; ok enn mælti hann:
 25 sjám fyrst, kalli mér hingat kerlinguna, föstru mína, Elli,
 ok fáiast Þórr við hana, ef hann vill; felt hefir hon þá
 menn, er mér hafa litizt eigi ústerkligri, en Þórr er. Því
 næst gékk í höllina kerling ein gömul. Þá mælti Útgarda-
 loki, at hon skal taka fang við Ásapór. Ekki er langt um
 30 at gera: svá fór fang þat, at því harðara er Þórr knúðist,
 at fanginu, því fastara stóð hon; þá tók kerling at leita
 til bragða, ok varð Þórr þá lauss á sötum, ok váru þær
 sviptingar allharðar, ok eigi lengi, áðr en Þórr féll á kné
 öðrum fœti. Þá gékk til Útgardaloki, bað þau hætta fanginu,

ok sagði svá, at Þórr mundi eigi þurfa at hjóða fleirum mönnum fang á hans höll; var þá ok liðit á nátt, vísaði Útgarðaloki Þór ok þeim félögum til sætis, ok dveljast þar náttlangt í góðum fagnaði.

En at morni, þegar dagaði, stendr Þórr upp ok þeir 5 félagar, klæða sik, ok eru búnir braut at ganga. Þá kom þar Útgarðaloki, ok lét setja þeim borð; skorti þá eigi góðan fagnað, mat ok drykk. En er þeir hafa matazt, þá snúast þeir til ferðar. Útgarðaloki fylgir þeim út, gengr með þeim braut or borginni, en at skilnaði, þá mælti Útgarðaloki til Þórs, ok spyrr, hverneg hánur þykkir ferð sin orðin, eða hvárt hann hefir hjtt rikara mann nökkurn, en sik. Þórr svarar, at eigi mun hann þat segja, at eigi 10 hafi hann mikla úsæmd færit í þeirra viðskiptum: en þó veit ek, at þér munut kalla mik lítinn mann fyrir mér, ok 15 umi ek því illa. Þá mælti Útgarðaloki: nú skal segja þér it sanna, er þú ert út-kominn or borginni, at ef ek lifa ok megak ráða, þá skaltu aldri optar í hana koma; ok þat veit trúa mín, at aldri hefir þú í hana komit, ef ek hefða vitat áðr, at þú hefir svá mikinn kragt með þér, ok. 20 þú hefir svá nær haft oss mikilli úferu. En sjónhverfingar hefi ek gert þér, svá at fyrsta sinn, er ek fann þik á skóginum, kom ek til fundar við yðr; ok þá er þú skyldir leysa nestbaggann, þá hafðak þundit með gresjarni, en þú fant eigi, hvar upp skyldi lúka. En því næst laust þú mik með 25 hamrinum þrjú högg, ok var it fyrsta minst, ok var þó svá mikit, at mér mundi endast til bana, ef á hefði komit; en þar er þú sátst hjá höll minni setberg, ok þar sátstu ofan í þrjá dali ferskeytta, ok einn djúpastan, þar varu hamarspor þín; setberginu brá ek fyrir högginn, en eigi 30 sátst þú þat. Svá var ok of leikana, er þér þreyttut við hirðmenn mína, þá var þat it fyrsta, er Loki gerði: hann var mjök soltinn, ok át titt, en sá er Logi hét, þat var villieldr, ok brendi hann eigi seinna slátrit en trogit. En

er Þjálf þreytti rásina við þana, er Hugi hét, þat var hugi minna, ok var Þjálf eigi vænt; at þreyta skjótsfæri hans. En er þú drakt af horninu, ok þótti þér seint líða: en þat veit trúa min, at þá varð þat undr, er ek munda eigi trúa at vera mætti; annarr endir hornsins var út í hafi, en þat sátta eigi; en nú, er þú kemr til sjávarins, þá muntu sjá mega, hvern þuð þú hefir drukkit á sænum: þat eru nú fjórir kallaðar. Ok enn mælti hann: eigi þótti mér hitt minna vera vert, er þú lyptir upp hettinum, ok þér satt at segja, þá hræddust allir, þeir er sá, er þú lyptir af jörðu einum fœtinum; en sá köttir var eigi, sem þér sýndist: þat var Miðgarðsormr, er liggir um lönd öll, ok vannast hán um varliga lengðin til, at jörðina tæki sporðr ok höfuð; ok svá langt seildist þú upp, at skamt var þá til himins.

En hitt var ok mikit undr um fangit, er þú fékkst við Elli; fyrir því at engi hefir sá orðit, ok engi mun verða, ef svá gamall er, at elli biðr, at eigi komi ellin öllum til falls. Ok er nú þat satt at segja, at vér munum skiljast, ok mun þá betr hváratveggju handar, at þér komit eigi optar mik at hitta; ek mun enn annat sinn verja borg mína með þvílíkum velum oða öðrum, svá at ekki vald munut þér á mér fá. En er Þórr heyrði þessa tölu, greip hann til hamarsins, ok bregðr á lopt; en er hann skal fram reiða, þá sér hann þar hvergi Útgardaloka, ok þá snýr hann aptr til borgarinnar, ok ætlast þá fyrir at brjóta borgina; þá sér hann þar völlu víða ok fagra, en önga borg. Snýr hann þá aptr ok ferr leið sína, til þess er hann kom aptr í Þrúðvanga. En þat er satt at segja, at þá hafði hann ráðit fyrir sér at leita til, ef saman mætti bera fœndi þeirra

30 Miðgarðsorms, sem síðan varð.

ÞÓRR DREGR MIDGARDSORMINN

Þórr dvaldist ekki lengi heima, áðr hann bjóst svá skyndiliga til ferðarinnar, at hann hafði eigi reið ok eigi

hafrana ok ekki föruneysi. Gékk hann út of Miðgarð, svá
 sem ungr drengr, ok kom einn aptan at kveldi til jötuns
 nökkurs; sá er Ýmir nefndr. Þórr dvældist þar at gíslingu
 of náttina. En í dagan stóð Ýmir upp ok klæddist, ok
 bjóst at róa á sæ til fiskjar. En Þórr spratt upp ok var s
 skjótt búinn ok bað, at Ýmir skyldi hann láta róa á sæ
 með sér, en Ýmir segir, at lítill líðsemd mundi at hánun
 vera, er hann var lítill ok ungmenni eitt: ok mun þik kala,
 ef ek sit svá lengi ok utarlíga, sem ek em vanr. En Þórr
 sagði, at hann mundi róa mega fyrir því frá landi, at eigi 10
 var víst, hvárt hann mundi fyrr beiðast at róa utan; ok
 reiddist Þórr jötuninum svá, at þá var búið, at hann mundi
 þegar láta hamarinn skjalla hánun; en hann lét þat við
 berast, því at hann hugðist þá at reyna æli sitt í öðrum
 stað. Hann spurði Ými, hvat þeir skyldu hafa at beitunum, 15
 en Ýmir bað hann fá sér sjálfan beitun. Þá snerist Þórr
 á braut, þægat er hann sá óxnaflökk nökkurn, er Ýmir
 átti: hann tók hinn mesta uxann, er Himinbrjótr hét, ok
 sleit af höfuðit, ok fór með til sjóar; hafði þá Ýmir út skotit
 nökkvanun. Þórr gékk á skipit ok settist í austrúm, tók 20
 tvær árar ok reyri, ok þótti Ými skriðr verða af róðri hans.
 Ýmir róði í hálsinum fram, ok sóttist skjótt róðrinn; sagði
 þá Ýmir, at þeir váru komnir á þær vastir, er hann var
 vanr at sitja ok draga flata flska; en Þórr kvezt vilja róa
 miklu lengra, ok tóku þeir enn snerúróðr; sagði Ýmir þá, 25
 at þeir váru komnir svá langt út, at hætt var at sitja utar
 fyrir Miðgarðsormi, en Þórr kvezt mundu róa eina bríð,
 ok svá gerði hann, en Ýmir var þá allúkátr. En þá er
 Þórr lagði upp árarar, greiddi hann til vað heldr sterkjan,
 ok ei var öngullinn minni eða úramligri; þar lét Þórr koma 30
 á öngullinn óxahöfuðit, ok kastaði fyrir borð, ok fór öng-
 ullinn til grunns, ok er þá svá satt at segja, at engu minnr
 gínti þá Þórr Miðgarðsormi, en Útgardaloki hafði spottað,
 Þórr, þá er hann tók orminn upp á hendi sér. Miðgarðs-

- ormr gein yfir öxahöfuðit, en öngullinn vá í góminn orminum; en er ormrinn kendi þess, brá hann við svá hart, at báðir hnefar Þórs skullu út at borðinu; en þá varð Þórr reiðr, ok færðist í ásmegin, spyrndi við svá fast, at
- 3 hann hljóp báðum fótum gögnum skipit, ok spyrndi við grunni, dró þá orminn upp at borði. En þat má segja, at engi hefir sá sét ógurligar sjónir, er eigi mátti þat sjá; er Þórr hvesti augun á orminn, en ormrinn starði neðan í mót, ok blés eitrinu. Þá er sagt, at jötunninn Ýmir
- 10 gerðist litverpr, fölnaði ok hræddist, er hann sá orminn ok þat, er særinn féll út ok inn of nökkvann: ok í því bili er Þórr greip hamarinn, ok færði á lopt, þá fálmaði jötunnninn til agnsaxinu, ok hjó vað Þórs af borði; en ormrinn sóktist í sæinn; en Þórr kastaði hamrinum eptir hánun,
- 15 ok segja menn, at hann lysti af hánun höfuðit við grunninum; en ek hygg hitt vera, þér satt at segja, at Miðgarðsormr lifir enn, ok ligger í umsjá. En Þórr reiddi til hnefann, ok setr við eyra Ými, svá at hann steypmist fyrir borð, ok sér í iljar hánun, en Þórr óð til lands.

ÞÓRR OK HRUNGNIR

- 20 Þórr var farinn í austrvega at berja tröll, en Óðinn reið Sleipni í Jötunheima ok kom til þess jötuns, er Hrungnir hét. Þá spyr Hrungnir, hvat manna sá er með gullhjálminn, er riðr lopt ok lög, ok segir, at hann á furður göðan hest. Óðinn sagði, at þar vill hann veðja fyrir
- 25 höfði sínu, at engi hestr skal vera jafngóðr í Jötunheimum. Hrungnir segir, at sá er góðr hestr, en hafa lézt hann mundu miklu stórfetaðra hest: sá heitir Gullfaxi. Hrungnir varð reiðr ok hleypr upp á hest sinn ok hleypir eptir hánun ok hyggir at launa hánun ofrmæli. Óðinn hleypti
- 30 svá miklit, at hann var á öðru leiti fyrir; en Hrungnir var í svá miklum jötunmöð, at hann fann eigi fyrr, en hann sótti inn of Ásgrindr. Ok er hann kom at haflardurum,

haðu æsir hánnum til drykkju; hann gekk í höllina ok
 hað fá sér drykkju; váru þá teknar þær skálin, er Þórr
 var vanr at drekka or, ok snerti Hrungrnir or hverri. En
 er hann gerðist drukkinna, þá skorti eigi stór orð: hann lézt
 skyldu taka upp Valhöll ok færa í Jötunheima, en sökkva 5
 Ásgarði, en drepa guð öll, nema Freyju ok Sif vill hann
 heinn færa með sér; en Freyja fór þá at skenkja hánnum: ok
 drekka lézt hann mundu alt ásaöl. En er ásum leiddust
 ofyrði hans, þá nefna þeir Þór. Því næst kom Þórr í
 höllina ok hafði uppi á lopti hamarinn ok var allreiðr ok 10
 spyrr, hverr því ræðr, er jötnar hundvisir skulu þar drekka,
 eða hverr seldi Hrungni grið at vera í Valhöll, eða hvi
 Freyja skal skenkja hánnum, sem at gildi ása. Þá svarar
 Hrungrnir, ok sér ekki vinaraugum til Þórs: sagði, at Óðinn
 bauð hánnum til drykkju, ok hann var á hans griðum. Þá 15
 mælti Þórr, at þess boða skal Hrungrnir iðrast, áðr hann
 komi út. Hrungrnir segir, at Ásaþór er þat lítill frami, at
 drepa hana vápalausn; hitt er meiri hugraun, ef hann
 þorir at berjast við hann at landamæri á Grjótunagörðum:
 ok hefir þat verit mikit fólksuverk, sagði hann, er ek lét 20
 eptir heima skjöld minn ok hein; en ef ek hefða hér vörn
 mín, þá skyldu við nú reyna hólmgönguna, en at öðrum
 kosti, legg ek þér við niðingsskap, ef þú vill drepa mik
 vápalausn. Þórr vill fyrir öngan mun bila at koma til
 einvígis, er hánnum var hólmr skoraðr, því at engi hefir 25
 hánnum þat fyrr veitt. Fór þá Hrungrnir braut leið sína
 ok hleypti ákastiga, þar til er hann kom í Jötunheima; ok
 var fór hans allfræg með jötnum, ok þat, at stefnulaag var
 komit á með þeim Þór. Þóttust jötnar hafa mikit í ábyrgð,
 hverr sigr fengi: þeim var ills ván at Þór, ef Hrungrnir 30
 létist, fyrir því at hann var þeirra sterkastr. Þá gerðu
 jötnar mann á Grjótunagörðum af leiri, ok var hann núa
 rasta hár, en þriggja breiðr undir hönd, en ekki féngu
 þeir hjarta svá mikit, at hánnum sómdi, fyrr en þeir tóku

or meri nákkurri, ok varð hánúm þat eigi stöðugt, þá er
 Þórr kom. Hrungrir átti hjarta þat, er frægt er, af hörðum
 steini ok tindótt með þrim hornum, svá sem síðan er gert
 ristubragð þat, er Hrungrishjarta heitir; af steini var ok
 5 höfuð hans, skjöldr var ok steinn víðr ok þykk, ok hafði
 hann skjöldinn fyrir sér, er hann stóð á Grjótnagörðum
 ok heið Þórs, en hein hafði hann fyrir vápn ok reiddi of
 öxl ok var ekki dælligr. Á aðra hlið hánúm stóð leirjöt-
unninn, er nefndr er Mökkrkálfi, ok var hann allhræddr:
 10 svá er sagt, at hann meig, er hann sá Þór. Þórr fór til
 hölmstefnu ok með hánúm Þjálfí. Þá rann Þjálfí fram at,
 þar er Hrungrir stóð, ok mælti til hans: þú stendr úvarliga,
 jötunn, hefir skjöldinn fyrir þér, en Þórr hefir sét þik, ok
 ferr hann it neðra í jörðu, ok mun hann koma neðan at
 15 þér. Þá skaut Hrungrir skildinum undir fœtr sér ok stóð
 á, en tvíhendi heinina. Því næst sá hann eldingar ok
 heyrði þrumur stórar; sá hann þá Þór í ásmóði, fór hann
 ákafliga ok reiddi hamarinn ok kastaði um langa leið at
 Hrungni. Hrungrir fœrir upp heinina báðum höndum, kastar
 20 í mót; mætir hon hamrinum á flugi, ok brotnar sundr
 heinin, sellr annarr lutr á jörð, ok eru þar af orðin öll
 heinberg; annarr hlutr brast í höfði Þór, svá at hann féll
 fram á jörð; en hamarrinn Mjólnir kom í mitt höfuð
 Hrungni, ok lamdi hausinn í smá mola, ok féll hann fram
 25 yfir Þór, svá at sótr hans lá of háls Þór. En Þjálfí vá at
 Mökkrkálfa, ok féll hann við litinn orðstír. Þá gekk Þjálfí
 til Þórs, ok skyldi taka fót Hrungris af hánúm, ok gat
 hvergi valdit. Þá géngu til æsir allir, er þeir spurðu, at
 Þórr var fallinn, ok skyldu taka fótinn af hánúm, ok fengu
 30 hvergi komit. Þá kom til Magni, sonr Þórs ok Járnsöxu,
 hann var þá þrínættir; hann kastaði fœti Hrungris af Þór
 ok mælti: sé þar ljótan liarm, faðir, er ek kom svá stöð,
 ek hygg, at jötun þenna mundak hafa lóstit í hel með
 hnefa mér, ef ek hefða fundit hann. Þá stóð Þórr upp,

ok fagnaði vel syni sínum; ok sagði hann mundi verða mikinn fyrir sér: ok vil ek, sagði hann, gefa þér hestinn Gullfaxa, er Hrungnir hafði átt. Þá mælti Óðinn ok sagði, at Þórr gerði rangt, er hann gaf þann hinn góða hest gýgjar syni, en eigi söður sínum. Þórr fór heim til Þrúðvanga, ok stóð heinin í höfði hánum. Þá kom til vélva sú, er Gróa hét, koma Örvandils hins frækna; hon gét galdra sína yfir Þór, til þess er heinin lonaði. En er Þórr sá þat, ok þótti þá ván, at braut mundi ná heininni, þá vildi hann launa Gró lækningina, ok gera hana sögu: sagði henni þau tíðindi, at hann hafði vaðit norðan yfir Elivága, ok hafði borit í meis á baki sér Örvandil norðan er Jötunheimum, ok þat til jartegna, at ein tá hans hafði staðit or meisinom, ok var sú frerin, svá at Þórr braut af, ok kastaði upp á himin, ok gerði af stjörnu þá, er heitir Örvandils-tá. Þórr sagði, at eigi mundi langt til; at Örvandill mundi heim koma. En Gróa varð svá segin, at hon mundi ónga galdra, ok varð heinin eigi lausuri ok stendr enn í höfði Þór. Ok er þat boðit til varnunar, at kasta hein of gólf þvert, því at þá hrærist heinin í höfuð Þór. 20

ÞÓRR FERR TIL GEIRRÖDARGARÐA

Mikillar frásagnar er þat vert, er Þórr fór til Geirröðargarða; þá hafði hann eigi hamarinn Mjölni eða megingjardar eða jarngreipr, ok ölli því Loki; hann fór með hánum; því at Loka hafði þat hent, þá er hana flaug einu sinni at skemta sér með valsham Friggjar, at hann flaug fyrir forvitni sakar í Geirröðargarða ok sá þar höll mikla, settist ok sá inn of glugg; en Geirröðr leit í móti hánum ok mælti, at taka skyldi fuglinn ok færa hánum; en sendi maðr komst nauðuliga á hallarvegginn, svá var hann hár; þat þótti Loka gott; er hann sótti erfiðliga til hans, ok so alls sér stund; at fljuga eigi upp, fyrir en hann hafði ferit allt kortið. En er maðrinn sótti at hánum, þá hefir

hann fluginn ok spyrnir við fast, ok eru þá setnir fastir; var Loki tekinn þar höndum ok færðr Geirröði jötni. En er hann sá augu hans, þá grunaði hann, at meðr mundi vera, ok bað hann svara, en Loki þagði. Þá læsti Geirröðr Loka í kistu, ok sveltí hann þar þrjá mánuði. En þá er Geirröðr tók hann upp, ok beiddi hann orða: ok sagði Loki, hverr hann var, ok til fjörlausnar vann hann Geirröði þess eiða, at hann skyldi koma Þór í Geirröðargarða, svá at hann hefði hvárki hamarinn né megingjarðar.

10 Þórr kom til gistingar til gýgjar þeirrar, er Gríðr er kölluð, hon var móðir Viðars hins þögl; hon sagði Þór satt frá Geirröði, at hann var jötnunn hundviss ok illr viðr-eignar; hon léði hánun megingjarða ok jarngreipr, er hon átti, ok staf sinn, er heitir Gríðarvöl. Þá fór Þórr til ár þeirrar, er Vimur heitir, allra á mest. Þá spenti hann sik megingjörðum, ok studdi forstreymis Gríðarvöl, en Loki hélt undir megingjarðar. Ok þá er Þórr kom á miðja ána, þá óx svá mjök áin, at uppi braut á öxl hánun. Þá kvað Þórr þetta:

20 Vaxattu nú, Vimur, alls mik vaða tíðir
jötna garða í!
Veiztu, ef þú vex, at þá vex mér ásmegin
jafnhátt upp, sem himinn?

Þá sér Þórr uppi í gljúfrum nökkurum, at Gjalp, dóttir 25 Geirröðar, stóð þar tveim megin árinna, ok gerði hon árvöxtinn. Þá tók Þórr upp or ánni stein mikinn ok kastaði at henni ok mælti svá: at ósi skal á stemma. Eigi misti hann, þar er hann kastaði til. Ok í því bili bar hann at landi ok fékk tekit reynirunu nökkurn ok steig 30 svá or ánni; því er þat orðtak haft, at reynir er björg Þórs. En er Þórr kom til Geirröðar, þá var þeim félögum vísat fyrst í gestahús til herbergis, ok var þar einn stóll til sætis, ok sat þar Þórr. Þá varð hann þess varr, at stóllinn

fór undir hánnum upp at ræfri. Hann stakk Griðarveli upp í raptana ok lét sigast fast á stólinn, varð þá brestr mikill ok fylgði skrækr mikill. Þar höfðu verit undir stólinum dætr Geirröðar, Gjálp ok Greip, ok hafði hann brotit brygginn í báðum. Þá kvað Þórr:

Einu sinni neyttak ásmegins

jötna görðum í:

þá er Gjálp ok Greip, Geirraðar dætr,

vildu hefja mik til himjns.

Þá lét Geirröðr kalla Þór í höllina til leika. Þar vátu 10 eldar stórir eptir endilangri höllinni; en er Þórr kom í höllina gagnvart Geirröði, þá tók Geirröðr með tång jarnsju glóandi ok kastar at Þór, en Þórr tók í móti með jarngreipum ok færir á lopt síuna, en Geirröðr hljóp undir jarnsúlu at forða sér. Þórr kastaði síunni ok laust gögn- 15 um súluna, ok gögnum Geirröð, ok gögnum vegginn, ok svá fyrst utan í jörðina.

BALDR

Annarr son Óðins er Baldr, ok er frá hánnum gott at segja: hann er bestur, ok hann lofa allir. Hann er svá fagr álitum ok bjartr, svá at lýsir af hánnum, ok eitt gras er svá 20 hvítt, at jafnat er til Baldrs brár, þat er allra grasa hvítast; ok þar eptir máttu marka hans fegurð, bæði hár ok líki; hann er vitrastr ásanna ok fegrst talaðr ok líknsam- astr. En sú náttúra fylgir hánnum, at engi má haldast dóm- hans. Hann býr þar sem heitir Breiðablik, þat er á himni; 25 í þeim stað má ekki vera úhreint, svá sem hér segir:

Breiðablik heita, þar er Baldr hefir

sér of gerva sali;

í því landi er ek liggja veit

fæsta feiknstafi.

FRÁ LIFLÁTI BALDRS OK FÖR HERMÓÐS TIL HELJAR.

- Pat er upphaf þessarrar sögu, at Baldr hinn góða dreymdi drauma stóra ok hættliga um líf sitt. En er hann sagði ásunum draumana, þá báru þeir saman ráð sín, ok var, þat gert, at heiða griða Baldri fyrir allskonar háska: ok
- 5 Frigg tók svardaga til þess, at eira skyldu Baldri eldr ok vatn, járn ok allskonar málmr, steinar, jörðin, víðirnir, sóttirnar, dýrin, fuglarnir, eitrormar. En er þetta var gert ok vitat, þá var þat skemtun Baldrs ok ásanna, at hann skyldi standa upp á þingum, en allir aðrir skyldu sumir
- 10 skjóta á hann, sumir höggva til, sumir berja grjóti. En hvat sem at var gert, sakaði hann ekki, ok þótti þetta öllum mikill frami. En er þetta sá Loki Laufeyjarson, þá líkaði hán um illa, er Baldr sakaði ekki. Hann gékk til Fensalar til Friggjar, ok brá sér í konu líki; þá spyrr
- 15 Frigg, ef sú kona vissi, hvat æsir höfðust at á þinginu. Hon sagði, at allir skutu at Baldri, ok þat, at hann sakaði ekki. Þá mælti Frigg: eigi munu vǫpn eða víðir granda Baldri; eiða hefi ek þegit af öllum þeim. Þá spyrr konan: hafa allir hlutir eiða unnit at eira Baldri? Þá svarar Frigg:
- 20 vex víðarteinungr einn fyrir austan Yalhöll; sá er Mistilteininn kallaðr: sá þótti mér ungr at krefja eiðsins. Því næst hvarf konan á braut; en Loki tók Mistiltein ok sleit upp, ok gékk til þings. En Höðr stóð utarlíga í mannhringinum, þvíat hann var blindr. Þá mælti Loki við hann:
- 25 hvi skytr þú ekki at Baldri? Hann svarar: því at ek sé eigi, hvar Baldr er, ok þat annat, at ek em vǫpnlauss. Þá mælti Loki: gerðu þó í líking anarra manna, ok veit Baldri soemð, sem aðrir menn; ek mun vísa þér til, hvar hann stendr: skjót at hán um vendi þessum. Höðr tók Mistiltein
- 30 ok skaut at Baldri at tilvísun Loka: flaug skotit í gögnum hann, ok féll hann dauðr til jarðar, ok hefir þat mest úhapp verit unnit með goðum ok mönnum. Þá er Baldr

var fallinn, þá féllust öllum ásum orðtók ok svá hendr at taka til hans, ok sá hvern til annars, ok váru allir með einum hug til þess, er unnit hafði verkit; en engi mátti hefna: þar var svá mikill gríðastaðr. En þá er æsirnar freistuðu at mæla, þá var hitt þó fyrr, at grátrinn kom upp, 5 svá at engi mátti öðrum segja með orðunum frá sínum harmi. En Óðinn bar þeim mun verst þenna skaða, sem hann kunni mesta skyn, hversu mikil aftaka ok missa ásunum var í fráfalli Baldrs. En er goðin vitkuðust, þá mælti Frigg, ok spurði, hvern sá væri með ásum, er eignast vildi 10 allar ástir hennar ok hylli, ok vili hann ríða á Helveg, ok freista, ef hann fái fundit Baldr, ok bjóða Helju útlausn, ef hon vill láta fara Baldr heim í Ásgarð. En sá er nefndr Hermóðr hinn hvati, sveinn Óðins, er til þeirrar farar varð. Þá var tekinn Sleipnir, hestr Óðins, ok leiddr fram, ok steig 15 Hermóðr á þann hest ok hleypti braut.

En æsirnar tóku lík Baldrs ok fluttu til sævar. Hringhorni hét skip Baldrs, hann var allra skipa mestr; hann vildu goðin fram setja, ok gera þar á bálfor Baldrs; en skipit gekk hvergi fram. Þá var sent í Jötunheima eptir 20 gygi þeirri, er Hyrrokkinn hét; en er hon kom, ok reið vargi, ok hafði höggorm at taumum, þá hljóp hon af heitinum, en Óðinn kallaði til berserki fjóra at gæta hestsins, ok féngu þeir eigi haldit, nema þeir feldi hann. Þá gekk Hyrrokkinn á framstafn nökkvans, ok hratt fram í fyrsta viðbragði, svá 25 at eldr hraut or hlunnunum ok lönd öll skulfu. Þá varð Þórr reiðr ok greip hamarinn, ok mundi þá brjóta höfuð hennar, áðr en goðin öll báðu henni friðar. Þá var borit út á skipit lík Baldrs; ok er þat sá kona hans Nanna Neps dóttir, þá sprakk hon af harmi ok dó; var hon borin 30 á bálit ok slegit í eldi. Þá stóð Þórr at, ok vígði bálit með Mjólni; en fyrir fótum hans rann dvergr nökkurr, sá er Litr nefndr, en Þórr spyndi fœti sínum á hann, ok hratt hán um í eldinn, ok braun hann. En þessa brennu

- sótti margskonar þjóð: fyrst at segja frá Óðni, at með hánum fór Frigg ok valkyrjur ok hrafnar hans; en Freyr ok í kerru með gelti þeim, er Gullinbursti heitir eða Slíðrugtanni; en Heimdallr reið hesti þeim, er Gulltoppr heitir,
- 5 en Freyja köttum sínum. Þar kemr ok mikit fólk Hrímpursa, ok Bergrisar. Óðinn lagði á bálit gullhring, þann er Draupnir heitir; hánum fylgði síðan sú náttúra, at hina níundu hverja nátt drupu af hánum átta gullhringar jafnhöfgir. Hestr Baldrs var leiddr á bálit með öllu reiði.
- 10 En þat er at segja frá Hermóði, at hann reið níu nætr dökkva dala ok djúpa, svá at hann sá ekki, fyrr en hann kom til árinna Gjallar, ok reið á Gjallarbrúna; hon er þókt lýsigulli. Móðguðr er nefnd mæ, sú er gætir brúarinnar; hon spurði hann at nafni eða ætt, ok sagði, at hinn
- 15 fyrra dag riðu um brúna fimmm fylki dauðra manna: en eigi dynr brúin minnr undir einum þér, ok eigi hefir þú lít dauðra manna; hvi riðr þú hér á Helveg? Hann svarar, at: ek skal riða til Heljar at leita Baldrs, eða hvárt hefir þú nokkvat sét Baldr á Helvegi? En hon sagði, at Baldr
- 20 hafði þar riðit um Gjallarbrú: en niðr ok norðr ligg Helveg. Þá reið Hermóðr, þar til er hann kom at Helgrindum; þá sté hann af hestinum, ok gyrði hann fast, steig upp ok keyrði hann sporum, en hestrinn hljóp svá hart yfir grindina, at hann kom hvergi nær. Þá reið Hermóðr
- 25 heim til hallarinnar, ok steig af baki, gékk inn í höllina, sá þar sitja í öndugi Baldr, bróður sinn, ok dvaldist Hermóðr þar um náttúna. En at morgni, þá beiddist Hermóðr af Helju, at Baldr skyldi riða heim með hánum, ok sagði, hversu mikill grátr var með ásum. En Hel sagði, at þat skyldi svá reyna, hvárt Baldr var svá ástsæll, sem sagt er:
- 30 ok ef allir hlutir í heiminum kvikir ok dauðir gráta hann, þá skal hann fara til ása apr, en haldast með Helju, ef nokkurr mælir við, eða vill eigi gráta. Þá stóð Hermóðr upp, en Baldr leiðir hann út or höllinni, ok tók hringinn

Draupni, ok sendi Óðni til minja, en Nanna sendi Frigg rípti, ok enn fleiri gjafar, Fullu fingrgull. Þá reið Hermóðr aptr leið sína, ok kom í Ásgarð, ok sagði öll tíðindi, þau er hann hafði sét ok heyrt.

Því næst sendu æsir um allan heim erindreka, at biðja, 5 at Baldr væri grátinn or helju. Allir gerðu þat, menninir ok kvikendin ok jörðin ok steinarnir ok tré ok allr málmr: svá sem þú munt sét hafa, at þessir hlutir gráta, þá er þeir koma or frosti ok í hita. Þá er sendimenn fóru heim, ok höfðu vel rekit sin erindi, þá finna þeir í helli nökkurum, 10 hvar gygr sat; hon nefndist Þökk. Þeir biðja hana gráta Baldr or helju. Hon svarar:

Þökk mun gráta þurrum tárur

Baldrs bálfarar;

kyks né dauðs nautka ek karls sonar:

15

haldi Hel því er hefir!

En þess geta menn, at þar hafi verit Loki Laufeyjarson, er flest hefir illt gert með ásum.

VÖLSUNGAR OK NIFLUNGAR

Svá er sagt, at þrír æsir fóru at kanna heim allan: Óðinn ok Loki ok Hœnir; þeir kómu at á nökkurri, ok 20 gengu með ánni til fors nökkurs, ok við forsinn var otr einn, ok hafði tekit lax or forsinum ok át blundandi. Þá tók Loki upp stein, ok kastaði at otrinum, ok laust í höfuð hánur; þá ~~hrósaði~~ Loki veiði sinni, at hann hefði veitt í einu höggvi otr ok lax: tóku þeir þá laxinn ok otrinn ok 25 báru með sér, kómu þá at bæ nökkurum ok gengu inn, en sá búandi er nefndr Hreiðmarr, er þar bjó; hann var mikill fyrir sér ok mjök fjölkunnigr. Beiddust æsir at hafa þar náttstað, ok kváðust hafa með sér vist erna, ok sýndu búandanum veiði sína. En er Hreiðmarr sá otrinn, þá 30 kallaði hann sonu sína Fáfni ok Regin, ok segir at Otr

bróðir þeirra var drepinn, ok svá hverir þat höfðu gert. Nú ganga þeir seðgar at ásunum, ok taka þá höndum ok binda, ok segja þá um otrinn at hann var sonr Hreiðmars. Æsir bjóða fyrir sik fjórlausn, svá mikit fé sem Hreiðmarr

5 sjálfr vill á kveða, ok varð þat at sætt með þeim, ok bundit swardögum. Þá var otrinn fleginn, tók Hreiðmarr otrbelginn ok mælti við þá, at þeir skulu fylla belginn af rauðu gulli, ok svá hylja hann allan, ok svá skal þat vera at sætt þeirra. Þá sendi Óðinn Loka í Svartálfaheim, ok kom

10 hann til dvergs þess er heitir Andvari; hann var fiskr í vatni, ok tók Loki hann höndum, ok lagði á hann fjórlausn alt gull þat er hann átti í steini sínum; ok er þeir koma í steininn, þá bar dvergrinn fram alt gull þat er hann átti, ok var þat allmikit fé. Þá svipti dvergrinn undir hönd sér

15 einum litlum gullbaug, þat sá Loki ok bað hann fram láta bauginn. Dvergrinn bað hann taka eigi af sér bauginn, ok lézt mega öxla sér fé af bauginum, ef hann héldi. Loki kvað hann eigi skyldu hafa einn pening eptir, ok tók bauginn af hánum ok gékk út; en dvergrinn mælti at sá baugr

20 skyldi vera hverjum höfuðsbani er átti. Loki segir at hánum þótti þat vel, ok sagði at þat skyldi haldast mega fyrir því, sá formáli, at hann skyldi flytja þeim til eyrna er þá tæki við. Fór hann í braut til Hreiðmars, ok sýndi Óðni gullit; en er hann sá bauginn, þá sýndist hánum fagr, ok tók

25 hann af fénu, en greiddi Hreiðmari gullit. Þá fylði hann otrbelginn sem mest mátti hann, ok setti upp er fullr var; gékk þá Óðinn til, ok skyldi hylja belginn með gullinu. Þá mælti hann við Hreiðmar, at hann skal sjá hvárt belgrinn er þá allr huldr; en Hreiðmarr leit til ok hugði at

30 vandliga, ok sá eitt granahár, ok bað þat hylja, en at öðrum kosti væri lokit sætt þeirra. Þá dró Óðinn fram bauginn, ok huldi granahárit, ok sagði at þá væru þeir lausir frá otrgjöldunum. En er Óðinn hafði tekit geir sinn, en Loki skúa sína, ok þurftu þá ekki at óttast, þá mælti

Loki at þat skyldi haldast er Andvari hafði mælt: at sá baugr ok þat gull skyldi verða þess bani er átti, ok hélzt þat síðan.

Hreiðmarr tók þá gullit at sonargjöldum, en Fáfnir ok Reginn beiddust af nökkurs í bróðurgjöld. Hreiðmarr 5 unni þeim enskis penings af gullinu: þat varð úráð þeirra bræðra at þeir drápu föður sinn til gullsins. Þá beiddist Reginn at Fáfnir skyldi skipta gullinu í helminga með þeim. Fáfnir svarar svá, at lítill ván var, at hann mundi miðla gullit við bróður sinn, er hann drap föður sinn til gullsins, 10 ok bað Regin fara braut, en at öðrum kosti mundi hann fara sëm Hreiðmarr. Fáfnir hafði þá tekit hjálm, er Hreiðmarr hafði átt, ok setti á höfuð sér, er kallaðr var ægis-hjálmr, er öll kvikendi hræðast er sjá, ok sverð þat er Hrotti heitir. Reginn hafði þat sverð er Refill er kallaðr, 15 flýði hann þá braut, en Fáfnir fór upp á Gnitaheiði, ok gerði sér þar ból, ok brást í orms líki, ok lagðist á gullit.

Reginn fór þá til Hjalpreks konungs á Þjóði ok gerðist þar smiðr hans; þá tók hann þar til fósturs Sigurð son Sigmundar sonar Völsungs ok son Hjörðísar dóttur Eylima. 20 Sigurðr var ágætastr allra herkonunga af ætt ok afli ok hug. Reginn sagði hánúm til hvar Fáfnir lá á gullinu, ok eggjaði hann at sækja gullit. Þá gerði Reginn sverð (þat er Gramr), at svá hvast var at Sigurðr brá niðr í rennanda vatn, ok tók í sundr ullaflagð, er rak fyrir strauminn 25 um at sverðsegginni. Því næst klauf Sigurðr steðja Regins ofan í stokkinn með sverðinu. Eptir þat fóru þeir Sigurðr ok Reginn á Gnitaheiði. Þá gróf Sigurðr gróf á veg Fáfnis, ok settist þar í. En er Fáfnir skreið til vatns, ok hann kom yfir grófina, þá lagði Sigurðr sverðinu í gögnum hann, 30 ok var þat hans bani. Kom þá Reginn at, ok sagði at hann hefði drepit bróður hans, ok bauð hánúm þat at sætt, at hann skyldi taka hjarta Fáfnis ok steikja við eld, en Reginn lagðist niðr ok drakk blóð Fáfnis, ok lagðist at

sofa. En er Sigurðr steikti hjartat, ok hann hugði at full-
steikt mundi, ok tók á ~~fingerinum~~ hve hart var: en er
frauðit rann or hjartanu á fingrinn, þá brann hann, ok
drap fingerinum í munn sér; en er hjartablóðit kom á tung-
5 una, þá kunni hann fugls rödd, ok skildi hvat iðurnar
sögðu, er sátu í viðnum; þá mælti ein:

Þar sitr Sigurðr, sveita stokkinn,

Fáfnis hjarta við funa steikir;

spakr þætti mér spillir bauga,

10 ef fjörsega fránan æti.

Þar liggr Reginn (kvað önnur) ræðr um við sik,

vill tæla mög þann er trúir hánun,

herr af reiði röng orð saman,

vill bólva smiðr bróður hefna.

15 Þá gekk Sigurðr til Regins, ok drap hann, en síðan
til hests síns er Grani heitir, ok reið til þess er hann kom
til bóls Fáfnis, tok þá upp gullit, ok batt í klyfjar, ok
lagði upp á bak Grana, ok steig upp sjálfir ok reið þá
leið sína.

20 Þá reið Sigurðr til þess er hann fann á fjallinu hús;
þar svaf inni ein kona, ok hafði sú hjálm ok brynju. Hann
brá sverðinu ok reist brynjuna af henni; þá vaknaði hon
ok nefndist Hildir, hon er kölluð Brynhildir, ok var valkyrja.
Sigurðr reið þaðan ok kom til þess konungs er Gjuki hét,

25 kona hans er nefnd Grímhildir, börn þeirra váru þau Gunn-
arr, Högni, Guðrún, Guðný; Gothormr var stjúpsonr Gjuka.
Þar dvaldist Sigurðr langa hríð; þá fékk hann Guðrúnar
Gjúkadóttur, en Gunnarr ok Högni sórust í bræðralag við
Sigurð. Því næst fóru þeir Sigurðr ok Gjúkasynir at biðja
30 Gunnari konu, til Atla Buðlasonar, Brynhildar systur hans:
hon sat á Hindarfjalli, ok var um sal hennar vafrogi, en
hon hafði þess heit strengt, at eiga þann einn mann, er
þorði at riða vafrogaann. Þá riðu þeir Sigurðr ok Gjúk-

ungar (þeir eru ok kallaðir Niflungar) upp á fjallit ok skyldi þá Gunnarr riða vaflogann; hann átti hest þann er Goti heitir, en sá hestr þorði eigi at hlaupa í eldinn. Þá skiptu þeir litum Sigurðr ok Gunnarr ok svá nöfnum; því at Grani vildi undir öngum manni ganga nema Sigurði. Þá hljöp 5 Sigurðr á Grana ok reið vaflogann. Þat kveld gékk hann at brúðlaupi með Brynhildi; en er þau kómu í sæing, þá dró hann sverðit Gram or slíðrum, ok lagði í milli þeirra. En at morgni þá er hann stóð upp ok klæddi sik, þá gaf hann Brynhildi at línfé gullbauginn, þann ef Loki hafði 10 tekit af Andvara, en tók af henni annan baug til minja. Sigurðr hljöp þá á hest sinn, ok reið til félaga sinna: skipta þeir Gunnarr þá aptr litum, ok fóru aptr til Gjúka með Brynhildi. Sigurðr átti tvau börn með Guðrúnu: Sigmund ok Svanhildi.

15

Þat var eitt sinn at Brynhildr ok Guðrún gengu til vatns at bleikja hadda sína. Þá er þær kómu til árinna, þá óð Brynhildr út á ána frá landi ok mælti, at hon vildi eigi bera í höfuð sér þat vatn er rynni or hári Guðrúnu, því at hon átti búanda hugaðan betr. Þá gékk Guðrún á 20 ána eptir henni, ok sagði at hon mátti fyrir því þvá ofar sinn hadd í ánni, at hon átti þann mann, er eigi Gunnarr ok engi annarr í veröldu var jafnfrækn; því at hann vá Fafni ok Regin, ok tók arf eptir báða þá. Þá svarar Brynhildr: meira var þat vert, er Gunnarr reið vaflogann, en 25 Sigurðr þorði eigi. Þá hló Guðrún ok mælti: ætlar þú at Gunnarr riði vaflogann? Sá ætla ek at gengi í rekkju hjá þér, er mér gaf gullbaug þenna, en sá gullbaugr er þú hefir á hendi ok þú þátt at línfé, hann er kallaðr Andvaranautr, ok ætlak at eigi sótti Gunnarr hann á Gnita- 30 heiði. Þá þagnaði Brynhildr ok gékk heim. Eptir þat eggjaði hon Gunnarr ok Högna af drepa Sigurð, en fyrir því at þeir váru eiðsvarar Sigurðar, þá eggjuðu þeir til Gothorm bróður sinn at drepa Sigurð: hann lagði Sigurð

sverði í gögnum sofanda, en er hann fékk sárit, þá kastaði hann sverðinu Gram eptir hánum, svá at sundr sneið i mjöðu manninn. Þar féll Sigurðr ok sonr hans þrívetr er Sigmundur hét, er þeir drápu. Eptir þat lagði Brynhildr 5 sik sverði, ok var hon brend með Sigurði. En Gunnarr ok Högni tóku þá Fáfnisarf ok Andvaranaut, ok réðu þá löndum.

Atli konungr Buðlason bróðir Brynhildar fékk þá Guðrúnar, er Sigurðr hafði átta, ok áttu þau börn. Atli konungr bauð til sín Gunnari ok Högna, en þeir fóru at heimboðinu; en áðr þeir fóru heiman, þá fálu þeir gullit Fáfnisarf í Rín, ok hefir þat gull aldri síðan fundizt. En Atli konungr hafði þar lið fyrir, ok barðist við Gunnar ok Högna, ok urðu þeir handteknir, lét Atli konungr skera hjarta or 15 Högna kvikum, var þat hans bani. Gunnari lét hann kasta í orungarð, en hánum var fengin leyniliga harpa, ok sló hann með tánum, þvíat hendir hans váru bundnar, svá at allir ormarnir sofnuðu, nema sú naðra er rendi at hánum, ok hjó svá fyrir flagbrjóskit, at hon steypti höfðinu inn í 20 holit, ok hangði hon á lífrinni þar til er hann dó.... Litlu síðar drap Guðrún tvá sonu sína, ok lét gera með gulli ok silfri borðker af hausum þeirra, ok þá var gert erfi Níflunga. At þeirri veizlu lét Guðrún skenkja Atla konungi með þeim borðkerum mjöð, ok var blandit við blóði svein- 25 anna; en hjörtu þeirra lét hon steikja, ok fā konungi at eta: en er þat var gert, þá sagði hon hánum sjálfum með mörgum úfögnum orðum. Eigi skorti þar áfengan mjöð, svá at flest fólk sofnaði þar sém sat. Á þeirri nátt gékk hon til konungs, er hann svað, ok með henni sonr Högna, 30 ok vágu at hánum: þat var hans bani. Þá skutu þau eldi á höllina, ok brann þat fólk er þar var inni. Eptir þat fór hon til sjávar, hljóp á sæinn, ok vildi týna sér, en hana rak yfir fjörðinn, kom þá á þat land er átti Jónakr konungr: en er hann sá hana, tók hann hana til sín, ok

fékk hennar: áttu þau þrjá sonu er svá hétu: Sörli, Hamdir, Erpr; þeir vǫru allir svartir sem hrafn á hárs lit, sem Gunnarr ok Högni ok aðrir Niflungar.

Þar fœddist upp Svanhildr dóttir Sigurðar sveins; hon var allra kvenna fegrst. Þat spurði Jörmunrekr konungr hinn 5 ríki; hann sendi son sinn Randve at biðja hennar sér til handa. En er hann kom til Jónakrs, þá var Svanhildr seld hánú i hendr; skyldi hann fœra hana Jörmunreki. Þá sagði Bikki at þat var betr fallit, at Randver ætti Svanhildi, er hann var ungr ok bæði þau, en Jörmunrekr var gamall. 10 Þetta ráð líkaði þeim vel hinum ungum mönnum. Því næst sagði Bikki þetta konungi; þá lét Jörmunrekr taka son sinn ok leiða til gálga; þá tók Randver hauk sinn ok plokkaði af sjaðrarnar, ok hað senda feðr sínum; þá var hann hengðr. En er Jörmunrekr konungr sá haukiinn, þá kom hánú i 15 hug, at svá sem haukiinn var úsfeygr ok sjaðrlauss, ok svá var ríki hans úfert, er hann var gamall ok sonlauss. Þá lét Jörmunrekr konungr, er hann reið or skógi frá veiðum með hirð sína, en Svanhildr dróttning sat at haðbliku, þá riðu þeir á hana, ok tráðu hana undir hestafótum til bana. 20 En er þetta spurði Guðrún, þá eggjaði hon sonu sína til hefndar eptir Svanhildi. En er þeir bjoggust til ferðar, þá fékk hon þeim brynjur ok hjálma svá sterka at eigi mundi járn á festa. Hon lagði ráð fyrir þá, at þá er þeir kvæmi til Jörmunreks konungs, at þeir skyldu ganga of nátt 25 at hánú sofanda, skyldi Sörli ok Hamdir höggva af hánú hendr ok fœtr, en Erpr höfuðit. En er þeir kómu á leið, þá spurðu þeir Erp hver liðsemd þeim mundi at hánú, ef þeir hittu Jörmunrek konung. Hann svarar at hann mundi veita þeim þvílíkt sem hönd fœti. Þeir segja at þat 30 var alls ekki, at fœtr styddist við hönd. Þeir vǫru svá reiðir móður sinni, er hon haðði leitt þá út með heiptyrðum, at þeir vildu gera þat er henni þœtti verst, ok drápu Erp, því at hon unni hánú mest. Litlu síðar er Sörli gékk,

skriðnaði hann öðrum fæti, studdi sik með hendinni, þá mælti hann: veitti nú höndin fætinum, betr væri nú at Erpr lifði. En er þeir kómu til Jörmunreks konungs of nátt þar sem hann svaf, ok hjoggu af hánum hendr ok fætr; 5 þá vaknaði hann ok kallaði á menn sína, bað þá vaka. Þá mælti Hamdir: af mundi nú höfuðit, ef Erpr lifði. Þá stóðu upp hirdmenninir, ok sóttu þá, ok féngu eigi sótt þá með vápnum. Þá kallaði Jörmunrekr at þá skal berja grjóti, var svá gert; þar féllu þeir Sörli ok Hamdir: þá 10 var ok dauð öll ætt ok afkvæmi Gjúka.

HRÓLFR KRAKI

Konungur einn í Danmörk er nefndr Hrólfr kraki, hann er ágætastr fornkonunga, fyrst af mildi ok frækneik ok litillæti. Þat er eitt mark um litillæti hans, er mjök er fært í frásagnir, at einn litill sveinn ok fátækr er nefndr 15 Vöggr, hann kom í höll Hrólfs konungs, þá var konungrinn ungr at aldri ok grannligr á vöxt; þá gekk Vöggr fyrir hann, ok sá upp á hann. Þá mælti konungrinn: hvat viltu mæla, sveinn! er þú sér á mik? Vöggr svarar: þá er ek var heima, heyrðak sagt at Hrólfr konungur at Hleiðru 20 var mestr maðr á norðrlöndum, en þú sitr hér í háseti kraki einn litill, ok kalla þeir hann konung sinn. Þá svarar konungrinn: þú sveinn hefir gefit mér nafn, at ek skal heita Hrólfr kraki, en þat er títt at gjöf skal fylgja nafn- festi. Nú sé ek þik enga gjöf hafa til at gefa mér at nafn- 25 festi, þá er mér sé þægilig, nú skal sá gefa öðrum er til þefir; tók gullhring af hendi sér ok gaf hánum. Þá mælti Vöggr: gef þú allra konunga heilastr, ok þess strengi ek heit, at verða þess manns bani, er þinn banamaðr verðr. Þá mælti konungur ok hló við: Litlu verðr Vöggr feginn. 30 Annat mark var þat sagt frá Hrólfi kraka um frækneik hans, at sá konungur réð fyrir Uppsölum er Aðils hét, hann átti Yrsu móður Hrólfs kraka. Hann hafði úsætt við þann

konung er réð fyrir Noregi er Áli hét. Þeir stefndu orrostu milli sín á ísi vatns þess er Væmir heitir. Aðils konungur sendi boð Hrólfi kraka mági sínum, at hann kvæmi til liðveizlu við hann, ok hét mála öllum her hans, meðan þeir væri í ferðinni; en konungur sjálfur skyldi eignast þrjá kostgripi, þá er hann kaus or Svipjóð. Hrólfr konungur mátti eigi fara fyrir úfriði þeim er hann átti við Saxa, en þó sendi hann Aðils berserki sína tólf; þar var einn Böðvarr bjarki ok Hjalti hugprúði, Hvítserkr hvati, Vötrr, Viðseti, þeir bræðr Svipdagr ok Beiguðr. Í þeirri orrostu féll Áli konungur ok mikill hluti liðs hans. Þá tók Aðils konungur af hánum dauðum hjálminn Hildisvín ok hest hans Hrasn. Þá beiddust þeir berserkir Hrólfs kraka at taka mála sinn, þrjú pund gulls hverr þeirra, ok umfram heiddust þeir at stytja Hrólfi kraka kostgripi, þá er þeir kuru til handa hánum: þat var hjálmrinn Hildigöldr ok brynjan Finnsleif, er hvergi festi vápn á, ok gullhringr sá er kallaðr var Sviagríss er átt höfðu langfeðgar Aðils. En konungur vargaði allra gripanna, ok eigi heldr galt hann málann; fóru berserkirnir braut, ok undu illa sínum hlut, sögðu svá búið Hrólfi kraka, ok jafnskjótt byrjaði hann ferð sína til Uppsala, ok með hánum tólf berserkir hans, allir gríðalausir. Yrsa móðir hans sagnaði hánum, ok fylgði hánum til herbergis, ok eigi til konungs hallar, vǫru þá gervir eldar stórir fyrir þeim, ok gefit öl at drekka. Þá kómu menn Aðils konungs inn ok báru skiðin á eldinn, ok gerðu svá mikinn at klæði brunnu af þeim Hrólfi, ok mæltu: er þat satt at Hrólfr kraki ok berserkir hans flýja hvarki eld né járn? Þá hljóp Hrólfr kraki upp ok allir þeir, þá mælti hann:

Áukum enn elda at Aðils húsum!

tók skjöld sinn ok kastaði á eldinn, ok hljóp yfir eldinn meðan skjöldrinn brann, ok mælti enn:

Flýra sá elda er yfir hleypr.

Svá fór hverr at öðrum hans manna, tóku þá er eldinn höfðu aukit, ok köstuðu þeim á eldinn; þá kom Yrsa ok fékk Hrólfi kraka dýrshorn fult af gulli, ok þar með hringinn Sviagris ok bað þá braut riða til liðsins. Peir hljópu 5 á hesta sína, ok riða ofan á Fýrisvöllu; þá sá þeir at Aðils konungr reið eptir þeim með her sinn alvápnaðan, ok vill drepa þá. Þá tók Hrólfr kraki hægri hendi gullit ofan í hornit, ok séri alt um götuna, en er Svíar sjá þat, hlaupa þeir or söðlunum, ok tók hverr slíkt er fékk, en Aðils 10 konungr bað þá riða, ok reið sjálf ákaflega. Slöngvir hét hestr hans, allra hesta skjótastr. Þá sá Hrólfr kraki, at Aðils konungr reið nær hánum, tók þá hringinn Sviagris ok kastaði til hans ok bað hann þiggja at gjöf. Aðils konungr reið at hringinum, ok tók til með spjótsoddinum 15 ok rendi upp á falinn. Þá veik Hrólfr kraki aþtr, ok sá er hann laut niðr, þá mælti hann: svinbeygt hefi ek nú þann er ríkastr er með Svíum. Svá skildust þeir.

HÉÐINN OK HÖGNI

Konungr sá, er Högni er nefndr, átti dóttur, er Hildir hét. Hana tók at herfangi konungr sá, er Héðinn hét, 20 Hjarranda son. Þá var Högni konungr farinn í konunga-stefnu; en er hann spurði, at herjat var í ríki hans ok dóttir hans var í braut tekin, þá fór hann með sínu liði at leita Héðins, ok spurði til hans, at Héðinn hafði siglt norðr með landi. Þá er Högni konungr kom í Noreg, 25 spurði hann, at Héðinn hafði siglt vestr um haf. Þá siglir Högni eptir hánnum alt til Orkneyja; ok er hann kom þar sem heitir Háey, þá var þar fyrir Héðinn með lið sitt. Þá fór Hildir á fund föður síns, ok bauð hánnum men at sætt af hendi Héðins, en í öðru orði sagði hon, at Héðinn væri 30 búinn at herjast, ok ætti Högni af hánnum óngrar vægðar ván. Högni svarar stírt dóttur sinni; en er hon hitti Héðin,

sagði hon hánú, at Högni vildi önga sætt, ok bað hann
 búast til orrostu, ok svá gera þeir hváirtveggju, ganga upp
 á eyna ok fylkja liðinu. Þá kallar Héðinn á Högna, mág
 sinn, ok bað hánú sætt ok mikit gull at bótum. Þá
 svarar Högni: of síð bauztu þetta, ef þú vill sættast, því 5
 at nú hefi ek dregit Dáinsleif, er dvergarnir gerðu, er
 manns hani skal verða, hvert sinn er bert er, ok aldri bilar
 í höggi, ok ekki sár grœr, ef þar skeinist af. Þá svarar
 Héðinn: sverði hælir þú þar, en eigi sigri; þat kalla ek
 gott hvert, er dróttinholt er. Þá hófu þeir orrosta þá, er 10
 Hjaðningavig er kallat, ok börðust þann dag allan, ok at
 kveldi fóru konungar til skipa. En Hildr gékk of náttina
 til valsins, ok vakti upp með fjölkyngi alla þá, er dauðir
 váru; ok annan dag géngu konungarnir á vígvöllinn ok
 börðust, ok svá allir þeir, er féllu-hinn fyrra daginn. Fór 15
 nú svá sú orrosta hvern dag eptir annan, at allir þeir, er
 féllu, ok öll vápn, þau er lágu á vígvelli, ok svá hlífar,
 urðu at-grjóti. En er dagaði, stóðu upp allir dauðir menn
 ok börðust, ok öll vápn váru þá nýt. Svá er sagt í kvæð-
 um, at Hjaðningar skulu svá biða ragnaróks. 20

FUNDINN NOREGR

1. Fornjótr hefir konungr heitit, hann réð fyrir Jót-
 landi, er kallat er Finnlund ok Kvenland; þat er fyrir austan
 hafsbót þann, er gengr fyrri móts við Gandvík, þat köllu
 vér Helsingjabotn. Fornjótr átti þrjá syni, hét einn Hlérr,
 er vér köllum Ægi, annarr Logi, þriði Kári; hann var faðir 25
 Frosta, föður Snaers hins gamla; hans son hét Porri; hann
 átti tvá syni, hét annarr Norr, en annarr Gorr; dóttir hans
 hét Góí. Porri var blótmaðr mikill, hann hafði hlót á
 hverju ári at miðjum vetri, þat kölluðu þeir Porrablót; af

því tók mánaðrinn heiti. Þat var tíðinda einn vetr at Þorablóti, at Góí hvarf í brott, ok var hennar leita farit, ok finnst hon eigi; ok er sá mánaðr leið, lét Þorri fá at blóti, ok blóta til þess, er þeir yrði vissir, hvar Góí væri
 5 niðr komin; þat kölluðu þeir Góíblót; einskis urðu þeir visir um hana at heldr. Þrim vetrum síðar strengðu þeir bræðr heit, at þeir skyldu hennar leita, ok skipta svá leitinni, at Norr skyldi leita um löndin, en Gorr skyldi leita um útsker ok eyjar, ok fór hann á skipum; hvárrtveggi
 10 þeirra bræðra var fjölmennr. Hélt Gorr skipum sínum út eptir hafsbotnum ok svá í Allanshaf; síðan kannar hann víða Sviasker ok allar eyjar, er liggja í Eystrasalti, eptir þat í Gautasker, ok þaðan til Danmerkr, ok kannar þar allar eyjar; hann fann þar frændr sína, þá er komnir váru
 15 af Hlé hinum gamla or Hlésey, ok hélt hann þá enn fram ferðinni, ok spyrr ekki til systur sinnar; en Norr, bróðir hans, beið þess er snjó lagði á heiðar, ok skiðfæri gerði gott; eptir þat fór hann af Kvenlandi, ok fyrir innan hafsbotninn, ok kómu þar, er þeir menn váru, er Lappir heita,
 20 þat er á bak Finnmörk; en Lappir vildu banna þeim yfirfór, ok tókst þar barðagi; ok sá kraptr ok fjölkyngi fylgði þeim Nor, at úvinir þeirra urðu at gjalti, þegar þeir heyrðu heróp, ok sá vápnum brugðit, ok lögðu Lappir á flóttu. En Norr fór þaðan vestr á Kjölu, ok var lengi úti, ok svá
 25 at þeir vissu ekki til manna, ok skutu dýr ok fugla til matar sér; fóru þar til, er vötn hnigu til vestrættar af fjöllum; þá fara þeir með vötnunum, ok kómu at sjá; þar var fyrir þeim fjörðr mikill, sem hafsbotn væri; þar váru bygðir miklar, ok dalir stórir gengu at firðinum; þar var
 30 safnaðr fyrir þeim, ok réðu þeir þegar til barðaga við Nor, ok fóru þeirra skipti eptir vana: alt fólk féll þar eða flýði; en Norr ok hans menn gengu yfir, sem log yfir akra. Fór Norr um allan fjörðinn, ok lagði undir sik, ok gjörðist konungr yfir þeim heruðum, er þar lágu innan fjarðar.

Norr dvaldist þar um sumarit, þar til er snjáfaði á heiðar; þá stefndi hann upp eptir dalnum þeim, er suðr gengr af firðinum; sá fjörðr er nú kallaðr Þrándheimr; suma menn sína lætr hann fara hit fremra um Mœrina; hann lagði undir sik, hvar sem hann fór; ok þá er hann kemr suðr 5 yfir fjallit þat, er var fyrir sunnan dalsbotninn, sótti hann suðr eptir dölunum, þar til er hann kom at vatni miklu, er þeir kölluðu Mjörðr; þá snýr hann enn vestr á fjallit, þvíat hán um var sagt, at menn hans höfðu farit úsigr fyrir konungi þeim, er Sókni hét. Þá kómu þeir í þat herað, 10 er þeir kölluðu Valdres; þaðan fóru þeir til sjóvar, ok kómu í langan fjörð ok mjófan, er nú heitir Sogn; þar var fundr þeirra Sókna, ok áttu þeir þar orrostu mikla, því at Sókna brá ekki við fjólkyngi þeirra; Norr gékk fram hart, ok skiptust þeir Sókni höggum við; þar féll Sókni ok mart 15 lið hans.

2. Eptir þat fór Norr í fjörð þann, er norðr gengr af Sogni; þar hafði Sókni fyrir ráðit, er nú heitir Sókna-dalr; þar dvaldist Norr lengi, ok heitir þar nú Norafjörðr. Þar kom til móts við hann Gorr, bróðir hans, ok hafði þá 20 hvárgi þeirra spurt til Góí. Gorr hafði ok undir sik lagt land alt hit yðra, er hann hafði sunnan farit; ok þá skiptu þeir löndum með sér bræðr; hafði Norr meginland alt, ok Gorr skal hafa eyjar þær allar, er hann ferr stjórnföstu skipi milli ok meginlands. Ok eptir þat ferr Norr til Upp- 25 landa, ok kom þar sem nú heitir Heiðmörk; þar réð sá konungr fyrir, er hét Hrólfr or Bjargi; hann var son Svaða jötuns norðan af Dofrum. Hrólfr hafði numit á brott af Kvenlandi Góí Þorradóttur; hann fór þegar til móts við Norr, ok bauð hán um til einvígis; þeir börðust lengi, ok varð 30 hvárgi sárr; eptir þat sættust þeir ok fékk Norr systur Hrólfs, en Hrólfr fékk Góí. Þaðan snéri Norr aptr norðr til ríkis þess, er hann hafði undir sik lagt; þat kallaði hann Norveg; réð hann því ríki, meðan hann lifði, en synir

hans eptir hann, ok skipta þeir landi með sér, ok tóku svá ríki at smækkast, sem konungar tóku fjölgast, ok greindust svá í fylki.

3. Gorr hefir ok verit kallaðr sækonungr; hans synir
 5 váru þeir Heiti ok Beiti; þeir váru sækonungar ok ofstop-
 amenn miklir; þeir gengu mjök á ríki sona Nors, ok áttu
 þeir margar orrostur, ok sigruðust ýmsir. Beiti lagði inn
 í Þrándheim, ok herjaði þar; hann lá þar, er nú heitir
 Beitissær eða Beitisstöð; þar lét hann draga skip or Beitis-
 10 stöð innanverðri, ok norðr yfir Æskrueið; þar ganga Naum-
 dalir at norðan; hann settist í lypting, ok hélt um hjálm-
 vól, ok eignaðist land alt þat, er var á bakborða, ok eru
 þar margar bygðir. Heiti, son Gors, var faðir Svaða sæ-
 konungs, föður Hálfðanar hins gamla, föður Ívars Upplend-
 15 inga jarls, föður Eysteins glumru, föður Rögnvalds jarls
 hins ríka ok hins ráðsvinna.

HEIMSKRINGLA

FORMÁLI

Á bók þessi lét ek rita fornar frásagnir um höfðingja
 þá er ríki hafa haft á norðrlöndum ok á danska tungu
 hafa mælt, svá sem ek hefi heyrt fróða menn segja: svá
 20 ok nökkurar kynkvíslir þeirra, eptir því sem mér hefir
 kent verit: sumt þat er finnz í langfeðgatali því, er kon-
 ungar hafa rakið kyn sitt eða aðrir stórættaðir menn: en
 sumt er ritat eptir fornum kvæðum eða söguljóðum, er
 menn hafa haft til skemtanar sér. Nú þó at vér vitum ei
 25 sannindi á því, þá vitum vér dæmi til þess, at gamlir
 fræðimenn hafa slíkt fyrir satt haft: Þjóðólfr hinn fróði ur
 Hvini var skáld Haralds hins hárfagra; hann orti ok kvæði
 um Rögnvald konung heiðum-hærra, þat er kallat er Yngli-

ingatal. Rögnvaldr var son Ólafs Geirstaðaálfs, bróður Hálf-
 danar svarta. Í þessu kvæði eru nefndir XXX langfeðgar
 hans, ok sagt frá dauða hvers þeirra ok legstað. Fjölmi-
 er sá nefndr, er son var Yngvifreys, þess er Svíar hafa
 blótat lengi síðan: af hans nafni eru Ynglingar kallaðir. 5
 Eyvindr skáldaspillir taldi ok langfeðga Hákonar jarls hins
 ríka í kvæði því er Háleyggjatal heitir, er ort var um Hákon.
 Sæmíng er þar nefndr, son Yngvifreys; sagt er þar ok frá
 dauða hvers þeirra ok haugstað. Eptir Þjóðólfs sögn er
 fyrst rísin æfi Ynglinga, ok þar við aukit eptir sögn fróðra 10
 manna. Hin fyrsta öld er kölluð brunaöld: þá skyldi brenna
 alla dauða menn, ok reisa eptir bautasteina; en síðan er
 Freyr hafði heygðr verit at Uppsólum, þá gjörðu margir
 höfðingjar eigi síðr hauga en bautasteina, til minningar
 eptir frændr sína; en síðan er Danr hinn mikilláti Dana 15
 konungr lét sér haug gjöra, ok bauð sik þanneg þera dauðan
 með konungs skrudði ok herbúnaði ok hest hans við öllu
 söðulreiði ok mikit fé annat: en hans ættmenn gjörðu margir
 svá síðan; þá hófz þar haugsöld í Danmörku; en lengi
 síðan hélz brunaöld með Svíum ok Norðmönnum. En er 20
 Haraldr hinn hárfagri var konungr í Noregi, þá bygðiz
 Ísland. Með Haraldi váru skáld, ok kunna menn enn kvæði
 þeirra, ok allra konunga kvæði þeirra er síðan hafa verit
 at Noregi, ok tókum vér þar mest dæmi af því, er sagt
 er í þeim kvæðum, er kveðin váru fyrir sjálfum höfðingi- 25
 unum eða sonum þeirra: tókum vér þat alt fyrir satt, er
 í þeim kvæðum sinnz um ferðir þeirra eða orrostur. En
 þat er háttr skálda at losa þann mest, er þá eru þeir
 fyrir; en engi mundi þat þora, at segja sjálfum hánum þau
 verk hans, er allir, þeir er heyrði, vissi at þegómi væri ok 30
 skrók, ok svá sjálfr þann: þat væri þá háð en eigi lof.

Ari prestur hinn fróði Þorgils son Gellissonar ritaði fyrstr
 manna hér á landi at norrœnu máli fræði, bæði forna ok
 nýja: ritaði hann mest í upphafi sinnar bókar um Íslands

bygð ok lagasetning, síðan frá lögsögumönnum, hversu lengi
 hverr hafði sagt; ok hafði þat áratat fyrst til þess er kristni
 kom á Ísland, en síðan alt til sinna daga. Hann tók þar
 ok við mörg önnur dæmi, bæði konunga æfi í Noregi ok
 5 Danmörk, ok svá á Englandi, eðr enn stórtíðindi er gjörz
 höfðu hér á landi, ok þykkir mörgum vitrum mönnum hans
 sögn öll merkiligust: var hann forvitri ok svá gamall, at
 hann var fœddr næsta vetr eptir fall Haralds Sigurðarsonar.
 Hann ritaði, sem hann sjálfr segir, æfi Noregs konunga,
 10 eptir sögu Odds Kollssonar Hallssonar af Síðu: en Oddr
 nam at Þorgeiri afráðskoll, þeim manni er vitr var ok svá
 gamall, at hann bjó þá undir Niðarnesi, er Hákon jarl
 hinn ríki var drepinn. Í þeim sama stað lét Ólafr kon-
 ungr Tryggvason efna til kaupangs, þar sem nú er. Ari
 15 prestur Þorgilsson kom VII vetra gamall í Haukadal til Halls
 Þórarinssonar ok var þar XIV vetr. Hallr var maðr stór-
 vitr ok minnigr; hann mundi þat er Pangbrandr prestur
 skirði hann þrevetran: þat var vetri fyrr en kristni væri
 lögtekin á Íslandi. Ari var XII vetra gamall, þá er Ísleifr
 20 biskup andaðiz. Hallr fór milli landa, ok hafði félag Ólafs
 konungs hins helga, ok fékk af því uppreist mikla: var
 hán um því kunnigt um konungríki hans. En er Ísleifr
 biskup andaðiz var liðit frá falli Ólafs konungs Tryggva-
 sonar nær LXXX vetra. Hallr andaðiz IX vetrum síðar
 25 en Ísleifr biskup; þá var Hallr at vetra tali níraðr ok IV
 vetra. Hann hafði gjört bú í Haukadal þritugr, ok bjó þar
 LX ok IV vetra; svá ritaði Ari. Teitr son Ísleifs biskups
 var með Halli í Haukadal at fóstri ok bjó þar síðan; hann
 lærði Ara prest ok marga fræði sagði hann hán um, þá er
 30 Ari ritaði síðan. Ari nam ok marga fræði at Þuriði dóttur
 Snorra goða: hon var spök at viti: hon mundi Snorra fœður
 sinn; en hann var þá nær hálfertugr er kristni kom á
 Ísland, en andaðiz einum vetri eptir fall Ólafs konungs hins
 helga. Því var eigi undarligt, at Ari prestur væri sannfróðr

at fornum tíðindum, bæði hér ok útanlands, at hann var sjálfir námgyarn ok vitr ok minnugr, en hafði numit at gömlum mönnum ok vitrum. En kvæðin þykkja mér sízt ur stað færð, ef þau eru rétt kvæðin ok skynsamliga upptekin.

5

YNGLINGA SAGA

OR HEIMSKRINGLU

1. Svá er sagt, at kringla heimsins sú er mannfólkit byggvir, er mjök vágskorin: ganga höf stór ur útsjánum inn í jörðina; er þat kunnigt, at haf gengr af Njarvasundum, ok alt út til Jorsalalands. Af hafinu gengr langr hafsbótin til landnorðrs, er heitir Svartahaf; sá skilr heims þriðjunga: heitir fyrir austan Asía, en fyrir vestan kalla sumir Európa, en sumir Enea; en norðan at Svartahafi gengr Svíþjóð hin mikla eða hin kalda; Svíþjóð hina miklu kalla sumir menn eigi minni en Serkland hit mikla; sumir jafna henni við Bláländ hit mikla; hinn neyðri hlutr Svíþjóðar liggir úbygðr af frosti ok kulda, svá sem hinn syðri hlutr Bláländs er auðr af sólarbruna. Í Svíþjóð eru stóruheruð mörg: þar eru ok margskonar þjóðir undarligar ok margar tungur: þar eru risar ok þar eru dvergar, þar eru ok blámenn, þar eru dýr ok drekar furðuliga stórir. Ur norðri frá fjöllum þeim, er fyrir utan eru bygð alla, fellr á um Svíþjóð, sú er at réttu heitir Tanais; hon var forðum kölluð Tanakvisl eðr Vanakvisl; hon kemr til sjávar inn í Svartahaf. Í Vanakvislum var þá kallat Vanaland eðr Vanaheimr; sú á skilr heims þriðjunga; heitir fyrir austan Asía, en fyrir vestan Európa.

2. Fyrir austan Tanakvisl í Asía var kallat Ásaland eðr Ásaheimr; en höfuðborgina, er var í landinu, kölluðu

þeir Asgarð; en í borginni var höfðingi sá, er Óðinn var kallaðr; þar var blótstaðr mikill. Þat var þar siðr, at XII hófgoðar váru æztir: skyldu þeir ráða fyrir blótum ok dómum manna í milli; þat eru djar kallaðir eðr dróttnar: 5 þeim skyldi þjónustu veita alt fólk ok lotning. Óðinn var hermaðr mikill ok mjök viðföruill, ok eignaðiz mörg ríki: hann var svá sigrsæll, at í hverri orrostu fékk hann gagn; ok svá kom at hans menn trúðu því, at hann ætti heimilan sigr í hverri orrostu. Þat var háttr hans, ef hann 10 sendi menn sína til orrostu, eðr (i) aðrar sendifarar, at hann lagði áðr hendr í höfuð þeim, ok gaf þeim þjannak: trúðu þeir at þá mundi vel faraz. Svá var ok um hans menn, hvar sem þeir urðu í nauðum staddir á sjá eða á landi, þá kölluðu þeir á nafn hans, ok þóttuz íafnan fá af 15 því fró: þar þóttuz þeir eiga alt traust, er hann var. Hann fór opt svá langt í brot, at hann dvaldiz í ferðinni mörg misseri.

3. Óðinn átti II bræðr, hét annarr Vé, en annarr Vilir; þeir bræðr hans stýrðu ríkinu þá er hann var í brottu. 20 Þat var eitt sinn, þá er Óðinn var farinn langt í brot ok hafði lengi dvalizt, at ásum þótti órvænt hans heim: þá tóku bræðr hans at skipta arfi hans, en konu hans Frigg géngu þeir báðir at eiga, en litlu síðar kom Óðinn heim; tók hann þá við konu sinni.

25 4. Óðinn fór með her á hendr vönum; en þeir urðu vel við, ok vörðu land sitt, ok höfðu ymsir sigr: herjuðu hvárir land annarra, ok görðu skaða á. En er þat leiddiz hvárumtveggjum, lögðu þeir milli sín sættarstefnu, ok gerðu frið, ok selduz gislar; féngu vanir sína hina ágætustu menn, 30 Njörð hinn auðga ok son hans Frey, en æsir þar í mót þann er Hœnir hét, ok kölluðu hann allvel til höfðingja fallinn. Hann var mikill maðr ok hinn vænsti: með hánum sendu æsir þann er Mimir hét, (hann var) hinn vitrasti maðr; en vanir féngu þar í mót þann er spakastr var í

þeirra flokki, sá hét Kvásir. En er Hœnir kom í Vanaheim, þá var hann þegar höfðingi görr; Mímir kendi hán um ráð öll. En er Hœnir var staddr á þingum eðr stefnum, svá at Mímir var eigi nær, ok kœmi nökkur vandamál fyrir hann, þá svaraði hann æ hinu sama: ráði aðrir, kvað hann. 5
 7 Þá grunaði vani at æsir mundi hafa falsat þá í manna-skiptinu: þá tóku þeir Mími ok hálshjuggu, ok sendu höfuðit ásum. Óðinn tók höfuðið, ok smurði urtum þeim er eigi mátti fúna, ok kvað þar yfir galdra, ok magnaði svá, at þat mælti við hann, ok sagði hán um marga leynda hluti. 10
 Njörð ok Frey setti Óðinn blótgoða, ok váru þeir djar með ásum. Dóttir Njarðar var Freyja; hon var blótgyðja ok hon kendi fyrst með ásum seið, sem vönum var út. Þá er Njörðr var með vönum, þá hafði hann átta systur sína; þvíat þat váru þar lög: váru börn þeirra Freyr ok Freyja: 15
 en þat var bannat með ásum, at byggja svá nait at frændsemi.

5. Fiallgarðr mikill gengr af landnorðri til útsuðrs; sá skilr Svíþjóð hina miklu ok önnur ríki: fyrir sunnan fjallit er eigi langt til Tyrklands; þar átti Óðinn eignir stórar. Í þann tíma fóru Rúmyerja höfðingjar víða um heiminn; ok 20
 13 brutu undir sik allar þjóðir, en margir höfðingjar flýðu fyrir þeim úfriði af eignum sínum. En fyrir því at Óðinn var forspár ok sjólkunnigr, þá vissi hann at hans afkvæmi mundi um norðrhálfu heimsins byggja. Þá setti hann bræðr sína Vé ok Vila yfir Ásgarð; en hann fór ok djar allir með hán um 25
 ok mikit mannfólk annat. Fór hann fyrst vestr í Garðaríki, ok þá suðr í Saxland. Hann átti sonu marga: hann eignaðiz ríki víða um Saxland, ok setti þar sonu sína til landsgæzlu. 30
 14 Þá fór hann norðr til sjávar, ok tók sér þar bústað í ey einni; þar heitir nú Óðins ey í Fjóni. Þá sendi 30
 hann Gefjon norðr yfir sundit á landa leitan: þá kom hon til Gylfa, ok gaf hann henni eitt plógsland. Þá fór hon í Jötunheima, ok gat þar IV sonu við jötni nökkurum; hon brá þeim í yxnalíki, ok færði þá fyrir plóginn, ok dró

landit út á hafit, ok vestr gegnt Óðinsey, ok er þat land kallat Sælund: þar bygði hon síðan. Hennar fékk Skjöldr, son Óðins; þau bjuggu at Hleiðru. Þar er vatn eðr sjár eptir, þat er kallat Lógrinn. Svá liggja firðir í Leginum 5 í Svíaríki, sem nes í Sælundi. Svá kvað Bragi hinn gamli:

Gefjon dró frá Gylfa glöð, djúpröðuls öðla,
svá at af renniröknum rauk, Danmarkar auka;
báru yxn, ok átta ennitungl, þar er gengu
fyri vineyjar víðri valröf, fjögur höfuð.

- 10 En er Óðinn spurði, at góðir landskostir vǫru austr at Gylfa, fór hann þannug, ok görðu þeir Gylfi sætt sína, þvíat Gylfi þóttiz eingi krappt til hafa til móttstöðu við ásana. Mart áttuz þeir Óðinn við ok Gylfi í brögðum ok sjón-
15 hverfingum, ok urðu æsir jafnan ríkari. Óðinn tók sér bústað við Löginn, þar sem nú eru kallaðar fornu Sigtúnir, ok gerði þar mikit hof ok blót eptir siðvenju ásanna. Hann eignaðiz þar lönd svá vítt, sem hann lét heita Sigtúnir: hann gaf bústaði hofgoðunum: Njörðr hjó í Nóatúnum; en Freyr at Uppsölum; Heimdallr at Himinhjörgum; Þórr á 20 Þrúðvangi; Baldr á Breiðabliki: öllum fékk hann þeim góða bólstaði.

6. Þá er Ásaóðinn kom á norðrlönd, ok með hánum diar, er þat sagt með sannindum, at þeir hófu ok kendu íþróttir þær, er menn hafa lengi síðan með farit. Óðinn 25 var göfgastr af öllum, ok at hánum þámu þeir allir íþróttirnar: því at hann kunni fyrstr allar ok þó flestar. En þat er at segja fyrir hverja sök hann var svá mjök tignaðr, þá báru þessir hlutir til: hann var svá fagr ok göfugligr álitum þá er hann sat með vinum sínum, at öllum hló hugr 30 við; en þá er hann var í her, þá sýndiz hann grimmligr sínum úvinum. En þat bar til þess, at hann kunni þær íþróttir, at hann skipti litum ok líkjum, á hverja lund er hann vildi: önnur var sú, at hann talaði svá snjalt ok slétt,

at öllum er á heyrðu, þótti þat eina satt; mælti hann alt hendingum, svá sem nú er þat kveðit, er skaldskapr heitir. Hann ok hofgoðar hans heita ljóðasmiðir, því at sú íprótt hófz af þeim í norðrlöndum. Óðinn kunni svá gera, at í orrostu urðu úvinir hans blindir, eða daufir, eða óttafullir; 5 en vápn þeirra bitu eigi heldr en vendir: en hans menn fóru brynjulausir, ok váru gálnir sem hundar eðr vargar, bitu í skjöldu sína, váru sterkir sem birnir eða gríðungar: þeir drápu mannfólkit, en hvártki eldr né járn orti á þá: þat er kallat berserksgangr. 10

7. Óðinn skipti hömum; lá þá þúkrinn sem sofinn eða dauðr, en hann var þá fugl eða dýr, fiskr eða ormr, ok fór á einni svipstund á sjarlæg lönd, at sínum eyrindum eðr annarra manna. Þat kunni hann enn at gera með orðum einum, at slökkva eld, ok kyrra sjá, ok snúa vind- 15 um hverja leið er hann vildi. Óðinn átti skip þat er Skíð-bladnir hét, er hann fór á yfir höf stór, en þat mátti vesja saman sem dúk. Óðinn hafði með sér höfuð Mímis ok sagði þat hán um mörg tíðindi ur öðrum heimum: en stund- um vakti hann upp dauða menn ur jörðu, eðr settiz undir 20 hanga: fyrir því var hann kallaðr drauga dróttinn eðr hanga dróttinn. Hann átti ok hrafna tvá er hann hafði tamit við mál; flugu þeir víða um lönd, ok sögðu hán um mörg tíðindi: af þessum hlutum varð hann stórliga fróðr. Allar þessar ípróttir kendi hann með rúnum ok ljóðum, þeim er galdrar 25 heita; fyrir því eru æsir kallaðir galdrasmiðir. Óðinn kunni þá íprótt er mestr máttir fylgði, ok framdi sjálfr, er seiðr, heitir: en af því mátti hann vita örlög manna ok óordná hluti, svá ok at göra mönnum bana eðr úhamingju, eðr van- heilindi, svá ok at taka frá mönnum vit eðr afl, ok gefa 30 öðrum; en þessi sjólkyngr, er framit er, fylgir svá mikil ergi, at eigi þótti karlmönnum skammlaust við at fara, ok var gyðjunum kend sú íprótt. Óðinn vissi of alt jarðsé, hvar fólgt var, ok hann kunni þau ljóð er upp laukz fyrir

hánnum jörðin, ok björg ok steinar, ok haugarnir, ok batt hann með orðum einum þá er fyrir bjuggu, ok gekk inn ok tók þar slíkt er hann vildi. Af þessum kröptum varð hann mjök frægr; úvinir hans óttuðuz hann, en vinir hans 5 treystuz hánnum, ok trúðu á krapt hans ok á sjálfan hann; en hann kendi flestar íþróttir sínar blótgoðunum, varu þeir næst hánnum um allan fróðleik ok fjölkyngi. Margir aðrir námu þó mikit af, ok hefir þaðan af dreifzt fjölkyngin víða, ok haldiz lengi. En Óðin ok þá höfðingja tólf blótuðu 10 menn, ok kölluðu goð sín, ok trúðu á lengi síðan. Eptir Óðins nafni var kallaðr Auðun, ok hétu menn svá sonu sína; en af Þórs nafni er kallaðr Þórir eðr Þórarinn, eðr dregit af öðrum heitum til, svá sem Steinþórr, eðr Hafþorr, eðr enn breytt á fleiri vega.

15 8. Óðinn setti lög í landi sínu, þau er gengit höfðu fyrr með ásum; svá setti hann, at alla dauða menn skyldi brenna, ok bera á bál með þeim eign þeirra: sagði hann svá, at með þvílíkum auðæfum skyldi hverr koma til Valhallar sem hann hafði á bál: þess skyldi hann ok njóta, 20 er hann sjálf hafði í jörð grafit: en óskuna skyldi bera út á sjá, eðr grafa niðr í jörð: en eptir göfga menn skyldi haug gera til minningar: en eptir alla þá menn, er nökkut mannsmót var at, skyldi reisa bautasteina; ok hélz sá siðr lengi síðan. Þá skyldi blóta í móti vetri til árs, en at 25 miðjum vetri blóta til gróðrar, hit þriðja at sumri; þat var sigrblót. Um alla Svipbjöð guldu menn Óðni skatt, penn- ing fyrir nef hvert; eu hann skyldi verja land þeirra fyrir úfriði, ok blóta þeim til árs.

9. Njörðr fékk konu þeirrar, er Skaði hét; hon vildi 30 ekki við hann samfarar, ok giptiz síðan Óðni, áttu þau marga sonu: einn þeirra hét Sœmingr, um hann orti Eyvindr skáldaspillir þetta:

Þann skjald blæðr skattfœri gat
 ása niðr við jarnviðju,

þá er þau meirr í Mannheimum
 skatna vinr ok Skaði bygðu.
 Sævar heims ok sonu marga
 öndrðis við Óðni gat.

Til Sæmings taldi Hákon jarl hinn ríki langfeðgafkyn 5
 sitt. Þessa Svíþjóð kölluðu þeir Mannheima, en hina miklu
 Svíþjóð kölluðu þeir Goðheima; ur Goðheimum sögðu þeir
 mörg tíðindi ok mörg undr.

10. Óðinn varð sótt dauðr í Svíþjóð; ok er hann var
 at kominn bana, lét hann marka sik geirs oddi, ok eignaði 10
 sér alla vafnþitna menn: sagði hann sik mundu fara í
 Goðheima ok sagna þar vinum sínum. Nú hugðu Svíar,
 at hann væri kominn í hinn forna Ásgarð, ok mundi þar
 lifa at eilífu. Hóf þá at nýju átrunaðr við Óðin ok áheit.
 Opt þótti Svíum hann vitraz sér, áðr stórar orrostur yrði; 15
 gaf hann þá sumum sigr, en sumum bauð hann til sín:
 þótti hvárrtveggi kostur góðr. Óðinn var brendr dauðr, ok
 var sú brenna gjör allveglig. Þat var trúa þeirra, at því
 hærra sem reykin lagði í loptit upp, at því hálejtari væri
 sá í himninum, er brennuna átti ok þess auðgari, er meira 20
 fé brann með hánum.

11. Njörðr af Nóatúnunum gerðiz þá valdsmaðr yfir Svíum,
 ok hélt upp blótum; hann kölluðu Svíar þá dróttin sinn;
 tók hann þá skattgjafir af þeim. Á hans dögum var friðr
 allgóðr ok allskonar ár svá mikit, at Svíar trúðu því, at 25
 Njörðr réði fyrir ári ok fyrir fésælu manna. Á hans dögum
 dó flestir diar, ok váru allir brendir ok blótaðir síðan.
 Njörðr varð sótt dauðr, lét hann ok marka sik Óðni, áðr
 hann dó: Svíar brendu hann, ok grétu allir mjök yfir
 leiði hans. 30

12. Freyr tók þá við ríki eptir Njörð; var hann kall-
 aðr dróttin yfir Svíum, ok tók skattgjafir af þeim; hann
 var vinsæll ok ársæll sem faðir hans. Freyr reisti at Upp-
 sölum hof mikit, ok setti þar höfuðstað sinn; lagði þar til

allar skyldir sínar, lönd ok lausan eyri; þá hófz Uppsala-
 auðr, ok hefir haldizt æ síðan. Á hans dögum hófz Fróða-
 friðr; þá var ok ár um öll lönd: kendu Svíar þat Frey.
 Var hann því meirr dýrkaðr en önnur goðin, sem á hans
 5 dögum varð lands sólkit auðgara en fyrr af friðinum ok
 ári. Gerðr Gýmis dóttir hét kona hans; sonr þeirra hét
 Fjólnir. Freyr hét Yngvi öðru nafni; Yngva nafn var síðan
 haft í hans ætt fyrir tignarnafn: ok Ynglingar váru síðan
 kallaðir hans ættmenn. Freyr tók sótt; en er at hánun
 10 leið sóttin, leituðu menn sér ráðs, ok létu fá menn til hans
 koma, en hjuggu haug mikinn, ok létu dýrr á, ok þrjá
glugga. En er Freyr var dauðr, báru þeir hann leyniliga
 í hauginn, ok sögðu Svíum at hann lifði, ok varðveittu
 hann þar þrjá vetr. En skatt öllum heltu þeir í hauginn,
 15 í einn glugg gullinu, en í annann silfrinu, í hinn þriðja
 eirpenningum. Þá hélz ár ok friðr.

13. Freyja hélt þá upp blótum, þvíat hon ein lifði þá
 eptir goðanna, ok varð hon þá hin frægsta, svá at með hennar
 nafni skyldi kalla allar konur tignar, svá sem nú heita frov-
 20 or. Svá heitir ok hver freyja yfir sinni eigu, en sú hús-
 freyja, er bú á. Freyja var heldr marglynd; Óðr hét bóndi
 hennar; dóetr hennar hétu Hnoss ok Gersimi; þær váru
 fagrar mjök: af þeirra nafni eru svá kallaðir hinir dýrstu
 gripir. Þá er allir Svíar vissu, at Freyr var dauðr, en
 25 hélz ár ok friðr, þá trúðu þeir, at svá mundi vera, meðan
 Freyr væri á Svíþjóð, ok vildu eigi brenna hann, ok köll-
 uðu hann veraldar goð, blótuðu mest til árs ok friðar alla
 æfi síðan.

14. Fjólnir son Yngvifreys réð þá fyrir Svíum ok Upp-
 30 sala auð; hann var ríkr ok ársæll ok friðsæll: þá var
 Friðfróði at Hleiðru: þeirra í millum var vinfengi mikit ok
 heimboð. Þá er Fjólnir fór til Fróða á Sælund, þá var
 þar fyrir búin veizla mikil ok boðit til víða um lönd. Fróði
 átti mikinn húsabæ; þar var gert ker mikit margra álna

hátt, ok okat með stórum timbrstökkum: þat stóð í undirskemmu, en lopt var yfir uppi, ok opit gólfpilit, svá at þar var niðr helt leginum, en kerit blandit fullt mjaðar; þar var drykkur furðu sterkr. Um kveldit var Fjölmi fylgt til herbergis í hit næsta lopt, ok hans sveit með hánum. Um náttina gékk hann út í svalir at leita sér staðar; var hann svefnærr ok dauðadrukinn: en er hann snériz aptr til herbergis, þá gékk hann fram eptir svölunum ok til annarra loptdura, ok þar inn, misti þá fótum, ok féll í mjaðar-kerit, ok týndiz þar. Svá segir Þjóðólfr hinn Hvinverski: 10

Varð framgengt þar er Fróði bjó,
feigðar orð er at Fjölmi kom:
ok sikling Svegðis geira
vágr vindlauss of víða skyldi.

15. Svegðir tók ríki eptir föður sinn; hann strengði þess 15 heit at leita Goðheims ok Óðins hins gamla; hann fór með XII. menn víða um heiminn. Hann kom út í Tyrkland ok í Svíþjóð hina miklu, ok hitti þar marga frændr sína, ok var í þessi för V vetr. Þá kom hann aptr til Svíþjóðar, dvaldiz hann þá enn heima um hrið. Hann hafði fengit 20 konu þá er Vana hét, út í Vanaheimi, var þeirra son Vanlandi. Svegðir fór enn at leita Goðheims; ok í austanverðri Svíþjóð hét þær mikill at Steini; þar er steinn svá mikill sem stórt hús. Um kveldit eptir sólar fall, þá er Svegðir gékk frá drykkju til svefnbúrs, sá hann til steins- 25 ins, at dvergr sat undir steininum: Svegðir ok hans menn váru mjök drukknið, ok runnu til steinsins: dvergrinn stóð í durum, ok kallaði á Svegði, bað hann þar inn ganga, ef hann vildi Óðin hitta. Svegðir hljóp í steininn; en steinninn laukz þegar aptr, ok kom Svegðir eigi aptr. Svá segir 30 Þjóðólfr hinn Hvinverski:

En dagskjarr Durnis niðja
salvörðuðr Svegði vélti;

þá er í stein hinn stórgeði
 Dulsa konr ept dvergi hljóp:
 ok salbjartr þeirra Sökmímis
 jötunbygðr við jöfri gein.

- 5 16. Vanlandi hét sonr Svegðis, er ríki tók eptir hann, ok réð fyrir Uppsala auð: hann var hermaðr mikill, ok hann fór víða um lönd. Hann þá vetrvist á Finnlandi með Snjá hinum gamla, ok fékk þar dóttur hans Drífu. En at vári fór hann á brott, en Drífa var eptir; ok hét hann at koma
- 10 aptr á þriggja vetra fresti; en hann kom eigi á X vetrum. Þá sendi Drífa eptir Huld seiðkonu, en sendi Visbur, son þeirra Vanlanda, til Svipjóðar. Drífa keypti af Huld seiðkonu, at hon skyldi síða Vanlanda til Finnlands, eðr deyða hann at öðrum kosti. En er seiðr var framiðr, þá var
- 15 Vanlandi at Uppsölum: þá gerði hann fúsan at fara til Finnlands: en vinir hans ok ráðamenn bönnuðu hánum, ok sögðu at vera mundi fjölkyngi Finna í farsýsi hans. Þá görðiz hánum svefnhöfugt, ok lagðiz hann til svefns. En er hann hafði lítt sofnat, kallaði hann ok sagði, at mara
- 20 trað hann. Menn hans fóru til ok vildu hjálpa hánum; en er þeir tóku uppi til höfuðsins, þá trað hon fótleggina, svá at nær brotnuðu; þá tóku þeir til fótanna, þá kaðði hon höfuðit, svá at þar dó hann. Svíar tóku lík hans, ok var hann brendr við á þá, er Skúta heitir. Þar váru sett-
- 25 ir bautasteinar hans. Svá segir Þjóðólfr:

En á vit Vilja bróður
 vitta vættr Vanlanda kom;
 ok tröllkund of tröða skyldi
 liðs Grímhildr ljóna бага;
 ok sá brann á beði Skútu
 menglötudr er mara kvaldi.

30.

17. Visburrr tók arf eptir Vanlanda födur sinn; hann gékk at eiga dóttur Auða hins auðga ok gaf henni at mundi III

stórbæi ok gullmen. Þau áttu II sonu Gisl ok Öndur. En Visbur lét hana eina ok fékk annarrar konu; en hon fór til föður síns með sonu sína. Visbur átti son er Dómaldi hét; stjúp móðir Dómalda lét síða at hán um úgæfu. En er synir Visburs vǫru XII vetra ok XIII, fóru þeir á fund 5 hans ok heimtu mund móður sinnar; en hann vildi eigi gjalda. Þá mæltu þeir, at gullmenit skyldi verða at bana hinum besta manni í ætt hans, ok fóru í brott ok heim. Þá var enn fengit at seið ok síðit til þess, at þeir skyldu mega drepa föður sinn. Þá sagði Huldr völva þeim, at 10 hon mundi svá síða, ok þat með, at ættvíg skyldu ávalt vera í ætt þeirra Ynglinga síðan: þeir jǫttu því. Eptir þat sǫmnuðu þeir liði ok kómu at Visbur um nátt á óvart ok brendu hann inni. Svá kvað Þjóðólfr:

Ok Visburs vilja byrði
sævar niðr svelgja knátti,
þá er meinþjóf markar öttu
setrverjendr á sinn föður;
ok allvald í arin-kjöli
glóða garmr glymjandi beit.

15

20

18. Dómaldi tók arf eptir föður sinn Visbur, ok réð löndum. Á hans dögum gjörðiz í Svipjóð sultr mikill ok seyra. Þá efdu Svíar blót stór at Uppsölum; hit fyrsta haust blótuðu þeir yxnum, ok batnaði ekki árferð at heldr. En annat haust hófu þeir mannblót; en árferð var sǫm eðr 25 verri. En hit þriðja haust kómu Svíar fjölment til Uppsala, þá er blót skyldu vera; þá áttu höfðingjar ráðagjörð sína; ok kom þat ásamt með þeim, at hallarit mundi standa af Dómalda konungi þeirra; ok þat með, at þeir skyldu hán um blóta til árs sér, ok veita hán um atgöngu ok drepa 30 hann, ok rjóða stalla blóði hans; ok svá gerðu þeir. Svá segir Þjóðólfr:

Hitt var fyrr at fold ruðu
sverðberendr sínum dróttni;

ok landherr á lífs v́anan
dreyrug vápn Dómalda har.

Þá árgjörn Jóta dólgi

Svíá kind of sóa skyldi-

- 5 19. Dómarr hét sonr Dómalda, er þar næst réð ríki; hann réð lengi fyrir löndum, ok varð þá góð árferð ok friðr um hans daga. Frá hánnum er ekki sagt annat, en hann varð sótt dauðr at Uppsölum, ok var færðr á Fýrisvöllu ok brendr þar á árbakkanum, ok eru þar bautasteinar hans.
- 10 Svá segir Þjóðólfr:

Ok ek þess opt of Yngva hrær
fróða menn of fregit hafða,
hvar Dómarr á dynjanda
bana Háls of borin væri.
15 Nú ek þat veit at verkbitinn
Fjölneis niðr við Fýri brann.

20. Dyggvi hét son hans, er þar næst réð löndum, ok er frá hánnum ekki sagt annat, en hann varð sótt dauðr; svá segir Þjóðólfr:

- 20 Kveðkat ek dul, nema Dyggva hrær
Glitneis gná at gamni hefir;
þvíat jódis Úlfs ok Narfa
konungmann kjósa skyldi;
ok all-vald Yngva þjóðar
25 Loka mæf of leikinn hefir.

Móðir Dyggva var Brótt, dóttir Danps konungs, sonar Rígs, er fyrstr var konungr kallaðr á danska tungu; hans ættmenn höfðu ávalt síðan konungs nafn fyrir hit ætta tignarnafn. Dyggvi var fyrstr konungr kallaðr sinna ættmanna; en áðr v́aru þeir dróttnar kallaðir: en konur þeirra dróttningar, en drótt hirðsveitin. En Yngvi eðr Ynguni var kallaðr hverr þeirra ættmanna alla æfi, en Ynglingar allir saman. Drótt dróttning var systir Dans konungs hins mikilláta, er Danmörk er við kend.

30

21. Dagr hét son Dyggva konungs, er konungdóm tók eptir hann; hann var maðr svá spakr, at hann skildi fugls rödd: hann átti spör einn, er hán um sagði mörg tíðindi; ⁷ flaug hann á ýmsi lönd. Þat var eitt sinn, at spörrinn flaug á Reiðgotaland, á bœ þann, er á Vörva heitir; hann s flaug í ákr karls ok fékk þar matar. Karl kom þar ok tók upp stein ok laust spörrinn til bana. Dagr konungr varð illa við, er spörrinn kom eigi heim; gékk hann þá til sónarblóts til fréttar, ok fékk þau svör, at spörr hans var drepinn á Vörva. Síðan bauð hann út her miklum ok 10 fór til Gotlands; en er hann kom á Vörva, gékk hann upp með her sinn ok herjaði: fólk it flýði víða, vegar undan. Dagr konungr snéri herinum til skipa er kveldaði, ok hafði drepit margt fólk ok margt handtekit. En er þeir fóru yfir á nökkura, þar sem heitir Skjótansvað eðr Vápnavað, 15 þá rann fram ur skógi einn verkþræll á árbakkann ok skaut heytiugu í lið þeirra, ok kom í höfuð konungi skotit: féll hann þegar af hestinum ok fékk bana: fóru menn hans aptir til Svíþjóðar. Í þann tíma var sá höfðingi gramr kall- aðr er herjaði, en hermennirnir gramir. Svá segir Þjóðólfr: 20

Frá ek at Dagr dauða orði
frægðar fúss of fara skyldi;
þá er valteins til Vörva kom
spakfrömuðr, spörs at hefna.

Ok þat orð á Austrvega
vísa ferð frá vígi þar,
at þann gram um geta skyldi
slengju þref Sleipnis verðar.

25

22. Agni hét sonr Dags, er konungr var eptir hann, ríkr maðr ok ágætr, hermaðr mikill, atgervimaðr mikill um alla 30 hluti. Þat var eitt sumar, er Agni konungr fór með her sinn á Finnland, gékk þar upp ok herjaði. Finnar drógu saman lið mikit ok fóru til orrostu: Frosti er nefndr

höfðingi þeirra. Varð þar orrosta mikil ok fékk Agni konungr sigr; þar féll Frosti ok mikit lið með hánum. Agni konungr fór herskildi um Finnland ok lagði undir sik ok fékk stórmikit herfang. Hann tók ok hafði með sér Skjálfr dóttur Frosta ok Loga bróður hennar. En er hann sigldi austan, lagði hann til Stokksunda; hann setti tjöld sín suðr á sitina: þar var þá skógr. Agni konungr átti þá gullmenit, þat er Visburr hafði átt. Agni konungr gekk at eiga Skjálfr; hon bað hann at gera erfi eptir föður sinn.

10 Hann bauð þá til sín mörgum ríkismönnum ok gerði veizlu mikla; hann var allfrægr orðinn af för þessi: þá váru þar drykkjur miklar. En er Agni konungr gerðiz drukkinn; þá bað Skjálfr hann gæta vel mensins, er hann hafði á hálsi: hann tók til ok batt ramliga menit á hála sér, áðr hann

15 gengi at sofa; en landtjaldit stóð við skóginn ok hátt tré yfir tjaldinu, þat er skýla skyldi við sólarhita. En er Agni konungr var sofnaðr, þá tók Skjálfr snæri, ok festi undir menit; menn hennar slógu þá landtjaldstöngunum, en köstuðu lykku snærisins upp í limar trésins; drógu síðan, svá at

20 konungr hékk næst uppi við limar ok var þat hans bani. Skjálfr ok hennar menn hljópu á skip ok réru í brott. Agni konungr var þar brendr, ok er þar síðan kölluð Agnafir, á austanverðum Taurinum, vestr frá Stokksundi. Svá segir Þjóðólfr:

25

Pat tel ek undr, er Agna hers,
 Skjálfrar ráð, at sköpum þóttu;
 þá er gæðing með gullmeni
 Loga, dis at lopti hóf;
 hinn er við Taur temja skyldi
 svalan hest Signýjar vers.

30

23. Alrekr ok Eiríkr hétu synir Agna, er konungar váru eptir hann; þeir váru ríkir menn ok hermenn miklir ok íþróttamenn. Þat var síðvenja þeirra, at ríða hesta,

temja bæði við gang ok við hlaup; kunnu þeir þat allra manna best; lögðu þeir á þat hit mesta kapp, hverr betri reið eðr betri hesta átti. Þat var eitt sinn, at þeir bræðr riðu tveir frá öðrum mönnum með hina bestu hesta sína ok riðu út á völlu nökkura ok kómu eigi apr: var þeirra 5 leita farit, ok funnuz þeir báðir dauðir, ok lamit höfuð á báðum; en ekki vápn höfðu þeir nema bitlana af hestunum, ok þat hygga menn, at þeir hafi drepiz þar með. Svá segir Þjóðólfr:

Féll Alrekr þar er Eiriki	10
bróður vápn at bana urðu.	
Ok <u>hnakkmar</u> s með höfuðsetlum	
Dags frænðr of drepaz kváðu.	
Fráat maðr áðr <u>eykja</u> görvi	
Freys afspring í fólk hafa.	15

24. Yngvi ok Álfr váru synir Alreks, er konungdóm tóku í Svíþjóð þar næst. Var Yngvi hermaðr mikill ok allsigsæll, friðr ok íþróttamaðr hinn mesti, sterkr ok hinn snarpasti í orrostum, mildr af fé ok gleðimaðr mikill: af slíku öllu varð hann frægr ok vinsæll. Álfr konungr bróðir 20 hans sat at löndum, ok var ekki í hernaði, hann var kellaðr Elfsi: hann var maðr þögull, ríklundaðr ok úþýðr. Móðir hans hét Dageiðr, dóttir Dags konungs hins ríka, er Döglingar eru frá komnir. Álfr konungr átti konu er Bera hét, kvenna friðust ok skörungr mikill, gleðimaðr hinn 25 mesti. Yngvi Alreksson var þá enn eitt haust kominn ur vikingu til Uppsala, ok var þá hinn frægsti; hann sat opt við drykkju lengi um kveldum: Álfr konungr gekk opt snimma at sofa. Bera dróttning sat opt lengi á kveldum, ok tóluðu þau Yngvi sér gaman. Álfr ræddi opt um við 30 hana, at hon skyldi eigi sitja svá lengi um aptna; bæð hana fara fyrr at sofa, sagði at hann vildi ekki vaka eptir henni. Hon segir at sú kona væri sæl, er heldr skyldi

eiga Yngva en Álf: hann reiddiz því mjök, er hon mælti þat opt. Eitt kveld gékk Álf inn í höllina, þá er þau Yngvi ok Bera sátu í háseti ok tóluðuz við; hafði Yngvi um kné sér mæki; menn váru mjök drukkniir, ok gáfu engan 5 gaum at konungrinn kom inn. Álf konungr gékk at hásetinu, brá sverði undan skikkju ok lagði í gegnum Yngva bróður sinn: Yngvi hljóp upp, ok brá mækinum, ok hjó Álf banahögg, ok féllu þeir báðir dauðir á gólfít. Váru þeir Álf ok Yngvi heygðir á Fýrisvöllum. Svá segir 10 Þjóðólfr:

Ok varð hinn, er Álf of vá,
vörðr véstalls, of veginn liggja;
er döglingr dreyrgan mæki
öfundgjarn á Yngva rauð.

15 Vara þat bært, at Bera skyldi
valsæfendr vigs of hvetja;
þá er bræðr tveir at bönum urðuz,
öpurfendr, of afbryði.

25. Hugleikr hét son Álfs, er konungdóm tók yfir
20 Svíum, eptir þá bræðr, þvíat synir Yngva váru þá börn at aldri. Hugleikr konungr var engi hermaðr, ok sat hann at löndum í kyrrsæti: hann var auðigr mjök ok kallaðr heldr sígr af fé. Hann hafði mjök í hirð sinni allskonar leikara, harpara ok gigjara ok fiðlara; hann hafði ok með 25 sér seiðmenn ok allskonar fjölkunnigt fólk. Haki ok Hagbarðr hétu bræðr tveir ok váru ágætir mjök, þeir váru sjákonungar ok höfðu lið mikit; fóru stundum báðir samt, en stundum sér hvárr þeirra: margir kappar váru með hvarumtveggja þeirra. Haki konungr fór með her sinn til 30 Svipjóðar á hendr Hugleiki konungi, en Hugleikr konungr samnaði her fyrir: þá kómu til liðs við hann bræðr tveir Svipdagr ok Geigaðr, ágætir menn báðir ok hinir mestu kappar. Haki konungr hafði með sér XII kappa: þar var

þá Starkaðr hion gamli með hánum; Haki konungr var ok hinn mesti kappi. Þeir hittuz á Fýrisvöllum; varð þar orrosta mikil; féll brátt lið Hugleiks konungs. Þá sóttu fram kapparnir Svipdagr ok Geigaðr; en kappar Haka géngu VI á móti hvárum þeirra, ok urðu þeir handteknir: 5 þá gekk Haki konungr inn í skjaldborg at Hugleiki konungi, ok drap hann þar, ok sonu hans tvá. Eptir þat flýðu Svíar, en Haki konungr lagði nú lönd undir sik, ok görðiz konungr yfir Svíum. Hann sat þá at löndum III vetr; en í því kyrrsæti fóru kappar hans frá hánum, ok 10 í viking; ok féngu sér svá fjár.

26. Jörundr ok Eiríkr váru synir Yngva Alrekssonar; þeir lágu úti á herskipum þessa hrið alla, ok váru hermenn miklir. Á einu sumri herjuðu þeir í Danmörk; ok þá hittu þeir Guðlaug Háleyja konung ok áttu við hann 15 orrostu; ok lauk svá, at skip Guðlaugs var hroðit, en hann varð handtekinn: þeir sluttu hann til lands á Straumeyjarnes, ok hengðu hann þar: urpu menn hans þar áug eptir hann. Svá segir Eyvindr skáldaspillir:

En Guðlaugr grimman tamdi, 20
við ofrkapp Austrkonunga,
Sigarsjó, er synir Yngva
menglötud við með reiddu.
Ok ná-reiðr á nesi drúpir
vinga meiðr þar er víkr deilir. 25
Þar er fjölkýnt um fylkis hrær *leikman*
steini merkt Straumeyjarnes.

27. Eiríkr ok Jörundr bræðr urðu af verki þessu frægir mjök, þóttuz þeir miklu meiri menn en áðr. Þeir spurðu at Haki konungr í Svíþjóð hafði sent frá sér kappa 30 sína; þá halda þeir til Svíþjóðar, ok draga síðan her at sér. En er Svíar spyrja at Ynglingar eru þar komnir, ferr fjöldi liðs til þeirra. Síðan leggja þeir í Löginn upp

ok halda til Uppsala á hendr Haka konungi; en hann ferr í móti þeim á Fýrisvöllu, ok hafði lið miklu minna: varð þar mikil orrosta, gékk Haki konungr fram svá hart, at hann feldi alla, þá er hánúv váru næstir, ok at lyktum 5 feldi hann Eirík konung, ok hjó niðr merki þeirra bræðra. Þá flýði Jörundr konungr til skipa, ok alt lið hans. Haki konungr fékk svá stór sár, at hann sá at hans lífdagar mundu eigi langir verða: þá lét hann taka skeið er hann átti ok lét hlaða dauðum mönnum ok vápnum, lét þá 10 flýta út til hafs ok leggja stýri í lag, ok draga upp segl, en leggja eld í týrvið, ok göra bál á skipinu. Veðr stóð af landi: Haki var þá atkominn dauða eðr dauðr, er hann var lagiðr á bálit: gékk skipit loganda út um eyjar í haf, ok var þetta allfrægt lengi síðan.

15 28. Jörundr son Yngva konungs varð konungr at Uppsölum, hann réð þá löndum ok var optliga á sumrum í hernaði. Á einhverju sumri fór hann með her sinn til Danmerkr; hann herjaði um Jótland, ok fór um haustit inn í Limafjörð ok herjaði þar; hann lá liði sínu í Odda- 20 sundi. Þá kom þar með her mikinn Gylaugr Háleyja konungr, sonr Guðlaugs konungs, er fyrr var getit; hann leggr til orrostu við Jörund. En er landsmenn urðu þess varir, drífa þeir til ur öllum áttum, bæði með stórum skipum ok smám. Verðr þá Jörundr konungr ofríði bor- 25 inn, ok hroðit skip hans; hljóp hann þá á sund, ok varð hann handtekinn ok leiddr á land upp; lét þá Gylaugr konungr reisa gálga, leiðir hann Jörund þar til ok lætr hengja hann; lýkr svá hans æfi. Svá segir Þjóðólfr:

Varð Jörundr, hinn er endr of dó,
 30 lífs of latr í Limafirði;
 þá er hábjóstr hörva Sleipnir
 þana Guðlaugs of bera skyldi;
 ok Hagbarðs hersa valdi
 hōðnu leif at hálsi gékk.

29. Ön eðr Ani hét sonr Jörundar, er konungur var yfir Svfum eptir föður sinn; hann var vitr maðr ok blótmaðr mikill; engi var hann hermaðr, sat hann at löndum. Í þann tíma er þessir konungar váru at Uppsölum, er nú var frá sagt, var yfir Danmörku fyrst Danr hinn mikilláti; 5 hann varð allgamall: þá sonr hans Fróði hinn mikilláti eðr hinn fríðsami: þá hans synir Hálfðan ok Friðleifr; þeir vǫru hermenn miklir. Hálfðan var ellri, ok fyrir þeim of alt: hann fór með her sinn til Svíþjóðar á hendr Ön konungi, ok áttu þeir orrostur nokkurar, ok hafði Hálfðan 10 jafnan sigr; ok at lyktum flýði Ön konungur í vestra Gautland: þá hafði hann verit konungur yfir Uppsölum XXV vetra. Hann var ok í Gautlandi XXV vetra, meðan Hálfðan konungur var at Uppsölum. Hálfðan konungur varð sótt dauðr at Uppsölum, ok er hann þar heygðr. Eptir 15 þat kom Ön konungur enn til Uppsala, þá var hann sextugr. Þá gerði hann blót mikit, ok blét til langliffs sér, ok gaf Óðni son sinn, ok var hán um blótinn. Ön konungur fékk þau andsvör af Óðni, at hann skyldi enn lifa LX vetra: Ön var þá enn konungur at Uppsölum V vetra ok XX. Þá 20 kom Áli hinn frækni með her sinn til Svíþjóðar, sonr Friðleifs konungs, á hendr Ön konungi, ok áttu þeir orrostur, ok hafði Áli jafnan sigr. Þá flýði Ani konungur í annat sinn ríki sitt, ok fór í vestra Gautland. Áli var konungur at Uppsölum XXV vetra, áðr Starkaðr hinn gamli 25 drap hann. Eptir fall Ála fór Ön konungur enn apr til Uppsala ok réð þar ríkinu enn XXV vetra. Þá gerði hann blót mikit til langliffs sér, ok blótaði öðrum syni sínum: þá svarar Óðinn hán um, at hann skyldi æ lifa, meðan hann gæfi Óðni son sinn hit tíunda hvert ár; ok þat með, 30 at hann skyldi heiti gefa þökkuru heraði í landi sínu, eptir tölu sona sinna, þeirra er hann blótaði til Óðins. En þá er hann hafði blótat VII sonum sínum, þá lifði hann X vetra, svá at hann mátti ekki ganga; var hann þá á stóli

borinn. Þá blótaði hann hinum VIII syni sínum, ok lifði hann þá enn X vetra, ok lá þá í kör. Þá blótaði hann hinum IX syni sínum, ok lifði þá enn X vetra: þá drakk hann horn sem lébarn. Þá átti hann einn son eptir, ok vildi hann þá blóta þeim, ok þá vildi hann gefa Óðni Uppsali, ok þau heruð er þar liggja til, ok láta kalla þat Tiundaland. Svíar bönnuðu hánun þat, ok varð þá ekki blót. Síðan andaðiz Ön konungr, ok er hann heygðr at Uppsölum. Þat er síðan kölluð Ana-sótt, er maðr deyr
10 verklauss af elli. Svá segir Þjóðólfr:

Knátti ^{enn} endr at Uppsölum

Anasótt Ön of standa;
ok þrálífr þiggja skyldi
jóðs aðal öðru sinni.

15 Ok sveiðuðs at sér hverðir
mækis hlut hinn mjóvara,
er okreins áttunga rjóðr
lögðis odd liggjandi drakk.
Máttit hárr mæki hjarðar.
20 austrkonungr upp of haldá.

30. Egill hét son Öns hins gamla, er konungr var eptir föður sinn í Svíþjóð; hann var engi hermaðr ok sat at löndum í kyrrsæti. Tunni hét þræll hans, er verit hafði með Ana hinum gamla, ráðagjörðamaðr ok fêhirðir hans.
25 En er Ani var andaðr, þá tók Tunni of lausafjár ok gróf í jörð niðr. En er Egill var konungr, þá setti hann Tunna með þrælum öðrum: hann kunni því stórilla ok hljóp í brott, ok með hánun margir þrælar, ok tóku þá upp lausaféit er Tunni hafði fólgit; gaf hann þat mönnum sínum,
30 en þeir tóku hann til höfðingja. Síðan dreif til hans mart illþýðisfólk; lágu þeir úti á mörkum, en stundum hljópu þeir í heröð ok ræntu menn eða drápu. Egill konungr spurði þetta, ok fór at leita þeirra með liði sínu; en er hann hafði tekit sér náttstað á einni nátt, þá kom þar

Tunni með liði sínu, ok hljóp á þá úvara, ok drápu lið mikit af konungi. En er Egill konungr varð varr við úfrið, þá snériz hann til viðtöku ok setti upp merki sitt; en lið flyði mart frá hánnum, þvíat þeir Tunni sóttu at djarft: sá þá Egill konungr engan annan sinn kost en 5 flyja. Þeir Tunni ráku þá flóttann alt til skógar; síðan fóru þeir aptr í bygðina, herjuðu ok ræntu, ok féngu þá enga mótstöðu. Fé þat alt er Tunni tók i heraðinu, gaf hann liðsmönnum sínum; varð hann af því vinsæll ok fjölmennr. Egill konungr samnaði her, ok fór til orrostu 10 í móti Tunna; þeir börðuz, ok hafði Tunni sigr, en Egill konungr flyði, ok lét lið mikit. Þeir Egill konungr ok Tunni áttu VIII orrostur ok hafði Tunni sigr í öllum. Eptir þat flyði Egill konungr landit ok hélt til Danmerkr i Sælund; til Fróða hins frækna: hann hét Fróða konungi 15 til liðs skatti af Svíum: fékk þá Fróði hánnum her ok kappa sína; fór þá Egill konungr til Svíþjóðar. En er Tunni spyrr þat, fór hann í móti hánnum með lið sitt; varð þá orrosta mikil: þar féll Tunni, en Egill konungr tók þá við ríki sínu, en Danir fóru aptr. Egill konungr 20 sendi Fróða konungi góðar gjafir ok stórar á hverjum miss-erum, en galt engan skatt Dönum, ok hélz þó vinfengi þeirra Fróða. Síðan er Tunni féll, réð Egill konungr einn ríkinu III vetr. Þat varð i Svíþjóðu, at griðungr sá er til blóts var ætlaðr, var gamall ok alinn svá kappsamliga, 25 at hann var manngýgr; en er menn vildu taka hann, þá hljóp hann á skóg ok varð galinn, ok var lengi á viðum, ok hinn mesti spellyrki við menn. Egill konungr var veiðimaðr mikill; hann reið um daga optliga á markir, dýr at veiða. Þat var eitt sinn, at hann var riðinn á veiðar 30 við menn sína. Konungr hafði elt dýr eitt lengi; ok hleypti eptir i skóginn frá öllum mönnum: þá verðr hann varr við griðunginn; ok reið til, ok vill drepa hann; griðungrinn snéri i móti, ok kom konungr lagi á hann,

- ok skar ur spjótit: griðungrinn stakk hornunum á síðu hestinum, svá at hann féll þegar flatr, ok svá konungriðinn. Þá hljóp konungr á fœtr ok vill bregða sverði, griðungrinn stakk þá hornunum fyrir brjóst hánnum, svá at á kafi stóð.
- 5 Þá kómu at konungs menn, ok drápu griðunginn. Konungr lifði litla hríð, ok er hann heygðr at Uppsöllum. Svá segir Þjóðólfr:

- Ok lofsæll or landi fló
Týs áttungr Tunna ríki;
10 en, flæmingr, farra trjónu
jötuns eykr á Agli rauð,
sá er of aust-mörk áðan hafði
brúna hörg of borinn lengi.
En skiðlausss skilfinga nið
15 hæfis hjórr til hjarta stóð.
31. Óttarr hét son Egils, er ríki ok konungdóm tók eptir hann; hann vingaðiz ekki við Fróða konung. Þá sendi Fróði konungr menn til Óttars konungs, at heimta skatt, þann er Egill hafði heitit hánnum. Óttarr svaraði
- 20 svá, at Svíar hefði aldri skatt goldit Dönum; segir at hann mundi ok svá gera: fóru aptr sendimenn. Fróði var hermaðr mikill: þat var á einu sumri, at Fróði fór með her sinn til Svíþjóðar; görði þar upprásir ok herjaði; drap mart fólk, en sumt hertók hann; lékk hann þar allmikit
- 25 herfang; hann brendi ok víða bygðina, ok gerði hit mesta hervirki. Annat sumar fór Fróði konungr at herja í Austrveg; þat spurði Óttarr konungr, at Fróði konungr var eigi í landinu. Þá stígr hann á herskip, ok ferr út í Danmörk, ok herjar þar; ok fær enga mótstöðu. Hann spyr,
- 30 at samnaðr mikill var á Sælundi; stefnir hann þá vestr í Eyrarsund, siglir þá suðr til Jótlands, ok leggir í Lima-
2 fjörð, ok herjar þá á Vendli; brennir þar, ok görir mjök aleyða landit, þar sem þeir kómu. Vötr ok Fasti hétu jarlar Fróða, þá hafði Fróði sett til landvarnar í Danmörk,

meðan haugin var or landi; en er jarlar spurðu, at Svía konungr herjaði í Danmörk, þá samna þeir her, ok hlaupa á skip, ok sigla suðr til Linafjarðar, koma þar mjök á úvart Óttari konungi, leggja þegar til orrostu; taka Svíar vel í mót, fellr lið hvárratveggju. En svá sem lið fellr af 5 Dönum, kom annat meira þar or heruðum, ok svá var til lagt öllum skipum þeim er í nánd váru. Lýkr svá orrostu, at þar féll Óttarr konungr, ok mestr hluti liðs hans. Danir tóku lík hans ok fluttu til lands, ok lögðu upp á haug einn, ok létu þar rífa dýr ok hrafna bræin. 10 Þeir gera af tré kráku eina, ok sendu til Svíþjóðar, ok segja at eigi var meira verðr Óttarr konungr þeirra; þeir kölluðu síðan Óttar Vendilkráku. Svá segir Þjóðólfr;

Féll Óttarr und ara greipar
duganligr fyrir Dana váppum, 15
þann hergammr hrægum fœti
viti borinn á Vendli sparn.

Þau frá ek verk Vöts ok Fasta
sœnskri þjóð at sögum verða;
at eylands jarlar Fróða 20
vígframað of veginn hófðu.

32. Aðils hét son Óttars konungs, er konungdóm tók eptir hann; hann var lengi konungr, ok varð mjök auðigr, var hann ok nökkur sumur í víkingu. Aðils konungr kom með her sinn til Saxlands: þar réð fyrir konungr er 25 Geirþjófr hét, en kona hans hét Álóf hin ríka; ekki er getit barna þeirra; konungr var eigi í landinu. Aðils konungr ok menn hans runnu upp til konungs bæjar, ok ræntu þar; sumir reka ofan hjörð til strandarhöggs. Hjarðarinnar hafði gætt ánauðigt fólk, karlar ok konur, ok 30 hófðu þeir þat alt með sér. Í því liði var mærl ein, undarlíga fögr; sú nefndiz Yrsa. Fór þá Aðils konungr heim með herfang. Yrsa var ekki með ambáttum. Brátt sanaz þat, at hön var vitr ok vel orðum farin, ok allra hluta vel

kunnandi; fannz mönnum mikit um hana, ok þó konungi mest; kom þá svá at Aðils gerði braðlaup til hennar. Var Yrsa þá dróttning í Svipjóð, ok þótti han hinn mesti skörungr.

- 5 33. Helgi konungr Hálfðanar son réð þá fyrir Hleiðru; hann kom til Svipjóðar með her svá mikinn, at Aðils konungr sá engan annan sinn kost, en flýja undan. Helgi konungr gékk þar á land með her sinn, ok herjaði, fékk mikit herfang; hann tók höndum Yrsu dróttningu, ok hafði
- 10 með sér til Hleiðrar, ok gékk at eiga hana; þeirra son var Hrólfr kraki. En er Hrólfr var þrevetr, þá kom Álf dróttning til Danmerkr; sagði hon þá Yrsu dróttningu, at Helgi konungr maðr hennar var ok faðir hennar, en Álf móðir hennar. Fór þá Yrsa aptr til Svipjóðar til Aðils
- 15 konungs, ok var þar dróttning meðan hon lifði síðan. Helgi konungr féll í hernaði; Hrólfr kraki var þá VIII vetra, ok var þá til konungs tekinn at Hleiðru. Aðils konungr átti deilur miklar við konung þann er Áli hét hinn Upplenski; hann var or Noregi. Þeir Aðils konungr ok
- 20 Áli konungr áttu orrostu á Vænis ísi; þar féll Áli konungr, en Aðils hafði sigr. Frá þessarri orrostu er langt sagt í Skjöldunga sögu, ok svá frá því, er Hrólfr kraki kom til Uppsala, til Aðils; þá séri Hrólfr kraki gullinu á Eyris völlu. Aðils konungr var mjök kær at góðum hestum:
- 25 hann átti hina bestu hesta í þann tíma: Slöngvir hét hestr hans, en annarr Hrafn; þann tók hann af Ála dauðum,
- ? /ok þar var undir alinn annarr hestr, er Hrafn hét, þann sendi hann til Hálogalands Goðgesti konungi; þeim reið Goðgestr konungr, ok fékk eigi stöðvat áðr hann féll af
- 30 baki, ok fékk bana; þat var í Ömd á Hálogalandi. Aðils konungr var at dísar blóti, ok reið hesti um dísar salinn; hestrinn drap fótum undir hánun, ok féll, ok konungr af fram, ok kom höfuð hans á stein, svá at hausinn brotnaði, en heilinn lá á steininum; þat var hans bani.

Aðils dó at Uppsölum, ok er þar heygör: kölluðu Svíar hann ríkan konung. Svá segir Þjóðólfr:

Þat frá ek enn, at Aðils fjörvi
vitta vettir of við skyldi,
ok dáðgjarn af Þrasils hógum 5
Freys áttungr falla skyldi;
ok við aur ægir hiarna.
ru bragnings burs of blandinn varð,
ok dáðsæll deyja skyldi
Ála dólgr at Uppsölum. 10

34. Eysteinn hét son Aðils, er þar næst réð Svíaveldi; á hans dögum féll Hrólf kraki at Hleiðru. Í þann tíma herjuðu konungar mjök í Svíaveldi, bæði Danir ok Norðmenn. Váru margir sækonungar þeir er réðu liði miklu, ok áttu engi lönd: þótti sá einn með fullu heita 15 mega sækonungr, er hann svaf aldri undir sótkum ási, ok drakk aldri at arinsborni.

35. Sólvi hét sækonungr, sonr Högna í Njarðey, er þá herjaði í Austrveg: hann átti ok ríki á Jótlandi; hann hélt liði sínu til Svíþjóðar. Þá var Eysteinn konungr at 20 veizlu í heraði, þar er í Lofönd heitir: þar kom Sólvi konungr á úvart um nátt, ok tók hús á konungi, ok brendi hann inni með hirð sína alla. Þá ferr Sólvi til Sigtúna, ok beiðir sér konungs nafns ok viðröðu; en Svíar samna her ok vilja verja hánunum landit, ok varð þar 25 orrosta svá mikil, at þat er sagt at eigi sleit á XI dægum. Þar fékk Sólvi konungr sigr, ok var hann þá konungr yfir Svíaveldi langa hrið, alt þar til er Svíar svíku hann, ok var hann þar drepinn. Svá segir Þjóðólfr:

Veit ek Eysteins enda fólgin 30
lokinn lífs á Lofundi;
at sikling með Svíum kváðu
Jótska menn inni brenna.

Ok bitsótt, í brandnói,
 hliðar þanga á hilmí rann,
 þá er timbrfastr tóptar nekkvi,
 flotna fullr, of fylki brann.

5 36. Yngvarr hét son Eysteins konungs, er þá var
 konungr yfir Sviaveldi; hann var hermaðr mikill, ok var
 opt á herskipum: þviat þá var áðr Sviaríki mjök herskätt,
 bæði af Dönum ok Austrvegsmönnum. Yngvarr konungr
 gerði frið við Dani; tók þá at herja um Austrvegu. Á einu
 10 sumri hafði hann her úti, ok fór til Eistlands ok herjaði
 þar um sumarit, sem hét at Steini; þá kómu Eistr ofan
 með mikinn her, ok áttu þeir orrostu; var þá landherrinn
 svá drjúgr, at Sviar féngu eigi mótstöðu veitt; féll þá
 Yngvarr konungr, en lið hans flýði: hann er heygðr þar
 15 við sjá sjálfan; þat er á Aðalsýslu. Fóru Sviar heim eptir
 úsigr þenna. Svá segir Þjóðólfr:

Þat stökk upp, at Yngvari &
 Sýslukind of sóat hefði,
 ok ljóshönum við lagar hjarta
 her Eistneskr at hilmí vá,
 ok austmarr jöfri scenskum
 Gýmis ljóð at gamni kveðr.

20 37. Önundr hét son Yngvars, sá er næstr tók kon-
 undóm í Svíþjóð. Um hans daga var friðr góðr í
 25 Svíþjóð, ok varð hann mjök auðigr at lausafé. Önundr
 konungr fór með her sinn til Eistlands at hefna föður síns;
 gékk þar upp með her sinn, ok herjaði víða um landit,
 ok fékk herfang mikit; ferr aptr um haustit til Svíþjóðar.
 Um hans daga var ár mikit í Svíþjóð. Önundr konungr
 30 var allra konunga vinsælstr. Svíþjóð er markland mikit,
 ok liggja þar svá eyðimerkr, at margar dagleiðir eru yfir.
 Önundr konungr lagði á þat kapp mikit ok kostnað; at
 rýðja markir, ok byggja raðin: hann lét ok leggja vegu

yfir eyðimerkr, ok funnuz þá víða í mörkunum skóglaus lönd, ok bygðuz þar þá stórheruð. Varð af þessum hætti vítt land byggt, þvát landsfólkitt var gnógt til lands bygðarinnar. Önundur konungr lét brjóta vega um alla Svíþjóð, bæði um markir ok mýrar ok sjallvegu: fyrir því var hann 5 Braut-Önundur kallaðr. Önundur konungr setti bú sín í hvert stórherað á Svíþjóð; ok fór um allt landit at veizlum.

38. Braut-Önundur átti son er Ingjaldr hét. Þá var konungr á Fjaðryndalandi Yngvarr. Hann átti sonu tvá við konu sinni, hét annarr Álfr, en annarr Agnarr. Þeir 10 váru mjök jafnaldrar Ingjalds. Víða um Svíþjóð váru í þann tíma heraðskonungar Braut-Önundar, ok réð fyrir Tíundalandi Svipdagr blindi. Þar eru Uppsalar; þar er allra Svía þing; váru þar þá blót mikil; sóttu þannug margir konungar; var þat at miðjum vetri. Ok einn vetr þá er 15 komit var at miðjum vetri, var fjölment komit til Uppsala; var þar Yngvarr konungr ok synir hans: þeir váru VI vetra gamlir Álfr son Yngvars konungs ok Ingjaldr son Önundar konungs. Þeir efldu til sveina leiks, ok skyldi hvárr ráða fyrir sinu líði; ok er þeir lékuz víðr, var Ingjaldr ústerk- 20 ari en Álfr; ok þótti hán um þat svá ilt, at hann grét af mjök svá. Þá kom til Gautviðr fóstbróðir hans, ok leiddi hann í brett til Svipdags blinda fóstföður hans, ok sagði hán um at allilla hafði at farit, ok hann var ústerkari ok úþróttkari í leikinum en Álfr son Yngvars konungs. Þá 25 svarar Svipdagr, at þat væri mikil skómm. Annan dag optir lét Svipdagr taka hjarta or vargi, ok steikja á teini, ok gaf síðan Ingjaldi konungs syni at eta; ok þaðan af 30 varð hann allra manna grimmastr ok verst skaplundaðr. Ok er Ingjaldr var rúskinn, þá bað Önundur konu til handa 30 hán um, Gauthildar dóttur Algauta konungs; hann var son Gautreks konungs hins milda, sonar Gauts, er Gautland er við kent. Algautr konungr þóttiz vita at hans dóttir mundi allvel gipt, ef hon væri syni Önundar konungs gefin, ef hann hefði

skaplyndi föður síns: ok var mærin send til Svipjóðar, ok görði Ingjaldr brúðlaup til hennar þegar er tími er til þess.

39. Önundr konungr fór milli búa sína á einu hausti með hirð sinni ok fór þann veg sem kallaðr er Himin-
5 heiðr; þat eru fjalldalir nökkurir þröngvir, en há fjöll tveim megin; þá var mikit regn, en áðr hafði snjá lagt á fjöllin. Þar hljóp ofan skriða mikil með grjóti ok leiri; þar varð fyrir Önundr konungr ok lið hans; fær konungr bana, ok mart lið með hánun. Svá segir Þjóðólfr:

10 Varð Önundr Jónakrs bura
harmi heptr und Himinfjöllum:
ok of veg Eistra dólgi
heipt hrisungs at hendi komi:
ok sá frömuðr foldar beinum
15 Höguna hrærs of horfinn var.

40. Þá tók konungdóm Ingjaldr son Önundar konunga yfir Svíum. Uppsala konungar váru ættir konunga í Svipjóð, þá er þar váru margir heradskonungar, frá því er Óðinn var höfðingi í Svipjóð. Váru einvaldshöfðingjar þeir er at Upp-
20 sölum sátu, um alt Svíaveldi, til þess er Agni dó; en þá kom ríkit fyrst í bræðra skipti, svá sem fyrr er ritit: en síðan dreifðiz ríki ok konungdómr í ættir, svá sem þær greinduz: en sumir konungar ruddu marklönd stór, ok bygðu þar, ok jóku þannug ríki sitt. En þá er Ingjaldr konungr tók
25 ríkit ok konungdóm, váru margir heraðskonungar, sem fyrr er ritit. Ingjaldr konungr lét búa veizlu mikla at Uppsölum, ok ætlaði at erfa Önund konung föður sinn; hann lét búa sal einn, engum mun minna, eðr úvegligra, en Uppsals var, er hann kallaði VII konunga sal; þar
30 váru í gör VII háseti. Ingjaldr konungr sendi menn um alla Svipjóð, ok bauð til sín konungum ok jörlum, ok öðrum merkismönnum. Til þess erfis kom Algauti konungr, mágr Ingjalds, ok Yngvarr konungr af Fjaðrynda-

landi, ok synir hans tveir Álfir ok Agnarr, Sporsnjallr konungr af Næríki, Sighvaðr konungr af Áttundalandi; Granmarr konungr af Suðrmannalandi var eigi kominn. Þar var VI konungum skipat í hinn nýja sal. Var þá eitt hásaeti autt, þat er Ingjaldr konungr hafði búa látit. Öllu 5 liði því er til var komit, var skipat í hinn nýja sal. Ingjaldr konungr hafði skipat hirð sinni ok öllu liði sínu í Uppsál. Þat var siðvenja í þann tíma, þar er erfi skyldi gjöra eptir konunga eðr jarla, þá skyldi sá er gerði erfi, ok til arfs skyldi leiða, sitja á skörrinni fyrir hásaetinu, alt 10 þar til er inn væri borit full, þat er kallat var Bragafull; skyldi sá þá standa upp í móti Bragafulli, ok strengja heit, drekka af fullit siðan: siðan skyldi hann leiða í hásaeti þat, sem átti faðir hans; var hann þá kominn til arfs alls eptir hann. Nú var svá hér gört, at þá er Bragafull kom inn, 15 stóð upp Ingjaldr konungr, ok tók við einu dýrshorni miklu, strengði hann þá heit, at hann skyldi auka ríki sitt hálfu í hverja höfuðátt, eðr deyja ella; drakk af siðan af horninu. Ok er menn váru drukknir um kveldit, þá mælti Ingjaldr konungr til Fólkvíðar ok Hylvíðar sona 20 Svípdags, at þeir skyldu vápnaz ok lið þeirra, sem ætlat var um kveldit: þeir géngu út, ok til hins nýja sals, báru þar eld at; ok því næst tók salrinn at loga, ok brunnu þar inni VI konungar, ok lið þeirra alt: en þeir er út leituðu þá váru skjótt drepnir. Eptir þetta lagði Ingjaldr 25 konungr undir sik ríki þessi öll, er konungar þessir höfðu átt, ok tók skatta af.

41. Granmarr konungr spurði þessi tíðindi ok svik þessi öll; þá þóttiz hann vita at hánun mundi slíkr kostur hugaðr, ef hann gyldi eigi varuð við. Þat sama sumar 30 kemr með liði sínu Hjörvarðr konungr, er Ýlfringr var kallaðr, til Svíþjóðar, ok lagði í fjörð þann er Myrkva-fjörðr heitir. En er Granmarr konungr spyrr þat, sendi hann menn til hans, ok býðr hánun til veizlu, ok öllu

liði hans. Hann þekktiz þetta; þvíat hann hafði ekki herjat á ríki Granmars konungs. Ok er hann kom til veizlunnar þá var þar sagnaðr mikill; ok um kveldit er full skyldi drekka, var þat siðvenja konunga þeirra er at lönd-
 5 um sátu eða veizlum, er þeir létu göra, at drekka skyldi á kveldum tvímenning, hvárr sér karlmaðr ok kona, svá sem inniz; en þeir sér er fleiri væri saman. En þat váru víkinga lög, þótt þeir væri at veizlum, at drekka sveitardrykkju. Hásæti Hjörvarðs konungs var búit gagn-
 10 varí hásæti Granmars konungs, ok sátu allir hans menn á þann pall. Þá mælti Granmarr konungr við Hildigunni dóttur sína, at hon skyldi búa sik, ok bera öl vikingum; hon var allra kvenna friðust; þá tók hon silfrkalk einn ok fylði, ok gekk fyrir Hjörvarð konung ok mælti: heilir allir
 15 Ýlfin gar at Hrólfs minni kraka! ok drakk af til háls, ok seldi Hjörvarði konungi. Nú tók hann kalkinn ok hönd hennar með, ok mælti, at hon skyldi ganga at sitja hjá hánum. Hon segir þat ekki víkinga sið, at drekka hjá konum tvímenning. Hjörvarðr svarar, lét þess vera meiri
 20 ván, at hann mundi þat skipti á gera, at láta heldr víkinga lögin, ok drekka tvímenning við hana. Þá settiz Hildiguðr hjá hánum, ok drukku þau bæði saman, ok tóluðu mart um kveldit. Eptir um daginn, er þeir konungarnir hittuz, Granmarr ok Hjörvarðr, þá hóf Hjörvarðr upp
 25 bónorð sitt, ok bað Hildiguðar. Granmarr konungr bar þetta mál fyrir konu sína Hildi, ok aðra ríkismenn: ok segir at þeim mundi vera mikit traust at Hjörvarði konungi; ok nú varð rómr at, ok þótti þetta öllum ráðligt, ok lauk svá, at Hildiguðr var föstnuð Hjörvarði konungi,
 30 ok gerði hann brúðlaup til hennar; skyldi þá Hjörvarðr konungr dveljaz með Granmari konungi, fyrir því at hann átti engan son til ríkis at varðveita með sér.

42. Þat sama haust samnaði Ingjalðr konungr sér liði ok ætlar á hendr þeim mágum; hann hefir her úti af

öllum þeim ríkjum, er áðr hafði hann undir sik lagt. Ok er þat spyrja þeir mágar, sæmna þeir liði í sínu ríki, ok kemr til liðs við þá Högni konungr ok Hildir son hans, er réðu fyrir Eystra-Gautlandi: Högni var faðir Hildar, er átti Granmarr konungr. Ingjaldr konungr gékk á land upp 5 með öllum her sínum, ok hafði lið miklu meira; sígr þá saman orrosta, ok var hin harðasta. En er litla hrið hafði bariz verit, þá flýja þeir höfðingjar, er réðu fyrir Fjaðryndalandi ok Vestr-Gautum ok af Næríki ok Áttundalandi, ok allr sá herr er af þeim löndum hafði farit, ok 10 fóru til skipa sinna. Eptir þetta varð Ingjaldr konungr staddr nauðuliga, ok fékk sár mörg, ok komst við þetta á flotta til skipa sinna. En þar féll Svipdagr blindi fóstri hans, ok synir hans báðir Gautviðr ok Hylðviðr. Ingjaldr konungr fór aþtr við svá búit til Uppsala, ok undi illa 15 sinni ferð; ok þóttiz þat finna, at hán um mundi vera herr sá útrúr, er hann hafði or sínu ríki, því er hann fékk með hernaði. Eptir þetta var úfriðr mikill millum Ingjalds konungs ok Granmars konungs. Nú er langar hriðir hafði þannug fram farit, kómu vinir beggja því við, at þeir 20 sættuz, ok lögðu konungar stefnu með sér, ok hittuz, ok gerðu frið millum sín, Ingjaldr konungr ok Granmarr konungr ok Hjörvarðr konungr mágr hans: skyldi friðr sá standa millum þeirra, meðan þeir lifði III konungar; var þat bundit eiðum ok trygðum. Eptir um vart fór Gran- 25 marr konungr til Uppsala at blóta, sem siðvenja var til móti sumri, at friðr væri. Féll hán um þá svá spánn, sem hann mundi eigi lengi lifa: fór hann þá heim í ríki sitt.

43. Um haustit eptir fór Granmarr konungr ok Hjör- 30 varðr konungr mágr hans at taka veizlu í ey þeirri er Sili heitir, at búum sínum: ok þá er þeir váru at veizlunni, kemr þar Ingjaldr konungr með her sinn á einni nátt, ok tók hús á þeim, ok brendi þá inni með öllu liði

sínu. Eptir þat lagði hann undir sik ríki þat alt, er átt
höfðu konungar, ok setti yfir höfðingja. Högni konungr
ok Hildir son hans riðu opt upp í Svíaveldi, ok drápu
menn Ingjalds konungs, þá er hann hafði sett yfir þat
5 ríki er átt hafði Granmarr konungr mágr þeirra. Stóð
þar langa hríð mikil deila millum Ingjalds konungs ok
Högna konungs; fékk Högni konungr þó haldit ríki sínu
fyrir Ingjaldi konungi alt til dauðadags. Ingjaldr konungr
átti II börn við konu sinni, ok hét hit eldra Ása, en
10 annat Ólafr trétolegja; ok sendir Gauthilðr, kona Ingjalds
konungs, sveininn til Bóva fóstra síns í vestra Gautland,
hann var þar uppfæddr, ok Saxi son Bóva, er kallaðr var
fléttir. Þat er sögn manna at Ingjaldr konungr dræpi XII
konunga, ok sviki alla í gríðum: hann var kallaðr Ingjaldr
15 hinn illráði: hann var konungr yfir mestum hlut Svíþjóðar.
Ásu dóttur sína gipti hann Guðröði konungi á Skáni, hon
var skaplik feðr sínum. Ása olli því er Guðröðr drap
Hálfðan bróður sinn. Hálfðan var faðir Ívars hins við-
faðma. Ása réð ok bana Guðröði konungi bóanda sínum,
20 ok flýði síðan til föður síns; hon var kölluð Ása hin
illráða.

44. Ívarr hinn víðfaðmi kom á Skáni, eptir fall Guð-
röðar föðurbróður síns, ok dró þegar her mikinn saman;
25 fór þegar upp á Svíþjóð: Ása hin illráða var áðr farin á
fund föður síns. Ingjaldr konungr var þá staddr á Ræn-
ingi at veizlu, er hann spurði at herr Ívars konungs var
þar nær kominn; þóttiz Ingjaldr engan styrk hafa til at
berjaz við Ívar; hán um þótti ok sá synn kost, ef hann
30 legðiz á flótta, at hvaðan æva mundi fjáðmenn hans at
drifa. Tóku þau Ása þat ráð, er frægt er orðit, at þau
gerðu fólk alt dauðadrukkit; síðan létu þau leggja eld í
höllina; brann þar höllin, ok fólk alt, þat er inni var
með Ingjaldi konungi ok Ásu. Svá segir Þjóðólfr:

Ok Ingjald í fjörvæn trað
reyks rösuðr á Ræningi,
þá er húsbjófr hyrjar leistum
goðkonung í gögnum steig.

Ok sá urðr allri þjóðu
sjaldgætastr með Svium þótti,
er hann sjálfr sínu fjörvi
fræknu fyrstr of fara vildi.

5

45. Ívarr víðfaðmi lagði undir sik alt Svíaveldi; hann eignaðiz ok alt Danaveldi, ok mikinn hlut Saxlands, ok alt 10 Austríki, ok hinn fimta hlut Englands. Af hans ætt eru síðan komnir Dana konungar ok Svía konungar, þeir er þar hafa einvald haft. Eptir Ingjald hinn illráða hvarf Uppsalamveldi ok ætt Ynglinga, þat er at langfeðgum mætti telja.

15

46. Ólafr son Ingjalds konungs, þá er hann spurði fráfall föður síns, þá fór hann með þat lið er hánúm vildi fylgja á Næríki; þviat allr múgr Svía hljóp upp með einu samþykki, at rækja ætt Ingjalds konungs ok alla hans vini. En er Svíar spurðu til hans, þá mátti hann ekki þar 20 vera: fór hann þá vestr markleiði, til ár þeirrar er norðan fellr í Væni, ok Elfr heitir. Þar dveljaz þeir; taka þar at ryðja mörkina ok brenna, ok byggja síðan. Urðu þar brátt stór herðöð, ok kölluðu þeir þat Vermaland: þar vǫru allgóðir lands kostir. En er spurðiz til Ólafs í Svíþjóð, 25 at hann rýðr markir, kölluðu þeir hann trételgju, ok þótti hæðiligt hans ráð. Ólafr fékk konu þeirrar er Sólveig hét eðr Sólva, dóttir Hálfðanar gulltannar vestan af Sóleyjum. Hálfðan var son Sólva, Sólvars sonar, Sólva sonar hins gamla, er fyrstr ruddi Sóleyjar. Móðir Ólafs trételgju 30 hét Gauthildr, en hennar móðir Álöf, dóttir Ólafs ens skygna, konungs af Næríki. Ólafr ok Sólva áttu tvá sonu, Ingjald ok Hálfðan; Hálfðan var uppfæddr í Sóleyjum

með Sölva móðurbróður sínum; hann var kallaðr Hálfdan hvítbein.

47. Þat var mikill mannfjöldi, er útlagi fór or Svipjóð fyrir Ívari konungi; spurðu þeir at Ólafr trételgja hafði
 5 landskosti góða á Vermalandi, ok dreif þannug til hans svá mikill mannfjöldi, at landit fékk eigi þorit: gerðiz þar hallæri mikit ok sultr; kendu þeir þat konungi sínum, svá sem Svíar eru vanir at kenna konungi bæði ár ok hallæri. Ólafr konungr var lítill blótmaðr; þat líkaði Svíum illa, ok
 10 þótti þaðan mundu standa hallærit: drógu Svíar þá her saman, gördðu fór at Ólafr konungi, ok tóku hús á hánum, ok brendu hann inni, ok gáfu hann Óðni, ok blétu hánum til árs sér: þat var við Væni. Svá segir Þjóðólfr:

Ok við vág hins er viði ar
 15 hræ. Ólafs hofgyldir svalg,
 ok glóðfjalgr* görvar leysti
 sonr Fornjóts af Svía þofri.
 Sá áttkonr frá Uppsölum
 Loðða kyns fyrir löngu hvarf.

20 48. Þeir er vitrari váru af Svíum, fundu at þat olli hallærinu, at mannfólkit var meira en landit mætti bera, en konungr hafði engu um valdit. Taka nú þat ráð, at þeir fara með herinn allan vestr yfir Eiðaskóg, ok koma fram í Sóleyjum mjök á úvart: þeir drápu Sölva konung,
 25 en tóku höndum Hálfdan hvítbein; þeir taka hann til höfðingja yfir sik, ok gefa hánum konungsnafn: lagði hann þá undir sik Sóleyjar. Síðan fór hann með herinn út á Raumaríki, ok herjar þar, ok fékk hann fylki þat af hernaði.

30 49. Hálfdan hvítbein var konungr ríkr; hann átti Ásu dóttur Eysteins hins harðráða, Upplendinga konungs; hann réð fyrir Heiðmörk: þau Hálfdan áttu II sonu, Eystein ok Guðröð. Hálfdan eignaðiz mikit af Heiðmörk, ok Þótn ok Haðaland, ok

mikit af Vestfold: hann varð gamall maðr, ok varð sótt-dauðr á Pótni, ok var síðan fluttur út á Vestfold, ok heygðr þar sem heitir Skæreið í Skíringssal. Svá segir Þjóðólfr:

Pat frá hverr, at Hálfðanar
sökmíðlendr sakna skyldu.
Ok hallvarps hlífnauma
þjóð-konung á Pótni tók.
Ok Skæreið í Skíringssal
of brynjálfs beinum drupir.

5

50. Ingjaldr bróðir Hálfðanar var konungr í Verma-landi; en eptir dauða hans lagði Hálfðan konungr Verma-land undir sik, ok tók skatta af, ok setti þar jarla yfir, meðan hann lifði.

51. Eysteinn, son Hálfðanar hvítbeins, var konungr eptir hann á Raumaríki ok á Vestfold; hann átti Hildi dóttur Eiríks Agnar sonar, er konungr var á Vestfold. Agnarr faðir Eiríks, var son Sigtryggs konungs á Vindli. Eiríkr konungr átti engan son, hann dó þá er Hálfðan konungr hvítbein lifði. Tóku þeir feðgar Hálfðan ok Eysteinn þá undir sik alla Vestfold; réð Eysteinn Vestfold meðan hann lifði. Þá var sá konungr á Vörnu er Skjöldr hét, hann var allmjök fjölkunnigr. Eysteinn konungr fór með herskip nökkur yfir á Vörnu, ok herjaði þar, tók slíkt er fyrir var klæði ok aðra gripi ok gögn bóanda, ok hjoggu strandhögg; fóru í brott síðan. Skjöldr konungr kom til strandar með her sinn; var Eysteinn konungr þá í brottu, ok kominn yfir fjörðinn, ok sá Skjöldr segl þeirra; þá tók hann möttul sinn, ok veifði, ok blés við. Þá er þeir sigldu inn um Jarlsey, sat Eysteinn konungr við stýri; skip annat sigldi nær þeim; báruskot nökkut var í, ok laust beiti ásinn af öðru skipi konung fyrir borð; þat var hans bani. Menn hans náðu líkinu; var

15

20

25

30

þat flutt inn á Borró, ok orpinn haugr eptir á röðinni,
út við sjá, við Vöðlu. Svá segir Þjóðólfr:

En Eysteinn fyrir ási fór
til Byleistis bróður meýjar.
5 Ok nú liggr und lagar beinum
reiks hlöðuðr á raðar bröddi;
þar er elkaldr hjá jöfri Gautskum
Vöðlu straumr at vági kemr.

52. Hálfðan hét sons Eysteins konungs, er konung-
10 dóm tók eptir hann; hann var kallaðr Hálfðan hinn mildi
ok hinn matarilli. Svá er sagt, at hann gaf í mála mönn-
um sínum jammarga gullpenninga, sem aðrir konungar
silfrpenninga; en hann sverti menn at mat. Hann var
hermaðr mikill, ok var löngum í vikingu, ok fékk sér
15 fjár. Hann átti Hlíf dóttur Dags konungs af Vestmörum.
Holtar á Vestfold var höfuðboer hans; þar varð hann sótt-
dauðr, ok er hann heygðr á Borró. Svá segir Þjóðólfr:

Ok til þings Þriðja jöfri
Hveðrungs mæ'r or heimi bauð,
20 þá er Hálfðan, sá er á Holti bjó,
norna dóms of notit hafði,
Ok buðlung á Borrói
sigr-hafendr síðan fálu.

53. Guðröðr hét sonr Hálfðanar, er konungdóm tók
25 eptir hann; hann var kallaðr Guðröðr hinn mikilláti, en
sumir kölluðu hann veiðikonung; hann átti þá konu er
Álfhildr hét, dóttir Álfarins konungs or Álfheimum; ok
hafði með henni hálfa Vingulmörk. Þeirra son var Ólafr,
er síðan var kallaðr Geirstada-Álfr. Álfheimar voru þá
30 kallaðir milli Raumelfar ok Gautelfar. En er Álfhildr var
önduð, þá sendi Guðröðr konungr menn sína vestr á
Agðir til konungs þess er þar réð fyrir, sá er nefndr

Haraldr hinn granrauði; skylðu þeir biðja Ásu dóttur hans til handa konungi; en Haraldr synjaði; kómu sendimienn aptr, ok sögðu konungi sitt erendi. En nökkuru síðar skaut Guðröðr konungr skipum á vatn, fór síðan með liði miklu út á Agðir; kom mjök á úvart, ok veitti þegar 5 upprás; kom um nátt á bæ Haralds konungs. En er hann varð varr við, at herra var kominn á hendr hánum, þá gekk hann út með þat lið sem hann hafði; varð þar orrosta, en liðs munr var allmikill: þar féll Haraldr konungr ok Gyrðr sonr hans. Tók Guðröðr konungr herfang 10 mikit; hann hafði heim með sér Ásu, dóttur Haralds konungs, ok ~~gerði~~ brúðlaup til hennar: þau áttu son er Hálfðan hét. En þá er Hálfðan var vetr gamall, þat haust fór Guðröðr konungr at veizlum; hann lá með skipi sínu í Stíflusundi, váru þar drykkjur miklar, var konungr 15 mjök drukinn. Ok um kveldit er myrkt var, gekk konungr af skipi; en er hann kom á bryggjusporð, þá hljóp maðr at móti hánum, ok lagði spjóti í gögnum hann; var þat hans bani; sá maðr var þegar drepinn. En um morguninn eptir er ljóst var, þá var maðr sá kendr, var 20 þat skósveinn Ásu dróttningar; duldi hon þá ekki, at þat váru hennar ráð. Svá segir Þjóðólfr:

Var Guðröðr hinn göfugláti
lómi beittir sá er löngu var
ok umráð at ölum stilli
höfud heiptrækt at hilmí dró.

25

Ok launsigr hinn lómgeði
Ásu árr af jöfri bar,
ok buðlungr á beði fornum
Stíflusunds of stunginn var.

30

54. Ólafr tók konungdóm eptir föður sinn; hann var ríkr maðr ok hermaðr mikill; hann var allra manna friðastr ok sterkastr, ok mikill vexti; hann hafði Vestfold:

þvíat Álfgeirr konungr tók þá undir sik. Vingulmörk alla; setti hann þar yfir Gandálf konung son sinn. Þá gengu þeir feðgar mjök á Raumaríki, ok eignuðuz mestan hlut þess rikis ok fylkis. Högni hét son Eysteins hins ríka,
 5 Upplendinga konungs; hann lagði þá undir sik Heiðmörk alla, ok Þótn ok Haðaland; þá hvarf ok undan þeim Guðröðar sonum Vermaland, ok snéruz þeir þá at skattgjöfum undir Svía konung. Ólafr var þá á tvitugs aldri, er Guðröðr andaðiz: en er Hálsdan bróðir hans gekk til
 10 rikis með hánum, þá skiptu þeir ríkinu með sér; hafði Ólafr hinn eystra hlut, en Hálsdan hinn syðra. Ólafr konungr hafði atsætu á Geirstöðum; hann tók fótarverk, ok andaðiz þar af; ok er hann heygðr á Geirstöðum. Svá segir Þjóðólfr:

15 Ok niðkvísl í Noregi
 þróttar Þrós of þróaz hafði.
 Reð Ólafr ofsa forðum
 viðri grund af Vestmari,
 unz fótverkr við foldar þröm
 20 vígmíðlung of víða skyldi.
 Nú liggr gunn-djarfr á Geirstöðum
 herkonungr haugi ausinn.

55. Rögnvaldr hét sonr Ólafs konungs er konungr var á Vestfold eptir föður sinn. Hann var kallaðr heiðum-
 25 hærrí; um hann orti Þjóðólfr hinn Hvinverski Ynglinga tal; þar segir hann svá:

 Pat veit ek bazt und blám himni
 kenninafn svá at konungr eigi,
 er Rögnvaldr reiðar stjóri
 30 heiðum-hárr of heitinn er.

ÓLAFS SAGA HINS HELGA

HIN MINNI

ÓLAFR OK DALA-GUÐBRANDR

Þegar er Ólafr var orðinn einvaldskonungr yfir öllum Noregi, þá lagði hann allra hluta mestan hug á í landinu at efla kristindóm, fyrir því at kristnin var mjök svá af sér komin frá því er Ólafr Tryggvason hafði mönnum kristindóm boðaðan í landinu ok til þess er Ólafr Haraldsson kom í land. En þá var alkristit í Noregi er hann var, ok svá í þeim löndum öllum er Ólafr Tryggvason kristnaði. Ólafr Haraldsson gaf fé til kirkna þeirra er Ólafr Tryggvason hafði reisa látit með ráðum Grímkels biskups, svá at mörk vegins silfrs skyldi greiðaz á hverju ári til hverjar fylkiskirkju í leigu jarða þeirra er til lágu. Ólafr setti lög þau er heita Sefslög: þau standa síðan um Upplönd ok um Víkina austr. Þrenn eru lög í Noregi: Frostubings ok þau lög er Hákon Aðalsteins fóstari lét setja, er Gulapings lög heita. 15

Ólafr konungr leggur svá mikit við at halda kristindóm, at engi maðr var sá í Noregi er eigi skyldi annathvært halda, rétta trú eða þola dauða. Ferr svá um alt landit þar er mestra umbóta var áðr ávant um kristnina: var engi sá afdalr eða útey í hans veldi er heiðinn maðr 20 myndi finnaz.

Guðbrandr er maðr nefndr er kallaðr var Dala-Guðbrandr: hann var ríkastr manna í Dölunum í þann tíma. Þat er sagt at Guðbrandr átti sun einn. En þá er Guðbrandr frá þessur tíðendi at Ólafr konungr var kominn á Lóar ok nauðgaði menn til at hverfa aptr til kristni þeirrar er þeir höfðu niðr kastat, þat er sagt at Guðbrandr lét skera upp herör ok stefndi öllum Dælum til bæjar þess er Hundspörp heitir á fund við sik. Ok þar kómu þeir 25

allir ok var þar orgrynni liðs á stundu einni: fyrir því at þar liggr vatn eitt nær þat er Lögr heitir, en bygðin mikil öllum megin at vatninu: mátti þar bæði fara á skipum ok á landi til þingsins. Ok nú er þeir kómu til þings, þá 5 stendr Guðbrandr upp ok hefr svá mál sitt: Þat hefi ek spurt at sá maðr sé kominn á Lóar er Ólafr heitir ok hann kallaz konungr vár ok vandar mjök um þat at vér höfum horfit aftr til siðar þess er várir foreldrar hafa haft, ok vitum vér á því deili, at bæði váru þeir várir frændr göfg- 10 ari ok þó vitrari en vér. Hann hefir þat spurt, at vér eigum oss ný guð ok kallar þau úmáttug fyrir því at hann heitaz at brjóta þau ok segir hann svá at hann á betra guð ok meira fyrir sér ok máttugari. Ok er þat furða, at hán um skal hlýða at lasta svá mjök vár guð ok hvi hann 15 þorir slíkt at mæla ok undarlíkt þykkir mér er guð vár hefna hán um eigi. En þó vænti ek er vér berum út Þór guð várn or húsi sínu virðiligu er hér stendr á þeima bæ ok oss hefir jafnan dugat, þá man Ólafr hræðaz ok svá menn hans; ok svá munu guð hans ok at engu verða. En 20 er Guðbrandr hafði þetta mælt ok mært annat, þá æptu allir bæendr í senn ok mæltu, at Ólafr skyldi aldrigin þaðan komaz á braut ef hann kæmi á fund þeirra ok eigi man hann þora at fara lengra suðr eftir Dölunum. Síðan ætluðu þeir til DCC manna at fara norðr á njósn eftir Dölunum 25 á Breiðing. En fyrir því liði var sonr Guðbrands höfðingi; en hann var þá átta vetra ok XX gamall, ok margir aðrir virðuligir bóanda synir í þeirri fôr. Nú fóru þeir ok kómu til bæjar þess er Hof heitir ok váru þar nætr III ok kom þar margt lið til þeirra þat er flytt hafði af Lesjum ok 30 Vága ok þeir er eigi vildu undir kristni ganga.

Nú er frá því at segja er Ólafr var kominn, at hann setr eftir kennimenn á Lóm ok á Vága. Síðan fór konungr yfir ok kom niðr á Sil ok var þar um náttina ok frágu þar at lið var mikit fyrir þeim; þeir frágu ok er á

Breiðin váru. Nú hélt konungr fram förinni ok bjuggust síðan til bardaga móti konungi. Þat er sagt at konungr býzt snemma um morguninn af Sil, ok herklæddist hann ok alt lið hans ok fer síðan suðr eftir Silvöllum ok létu eigi fyrr en á Breiðin ok sá þar mikinn her fyrir sér búinn 5 til bardaga. Síðan fylkti hann liði sínu ok var sjálfir í framanverðri fylkinginni ok orti orða á þá ok bauð þeim kristnina; en þeir mæltu: þú mant koma öðru við í dag en gabba oss, ok hófu þegar bardaga ok var mannfall mikit ok rukku bændr unðan. En sonr Guðbrands varð 10 handtekinn ok margir bóanda synir ágjætir með hánum, ok váru þeim grið gefin ok váru allir saman um náttina. Síðan mælti konungrinn við son Guðbrands: þú skalt fara aftr til föður þíns ok seg at ek man þar koma brátt. Síðan fór hann aftr ok sagði föður sínum heyrð tíðendi ok 15 mikinn mannskaða, ok eigi er meira aftr komit af liði því en II hundruð manna er héðan fór á njósnina ok þat ræð ek þér faðir at berjast eigi við þenna mann. Heyra má þat, kvað Guðbrandr, at or er þér bart alt hjartat ok fórtu illu heili heiman, ok man þessur þín færð þér lengi 20 uppi vera, ok trúir þú nú þegar á órar þær er sjá maðr ferr við, en hann hefir þér alla neisu gört ok þínu liði. En eigi er getit fleira hjals þeirra at því sinni. En um náttina eftir þá dreymdi Guðbrand at maðr nökkurr kom til hans ljóss ok af hánum stóð mikil ógn ok mælti við 25 hann: Sonr þinn fór enga sigrför móti Ólafi konungi en miklu mantu enn fara minni er þú ætlaz at halda bardaga við konunginn ok mantu falla ok alt lið þitt ok hrafnar munu slíta hræ þitt ok vargar. Ok er hann vaknaði, þá var hann ákaflega hræddr við þenna draum ok þótti mikils 30 um vert ok sagði drauminn þeim manni er Þórðr hét ístrumagi; hann var annarr maðr mestr í Dölnum. Ok þá er Guðbrandr hafði sagt drauminn, þá svarar Þórðr ístrumagi: Slikt hit sama hefir fyrir mik borit. Ok um

morguninn létu þeir blása til móts, ok sögðu at þeim þætti þat ráð at eiga þing við konunginn, ok vitum hvat hann vill boðit hafa í síðum ok sjám þá hvat líkligast sé ok reynum fyrst með hverjum sannindum er sjá maðr ferr.

- 5 Frá því er nú at segja at Guðbrandr mælti við son sinn: þú skalt fara, sagði hann, á fund konungs þess er þér gaf grið í bardaganum ok XII menn með þér. Ok svá var gört. En síðan fóru þeir ok kómu á fund konungs ok báru upp sín erindi ok sögðu at bændr vildu eiga þing
- 10 við hann ok setja grið þeirra á millum konungs ok bóanda. Konungr lætr sér þat vel líka ok þótti þetta gott at veita at þeir hefði frið í upphafi mála sinna. Ok bundu síðan grið at einkamálum sín á millum meðan sú stefna væri. Ok fóru þeir aptr við svá búit ok sögðu Guðbrandi ok
- 15 Þórði ístrumaga, at grið váru sett. Ok var konungr alþúinn þau at veita, ok eigi fyrir því at hann óttaðist at berjaz við yðr. Síðan fór konungr til bæjar þess er Lixstaðir heita ok var þar V nætr; þá fór konungr á fund við bændr ok átti þing við þá. En væta var mikil um
- 20 daginn. Nú er þingit var sett, þá stendr konungrinn upp ok mælti: Lesir ok á Lóm ok á Vága hafa tekit við kristni þeirri sem þeir höfðu niðr kastat ok brotit niðr öll skurguð sín ok trúa nú á einn guð þann er skóp himin ok jörð. Nú vildu vér ok yðr þess biðja at þér takit þat sama ráð
- 25 ok verum allir einna manna ok trúm á Jesum Christum þann er skóp alla hluti. Ok þá er konungr hafði þetta talat ok mart annat merkilikt, þá settiz hann niðr. Nú riss Guðbrandr upp ok svarar: Eigi vitum vér um hvern þú rœðir: en þat finn ek í máli þínu at þú kallar þann
- 30 guð vera er þú getr eigi sétt ok engi annarra. Nú má ek þann eigi sjá eða biðja mér fullþings er ek má hann eigi skilja; en vér eigum þann guð er vér megum hvern dag sjá, en hann er fyrir því nú eigi úti í dag at veðr er vatt, en mik varir þess ef þér sét guð várn at yðr man skjóta

skelk í brjóstút ok man yðr ógurlikt þykkja hví mikill hann er fyrir sér. En ef þat er satt er þú segir at guð yðart megi svá mikit sem þú lætr, þá lát þú hann svá gera at veðr sé skjýtat á morgun ok finnimk vér þá.

Nú er eigi sagt fleira frá hjali þeirra ok slítr nú 5 þinginu þann dag, en þat alráðit at þeir skulu finnaz annan dag. Síðan fór konungr heim til herbergis síns ok fór með hánum sonr Guðbrands í gisling, en konungr fékk þeim annan mann í móti. Þat er ok sagt at konungr spurði son Guðbrands at hversu guð þeirra væri görr. 10 Hann sagði at hann var görr í líking eptir Þór ok er bæði hárr ok digr ok hefir hann mikinn hamar í hendi. Þetta guð er holt innan ok undir görvir hávir fótскеmlar ok eru þeir holir ok luktir neðan, þar stendr hann á ofan ok er þar holt á millum hans ok fótborðsins; eigi skortir hann 15 gull á sér né silfr, fimmm bleifar brauðs eru hánum færrir hvern dag ok þar slátr við. Síðan fóru þeir í rekkjur. En konungr vakti þá nátt ok var á bænum sínum. En þá er dagr var, þá fór konungr til messu ok síðan til matar síns ok síðan til þings ok var veðrinu svá farit sem 20 Guðbrandr hafði fyrir mælt hinn fyrra daginn. Nú var alþýða komin til þings; þá stendr biskupr upp í kandarákáu ok hafði mitru á höfði ok bagal í hendi ok taldi þrú fyrir mönnum ok sagði margar jarteiknir þær er guð hafði gört ok lauk forkunliga vel máli sínu; síðan settiz hann 25 niðr. En þá stendr upp Þórðr ístrumagi ok mælir svá: Mart mælir hyrningr sjá er staf hefir í hendi ok uppi á sem veðrarhorn bjúgt. En nú með því at þit félagar kallit guð ykkan svá margar jarteiknir gera, þá láti hann vera sólskin í morgun ok finnumk á morgun fyrir sól ok 30 görum þá annathveggja at verum sáttir um þetta mál eða haldum bardaga. Nú skildust þeir at því sinni. Kolbeinn hét maðr, hann var í fylgð með Ólafi konungi, hann var kynjaðr or Fjörðum; hann hafði þann búnað jafnan,

at hann var gyrðr sverði ok hafði ruddu miklu í hendi. En konungr mælti við hann, at hann skyldi vera sem næstr hánú um morguninn. Síðan mælti hann við menn sína: Gangit þér í nátt ef þér vitit hvar skip bóanda eru ok
 5 höggvit raufar á öllum ok riðit á braut eikjum þeirra af
 böjum þeim sem nú eru þeir. Nú gerðu þeir sem konungrinn bauð þeim ok tókst hit bezta ok hit greiðasta þeim um sína sýslu. En konungrinn var á bœnum þá nátt alla ok bað þess at guð skyldi leysa þeirra vandræði með sinni
 10 mildi ok miskunn.

Svá er sagt at konungrinn fór um morguninn til tíða sinna fyrst ok til messu en síðan til þings ok váru sumir bœndr komnir. Ok því næst sá þeir mikinn flokk bóanda fara til þingsins ok báru í millum sín mikit skrimsl ok
 15 mannlikan ok var þat alt gulli glæst ok silfri. Ok nú sá þeir bœndr er á þinginu váru fyrir hvar guð þeirra fór ok þá hlupu þeir upp allir ok lutu því skrimsl. Síðan var þat sett á miðjan þingvöllinn; sátu öðrum megin bœndr en öðrum megin lið Ólafs konungs. Svá er sagt at Guðbrandr
 20 ríss upp ok mælti síðan: Hvar er nú guð þín Ólafir? þat ætla ek nú at hann beri heldr lágt hökuskeggit ok svá sýnist mér sem minna sé nú karp þitt eða hyrningsins þess er þér kallit biskup yðat ok þar sitr hjá þér heldr en hinn fyrri daginn fyrir því at nú er guð vart komit er þau veðr
 25 má göra at eigi megi guð yðat komast til þingsins, en nú sér guð várr á yðr hvössum augum ok eru þér nú fjalms fullir ok þorit nú eigi augum upp at sjá í gegn guði várum. Takit nú þat ráð er yðr samir bazi at þér fellit niðr hindrvitni yðra ok hverfit aptr til sættar við guð várn. Svá
 30 þolinmóðliga sem hann hefir þorit yðrar meingerðir ok svá hefnisamr sem hann er vanr at vera, þá þykkir oss þat kynligt at hann vægir yðr svá lengi nema þat beri til at hann viti þat fyrir at þér munut til hans snúast ok dýrka hann.

En áðr en konungrinn stæði upp, þá mælti hann við Kolbein hinn sterka svá at boendr vissu ekki til: Ef svá berr at, kvað hann, í erindi mínu, at boendr lita ífrá guði sínu, þá slá þú þat högg með ruddunni sem þú mátt mest. Síðan stóð konungr upp ok mælti: Margt hefir þú mælt 5 til vár, Guðbrandr, í morgun, ok lætr þú kynliga yfir því, at þú mátt eigi sjá guð várn. En vér væntum, at hann man koma brátt til vár. En þat undrumk ek, at þú ógnar oss guði yðru, þat er bæði er blint ok dauft, ok má hvárki bjarga sér né öðrum, ok kemsk aldrigi or stað 10 nema aðrir dragi þat eptir sér ok segir mér nú svá hugrum, at hánúman nú skamt til ills, ok lítit nú allir í austr ok sét, þar ferr nú guð várt með miklu ljósi. Ok rann þá sól upp á fjöll ok þá litu allir boendr til sólarinnar. En í því bili laust Kolbeinn guð þeirra svá at þat brast 15 alt í sundr. Nú litu boendr aptr, er þeir heyrðu brestinn, ok sá nú, at guð þeirra var fallit ok brotit alt í sundr ok hljópu or mýs or gulli þeirra svá stórar sem kettir væri ok eyðlur ok pöddur ok ormar. En boendr urðu svá hræddir við þenna atburð allan saman, með því at guð vildi at svá 20 væri at þeir flýðu sumir til skipa sinna en sumir til eykja. En er þeir hrundu út skipum sínum þá hljóp þar vatn í ok fylði af sjó. Nú sá þeir eigi þat at ráði at fara á skipin svá búin. En þeir er til eykjanna hljópu þá funnu þeir eigi á eykina. Nú var mikill gnýr bóandanna; þá 25 lætr Ólafr kalla á þá ok sagði at hann vildi eiga tal við þá ok bað þá eigi svá láta. Síðan hurfu þeir aptr ok settu þingit. Þá stóð konungr upp ok talaði: Eigi veit ek, sagði konungrinn, hví sætir hark þetta ok hlaup er þér gerit: nú megi þér sjá hvat guð yðar mátti er þér bárut á gull 30 yðat ok gersimar mat ok vistir. Nú sá þér hverjar vettir er þess hafa neytt, mýs ok ormar ok eyðlur ok pöddur. Nú hafa þeir verr er á slíkt trúa ok eigi vilja láta af heimsku sinni. Nú takit gull yðat ok gersimar er hér ferr

um völlinn ok hafit heim til kvenna yðarra ok herit aldrigin síðan á stokka eða á steina. En hér eru nú kostir II á með oss, annathvart at þér takit nú með kristni eða haldit nú hardaga við mik í dag eða orrostu ok beri sá sigr af
 5 öðrum í dag er sá guð vill er vér trúm á. Síðan stóð Guðbrandr upp ok mælti: Skaða mikinn höfum vér nú fengit um guð vart. En nú með því at hann mátti oss ekki við hjalpa þá virðisk mér sem þín guð sé máttkari ok vár guð sé allitil fyrir sér þegar er hann á eigi við oss
 10 eina um, ok munum vér nú því hánun launa at vér munum hverfa öllum átrúnaði við hann ok munu vér nú dýrka þann guð er þú göfgar ok veita þangat allan átrúnað. Síðan váru þeir skirðir er úskirðir váru, en þeir sem kristnir váru áðr hurfu apr til kristni ok héldu síðan réttan trú; váru
 15 ok hér eptir settir margir kennimenn af liði Ólafs konungs í þessum heruðum. Ok þat er sagt at Guðbrandr lét gera kirkju á bæ sínum ok leggr þar til góðar eignir af jörðum þeim sem hann átti. Nú skiljask þeir Ólafr konungr ok Guðbrandr góðir vinir.

ÓLAFS SAGA HINS HELGA

HIN MEIRI (OR HEIMSKRINGLU)

ÓLAFS FALL Á STIKLARSTÖÐUM

20 Ólafr konungr hafði þá til sanns spurt, at skamt var til þess er hann mundi orrostu eiga við búendr; en síðan er hann hafði kannat lið sitt ok skorat var manntal ok hafði hann þá meir en XXX hundruð manna ok þótti þat þá vera mikill herra at sjá á sínum velli. Síðan talaði

konungr fyrir liðinu ok mælti svá: Vér höfum mikinn her ok frítt lið; nú vil ek segja mönnum, hverja skipan ek vil hafa á liði váru. Ek mun láta fara merki mitt fram í miðju liði ok skal þar fylgja hirð mín ok gestir, ok þar með þat lið er til vár kom á Upplöndum ok svá þat lið er hér kemr til vár í Prándheimi. En til hægri handar frá mínu merki skal vera Dagr Hringsson ok með hánuma þat lið alt er hann hafði til föruneftis við oss; skal hann hafa annat merki. En til vinstri handar frá minni fylking skal vera þat lið er Sviakonungr fékk oss ok alt þat lið er til vár kom í Sviaveldi; skulu þeir hafa it þriðja merki. Vil ek at menn skipiz í sveitir ok heimtüz saman frændr ok kunnmenn; þvíat þá mun hverr annars bezt gæta ok hverr annan kenna. Vér skulum merkja lið vart alt, bera herkuml á hjálum várum ok skjöldum, draga þar með bleikju. En er vér komum í orrostu, þá skulu vér hafa allir eitt orðtak: fram fram Kristmenn, krossmenn, konungsmenn. Vér munum hljóta þunnar fylkingar, ef vér höfum lið færa; þvíat ek vil, at þeir kringi eigi um oss sínu liði. Skipiz menn nú í sveitir, en síðan skal sveitum skipa í fylking ok viti þá hverr sína stöðu ok gefi gaum at, hvert hann er frá merki því er hann skal fylgja. Vér munum nú halda fylkingum ok skulu menn hafa alvæpni dag ok nátt, þar til er vér vitum, hvát fundr várr mun verða ok búanda. Síðan er konungr hafði talat, þá fylktu þeir liði sínu ok skipuðu eptir því sem konungr hafði fyr mælt. Eptir þat átti konungr stefnu við sveitarhöfðingja; váru þá komnir þeir menn, er konungr hafði sent í heraðit at krefja búendr liðs; þeir kunnu þau tíðindi or bygðinni at segja, þar sem þeir höfðu farit, at víða varaleyða at vígjum mönnum ok var þat sólk farit í búanda samnað. En þar sem þeir höfðu menn, þá vildu fáir þeim fylgja, en flestir svöruðu því, at fyr þá sök sátu heima at þeir vildu hvarigum fylgja, vildu eigi berjaz móti konungi ok

eigi móti frændum sínum. Höfðu þeir fátt lið fengit. Þá spurði konungr menn ráðs, hvat sýndiz tiltækligast. Finnur svarar máli konungs. Segja mun ek hvernig gert mundi, ef ek skylda ráða. Þá mundu vér herskildi fara um allar
 5 bygðir, ræna fé öllu, en brenna svá vendiliga bygð alla, at aldregi stœði kot eptir; gjalda svá búöndum dróttins svikin. Hygg ek at margr myni þá lauss við flokkinn, ef hann sér heim reyk eða loga til húsa sinna, en veit úgerla, hvat lítt er um konur eða börn eða gamalmenni feðr þeirra
 10 eða möðr eða annat frændlið. Vænti ek, segir hann, ef nokkurir ráða til al rjúfa samnaðinn, at þá myni brátt þynnaz fylking þeirra því at svá er búöndum gefit, at þat ráð er þá er nýjast þat er þá öllum kærst. En er Finnur lauk máli sínu, þá gjörðu menn þar at góðan róm; líkaði
 15 mörgum vel at ráða til fésanga, en öllum þóttu búendr makligir til skaða, en líkligt þat er Finnur sagði, at búendr mundu margir lausir við samnaðinn. Þormóðr Kolbrúnar skáld kvað þá vísu:

Brennum öll fyr innan | Inney þau er vér finnum
 20 lönd; tegaz herr með hjörvi | herbjörg fyrir gram verja.
 Ýs hafi allir húsa | Innþrændr kol sinna
 angr skal kveykt í klungri | köld, ef ek má valda.

En er Ólafr konungr heyrði ákafa lýðsins, þá krafði hann sér hljóðs ok mælti síðan: Hafa búendr verðleik til
 25 þess, at svá væri gert sem ér vilit. Þat vita þeir ok, at ek hefi gert þat at brenna fyrir þeim ok veitt þeim aðrar stórar refsingar. Gerða ek þá þat at brenna fyr þeim, er þeir höfðu áðr gengit af trú sinni ok tekit upp blót, en vildu ekki láta at orðum mínum; áttu vér þá guðs réttar
 30 at reka. Nú eru þessi dróttins svik miklu minna verð, þótt þeir haldi eigi trú sína við mik, ok munu þó þess þykkja eigi vel sama þeim, er manndómsmenn vilja vera.

Nú á ek hér nökkuru heimilla at veita nökkura friun, er þeir misgera við mik, en þá er hötuðuz við guð. Nú vil ek, at menn fari spakliga ok geri eigi hervirki. Vil ek fara fyrst til fundar við búendr. Nú, sættumz ek við þá, þá er þat vel; en ef þeir halda bardaga móti oss, þá eru 5 þar tveir kostir fyr höndum, ok ef vér föllum í orrostu, þá er því vel ráðit at fara eigi þangat með ránsfé, en ef vér sigrumk, þá skulu þér vera arftökumenn þeirra, er nú berjaz móti yðr; þvíat þeir munu þar sumir falla, en sumir flýja ok hafa hváirtveggju fyrirgört allri eigu sinni; 10 er þá gott at ganga til búa stórra, en bœir vegligir, en þess nýtr eingi ef brent er; svá ránsfé ferr þat at spjöllum miklu meiri hluti, en þat er nýtt verðr af. Skulu vér nú fara dreift út eptir bygðinni ok hafa með oss alla vigja menn þá er vér fám. Skulu menn ok höggva bú eða 15 taka aðra vist, sem menn þurfu til at fæða sik, en menn geri ekki annat spellvirki. Vel þykki mér at ér drepit njósarmenn búanda, ef ér takit þá. Skal Dagr fara ok hans lið it norðra ofan eptir dalnum, en ek mun fara út þjóðveginn, ok hittumz at kveldi, höfum allir eitt náttból. 20

Svá er sagt, at þá er Ólafr konungr fylkti liði sínu, þá skipaði hann mönnum í skjaldborg er halda skyldi fyr hánnum í bardaga, ok valdi þar til þá menn er sterkastir váru ok snarpastir. Þá kallaði hann til sín skáld sín ok bað þá ganga í skjaldborgina. Skulut ér, segir hann, hér 25 vera ok sjá þau tíðindi er hér geraz; er yðr þá eigi segjanz saga til; þvíat ér skulut frá segja ok yrkja um siðan. Þar var þá Þormóðr Kolbrúnar skáld ok Gizurr gullbrá, fóstri Hofgarðarefs, ok hinn þriði Þorfinnr munnr. Þá mælti Þormóðr til Gizurar: Stöndum eigi svá þröngt, 30 lagsmaðr, at eigi nái Sighvatr skáld rúmi sínu, þá er hann kemr; hann mun vera vilja fyr konungi ok ekki mun konungi annat líka. Konungr heyrði þetta ok svaraði: Ekki þarf Sighvat at sneiða, þótt hann sé eigi hér; opt

hefir hann mér vel fylkt; hann mun nú biðja fyr oss ok
 munu vér þess enn allmjök þurfa. Þormóðr segir: Vera
 má þat, konungr, at þér sé nú boena mest þérf; en þunt
 mundi vera um merkistöngina, ef allir hirðmenn þínir
 5 væri nú á Rúmavegi. Var þat ok satt, at vér töldum þá
 at því, er engi fékk þá rúm fyr Sighvati, þóat mæla
 vildi við þik. Þá mæltu þeir skáldin sín í milli, sögðu at
 þat væri vel fallit at yrkja þá áminningarvísur nökkurar
 um þau tíðindi er þá mundu brátt at höndum bera. Þá
 10 kvað Gizurr:

Skal-a úglaðan ífa, | orð fregni þat, barða
 búumk við þröng á þingi, | þegns dóttir mik fregna;
 þótt sigrunnar svinnir | segi ván Heðins kvánar,
 verum í Ála eli | austr bragningi at trausti.

15 Þá kvað Þorfinnr munnr vísu aðra:

Rökr at regni miklu | randar garðs hins harða;
 vill við vísa snjallan | Verðela lið berjaz.
 Verjum allvald örfan, | öllum teitan má sveita,
 fellum Þrændr í Þundar, | þess eggjumk vér, hreggi.

20 Þá kvað Þormóðr:

Ála þryngr at eli, | örstiklandi! miklu;
 skyldu eigi skelknir höldar, | skálmöld vex nú, fálma.
 Búumk við sókn, en slækni | seggr skyli orð of forðaz,
 er at geirþingi göngum, | gunnreifr, með Óleifi.

25 Vísur þessar námu menn þegar.

Síðan bjó konungr ferð sína ok sótti út eptir dalnum;
 hann tók sér náttból, ok kom þar þá saman alt lið hans,
 ok lágu um náttina úti undir skjöldum sínum. En þegar er
 lysti, bjó konungr herinn; fluttuz þá enn út eptir dalnum
 30 er þeir váru at því búnir. Þá komu til konungs búendr
 mjök margir ok gengu flestir í lið með hánum ok kunnu

allir eitt at segja, at lendir menn drógu saman her úvígjan, ok þeir ætluðu bardaga at halda við konung. Þá tók konungr margar merkir silfrs ok fékk í hendr einum búanda ok mælti síðan: Fé þetta skaltu varðveita ok skipta síðan, leggja sumt til kirkna, en sumt gefa kenningmönnum, sumt 5 ölmusumönnum ok gefa fyrir líf ok sál þeirra manna er falla í orrostu ok berjaz í móti oss. Búandi svarar: Skal fé þetta gefa til sálubóta yðrum mönnum, konungr. Þá svarar konungr: þetta fé skal gefa fyrir sál þeirra manna er með búandum eru í orrostu ok falla fyrir vápnum várna 10 manna, en þeir menn er oss fylgja í orrostu ok þar falla, þá munu vér bjargaz at allir saman.

Þá nátt er Ólafr konungr lá í samnaðinum ok áðr er frá sagt, vakti hann löngum, það til guðs fyrir sér ok somnaði lítt, rann á hann höfði í móti deginum. En er 15 hann vaknaði, þá rann dagr upp. Konungi þótti heldr snæmt at vekja herinn; þá spurði hann hvar Þormóðr skáld væri. Hann var þar nær ok svarar, spurði hvat konungr vildi hánun. Konungr svarar: tel þú oss kvæði nökkut. Þormóðr settiz upp ok kvað hátt mjök, svá at 20 heyrði um allan herinn. Hann kvað Bjarkamál hin fornu, þat er þetta er upphaf:

Dagr er upp kominn, dynja hana fjaðrar;
mál er vilmögum at finna erfíði.

Vaki ok æ vaki vana höfuð, 25
allir enir æztu Aðils of sinnar,
Hár enn harðgreipi, Hrólfr skjótandi,
ættum góðir menn, þeir er ekki flýja.

Vekka ek yðr at víni, né at vífs rúnum,
heldr vek ek yðr at hörðum Hildar leiki. 30

Þá vaknaði liðið. En er lokit var kvæðinu, þá þökk-
uðu menn hánun kvæðit, ok fannz mönnum mikit um ok
þótti vel til fundit ok kölluðu kvæðit húskapla.-hvót.

Konungr þakkaði hánun vel skemtan sína; síðan tók konungr gullhring er stóð hálfa mörk, ok gaf Þormóði. Þormóðr þakkaði konungi gjöf sína ok mælti: góðan eigu vér konung, en vant er nú at sjá, hversu langlífir konungr
 5 verðr; sú er bæn mín, konungr, attu látir okkr hvárki skiljaz lífs né dauða. Konungr svarar: allir munu vér saman fara meðan ek ræð fyrir; ef ér vilit eigi við mik skiljaz. Þá mælti Þormóðr: þess vænti ek, konungr hvárt er friðr er betri eða verri, at ek sjá nær yðr staddr, meðan
 10 ek á þess kost, hvat sem vér spyrjum til hvar Sighvatr ferr með gullinhjaltann. Síðan kvað Þormóðr:

Þér mun ek enn, unz öðrum, | allvaldr, náit skáldum,
 nær vættir þú þeirra? | þingdjarfr, um kné hvarfa.

Braut komumk vér, þótt veitim | valtafn frekum hræfni,
 15 vizk eigi þat, vága | viggruðr, eða þar liggjum.

Ólafr konungr flutti herinn út eptir dalnum; fór þá enn Dagr með sínu liði aðra leið. Konungr letti eigi ferðinni, áðr hann kom út á Stiklarstaði; þá sá þeir her búanda ok fór þat lið dreift mjök, ok var svá mikill fjöldi,
 20 at af hverjum stig dreif liðit, en víða þar er storflokkar fóru saman. Þeir sá hvar sveit manna fór ofan or Veradal ok höfðu þeir á njósn verit ok fóru nær því sem lið konungs var, ok fundu eigi fyrr en svá skamt var á milli þeirra at menn máttu kennaz. Þar var Hrótr af Viggju
 25 með XXX manna. Síðan mælti konungr, at gestir skyldu fara í móti Hróti ok taka hann af lífi; váru menn til þess verks fljótir. Þá mælti konungr til þeirra Íslendinganna: Svá er mér sagt, at þat sé siðr á Íslandi, at búendr sé skyldir á haustum at gefa húskörlum sínum slagasauð;
 30 nú vil ek þar gefa yðr hrút til slátrs. Þeir hinir Íslenzku váru þess auðeggjaðir ok fóru þegar at Hróti með öðrum mönnum. Var Hrótr drepinn ok öll sveit sú er hánun fylgði. Konungr nam staðar ok stöðvaði her sinn, er hann

kom á Stiklarstaði. Bað konungr menn stíga af hestum ok búaz þar um, menn gjörðu sem konungr mælti; síðan var skotit á fylking ok sett upp merkin. Dagr var þá enn eigi kominn með sitt lið ok misti þess fylkingararmsins; þá mælti konungr, at þeir Upplendingar skyldu þar upp 5 ganga ok taka upp merkin. Þykki mér þat ráð, segir konungr, at Haraldr bróðir minn sé eigi í bardaga, þvíat hann er barn at aldri. Haraldr svarar: ek skal vera at vísu í orrostu; en ef ek em svá ústerkr, at ek má eigi valda sverðinu, þá kann ek þar ráð til, at binda skal hönd- 10 ina við meðalkaflann; engi skal vera viljaðr betr en ek, at vera úþarfr þeim búöndum; vil ek fylgja sveitungum mínum. Svá segja menn, at Haraldr kvað þá vísu þessa:

Þora mun ek þann arm verja, | þat er ekkju munr nekkveð,
rjóðum vér af reiði | rönd, er ek í hlýt standa. 15
Gengrat grepr enn ungi | gunnbliðr, þar er slög riða,
herða menn at morði | mót, á hæl fyr spjótum.

Haraldr réð því, er hann var í orrostu. . . .

En er konungr hafði fylkt liði sínu, þá talaði hann fyrir þeim, mælti svá: at menn skyldu herða hugi sína 20 ok ganga djærfliga fram, ef orrosta verðr, segir hann. Höfum vér lið gott ok mikit, segir hann; en þótt búendr hafi lið meira nökkuru, þá mun auðna ráða sigri. Er því fyrir yðr at lýsa, at ek mun eigi flýja or orrostu þessi, skal ek annathvært sigraz á búöndum eða falla hér elligar. 25 Vil ek þess biðja, at sá hlutr komi upp er guð sér at mér gegni betr. Skulu vér því treystaz at vér höfum réttara at mæla en búendr, ok því þar með, at guð muni oss frelsa eigur várar eptir orrostu þessa, en elligar veita oss miklu meiri laun fyrir þat lát er vér fám hér, en vér 30 kunnim sjálfir at æskja oss. En ef ek hlýt um at mæla eptir orrostu, þá skal ek gæða yðr hvern eptir sínum verðleikum, ok því hverneg hverr gengr fram í orrostu;

mun þat, ef vér höfum sigr, vera gnógt bæði lönd ok lausir aurar at skipta því með yðr, er nú fara með áðr úvinir várir. Veitum sem harðasta atgöngu hina fyrstu, þvíat skjótt mun um skipta ef liðs munr er mikill; eigu
 5 vér sigrs ván af skjótum atburðum; en hit mun oss þungt falla, ef vér berjumk til mæði svá at meinn verði fyrir því úvigir; munu vér eiga minna deildarlið en þeir er ýmisir ganga fram, en sumir blifaz ok hvilaz. En ef vér gjörum svá harða hriðina, at þeir snúa undan er fremstir eru,
 10 mun hverr falla yfir annan ok verða þeirra úfarar þess at meiri, er þeir eru fleiri saman. En er konungr hætti ræðunni, þá gördðu menn mikinn róm at máli hans ok eggjaði hverr annan.

Þórðr Folason bar merki Ólafs konungs. Svá segir
 15 Sighvatr skáld í erfidrápu þeirri, er hann orti um Ólaf konung ok stælti eptir uppreistar-sögu:

Þorð frá ek þat sinn herða, | þreifsk sókn, með Óleifi,
 góð sóru þar, geirum | gört víg, saman hjörtu.

Stöng bar hátt fyr Hringa | hjaldrmóðum gram, bróðir
 20 fullt vann, fagla gylta, | framlundaðr Ögmundar.

Ólafr konungr var svá búinn, at hann hafði hjálm gyltan á höfði, en hvítan skjöld, ok lagðr á með gulli kross hinn helgi; í annarrí hendi hafði hann kesju, þá er nú stendr í Kristskirkju við altara; hann var gyrðr sverði því
 25 er Hneitir var kallat, it bitrasta sverð ok gulli vafiðr meðalkafli; hann hafði hringabrynju. Þess getr Sighvatr skáld:

Öld vann Ólafr felda | öflgan sigr hinn digri
 gekk sóknþorinn sækja | sinjor fram í brynju.

30 En þeir er austan nenna | óx hildr með gram mildum,
 mart segi ek bert, í hjarta | blóðröst Svíar óðu.

En er Ólafr konungr hefir fylkt liði sínu, þá váru búendr enn hvergi nær komnir. Þá mælti konungr, at lið

þat skyldi niðr setjaz ok hvíla sik. Settiz konungr þá sjálfr niðr ok alt lið hans ok sátu rumt; hann hallaðiz ok lagði höfuð í kné Finni Árnasyni; þá rann á hann svefn ok var þat um hríð. Þá sá þeir her búanda ok sótti þá liðit til móts við þá ok höfðu upp sett merki sín ok var 5 þat hinn mesti múgr manns. Þá vakti Finnur konung ok sagði hánum, at búendr sóttu þá til þeirra. En er konungr vaknaði, mælti hann: hví vaktir þú mik Finnur ok léz mik eigi njóta draums míns. Finnur svaraði: ekki myndi þik þat dreyma, er eigi myndi skyldra at vaka ok 10 búaz við hernum, er at oss ferr, eða sér þú eigi hvar nú er kominn búanda mugrinn? Konungr svarar: ekki eru þeir enn svá nær oss, at eigi væri betr, at ek hefða sofit. Þá mælti Finnur: hvat dreymdi þik konungr þess er þér þykkir svá mikils missa í, ef þú vaknaðir eigi sjálfr? Þá 15 segir konungr draum sinn, at hann þóttiz sjá stíga hávan ok ganga þar eptir í lopt upp svá langt, at hann þóttiz sjá at himinn opnaði, ok þangat var stiginn til. Var ek þá, segir hann, kominn í hit öfsta stig, er þú vaktir mik. Finnur svarar ekki þykki mér draumur sjá svá góðr sem þér 20 mun þykkja; ætla ek þetta munu vera fyrir feigð þinni, ef þat er nökkut annat, en svefnórar einar, er fyrir þik bar. . . .

. . . Frá því er nú at segja, er áðr var frá horfit, at lendir menn ok búendr höfðu saman dregit her úvigjan, 25 þegar er þeir spurðu, er konungr var austan farinn or Garðaríki ok hann var kominn til Svíþjóðar. En er þeir spurðu, at hann var austan kominn til Jamtlands ok hann ætlaði at fara austan um Kjöl til Veradals, þá stefndu þeir hernum inn í Þrándheim, ok sömnuðu þá saman þar 30 allri alþýðu, þegn ok þræl, ok fóru svá inn til Veradals ok höfðu þar svá mikit lið, at engi maðr var sá þar er í Noregi hefði sét jafnmikinn her saman koma. Var þar, sem jafnan kann verða í miklum her, at lið var allmis-

jafnt; þar var mart lendra manna ok mikill fjöldi ríkra búanda, en þó var hit allr múgr er váru þorparar ok verkmennt, ok var þat allr meginherrinn er þar í Þrándheimi hafði saman samnaz. Var þat lið allmjök geyst til
5 fjáðskapar við konung. . . .

. . . En er skipat var til um fylkingar búanda, þá töluðu lendir menn ok báðu liðsmenn gefa gaum at um stöður sínar, hvar hverjum var þá skipat eða undir hverju merki þá skyldi hvern vera eða hversu nær hán um var skipat
10 merkinu eða hvert frá merkinu; báðu þeir menn vera þá vakra ok skjóta at ganga í fylking, er lúðrar kvæði við ok herblástr kæmi upp ok ganga þá fram í fylking; þvíat þeir áttu enn þá leið mjök langa at flytja herinn, ok var þess ván at fylkingar myndi bregðaz í hergöngunni. Síðan
15 eggjuðu (þeir) liðit; mælti Kálfr, at allir þeir menn er harma ok heiptir áttu at gjalda Ólafi, skyldu þá fram ganga undir þau merki, er fara skyldi í móti merki Ólafs, vera þá minnigir þeirra meingerða er hann hafði þeim veitt; segir, at þeir mundu eigi komaz í betra særi at
20 hefna harma sinna ok frelsa sik frá þeirri ánaud ok þrælkan, er hann hafði þá undir lagt. Er sá nú, segir hann, bleyðimaðr er eigi bersk nú sem djarfligast; þvíat eigi er sakleysi við þá er í móti yðr eru; munu þeir eigi yðr spare, ef þeir komaz í særi. At máli hans varð allmikill rómr.
25 Varð þá kall mikit ok eggjan um allan herinn.

Síðan fluttu búendr her sinn til Stiklarstaðar; þar var fyrir Ólafi konungi með sitt lið. Fór í öndverðu liðinu Kálfr Árnason ok Hárekr fram með merkinu. En er þeir mœttuz, þá tókz eigi allskjött árasin, þvíat
30 búendr frestuðu atgöngu fyrri þá sök, at lið þeirra fór hvergi nær jafnfram, ok biðu þess liðs er síðar fór. Þórir hundr hafði farit síðarst með sína sveit, þvíat hann skyldi til gæta, at ekki slægiz aptr liðit, þá er heróp kæmi upp eða liðit sæiz, ok biða þeir Kálfr Þóris. Búendr höfðu

þat orðtak í herinum at eggja lið sitt í orrostu: fram fram búandmenn. Ólafr konungr gjörði eigi atgönguna fyr því at hann beið Dags ok þess liðs er hán um fylgði. Sá þeir konungr þá lið Dags, hvar þat fór. Svá er sagt, at búendr hefði eigi minna lið en C hundraða. En Sighvatr 5 segir svá:

Ólmr erumk harmr sá er hilmir | hafði gulli vaðan
jðfurr kreisti sá austan | affátt meðalkasta.
Gagn féngu því þegnar | þeir at hálfu fleiri,
hvötuð tældi þat hildar | hvarungi, frá ek váru. 10

Þá er lið hvárttveggja stóð ok kenduz menn, þá mælti konungr: Hvi ertu þar Kálfr, þvíat vér skildumz vinir suðr á Mæri. Illa samir þér at berjaz í móti oss eða skjóta geigurskot í lið vart, þvíat hér eru IV bræðr þínir. Kálfr svarar: Mart ferr nú á annan veg, konungr, 15 en best myndi sama; skildiztu svá við oss, at nauðsyn bar at friðaz við þá er eptir váru. Verðr nú hvern at vera þar sem staddr er, en sættaz mundu við enn, ef ek skylda ráða. Þá svarar Finn: Þat er mark á um Kálf, ef hann mælir vel, at þá er hann ráðinn til at gera illa. 20 Konungr mælti: Vera kann þat Kálfr, at þú vilir sættaz, en ekki friðliga þykki mér ér láta, búendr! Þá svarar Þorgeirr af Kvistöðum: Ér skulut nú hafa slíkan frið, sem margir hafa áðr af yðr haft, ok munu þér nú þess gjalda. Konungr svarar: Eigi þarftu at fýsaz, til svá mjök vdrs 25 fundar, þvíat eigi mun þér sigrs auðit í dag á oss, þvíat ek hefi hafit þik til ríkis af litlum manni.

Þórir hundr kom þá með sveit sína ok gékk fram fyrir merkit ok kallaði: fram fram búandmenn. Þá lustu búandmenn upp herópi ok skutu bæði örum ok spjótum. 30 Konungsmenn óptu þá heróp. En er því var lokit, þá eggjuðu þeir svá sem þeim var áðr kent, mæltu svá: fram fram Kristmenn krossmenn konungsmenn! En er þetta

heyrðu búandmenn þeir er út stóðu í arminn, þá mæltu
 þeir slíkt it sama sem þeir heyrðu þá mæla. En er aðrir
 búendr heyrðu þat, þá hugðu þeir þat vera konungsmenn
 ok báru vápn á þá; börðuz þeir þá sjálfir ok féll mart,
 5 áðr þeir kannaðiz við. Veðr var fagrt, skein sól í heiði;
 en er orrosta hófz, þá laust roða á himin ok svá á sólna,
 en áðr en létti, gjörði myrkt sem um nátt. Ólafr konungr
 hafði fylkt þar er var nökkur hæð, ok steiptuz þeir ofan
 á lið búanda ok veittu svá hart athlaupit, at fylking
 10 búanda bognaði fyrir, svá at þar stóð þá brjóstit konungs-
 fylkingar, sem áðr höfðu staðit þeir er efstir stóðu í búanda
 liði; ok var þá búit mart búanda liðit at flýja. En lendir
 menn ok lendra manna húskarlar stóðu fast, ok varð þá
 allenörp orrosta. Svá segir Sighvatr:

- 15 Vitt var fold und fótum, | friðbann var þar mönnum,
 þá réð í bød bráða | brynjat fólk, at dynja.
 Þá er árliga ærir | álms með hjarta hjálma,
 mikill var at stað Stikla | stálgustr, ofan þustu.

Lendir menn eggjuðu lið sitt ok knuðuz til fram-
 20 göngu. Þess getr Sighvatr:

Fór í fylking þeirra | fram iðraz nú miðri,
 snarir funduz þar, Þrænda | þess verks búendr merki.

- Þá sótti lið búanda at öllum megin. Hjoggu þeir er
 fremstir stóðu, en þeir er þar váru næstir lögðu spjótum,
 25 en allir þeir er síðar gengu, skutu spjótum eða örum eða
 köstuðu grjóti eða handeyxum eða skeptifléttum. Gjörðiz
 þá brátt bardagi mannskæðr ok féll mart af hvárumtveggjum.
 Í fyrstu hríð féllu þeir Arnljótr gellini, Gauka-Þórir ok
 Afrastaði ok þeirra sveit öll, ok hafði hverr þeirra mann fyrir
 30 sik eða II eða sumir fleiri. Þá þyntiz skipun fyr framan
 merki konungs, bað konungr þá Þórð bera fram merkit,
 en konungr fylgði sjálfir merkinu; ok sú sveit manna er

hann hafði valit til at vera sér næst í orrostu; váru þeir menn í hans liði einna vápnðjarfastir ok bezt búnir. Þess getr Sighvatr:

Mest frá ek merkjum næstan | minn dróttin fram sínum,
stöng óð fyr gram, géngu; | gnógr styrr var þar fyrir. 5

Þá er Ólafr konungr gekk fram or skjaldborginni ok í öndurða fylking ok búendr sá í andlit hanum, þá hrædduz þeir ok félluz þeim hendr. Þess getr Sighvatr:

Geirs hykk grimlikt váru | gunnreifum Óleifi
lof rætundum líta | ljóns í hvassar sjónir; 10
þorðut þrænskir virðar, | þótti hersa dróttinn
ægiligr, í augu | ormfrán sjá hanum.

Þá varð allhörð orrosta; gekk konungr sjálfr fram í höggorrostu. Svá segir Sighvatr:

Rauð í rekka blóði | rönd með gumna höndum 15
dreyrug sverð, þar er dýran | drótt þjóðkonung sótti.
Ok at isarnleiki | Innþrændum lét finnaz
rækinn gramr í reikar | rauðbrúnan hjör tþum.

Ólafr konungr barðiz þá alldjarfíga; hann hjó til Þorgeirs af Kvistöðum lends manns þess er fyrr er getit 20 um þvert andlit ok í sundr nefbjörg á hjálminum, ok klauf höfuðit fyr neðan augu svá at nær tók af. En er hann féll, mælti konungr: Hvárt er satt þat er ek sagða þér Þorgeir, at þú mundir eigi sigraz í okkrum viðrskiptum? Í þeirri svipan skaut Þórðr niðr merkistönginni svá hart, 25 at stöngin stóð; þá hafði Þórðr fengit þanasár, ok féll hann þar undir merkinu. Þá féllu þar ok Þorfinnr munnr ok Gizurr gullbrá, ok höfðu hann sótt II menn, en hann hafði drepit annan þeirra, en hann særði annan áðr hann féll. Svá sagði Hofgarða-Refr: 30

Einn hafði gný gunnar, | gall bál Hárs, stála
 rimmu askr við röskva | regndjarfr tvá þegna.
 Dalsteypir hjó draupnis | dög-g-frey bana höggvi,
 hann rauð jarn, en annan | árstrauma vann sáran.

- 5 Þá var þat er fyrr var sagt, at himinn var heiðr, en
 sól hvarf at sýn ok gjörði myrkt. Þess getr Sighvatr:

Undr láta þat ýtar | eigi smátt, er máttit
 skænjørðungum skorðu | skýlauss röðull hlýja:
 Dryg varð á því dægri | dagr náðit lit fögnum,
 10 orrostu frá ek austan | atburð konungs, furða.

- Í þenna brum kom Dagr Hringsson með þat lið er
 hann hafði haft ok tók hann þá at fylkja liði sínu ok setti
 upp merki; en fyrir því at myrkr var mikit, þá varð ekki
 skjótt um atgönguna; þvíat þeir vissu eigi víst hvat fyrir
 15 var. En þó snéru þeir þar at sem fyrir váru Rygir ok
 Hörðar. Váru þessir atburðir margir jafnsnemma eða sumir
 litlu fyrr eða síðar.

- Kálfr ok Ólafr hétu frændr Kálfs Árnasonar; þeir
 stóðu á aðra hlið hánnum, menn miklir ok hraustir. Kálfr
 20 var son Arnfinns Arnmóðssonar bróðurson Árna Arnmóðs-
 sonar. Á aðra hlið Kálfi Árnasyni gekk fram Þórir hundr.
 Ólafr konungr hjó til Þóris hunds um herðarnar þverar;
 sverðit beit ekki, en svá sýndiz sem dust ryki or hrein-
 bjálfanum. Þessa getr Sighvatr:

- 25 Mildr fann górst hve galdrar | grámr sjálfr meginrammir
 fjölkunnigra Finna | fullstórum barg Þóri,
 þá er hyrsendir Hundi | húna gulli búnu,
 slætt réð sízt at bíta, | sverði laust um herðar.

- Þórir hjó til konungs ok skiptuz þeir þá nökkurum
 30 höggum við ok beit ekki sverð konungs þar er hreinbjálfinn

var fyrir. En þó varð Þórir sárr á hendi. Enn kvað Sighvatr:

Pollr dylr saðrar snilli | seims en þat veit heiman
hverr sæi Hunds verk stærri? | hugstórs, er frýr Þóri.
En þvergarða þorði | þrótt, hinn er fram of sótti, 5
glyggs í gegn at höggva | gunnranns konungmanni.

Konungur mælti til Bjarnar stallara: Berðu hundinn, er eigi bita járnin. Björn snéri öxinni í hendi sér ok laust með hamrinum; kom þat á öxl Þóri ok varð allmiklit högg, ok hrataði Þórir viðr. En því jafnskjótt snéri kon- 10 ungr móti þeim Kálfi frændum ok veitti banasár Ólafi frænda Kálfs. Þá lagði Þórir hundr spjóti til Bjarnar stallara á hánum miðjum, veitti hánum banasár. Þá mælti Þórir: Svá bōtu vér hjörnuna. Þorsteinn knarrarsmiðr hjó til Ólafs konungs með öxi, ok kom þat högg á fótinn 15 vinstra við knéit fyr ofan. Finnur Árnason drap þegar Þorstein. En við sár þat hneigðiz konungur upp við steinn einn ok kastaði sverðinu ok bað sér guð hjalpa. Þá lagði Þórir hundr spjóti til hans, kom lagit neðan undir brynjuna ok rendi upp í kviðinn. Þá hjó Kálfr til hans, kom 20 þat högg hinum vinstra megin utan á hálsinn. Menn greinaz at því, hvar Kálfr veitti konungi sár. Þessi þrjú sár hafði Ólafr konungur til lífláts. En eptir fall hans þá féll sú flest öll sveit er fram hafði gengit með hánum. . . .

. . . Þórir hundr gékk þar til er var lík Ólafs kon- 25 ungs ok veitti þar umbúnað, lagði niðr líkit ok rétti ok breiddi klæði yfir. En er hann þerði blóð af andlitinu, þá sagði hann svá síðan, at andlit konungs var svá fagrt ok roði í kinnum sem þá at hann svæfi, en miklu hjartara en áðr var meðan hann lifði. Þá kom blóð konungsins á 30 hönd Þóri ok rann upp á greipina þar er hann hafði áðr sár fengit ok þurfti um þat sár engi umbönd þaðan ífrá, svá gréri þat skjótt. Vattaði Þórir sjálfr þenna atburð, þá

er helgi Ólafur kom upp fyrir alþýðu. Varð Þórir hundur fyrst til þess at halda upp helgi konungsins, þeirra ríkismanna, er þar höfðu verit í mótstöðuflokki hans. . . .

. . . Ólafr konungur féll miðvikudag IV. Kal. augusti.

- 5 Þat var nær miðjum degi er þeir funduz; en fyrir miðmunda hófz orrostan; en konungur féll fyrir nónn, en myrkrit hélzk frá miðmunda til nóns.

Sighvatr skáld segir svá frá lyktum orrostu:

- Hörð er sízt hermenn gjörðu, | hlíf raufsk fyrir gram, lífi
10 auðn at Engla stríði, | ómjúk konung-sjúkan.
Ör brá Ólafis fiðrvi | öld, þar er herra klauf skjöldu,
fólks odda gékk fylkir | fund, en Dagr hélt undan.

Ok enn kvað hann þetta:

- Áðr vitu eigi meiðar | ógnar skers né hersa,
15 þjóð réð þengils dauða, | þann styrk búandmanna,
er slíkan gram sókkum | sárelds víðir feldi
mörg lá dýr í dreyra | drótt, sem Ólafr þótti.

ÍSLENDINGABÓK

ARA PRESTS HINS FRÓÐA ÞORGILSSONAR

- Íslendingabók görða ek fyrst biskupum órum, Þorláki ok Katli, ok sýndak bæði þeim ok Sæmundi presti. En
20 með því at þeim líkaði svá at hafa eða þar við auka, þá skrifaða ek þessa of hit sama far, fyr utan ættartölu ok konunga æfi, ok jókk því es mér varð síðan kunnara ok nú es gerr sagt á þessi en á þeirri. En hvatki es missagt es í fröðum þessum, þá es skylt at hafa þat heldr, es
25 sannara reynisk.

Hálfðan hvítbeinn Upplendingakonungr, sonr Ólafs tréteigju Sviakonungs, vas faðir Eysteins frets, föður Hálfðanar hins milda ok hins matarilla, föður Guðrøðar veiðikonungs, föður Hálfðanar hins svarta, föður Haralds hins hárfagra, es fyrstr varð þess kyns einn konungr at öllum 5 Norvegi.

CAPITULA

Frá Íslands bygð I. Frá landnámsmönnum II. ok lagasetning. Frá alþingis setning III. Frá misseristali IV. Frá fjórðunga deild V. Frá Grænlands bygð VI. Frá því es kristni kom á Ísland VII. Frá biskupum útlendum VIII. 10 Frá Ísleifi biskupi IX. Frá Gizuri biskupi X.

Cap. I. Ísland bygðisk fyrst or Norvegi á dögum Haralds hins hárfagra, Hálfðanarsonar hins svarta, í þann tíð, at ætlun ok tölu þeirra Teits, sóstra míns, þess manns es ek kunna spakastan, sonar Ísleifs biskups, ok Þorkels, 15 föðurbróður míns, Gellissonar, es langt mundi fram, ok Þuriðar Snorradóttur goða, es bæði vas margspök ok úljúgfróð, es Ívarr Ragnarsson loðbrókar lét drepa Eadmund hinn helga Englakonung. En þat vas DCCCLXX vetrum eptir burð Krists, at því es ritit es í sögu hans. Ingólfr 20 hét maðr norrœnn, es sannliga es sagt at fœri fyrst þaðan til Íslands, þá es Haraldr hinn hárfagri vas XVI vetra gamall, en í annat sinn fám vetrum síðarr; hann bygði suðr í Reykjavík; þar es Ingólfsbófi kallaðr fyr austan Minþakseyri, sem hann kom fyrst á land, en þar Ingólfsfell fyr 25 vestan Ölfussá, es hann lagði sína eigu á síðan. Í þann tíð vas Ísland víði vaxit á miðli fjalls ok fjöru. Þá vóru hér menn kristnir, þeir es Norðmenn kalla Papa, en þeir fóru síðan á braut, af því at þeir vildu eigi vesa hér við heiðna menn, ok létu eptir bökr írskar ok bjöllur ok 30 bagla; af því mátti skilja at þeir vóru menn írskir. En

þá varð fór manna mikil mjök út hingat or Norvegi, til þess unz konunginn Haraldr bannaði, af því at bánum þótti landauðn nema. Þá sættusk þeir á þat, at hverr maðr skyldi gjalda konungi V aura, sá es eigi væri frá því skiliðr, ok þaðan færi hingat. En svá es sagt, at Haraldr væri LXX vetra konungr, ok yrði áttæðr. Þau hafa upphaf verit at gjaldi því es nú es kallat landaurar, en þar galsk stundum meira, en stundum minna, unz Ólafr hinn digri görði skirt, at hverr maðr skyldi gjalda konungi hálfa mörk, sá es færi á miðli Norvegs ok Íslands, nema konur, eða þeir menn es hann næmi frá. Svá sagði Þorkell oss, Gellisson.

Cap. II. Hrollaugr, sonr Rögnvalds jarls á Mæri, bygði austr á Síðu; þaðan eru Síðumenn komnir. Ketilbjörn Ketilsson, maðr norrœnn, bygði suðr at Mosfelli hinu efra; þaðan eru Mosfellingar komnir. Öðr, dóttir Ketils flatnefs, hersis norrœns, bygði vestr í Breiðafirði; þaðan eru Breiðfirðingar komnir. Helgi hinn magri, norrœnn, sonr Eyvindar austmanns, bygði norðr í Eyjafirði; þaðan eru Eyfirðingar komnir. En þá es Ísland vas víða bygt orðit, þá hafði maðr austrœnn fyrst lög út hingat or Norvegi, sá es Úlfiþjótr hét; svá sagði Teitr oss; ok váru þá Úlfiþjóts lög kölluð; hann vas faðir Gunnars, er Djúpdælir eru komnir frá í Eyjafirði; en þau váru flest sett at því sem þá váru Gulapingslög, eða ráð Þorleifs hins spaka Hörðakárasonar váru til, hvar við skyldi auka eða af nema eða annan veg setja. Úlfiþjótr vas austr í Lóni; en svá es sagt, at Grímr geitskór væri fóstbróðir hans, sá es kannaði Ísland alt at ráði hans, áðr alþingi væri átt; en hánunm fékk hverr maðr penning til á landi hér, en hann gaf fé þat síðan til hofa.

Cap. III. Alþingi vas sett at ráði Úlfiþjóts ok allra landsmanna, þar es nú es; en áðr vas þing á Kjalarnesi, þat es Þorsteinn Ingúlfsson landnámamanns faðir Þorkels mána lögsögumanns, hafði þar, ok höfðingjar þeir es at

því hurfu. En maðr hafði sekr orðit of þræls morð eða leysings, sá es land átti í Bláskógum; hann es nefndr Þórir kroppinskeggi, en dóttursonr hans es kallaðr Þorvaldr kroppinskeggi, sá es fór síðan í Austfjörðu ok brendi þar inni Gunnar bróður sinn; svá sagði Hallr Úrækjason; 5 en sá hét Kolr er myrðr vas; við hann es kend gjá sú, es þar es kölluð síðan Kolsgjá, sem hræin fundust; land þat varð síðan allsherjarsfé, en þat lögðu landsmenn til alþingis neyzlu; af því es þar almenning at viða til alþingis í skógum, ok á heiðum lagi til hrossa hafnar. Þat sagði 10 Úlfheðinn oss. Svá hafa ok spakir menn sagt, at á LX vetra yrði Ísland albygt, svá at eigi væri meir síðan. Því nær tók Hrafn lögsögu Hængssonr landnámamanns, næstr Úlfjóti, ok hafði XX sumur, hann vas ur Rangárhverfi; þat vas LX vetrum eptir dráp Eadmundar konungs, vetri 15 eða tveim áðr Haraldr hinn hárfagri yrði dauðr, at tölu spakra manna. Þórarinn Ragabróðir, sonr Óleifs hjalta, tók lögsögu næstr Hrafn, ok hafði önnur XX, hann var Borgfirzkr.

Cap. IV. Þat vas ok þá, es hinir spökustu menn á 20 landi hér höfðu talið í tveim misserum fjóra daga hins fjórða hundraðs, þat verða vikur II hins setta tigar, en mánuðr XII þritögnáttar ok dagar IV umbfram, þá merktu þeir at sólargangi, at sumarit munaði aptr til vársins; en þat kunni engi segja þeim at degi einum vas fleira en 25 heilum vikum gegndi í tveim misserum, ok þat olli. En maðr hét Þorsteinn surtr, hann vas Breiðfirzkr, sonr Hallsteins Þórólfssonar mostrarskeggja landnámamanns ok Óskar Þorsteinsdóttur hins rauða; hann dreymdi þat, at hann hugðisk vesa at lögbergi, þá es þar vas fjölment, ok 30 vaka, en hann hugði alla menn aðra sofa; en síðan hugðisk hann sofna, en hann hugði þá alla menn aðra vakna. Þann draum réð Ósvifr Helgason, móðurfaðir Gellis Þorkelssonar, svá, at allir menn myndi þegja, meðan hann

mælti at lögbergi, en síðan, es hann þagnaði, at þá myndi allir þat róma, es hann hefði mælt; en þeir váru báðir spakir menn mjök. En síðan, es menn kómu til þings, þá leitaði hann þess ráðs at lögbergi, at hit sjaunda hvert 5 sumar skyldi auka viku, ok freista hví þá hlýddi. En svá sem Ósvifr réð drauminn, þá vöknudu allir menn við þat vel, ok vas þat þá þegar í lög leitt at ráði Þorkels mána ok anarra spakra manna. At réttu tali eru í hverju ári V dagar hins fjórða hundraðs, ef eigi es hlaupár, en þá 10 einum fleira; en at öru tali verða IV; en þá es eyksk at öru tali et sjaunda hvert at viku, en öngu at hinu, þá verða VII ár saman jamnlöng at hvárutveggja; en ef hlaupár verða II a miðli þeirra es auka skal, þá þarf auka hit setta.

- 15 Cap. V. Þingadeild mikil varð á miðli þeirra Þórðar gellis, sonar Óleifs feilans, or Breiðafirði, ok Odds þess es kallaðr vas Tungu-Oddr; hann vas Borgfirzkr. Þorvaldr, sonr hans, vas at brennu Þorkels Blunketilssonar með Hænsna-Þóri í Örnólfsdali; en Þórðr gellir varð höfðingi 20 at sökinni, af því at Hersteinn Þorkelsson, Blunketilssonar, átti Þórunni systurdóttur hans; hon vas Helgu dóttir ok Gunnars, systir Jófríðar, es Þorsteinn átti Egilsson. En þeir váru sóttir á þingi því es vas í Borgarfirði, í þeim stað es síðan es kallað Þingnes. Þat váru þá lög, at 25 vígsakar skyldi sækja á því þingi es næst vas vettfangi; en þeir börðusk þar, ok mátti þingit eigi heyrask at lögum; þar féll Þórólfr refr, bróðir Álfs í Dölum, or liði Þórðar gellis. En síðan fóru sakarnar til alþingis, ok börðusk þeir þar þá enn; þá féllu menn ur liði Odds, enda varð sekr hann 30 Hænsna-Þórir, ok drepinn síðan, ok fleiri þeir at brennunni váru. Þá taldi Þórðr gellir tölu umb at lögbergi, hví illa mönnum gegndi at fara í úkunn þing at sækja of vig eða harma sína, ok taldi hvat hán um varð fyrir, áðr hann mætti því máli til laga koma, ok kvað ýmissa vandræði mundu verða, ef eigi

róðisk bœt rá. Þá vas landinu skipt í fjórðunga, svá at III urðu þing í hverjum fjórðangi, ok skyldu þingunautar eiga hvar saksóknir saman, nema í Norðlendinga fjórðungi vǫru IV, af því at þeir urðu eigi á annat sáttir; þeir es fyr norðan vǫru Eyjafjörð vildu eigi þangat sökja þingit, ok eigi í Skagafjörð þeir es þar vǫru fyr vestan; en þó skyldi jöfn dómnesna ok lögregguskipun or þeirra fjórðungi sem or einumhverjum öðrum; en síðan vǫru sett fjórðungarþing; svá sagði oss Ólfheðinn Gunnarsson lögsögu-maðr. Þorkell máni Þorsteinsson, Ingólfssonar, tók lögsögu 10 eptir Þórarinn Ragabróður ok hafði XV sumur. Þá hafði Þorgeirr at Ljósavatni Þorkelsson XVII sumur.

Cap. VI. Land þat es kallat es Grœnland, fannz ok bygðiz af Íslandi. Eiríkr hinn rauði hét maðr Breiðfirzkr, es fór út héðan þangat, ok nam þar land es síðan es 15 kallaðr Eiríksfjörðr, hann gaf nafn landinu ok kallaði Grœnland, ok kvað menn þat mundu fýsa þangat farar, at landit ætti nafn gott. Þeir fundu þar manna vistir, bæði austr ok vestr á landi, ok keiþlabrot ok steinsmiði, þat es af því má skilja, at þar hafði þesskonar þjóð farit, es 20 Vínland hefir bygð, ok Grœnlendingar kalla Skrælingja. En þat vas, es hann tók byggva landit, XIV vetrum eða XV fyrr en kristni kæmi hér á Ísland, at því es sá taldi fyr Þorkeli Gellissyni á Grœnlandi, er sjálfr fylgði Eiríki hinum rauða út.

25

Cap. VII. Ólafir rex Tryggvason, Ólafssonar, Haraldssonar hins hárfagra, kom kristni í Norveg ok á Ísland. Hann sendi þingat til lands prest þann es hét Pangbrandr, ok hér kendi mönnum kristni, ok skírði þá alla es við trú tóku. En Hallr á Síðu Þorsteinsson lét skirask snim- 30 hendis, ok Hjalti Skeggjasonr or Þjórsárdali, ok Gizurr hinn hvíti Teitsson Ketilbjarnarsonar frá Mosfelli, ok margir höfðingjar aðrir; en þeir vǫru þó fleiri es í gegn mæltu ok neittu. En þá es hann hafði hér verit einn vetr eða II,

þá fór hann á braut, ok hafði vegit hér II menn eða III, þá es hann höfðu nitt. En hann sagði konunginum Ólafi, es hann kom austr, alt þat es hér hafði yfir hann gengit, ok lét örvent, at hér mundi kristni enn takaz. En hann
 5 varð við þat reiðr mjök, ok ællaði at láta meiða eða drepa ossa landa fyrir, þá es þar vǫru austr. En þat sumar hit sama kómu utan héðan þeir Gizurr ok Hjalti, ok þágu þá undan við konunginn, ok hétu hán um umsýslu sinni til á nýja leik, at hér yrði enn við kristninni tekit, ok létu sér
 10 eigi annars vǫn en þat mundi hlýða. En hit næsta sumar eptir fóru þeir austan, ok prestir sá es Þormóðr hét, ok kómu þá í Vestmannaeyjar, es X vikur vǫru af sumri, ok hafði alt fariz vel at; svá kvað Teitr þann segja, es sjálfir vas þar. Þá vas þat mǫlt hit næsta sumar áðr í lögum,
 15 at menn skyldi svá koma til alþingis es X vikur væri af sumri, en þangat til kómu menn viku fyrr. En þeir fóru þegar inn til meginlands ok síðan til alþingis, ok gátu at Hjalta, at hann vas eptir í Laugardali með XIIta mann, af því at hann hafði áðr sekr ordit fjórbaugsmaðr hit næsta
 20 sumar á alþingi of goða, en þat vas til þess haft, at hann kvað at lögbergi kviðling þenna:

Vil ek elgi goð geysja
 grey þykkir mér Freysja.

En þeir Gizurr fóru unz þeir kómu í stað þann í
 25 hjá Ölfuss vatni, es kallaðr es Vellankatla, ok gördðu orð þaðan til þings, at á mót þeim skyldi koma allir fulltingsmenn þeirra, af því at þeir höfðu spurt, at andskotar þeirra vildi verja þeim vígi þingvöllinn. En fyrr en þeir færi þaðan, þá kom þar riðandi Hjalti, ok þeir es eptir
 30 vǫru með hán um. En síðan riðu þeir á þingit ok kómu áðr á mót þeim frændr þeirra ok vinir, sem þeir höfðu æst. En hinir heiðnu menn hurfu saman með alvǫpni, ok hafði svá nær at þeir mundi berjask, at (eigi) of sá á miðli,

En annan dag eptir géngu þeir Gizurr ok Hjalti til lögbergs, ok báru þar upp erindi sín; en svá es sagt, at þat bæri frá, hvi vel þeir mæltu. En þat görðisk af því, at þar nefndi annarr maðr at öðrum vátta, ok sögðusk hvarir or lögum við aðra, hinir kristnu menn ok hinir heiðnu, 5 ok géngu síðan frá lögbergi. Þá báðu hinir kristnu menn Hall á Síðu, at hann skyldi lög þeirra upp segja, þau es kristnir skyldi fylgja; en hann leystisk því undan við þá, at hann keypti at Þorgeiri lögsögumanni at hann skyldi upp segja, en hann vas enn þá heiðinn. En síðan es 10 menn komu í búðir, þá lagðisk hann niðr Þorgeirr, ok breiddi feld sinn á sik, ok hvíldi þann dag allan ok náttina eptir, ok kvað ekki orð. En um morguninn eptir settisk hann upp, ok görði orð at menn skyldi ganga til lögbergis. En þá hóf hann tölu sína upp, es menn komu 15 þar, ok sagði, at hánun þótti þá komit hag manna í únytt efni, ef menn skyldi eigi hafa allir lög ein á landi hér, ok taldi fyrir mönnum á marga vega, at þat skyldi eigi láta verða, ok sagði at þat mundi at því úsætti verða, es vísa ván vas at þær barmföðir görðiz á miðli manna es 20 landit eyddisk af. Hann sagði frá því, at konungar or Norvegi ok or Danmörku höfðu haft úfrið ok orrostur á miðli sín længa tíð, til þess unz landsmenn görðu frið á miðli þeirra, þótt þeir vildi eigi; en þat rað görðisk svá, at af stundu sendusk þeir gereimar á miðli, enda hélt friðr sá 25 meðan þeir lifðu; en nú þykkir mér þat ráð, kvað hann, at vér látum ok eigi þá ráða, es mest vilja í gegn gangask, ok miðlum svá mál á miðli þeirra, at hvarirtveggju hafi nökkut síns máls, ok höfum allir ein lög ok einn sið; þat mun verða satt, es vér slítum í sundr lögin, at vér mun- 30 um slíta ok friðinn. En hann lauk svá máli sínu, at hvarirtveggju játtu því, at allir skyldi ein lög hafa, þau sem hann réði upp at segja. Þá vas þat mælt í lögum, at allir menn skyldi kristnir vesa ok skírn taka, þeir es

áðr varu úskirðir á landi hér; en of barna útburð skyldu standa hin fornu lög, ok of hrossakjöts át; skyldu menn blóta á laun, ef vildu, en varða fjórhaugsgarðr, ef vátum of kœmi við; en síðar fám vetrum vas sú heiðni af numin sem önnur. Þenna atburð sagði Teitr oss at því es kristni kom á Ísland. En Ólafr Tryggvason féll hit sama sumar at sögu Sæmundar prests; þá barðisk hann við Svein Haraldsson Danakonung ok Ólaf hinn scenska Eiríksson at Uppsælum Sviakonung, ok Eirík, es síðan vas jarl at 10 Norvegi, Hákonarson, þat vas CXXX vetrum eptir dráp Eadmundar, en M eptir burð Krists at alþýðu tali.

Cap. VIII. Þessi eru nöfn biskupa þeirra es verit hafa á Íslandi útlendir, at sögu Teits. Friðrekr kom í heiðni hér: en þessir varu síðan: Bjarnharðr hinn bókvísi 15 V ár; Kolr fá ár; Hroðólfr XIX ár; Heinrekr II ár. Enn kómu hér aðrir V, þeir er biskupar kváðusk vesa: Örnólfr ok Gopiskólkr, ok III ermskir: Petrus ok Abraham ok Stephanus.

Grímr at Mosfelli Svertingsson tók lögsögu eptir Þor- 20 geir, ok hafði II sumur, en þá fékk hann lof til þess, at Skapti Þóróddsson hefði, systurson hans, af því at hann vas hásmæltr sjálf. Skapti þafði lögsögu XXVII sumur; hann setti fimtardóms lög, ok þat, at engi vegandi skyldi lýsa víg á hendr öðrum manni en sér; en áðr varu hér 25 slík lög of þat sem í Noregi. Á hans dögum urðu margir höfðingjar ok ríkismenn sekir eða landflótta of víg eða barsmíðir of ríkis sökum hans ok landstjórn; en hann andaðiz á hinu sama ári ok Ólafr hinn digri féll, Haraldssonr, Guðrøðarsonar, Bjarnarsonar, Haraldssonar hins hárfagra, XXX vetrum síðar en Ólafr félli Tryggvasonr. Þá 30 tók Steinn Þorgestsson lögsögu, ok hafði III sumur; þá hafði Þorkell Tjörvason XX sumur; þá hafði Gellir Bólverksson IX sumur.

Cap. IX. Ísleifr Gizurarsonr hins hvíta vas vígðr til biskups á dögum Halralds Noregskonungs Sigurðarsonar, Hálfðanarsonar, Sigurðarsonar hrísa, Haraldssonar hins hárfagra. En es þat sá höfðingjar ok góðir menn, at Ísleifr vas miklu nýtri en aðrir kennimenn, þeir es á þvísa landi næði, þá seldu hánnum margir sonu sína til læringar ok létu vigja til presta; þeir urðu síðan vígðir II til biskupa: Kolr, es vas í Vík austr, ok Jóan at Hólum. Ísleifr átti III sonu; þeir urðu allir höfðingjar nýtir: Gizurr biskup ok Teitr prest, faðir Halls, ok Þorvaldr. Teit foeddi Hallr í Haukadali, sá maðr es þat vas almselt, at mildastr væri ok ágæztr at góðu á landi hér úlærðra manna. Ek kom ok til Halls VII vetra gamall, vetri eptir þat es Gellir Þorkelsson, föðurfaðir minn ok fóstri andaðiz, ok vask þar XIV vetr. Gunnarr hinn spaki hafði tekit lögsögu, þá es Gellir lét af, ok hafði III sumur; þá hafði Kolbeinn Flosason VI; þat sumar es hann tók lögsögu féll Haraldr rex á Englandi. Þá hafði Gellir í annat sinn III sumur; þá hafði Gunnarr í annat sinn I sumar; þá hafði Sighvatr Surtsson, systurson Kolbeins, VIII. Á þeim dögum kom Sæmundr Sigfúason sunnan af Frakklandi hingat til lands, ok lét síðan vigjask til presta. Ísleifr vas vígðr til biskups þá es hann vas fimtögr; þá vas Leo septimus pavi; en hann var hinn næsta vetr í Noregi, ok fór síðan út hingat en hann andaðist í Skálaholti, þá es hann hafði alls verið biskup IV vetr ok XX; svá sagði Teitr oss; þat vas á drottinsdegi, VI náttum eptir hátíð þeirra Petrs ok Páls, LXXX vetra eptir Ólafs fall Tryggvasonar; þar vas ek þá með Teiti, löstra minum, XII vetra gamall. En Hallr sagði oss svá, es bæði vas minnigr ok úlýginn, ok mundi sjálf þat es hann vas skírðr, at Þangbrandr skírði hann þá vetrar, en þat vas vetri fyrr en kristni væri hér í lög tækin. En hann görði bú þrítögr, ok bjó LXIV vetr í Haukadali, ok hafði XCIV vetr, þá es hann andaðisk; en

þat vas of háttð Martins biskups, á hinum X vetri eptir andlát. Ísleifa biskups.

Cap. X. Gizurr biskup, sonr Ísleifs, vas vígðr til biskups at þœn landsmanna á dögum Ólafs konungs Haraldssonar, II vetrum eptir þat es Ísleifr andaðisk; þann vas
 5 aldssomar, II vetrum eptir þat es Ísleifr andaðisk; þann vas hann annann hér á landi, en annann á Gautlandi; en þá vas nafn hans rœtt, at hann hét Gísröðr; svá sagði hann oss. Markús Skeggjason hafði lögsögu næstr Sighvati; ok
 10 tók þat sumar es Gizurr biskup hafði einn vetr verit hér á landi, en fór með IV sumar ok XX. At hans sögu es skrifuð æfi allra lögsögumanna á bók þessi, þeirra es váru fyrir vart minni; en hánur sagði Þórarinn, bróðir hans, ok Skeggi, faðir þeirra ok fleiri spakir menn, til þeirra æfi er fyrir hans minni váru, at því er Bjarni hinn spaki
 15 hafði sagt, föðurfaðir þeirra, es mundi Þórarinn lögsögumann ok VI aðra síðan. Gizurr biskup vas ástsælli af öllum landsmönnum en hverr maðr annarrá þeirra es vérvitum hér á landi hafa verit; af ástsæld hans ok af tölum þeirra Sæmundar, með umráði Markúss lögsögumanns, vas
 20 þat í lög leitt, at allir menn töldu ok virðu alt fé sitt, ok sóru at rétt virt væri, hvart sem vas í löndum eða í lausaaurum, ok görðu tíund af síðan. Þat eru miklar jarteiknir, hvat hlyðnir landsmenn váru þeim manni, es hann kom því fram, at fé alt vas virt með sverdögum,
 25 þat es á Íslandi vas, ok landit sjálft, ok tíundir af görvar, ok lög álögð, at svá skal vesa, meðan Ísland es bygt. Gizurr biskup lét ok lög leggja á þat, at stóll biskups þess, es á Íslandi væri, skyldi í Skálaholti vesa, en aðr vas hvergi, ok lagði hann þar til stólsins Skálaholts land
 30 ok margra kynja auðæfi önnur, bæði í löndum ok í lausum aurum. En þá es hánur þótti sá staðr hafa vel at auðesum þróaz, þá gaf hann meirr en fjórðung biskupsdóms síns til þess, at heldr væri II biskupsstólar á landi hér en einn, svá sem Norðlendingar æstu hann til; en hann hafði aðr látit

telja búendr á landi hér, ok váru þá í Austfirðinga fjórðungi VII hundruð heil, en í Rangæinga fjórðungi X, en í Breiðfirðinga fjórðungi IX, en í Eysfirðinga fjórðungi XII; en útaldir váru þeir es eigi áttu þingfararkaupi at gegna of alt Ísland. Úlfheðinn Gunnarsson hins spaka tók lög- 5 sögu eptir Markús, ok hafði IX sumur; þá hafði Bergþórr Hrafnsson VI; en þá hafði Guðmundr Þorgeirsson XII sumur. Hit fyrsta sumar er Bergþórr sagði lög upp, var nýmæli þat gört, at lög or skyldi skrifa á bók at Haflíða Márssonar of vetrinn eptir, at sögu ok umráði þeirra 10 Bergþórs ok annarra spakra manna, þeirra es til þess váru teknir. Skyldu þeir görva nýmæli þau öll í lögum; er þeim litisk þau betri en hin fornu lög; skyldi þau segja upp hit næsta sumar eptir í lögrettu, ok þau öll halda, er hinn meiri hlutr manna mælti þá eigi gegn. En þat varð 15 at framfara, at þá vas skrifaðr vígslóði ok margt annat í lögum, ok sagt upp í lögrettu af kennimönnum of sumarit eptir; en þat líkaði öllum vel, ok mælti því mangi í gegn. Þat vas ok hit fyrsta sumar, es Bergþórr sagði lög upp, þá vas Gizurr biskup úþingfærr of sótt, þá sendi 20 hann orð til alþingis, vinum sínum ok höfðingjum, at biðja skyldi Þorlák Runólfsson, Þorleikssonar, bróður Halls í Haukadali, at hann skyldi láta vígjaz til biskups; en þat gerðu allir, svá sem orð hans kómu til, ok fékksk þat af því, at Gizurr hafði sjálfr fyrr mjök beðit, ok fór hann 25 utan þat sumar, en kom út hit næsta eptir, ok vas þá vígðr til biskups. Gizurr vas vígðr til biskups, þá es hann vas fertögr; þá vas Gregorius septimus pavi; en síðan vas hann hinn næsta vetr í Danmörku, ok kom of sumarit eptir hingat til lands. En þá er hann hafði verit 30 XXIV vetr biskup, svá sem faðir hans, þá vas Jón Ögmundarson vígðr til biskups, fyrstr til stóls at Hólum; þá vas hann vetri miðr en hálfsextögr. En XII vetrum síðar, þá es Gizurr hafði alls verit biskup XXXVI vetr, þá vas

Þorlákr vígðr til biskups; hann lét Gizurr vígja til stóls í Skálaholti at sér lifanda; þá vas Þorlákr II vetrum meir en XXX. En Gizurr biskup andaðisk XXX náttum síðar í Skálaholti, á hinum þriðja degi í viku, V. kalendas
 5 junii. Á því ári hinu sama obiit Paschalis secundus pavi, fyrr en Gizurr biskup, ok Baldvini Jórsalakonungr, ok Arnaldus patriarcha í Híerúsalem ok Philippus Svíakonungr; en síðar hit sama sumar Alexíus Grikjakonungr; þá hafði hann XXXVIII vetr setit at stóli í Miklagarði, en
 10 II vetrum síðar varð aldamót; þá höfðu þeir Eysteinn ok Sigurðr verit XVII vetr konungar í Noregi eptir Magnús, föður sinn, Ólafsson, Haraldssonar; þat vas CXX vetrum eptir fall Ólafs Tryggvasonar, en CCL eptir dráp Eadmundar Englakonungs, en DXVI vetrum eptir andlát Gregoríus
 15 pava, þess es kristni kom á England, at því es talit es; en hann andaðisk á öðru ári konungdóms Fóku keisara, DCIV vetrum eptir burð Krists at almanna tali, þat verðr alt saman MCXX ár. Hér lýsk sjá bók.

Cap. XI. Þetta es kyn biskupa Íslendinga ok ættar-
 20 tala: Ketilbjörn landnámsmaðr, sá es bygði suðr á Mosfelli hinu efra, vas faðir Teits, föður Gizurar hins hvíta, föður Ísleifs, es fyrstr vas biskupr í Skálaholti, föður Gizurar biskups. Hrollaugr landnámsmaðr, sá es bygði austr á Síðu á Breiðabólstað, var faðir Özurar, föður
 25 Þórdisar, móður Halls á Síðu, föður Egils, föður Þorgerðar, móður Jóns, es fyrstr vas biskupr á Hólum. Öðr landnámskona, es bygði vestr í Breiðafirði í Hvammi, vas móðir Þorsteins hins rauða, föður Óleifs feilans, föður Þórðar gellis, föður Þórhildar rjúpu, móður Þórðar hest-
 30 höfða, föður Karlsefnis, föður Snorra, föður Hallfríðar, móður Þorláks, es nú es biskupr í Skálaholti, næstr Gizuri. Helgi hinn magri, landnámamaðr, sá es bygði norðr í Eyjafirði í Kristnesi, vas faðir Helga, móður Einars, föður Eyjúlfs Valgerðarsonar, föður Guðmundar, föður Eyjúlfs,

föður Þorsteins, föður Ketils, es nú es biskup at Hólum, næstr Jóni.

Cap. XII. Þessi eru nöfn langfæðga Ynglinga ok Breiðfirðinga: I. Yngvi Tyrkjakonungr; II. Njörðr Sviakonungr; III. Freyr; IV. Fjölfnir, sá es dó at Frið-Fróða; V. Svegðir; VI. Vanlandi; VII. Visburr; VIII. Dómaldr; IX. Dómarr; X. Dyggvi; XI. Dagr; XII. Alrekr; XIII. Agni; XIV. Yngvi; XV. Jörundr; XVI. Aun hinn gamli; XVII. Egill vendilkráka; XVIII. Óttarr; XIX. Aðisl at Uppsölum; XX. Eysteinn; XXI. Yngvarr; XXII. Braut-Önundr; XXIII. Ingjaldr hinn illráði; XXIV. Ólafr trételgja; XXV. Hálfan hvítbeinn Upplendingakonungr; XXVI. Guðrøðr; XXVII. Ólafr; XXVIII. Helgi; XXIX. Ingjaldr, dóttursonr Sigurðar Ragnarssonar loðbrókar; XXX. Óleifr hinn hvíti; XXXI. Þorsteinn hinn rauði; XXXII. Óleifr feilan, es fyrstr bygði þeirra á Íslandi; XXXIII. Þórðr gellir; XXXIV. Eyjúlfr, es skirðr vas í elli sinni, þá es kristni kom á Ísland; XXXV. Þorkell; XXXVI. Gellir, faðir þeirra Þorkels, ok Brands ok Þorgils, föður míns, en ek heitir Ari.

20

NJÁLS SAGA

GUNNARR Á HLÍÐARENDA

Gunnarr Hámundarson Gunnarssonar, Baugssonar, bjó at Hlíðarenda í Fljótshlíð; hann var mikill maðr vexti ok sterkr, manna bezt vígr; hann bjó báðum höndum ok skaut, ef hann vildi, ok hann vá svá skjótt með sverði, at þrjú þéttu á lopti at sjá: hann skaut manna bezt af boga, ok bæði alt þat er hann skaut til; hann hljóp meir en

hæð sína með öllum herklæðum, ok eigi skemra aptr en fram fyrir sik; hann var syndr sem selr; ok eigi var sá leikr, er nokkurr þyrsti við hann at keppa; ok hefir svá verit sagt, at engi væri hans jafningi. Hann var vænn at
 5 yfirlitum ok ljóslitaðr, réttnefjaðr ok hafit upp í framanvert, bláeygr ok snareygr, ok roði í kinnunum, hárit mikit, ok fór vel ok vel lítt; manna kurteisast var hann, harðgörr í öllu, fémildr ok stíltr vel, vinfast ok vinavandr; hann var vel auðigr at fé; bróðir hans hét Kolskeggr, hann
 10 var mikill maðr ok sterkr, drengr góðr ok öruggr í öllu. Annarr bróðir hans hét Hjörtr, hann var þá í bernsku.

Njáll bjó at Bergþórshváli í Landeyjum, annat bú átti hann í Þórólfsfelli. Njáll var vel auðigr at fé ok vænn at álitu, hán um óx eigi skegg. Hann var lögmaðr svá mikill,
 15 at engi fanst hans jafningi; vitr var hann ok forspár, heilraðr ok góðgjarn, ok varð alt at ráði, þat er hann réð mönnum, hógværr ok drenglyndr; hann leysti hvers manns vandræði, er á hans fund kom. Bergþóra hét kona hans, hon var Skarpheðins dóttir, kvennskörungur mikill ok drengr
 20 góðr, ok nokkut skaphörð; þau áttu sex börn, dótr þrjár ok sonu þrjá, ok koma þeir allir við þessa sögu síðan.

Nú skal nefna sonu Njáls: Skarpheðinn hét hinn elsti, hann var mikill maðr vexti ok sterkr, vel vígr, syndr sem selr, manna fóthvatastr, ok skjótr ok öruggr, gagnorðr ok
 25 skjótorðr, ok skáld gott, en þó löngum vel stíltr; hann var jarpr á hár, ok sveipr í hárinu, eygðr vel, fólleitr ok skarpleitr, líðr á nefi, ok lá hátt tanngarðrinn, munnljótr mjök, ok þó manna hermannligstr. Grímr hét annarr son Njáls, hann var fríðr sýnum, ok hæfðr vel, dökkur á hár,
 30 ok fríðari sýnum en Skarpheðinn, mikill ok sterkr. Helgi hét inn þriðji son Njáls, hann var fríðr sýnum ok hæfðr vel, hann var sterkr maðr ok vígr vel, hann var vitr maðr ok stíltr vel; allir váru þeir úkvangaðir synir Njáls. Höskuldr hét hinn fjórði son Njáls, hann var laungetinn,

móðir hans var Hróðey, ok var Hóskulds dóttir, systir Ingjalds frá Keldum,

Gunnarr reið ok þeir allir; en er þeir komu á þing, þá váru þeir svá vel búinir, at engir váru þar jafnvel búinir, ok fóru menn út or hverri búð at undrast þá. Gunnarr 5 reið til búðar Rangæinga, ok var þar með frændum sínum. Margir menn fóru at finna Gunnar, ok spyrja hann tíðinda; hann var við alla menn léttr, ok kátr, ok sagði öllum slíkt er vildu.

Þat var einn dag, er Gunnarr gékk frá lögbergi, hann 10 gékk fyrir Mosfellingsabúð, þá sá hann konu fara í móti sér, ok var vel búin; en er þau fundust, kvaddi hon þegar Gunnar, hann tók vel kveðju hennar, ok spyr hvat kvenna hon væri. Hon nefndist Hallgerðr, ok kvazt vera dóttir Hóskulds Dalakollssonar; hon mælti til hans djarfiga, 15 ok bað segja sér frá ferðum sínum, en hann kvazt ekki varna mundu henni máls: settust þau þá niðr, ok töluðu. Hon var svá búin, at hon var í rauðu kyrtli, ok hafði yfir sér skarlaszkikkju hlaðbúna í skaut niðr; hárit tók ofan á bringu henni, ok var bæði mikit ok fagrt. Gunnarr var í 20 skarlaszklæðum, er Haraldr konungr Gormsson gaf hánun; hann hafði ok gullbring á hendi, þann er Hákon jarl gaf hánun.

Þau töluðu lengi hátt. Þar kom er hann spurði, hvárt hon væri úgefín. Hon sagði at svá væri: ok er þat ekki 25 margra at hætta á þat. Þykki þér hvergi fullkosta? Eigi er þat, segir hon, en mannvönd mun ek vera. Hversu munt þú svara, ef ek bið þín? Þat mun þér ekki í hug, segir hon. Eigi er þat, segir hann. Ef þér er nokkurr hugr á, þá finna þú föður minn. Síðan skildu 30 þau talit.

Gunnarr gékk þegar til búðar Dalamanna, ok fann manna úti fyrir búðinni, ok spyr hvárt Hóskuldr væri í búð; sá segir at hann væri í búð; gékk þá Gunnarr inn.

Höskuldr ok Hrútr tóku vel við Gunnari, hann settist niðr á meðal þeirra, ok fannst þat ekki í tali þeirra, at þar hefði missætti verit í meðal. Þar kom niðr ræða Gunnars, hversu þeir bræðr mundu því svara, ef hann bæði Hallgerðar. Vel, segir Höskuldr, ef þér er þat alhugat. Gunnarr segir sér þat alvöru: en svá skildu vér næstum, at mörgum mundi þat þykkja líkligt, at hér mundi ekki samband verða. Hversu lízt þér, Hrútr frændi? segir Höskuldr. Hrútr svaraði: ekki þykki mér þetta jafnraði.
 10 Hvát finnr þú til þess? segir Gunnarr. Hrútr mælti: því mun ek svara þér um þetta, er satt er; þú ert maðr vaskr, ok vel at þér, en hon er blandin mjök, ok vil ek þik í engu svíkja. Vel mun þér fara, segir Gunnarr, en þó mun ek þat fyrir satt hafa, at þér virðit í fornan
 15 fjándskap, ef þér vilit eigi gera mér kostinn. Eigi er þat, segir Hrútr; meir er hitt, at ek sé at þú mátt nú ekki viðgera; en þótt vér kaupim eigi, þá vildim vér þó vera vinir þínir. Ek hef talat við hana, segir Gunnarr, ok er þat ekki fjarri hennar skapi. Hrútr mælti: veit ek at
 20 báðum er þetta girndarrað, hættit þit ok mestu til, hversu ferr.

Hrútr sagði Gunnari úfregit alt um skapferði Hallgerðar, ok þótti Gunnari fyrst ærit mart, þat er áfátt var, en þar kom síðar, at saman dró kaupmála með þeim. Var
 25 þá sent eptir Hallgerði, var þá talit um málit, svá at hon var við. Létu þeir nú sem fyrr, at hon festi sik sjálf; skyldi þetta boð vera at Hildarenda, ok skyldi fara fyrst leyniliga, en þó kom þar, er allir vissu.

Gunnarr reið heim af þingi, ok kom til Bergþórs-
 30 hváls, ok sagði Njáli frá kaupum sínum; hann tók þessu þungliga. Gunnarr spýrr hví Njáli þótti þetta svá úráðligt? Þvíat af henni mun standast alt it illa, er hon kemr austr hingat, segir Njáll. Aldri skal hon spilla okkru vinfengi, segir Gunnarr. Þat mun þó svá nær fara, segir Njáll, en

þó munt þú jafnan bæta fyrir henni. Gunnarr bauð Njáli til þóðs ok öllum þeim þaðan, sem hann vildi at færi. Njáll hét at fara. Síðan reið Gunnarr heim, ok reið um heraðit at bjóða mönnum. . . .

Nú er þar til máls at taka, at Gunnarr var úti at 5 Hlíðarenda, ok sér smalamann sinn hleypa at garði. Smalamaðrinn reið heim i túnit. Gunnarr mælti: hvi riðr þú svá hart? Ek vilda vera þér trúlyndr, ek sá menn riða ofan með Markarfljóti, átta saman, ok váru fjórir í lítklaðum. Gunnarr mælti: þar mun vera Otkell. Sveinninn 10 mælti: ek hefi opt heyrt mörg skapraunarorð Skamkels, þviat Skamkell mælti þat austr í Dal, at þú grétir þá er þeir riðu á þik ofan, ok segi ek þér af því, at mér þykkir ilt orðtak slíkt vandra manna. Ekki skulu við vera orðsjúkir, segir Gunnarr, en þat eitt skal þú vinna er þér 15 líkar héðan í frá. Skal ek nakkvat segja Kolskeggi bróður þínum? sagði smalamaðrinn. Far þú ok sof, segir Gunnarr, ek mun segja Kolskeggi. Sveinninn lagðist niðr, ok sofnaði þegar.

Gunnarr tók smalahestinn, ok lagði á söðul sinn, hann 20 tók skjöld sinn, ok gyrði sik sverðinu Ólvisnaut, setr hjálm á höfuð sér, tekr atgeirinn, ok söng í hátt, ok heyrði Rannveig, móðir hans, hon gekk fram, ok mælti: reiðuligr ert þú nú, son minn, ok eigi sá ek þik slíkan fyrr.

Gunnarr gengr út, ok stingr niðr atgeirinum, ok verpr 25 sér í söðulinn ok riðr brot. Rannveig, móðir hans, gekk til stofu, þar var háreysti mikit; hátt kveði þér, segir hon, en þó lét hærri atgeirrinn, er Gunnarr gekk út. Kolskeggr heyrði, ok mælti: þat mun eigi engra tíðinda vita. Þat er vel, segir Hallgerðr, nú munu þeir reyna, hvárt hana 30 gengr grátantli undan þeim. Kolskeggr tekr vápn sín, ok leitar sér at hesti, ok riðr eptir, slíkt er hann mátti.

Gunnarr riðr nú um Ákratungu þvera, ok svá til Geilastofna, ok þaðan til Rangár, ok ofan til vaðs hjá

Hofi. Konur váru þar á stöðli, Gunnarr hljóp af hesti sínum ok batt; þá riðu hinir at; móhellur váru í götunum við vaðit. Gunnarr mælti til þeirra: nú er at verja sik, er hér nú atgeirrinn, munu þér nú ok reyna þat, hvárt ek græt nakkvat fyrir yðr.

Peir hljópu þá allir af baki, ok sóttu at Gunnari Hallbjörn var fremstr. Sæk þú eigi at, segir Gunnarr, þér vilda ek sízt ilt gera, en ek mun þó engum hlífa, ef ek á hendr mínar at verja. Þat mun ekki gera, segir Hallbjörn, þú munt þó drepa vilja bróður minn, ok er þat skömm ef ek sit hjá, ok lagði til Gunnars tveim höndum miklu spjóti. Gunnarr skaut fyrir skildinum, en Hallbjörn lagði í gegnum skjöldinn. Gunnarr skaut svá fast niðr skildinum, at hann stóð fast í jörðunni, en tók til sverðs-
 15 ins svá skjótt, at eigi mátti auga á festa, ok hjó með sverðinu, ok kom á hönd Hallbirni, fyrir ofan úlflið, svá at aftók. Skamkell hljóp á bak Gunnari, ok höggv til hans með mikilli ðxi. Gunnarr snérist skjótt at hánium, ok lýstr við atgeirinum, ok kom undir kverk ðxinni, ok
 20 braut hon or hendi hánium út á Rangá. Gunnarr leggir í annat sinn atgeirinum, ok í gegnum Skamkel, ok vegr hann upp ok kastar hánium í leirgötuna at höfðinu. Auðólfr austmaðr þrífir upp spjót, ok skaut at Gunnari. Gunnarr tók á lopti spjótis, ok skaut apr þegar, ok fló í
 25 gegnum skjöldinn ok austmanninn, ok niðr í völlinn. Otkell höggv með sverði til Gunnars, ok stefnir á fótinn fyrir neðaa kné. Gunnarr hljóp í lopt upp, ok missir hans. Gunnarr leggir atgeirinum til hans, ok í gegnum hann. Þá kemr Kolskeggr at, ok hleypr þegar at Hall-
 30 katli, ok höggv hann banahögg með saxinu; þar vega þeir þá átta.

Gunnarr reið heim ok Kolskeggr eptir verk þessi, ok riða þeir hart upp eptir eyrunum, ok stókk Gunnarr af baki, ok kom standandi niðr; Kolskeggr mælti: hart riðr

þú nú, frændi. Þat lagði Skamkell mér til orðs, er ek mæltu svá, er riðit var á mik. Hefnt hefir þú nú þessa, segir Kolskeggr. Hvat ek veit, segir Gunnarr, hvárt ek mun því úvaskari maðr en aðrir menn, sem mér þykkir meirra fyrir, en öðrum mönnum, at vega menn. 5

Nú spyrjast tíðindin víða, ok mæltu þat margir, at eigi þœtti þetta fyrr framkoma, en líkligt var til. Gunnarr reið til Berghórshváls, ok sagði Njáll verk þessi. Njáll mælti: mikit hefir þú atgert, ok hefir þú verit mjök atþreytt. Hversu mun nú ganga síðan? segir Gunnarr. 10 Vilt þú at ek segi þér þat, segir Njáll, er eigi er framkomit? þú munt riða til þings, ok munt þú njóta við ráða minna, ok fá af þessu máli ina mestu sæmd, mun þetta upphaf vígaferla þinna. Ráð þú mér heilræði nokkur, segir Gunnarr. Ek skal þat gera, segir Njáll: Veg þú aldri 15 meir í enn sama knérúnn en um sinn, ok rjúf aldri sætt, þá er góðir menn gera meðal þín ok annarra, ok þó sízt á því máli. Gunnarr mælti: öðrum ætlaða ek at þá skyldi hœttara en mér. Svá mun vera, segir Njáll, en þó skaltu svá um þitt mál hugsa, ef þetta berr saman, at þá munt 20 þú skamt eiga úlifat, en ella munt þú verða gamall maðr. Gunnarr mælti: veizt þú hvat þér mun verða at bana? Veit ek, segir Njáll. Hvat? segir Gunnarr. Þat sem allir munu sízt ætla, segir Njáll. Síðan reið Gunnarr heim. . . .

— Reið Gunnarr þá af þingi vestr til Dala í Hjarðarholt, 25 ok tók Ólafr pái vel við hánun, sat hann þar hálfan mánað; hann reið víða um Dali, ok tóku allir við hánun seginshendi, en at skilnaði mælti Ólafr: ek vil gefa þér þrjá gripi, gullbring ok skikkju, er átt hefir Mýrkjartan Írakonungr, ok hund, er mér var gefinn á Írlandi, hann 30 er mikill ok eigi verri til fylgðar en röskr maðr, þat fylgir ok, at hann hefir manns vit; hann mun ok gefja at hverjum manni, þeim er hann veit at úvin þinn er, en aldri at vinum þínum; sér hann ok á hverjum manni hvárt til

þín er vel eða illa; hann mun ok líf áleggja at vera þér trúr, þessi hundr heitir Sámr. Síðan mælti hann við hundinn: nú skaltu Gunnari fylgja, ok vera hánú slíkr, sem þú mátt; hundrinn gekk þegar at Gunnari, ok lagðist 5 niðr fyrir fœtr hánú.

Óláfr bað Gunnar vera varan um sik, ok kvað hann eiga marga ófundarmenn: þar er þú þykkir ágætr maðr nú um alt land. Gunnarr þakkaði hánú gjafir ok heilræði, ok reið heim. Sitr Gunnarr nú heima nökkura hrið, 10 ok er kyrt. . . .

Þessi tíðindi spyrjast víða, ok var Þorgeirr mörgum manni harmdauði. Þeir Gissurr hvíti riðu til, ok lýstu vígunum, ok kvöddu búa til þings; riðu þeir þá vestr heim. Þeir Njáll ok Gunnarr fundust, ok töluðu um bar- 15 dagann; þá mælti Njáll við Gunnar: vertu nú varr um þik, nú hefir þú vegit lýsyr sinnum í sama knérunn, hygg nú svá fyrir hag þínum, at þar liggir við líf þitt, ef þú heldr eigi þá sætt, sem ger er. Hvergi ætla ek mér af at bregða, segir Gunnarr, en þó mun ek þurfa liðsinni yðvart 20 á þingi. Njáll svaraði: halda mun ek við þik mínum trúnaði til dauðadags. Ríðr Gunnarr þá heim.

Líðr nú til þings, ok fjölmenna hváirtveggju mjök; er um þetta allfjölrcett á þingi, hversu mál þessi mund- 25 lúkast; þeir Gissurr ok Geirr goði töluðu með sér, hvárr þeirra lýsa skyldi vígsökinni Þorgeirs, en þar kom at Gissurr tók undir sik málit, ok lýsti sök at lögbergi. Gunnarr var vel stiltr, ok lagði fátt til, líðr nu þingit, þar til er dómar fara út; Gunnarr stóð norðan at Rangæinga- 30 dómi ok hans menn; Gissurr stóð sunnan at ok nefnir vátta, ok bauð Gunnari at hlýða til eiðspjalls síns, ok til framsögu sakar sinnar ok sóknargagna þeirra allra, sem hann hugði fram at færa. Eptir þat vann hann eið, þá sagði hann fram sök, svá skapaða í dóm, sem hann lýsti,

þá lét hann bera lýsingarvætti, þá bauð hann búum í setu, ok til ruðningar um kviðinn.

Þá mælti Njáll: nú mun eigi mega sitjanda hlut í eiga, göngum nú þar til sem búarnir sitja; þeir gengu þangat til, ok kvöddu fjóra búa or kviðinum, en kvöddu 5 hina fimmm bjargkviðar, er eptir váru, um málit Gunnars: hvárt þeir nafnar hefði farit með þann hug til fundar, at vinna á Gunnari, ef þeir mætti; en allir báru þat skjótt, at þat hefði verit; kallaði Njáll þetta lögvörn fyrir málit, ok kvazt mundu frambera vörnina, nema þeir legði til 10 sætta.

Váru í þessu þá margir höfðingjar at biðja sættanna, ok fékst þat af, at tólf menn skyldu gera um málit, gengu hvárirtveggju þá ok handsöluðu þessa sætt. Eptir þat var gert um málit, ok kveðit á fégjöld; ok skyldi alt 15 greitt þegar þar á þingi, en Gunnarr skyldi fara utan ok Kolskeggr, ok vera í brotu þrjá vetr, en ef Gunnarr færi eigi utan, ok mætti hann komast, þá skyldi hann dræpr fyrir frændum ens vegna.

Gunnarr lét ekki á sik finna at hánum þætti eigi góð 20 sættin. Gunnarr spurði Njál at fé því, er hann hafði fengið hánum til varðveizlu. Njáll hafði ávaxtat féit, ok greiddi þá fram alt féit, ok stóðst þat á endum, ok þat er Gunnarr átti at gjalda fyrir sik.

Ríða þeir nú heim. Þeir Njáll ok Gunnarr riðu báðir 25 samt af þingi; þá mælti Njáll til Gunnars: gerðu svá vel, félagi, at þú halt sætt þessa, ok mun hvat vit höfum viðmælt, ok svá sem þér varð hin fyrri útanferð mikiliga til sæmdar, þá mun þér verða þessi miklu meir til sæmdar, muntu koma út með mikilli mannavirðingu, ok verða maðr 30 gamall, ok mun engi maðr hér þá á sporði þér standa; en ef þú ferr eigi utan, ok rýfr sætt þína, þá muntu drepinn vera hér á landi, ok er þat ilt at vita þeim er vinir þínir eru. Gunnarr kvazt ekki ætla at rjúfa sættir.

Gunnarr ríðr heim ok sagði sættina, Rannveig kvað vel at hann færi útan, ok ætti þeir við annan at deila fyrst.

Peir váru menn frumvaxta synir Gunnars, Högni ok Grani, þeir váru menn úskaplíkir, hafði Grani mikit af 5 skaplyndi móður sinnar, en Högni var vel at sér. Gunnarr lætr flytja vöru þeirra bræðra til skips, ok þá er öll föng Gunnars váru komin, ok skip var mjök búit, þá ríðr Gunnarr til Bergþórshváls ok á aðra bæi at finna menn, ok þakkaði liðveizlu öllum þeim, er hán um höfðu lið veitt. 10 Annan dag eptir býr hann snemmendis ferð sína til skips, ok sagði þá öllu liði at hann myndi ríða í brot alfari, ok þótti mönnum þat mikit, en væntu þó tilkomu hans síðar.

Gunnarr hverfr til allra manna, er hann var búinn; gengu menn út með hán um allir; hann stingr niðr atgeir- 15 inum ok stíklar í sððulinn; ok ríða þeir Kolskeggr í brot; þeir ríða fram með Markarfljóti, þá drap hestr Gunnars fæti, ok stókk hann af baki, hán um varð litit upp til hliðarinnar ok bæjarins at Hlíðarenda, ok mælti: fögr er hliðin, svá at mér hefir hon aldri jafnsögr sýnt, bleikir 20 akrar en slegin tún, ok mun ek ríða heim aptr ok fara hvergi. Gerðu eigi þann úvina sagnað, segir Kolskeggr, at þú rjúfir sætt þína, þvíat þér myndi engi maðr þat ætla, ok muntu þat ætla mega, at svá mun alt fara, sem Njáll hefir sagt. Hvergi mun ek fara, ok svá vilda ek at 25 þú gerðir, segir Gunnarr. Eigi skal þat, segir Kolskeggr, hvárki skal ek á þessu niðast ok á engu öðru, því er mér er tiltrúat, ok mun sjá einn blutr svá vera, at skilja mun með okkr, en seg þat frændum mínum ok móður minni, at ek ætla ekki at sjá Ísland, þvíat ek mun spyrja þik 30 látinn, frændi! ok heldr mik þá ekki til útferðar. Skilr þá með þeim, ríðr Gunnarr heim til Hlíðarenda, en Kolskeggr ríðr til skips, ok ferr útan. Hallgerðr verðr fegin Gunnari, er hann kom heimi, en móðir hans lagði fætt til.

Gunnarr sitr nú heima þetta haust ok vetrinn, ok hafði ekki mart manna með sér; liðr nú vetr or garði. Ólafr þái bauð Gunnari með sér at vera ok Hallgerði, en fá bú í hendr móður sinni ok Högna syni sínum. Gunnari þótti fýsiligt fyrst, ok jataði því, en þá er at kom, þá 5 vildi hann eigi.

En á þingi um sumarit lýsa þeir Gissurr sekt hans at lögbergi, en áðr þinglausnir váru, stefndi Gissurr öllum úvinum Gunnars í Almannagjá, en þeir réðu atförl við Gunnar ok höfðu handtak at, ok lögðu við sekt, ef nökk- 10 urr gengi or. Mörðr skyldi halda njósnum, nær bezt gæfi fœri á hánum, ok váru þeir XL manna í þessu sambandi, þótti þeim sér nú munda lítit fyrir at veiða Gunnar, er á brotu var Kolskeggr ok Þráinn ok margir aðrir vinir Gunnars.

15

Ríðu menn heim af þingi. Njáll fór at finna Gunnar, ok sagði hánum sekt hans ok ráðna atförl við hann. Væl þykki mér þér fara, segir Gunnarr, þú gerir mik varan við. Nú vil ek, segir Njáll, at Skarpheðinn fari til þín, ok Höskuldr son minn, ok munu þeir leggja sitt líf við 20 þitt líf. Eigi vil ek, segir Gunnarr, at synir þínir sé dreppnir fyrir mínar sakir, ok áttu annat at mér. Fyrir ekki mun þat koma, segir Njáll; þangat mun snúit vandræðum, þá er þú ert látinn, sem synir mínir eru. Eigi er þat úlíkligt, segir Gunnarr, en eigi vilda ek at þat 25 hlytist af mér til; en þess vil ek biðja, at þér sjáit á með Högna syni mínum; en ek tala ekki til Grana, því at hann gerir ekki mart at mínu skapi. Reið Njáll heim, ok hét því.

Þat er sagt at Gunnarr reið til allra mannsunda ok 30 lögþinga, ok þorðu aldri úvinir hans á hann at ráða; fór svá fram nökkura bríð at hann fór sem úsekr maðr. . . .

Um haustit sendi Mörðr Valgarðsson orð, at Gunnarr mundi vera einn heima, en lið alt myndi vera niðri í

eyjum at lúka heyverkum. Riðu þeir Gissurr hvíti ok Geirr goði austr yfir ár, þegar þeir fréttu þat, ok austr yfir sanda til Hofe. Þá sendu þeir orð Starkaði undir Þríhyrningi, ok fundust þeir þar allir, er at Gunnari 5 skyldu fara, ok réðu hversu at skyldi fara.

Mörðr sagði at þeir mundu eigi koma á úvart Gunnari, nema þeir tœki bónda af næsta bæ, er Þorkell hét, ok létu hann fara nauðgan með sér, at taka hundinn Sám, ok fœri hann heim einn á bæinn. Fóru þeir síðan austr 10 til Hlíðarenda, ok sendu eptir Þorkatli; þeir tóku hann höndum, ok gerðu hánunum tvá kosti, at þeir mundu drepa hann, ella skyldi hann taka hundinn, en hann vildi heldr leysa líf sitt, ok fór með þeim,

Traðir varu fyrir ofan garðinn at Hlíðarenda, ok námu 15 þeir þá staðar með flokkinn; Þorkell bóndi gékk heim á bæinn, ok lá rakkinn á húsum uppi, ok tégir hann rakkann á brot með sér í geilur nökkurar; í því sér hundrinn, at þar eru menn fyrir, ok fleypr á hann Þorkell upp, ok grípr nárann. Ónundur or Tröllaskógi hjó með öxi í höfuð 20 hundinum, svá at alt kom í heilann. Hundrinn kvað við hátt, svá at þat þótti þeim með údœmum miklum vera, ok féll hann dauðr niðr.

Gunnarr vaknaði í skálanum, ok mælti: sárt ertu leikinn, Sámr fœstri, ok má vera svá sé tilætlat, at skamat 25 skyli okkar í meðal. Skáli Gunnars var gerr af viði einum, ok súðpaktr útan ok gluggar hjá brúnásunum, ok snúin þar fyrir speld. Gunnarr svaf í lopti einu í skálanum, ok Hallgerðr ok móðir hans.

Þá er þeir kómu at, vissu þeir eigi hvárt Gunnarr 30 myndi heima vera, ok báðu at einnhverr mundi fara heim fyrir, ok vita hvers viss yrði, en þeir settust niðr á völinn. Þorgrímr austmaðr gékk upp á skálann, Gunnarr sér at rauðan kyrtil þar við glugginn; ok leggur út með atgeirinum á hann miðjan; Þorgrími skruppu fœtrnir, ok varð lauss

skjöldrinn, ok brataði hann ofan af þekjunni, gengr hann síðan at þeim Gissuri, er þeir sátu á vellinum. Gissurr leit við hánum ok mælti: hvárt er Gunnarr heima? Þorgrímr sagði: vitit þér þat, en hitt vissa ek at atgeirr hans er heima; síðan féll hann niðr dauðr. ~~X~~

Þeir sóttu þá at húsunum. Gunnarr skaut út örum at þeim, ok varðist vel, ok gátu þeir ekki atgert, þá hljópu sumir í húsinn, ok ætluðu þaðan at-sækja, Gunnarr kom þangat at þeim örunum, ok gátu þeir ekki atgert, ok fór svá fram um hrið. Þeir tóku hvíld, ok sóttu at í annat sinn. Gunnarr skaut enn út, ok gátu þeir ekki atgert, ok brukku frá í annat sinn, þá mælti Gissurr hvíti: sækjum at betr, ekki verðr af oss. Gerðu þeir þá hrið ina þriðju, ok váru við lengi, eptir þat brukku þeir frá. Gunnarr mælti: ör liggir þar úti á vegginn, ok er sú af þeirra örum, ok skal ek þeirri skjóta til þeirra, ok er þeim þat skömm, ef þeir fá geig af vápnum sínum. Möðir hans mælti: ger þú eigi þat, son minn, at þú vekir þá, er þeir hafa áðr fráhorfit. Gunnarr þreif örinn, ok skaut til þeirra, ok kom á Eylíf Öundurason, ok fékk hann af sár mikit; hann hafði staðit einn saman, ok vissu þeir eigi at hann var særðr. Hönd kom þar út, segir Gissurr, ok var á gullhringr, ok tók ör er lá á þekjunni, ok myndi eigi út leitat viðfanga, ef gnógt væri inni, ok skulu þér nú sækja at. Möðr mælti: brennu vér hann inni! Þat skal verða aldri, segir Gissurr, þótt ek vita at líf mitt liggi við, er þér sjálfrátt at leggja til ráð þau er dugi, svá slægr maðr sem þú ert kallaðr.

Strengir lágu á vellinum, ok váru hafðir til at festa með hús jafnan. Möðr mælti: tóku vér strengina, ok berum um ássendana, en festum aðra endana um steina, ok snúum í vindása, ok vindum af ræfrit af skálanum; þeir tóku strengina, ok veittu þessa umbúð alla, ok fann Gunnarr eigi fyrr, en þeir höfðu undit alt þakit af skál-

anum. Gunnarr skýtr þá af boganum, svá at þeir kómuat
aldri at hánú. Þá mælti Mörðr í annat sinn, at þeir
myndi brenna Gunnar inni. Gissurr mælti: eigi veit ek
hví þú vill þat mæla er engi vill annarra, ok skal þat aldri
5 verða.

Í þessu bili hleypr upp á þekjuna Þorbrandr Þorleiks-
son, ok höggv í sundr bogastrenginn Gunnars, Gunnarr
þrífir atgeirinn báðum höndum, ok snýst at hánú skjótt,
ok rekr í gegnum hann, ok kastar hánú á völinn. Þá
10 hljóp upp Ásbrandr bróðir hans, Gunnarr leggir til hans
atgeirinum, ok kom hann skildi fyrir sik, atgeirinum rendi
í gegnum skjöldinn, en brotnuðu báðir handleggirnir, ok
féll hann út af vegginum; áðr hafði Gunnarr sært átta
menn, en vegit þá tvá; þá fékk Gunnarr sár tvau, ok
15 sögðu þat allir menn, at hann brygði sér hvárki við sár
né við bana.

Hann mælti til Hallgerðar: fá mér leppa tvá or hári
þínu, ok snúit þit móðir mín saman til bogastrengs mér.
Ligg þér nökkut við? segir hon. Lif mitt liggir við, segir
20 hann, þvíat þeir munu mik aldri fá sótt, meðan ek kem
boganum við. Þá skal ek nú, segir hon, muna þér kinn-
hestinn, þann er þú laust mik, ok hirði ek aldri hvárt
þú verr þik lengr eða skemr. Hefir hverr til síns ágætis
nökkut, segir Gunnarr, ok skal þik þessa eigi lengi biðja.
25 Rannveig mælti: illá ferr þér, ok mun þín skömm lengi
uppi.

Gunnarr varði sik vel ok fræknlaga, ok særir nú aðra
átta menn, svá stórum sárum at mörgum lá við bana.
Gunnarr verr sik, þartil er hann féll af mæði; þeir særðu
30 hann mörgum stórum sárum, en þó komst hann or hönd-
um þeim, ok varði sik þá enn lengi; en þó kom þar at
þeir drápu hann.

Gissurr mælti: mikinn öldung höfum vér nú at velli
lagt, ok hefir oss erfitt veitt, ok mun hans vörn uppi,

meðan landit er bygt. Síðan gekk hann til fundar við Rannveigu ok mælti: viltu veita mönnum várum tveim jörð, er dauðir eru, ok sé hér heygðir? At heldr tveimr, at ek mynda gjarna veita yör öllum, segir hon. Varkunn er þat, segir hann, er þú mælir þat, þvíat þú hefir mikils mist, ok kvæð á at þar skyldi engu ræna ok engu spilla.

Vig Gunnars spurðist, ok mæltist illa fyrir um allar sveitir, ok var hann mörgum manni harmdauði.

NJÁLS BRENNA

Flosi reið þaðan, í Ossabœ. Hildigunnr var úti ok mælti: nú skulu allir heimamenn mínir vera úti, er Flosi 10 riðr í garð, en konur skulu ræsta húsin ok tjalda, ok búa Flosa öndagi. Síðan reið Flosi í túnit, Hildigunnr snéri at hánum ok mælti: kom heill ok sæll, frændi, ok er segit orðit hjarta mitt tilkomu þinni. Hér skulu vér, segir Flosi, eta dagverð, ok riða síðan; þá váru bundnir 15 hestar þeirra. Flosi gekk inn í stofuna, ok settist niðr, ok kastaði í pallinn undan sér hásetuna, ok mælti: hvarki ein ek konungr né jarl, ok þarf ekki at gera háseti undir mér, ok þarf ekki at spotta mik. Hildigunnr var nær stödd, ok mælti: þat er illa ef þér mislíkar, þvíat þetta 20 gerðum vér af heilum hug. Flosi mælti: ef þú hefir heilan hug við mik, þá mun sjálfst lofa sik ef vel er, enda mun sjálfst lasta sik ef illa er. Hildigunnr hló kaldablátr ok mælti: ekki er enn mark at, nær munu við gangast enn, áðr lýkr. Hon settist niðr hjá Flosa, ok töluðu þau 25 lengi hljótt. Síðan váru borð tekin, en Flosi tók handlaugar ok lif hans. Flosi hugði at handklæðinu, ok var þat raufar einar, ok numt til ainars endans; hann kastaði í bekkinn, ok vildi eigi þerra sér á, ok reist af borðdúkinum, ok þerði sér þar á, ok kastaði til sinna manna. 30 Síðan settist Flosi undir borð, ok það menn eta.

Þá kom Hildigunnr í stofu ok gékk fyrir Flosa, ok greiddi hárit frá augum sér ok grét. Flosi mælti: skap-
 þungt er þér nú, frændkona, er þú grætr; en þó er þat
 vel er þú grætr góðan mann. Hvert eptirmæli skal ek af
 5 þér hafa, segir hon, eða liðveizlu? Flosi mælti: sækja
 mun ek mál þitt til fullra laga, eða veita til þeirra sætta,
 er góðir menn sjá at vér sém vel sœmdir af í alla staði.
 Hon mælti: hefna myndi Höskuldr þín, ef hann ætti eptir
 þik at mæla. Flosi svaraði: eigi skortir þik grimmleik, ok
 10 sét er hvat þú vilt. Hildigunnr mælti: minna hafði mis-
 gert Arnórr Örnólfsson or Forsárskógum við Þórð Freys-
 goða föður þinn, ok vágú bræðr þínir hann á Skaptafells-
 þingi, Kolbeinn ok Egill.

Hildigunnr gékk þá fram í skálann, ok lauk upp kistu
 15 sinni; tók hon þá upp skikkjuna, Flosanaut, ok í þeirri
 hafði Höskuldr veginn verit, ok hafði hon þar varðveitt í
 blóðit alt; hon gékk þá innar í stofuna með skikkjuna, hon
 gékk þegjandi at Flosa, þá var Flosi mettr ok afborit af
 borðinu. Hildigunnr lagði yfir Flosa skikkjuna, dundi þá
 20 blóðit um hann allan; hon mælti þá: þessa skikkju gaf
 þú, Flosi, Höskuldi, ok vil ek nú gefa þér aptr, var hann
 í þessi veginn; skýt ek því til guðs ok góðra manna, at
 ek sœri þik fyrir alla krapta Krists þíns, ok fyrir manndóm
 ok karlmensku þína, at þú hefnir þeirra allra sára, sem
 25 hann hafði á sér dauðum, eða heit hvers manns niðingr
 ella!

Flosi kastaði af sér skikkjunni, ok rak í fang henni,
 ok mælti: þú ert hit mesta forað, ok vildir at vér tækim
 þat upp, er öllum oss gegnir verst, ok eru köld kvenna-
 30 ráð. Flosa brá svá við, at hann var í andliti stundum
 sem blóð, en stundum sól sem gras, en stundum blár
 sem hel....

Kerling var sú at Bergþórshváli, er Sæunn hét, hon
 var fróð at mörgu ok framsýn, en þá var hon gömul mjök.

ok kölluðu Njáls synir hana gamlaera, er hon mælti mart, en þó gekk þat sumt eptir.

Þat var einn dag at hon þreif lurk í hönd sér, ok gekk upp um hús at arfasátu einni, hon laust arfasátuna, ok bað hana aldri þrífast, svá vesöl sem hon var. Skarpheðinn hló at, ok spurði, hvi hon abbaðist upp á arfasátuna. Kerlingin mælti: þessi arfasáta mun tekin, ok kveyktr við eldr, þá er Njáll bóndi er inni brendr ok Bergþóra fóstura mín, ok beri þér hana á vatn, segir hon, eða brennit hana upp sem skjótast. Eigi munu vér þat 10 gera, segir Skarpheðinn, þvíat fást mun annat til eldkveykna, ef þess verður auðit, þótt hon sé eigi. Kerling klifaði alt sumarit um arfasátuna, at inn skyldi bera, ok fórst þat fyrir ávalt. ...

Nú talar Flosi við sína menn, nú munu vér riða til 15 Bergþórshváls, ok koma þar fyrir matmál, þeir gera nú svá. Dalr var í hvalinum, ok riðu þeir þangat, ok bundu þar hesta sína, ok dvöldust þar, til þess er mjök leið á kveldit. Flosi mælti: nú skulu vér ganga heim at bænum ok ganga þröngt, ok fara seint, ok sjá hvat þeir taki 20 til ráðs.

Njáll stóð úti ok synir hans ok Kári ok allir heima-
menn, ok skipuðust fyrir á hlaðinu, ok váru þeir nær
þrír tigir. Flosi nam stað, ok mælti: Nú skulu vér at-
hyggja hvat þeir taka ráðs, þvíat mér lízt svá, ef þeir 25
standa úti fyrir, sem við munim þá aldri sóttá geta. Þá
er vár fór ill, segir Grani Gunnarsson, ef vér skulum eigi
þora at at sökja. Þat skat ok eigi vera, segir Flosi, ok
munu vér atsækja, þótt þeir standi úti, en þat afrað
munu vér gjalda, at margir munu eigi kunna frá at segja, 30
hvárir sigrast.

Njáll mælti til sinna manna, hvat sjái þér til hversu
mikit lið þeir hafa? Þeir hafa bæði mikit lið ok harðsnúit,
segir Skarpheðinn; en því nema þeir þó nú stað, at þeir

ætla at þeim muni illa sökja at vinna oss. Þat mun ekki vera, segir Njáll, ok vil ek at menn gangi inn, þvíat illa sóttist þeim Gunnarr at Hlíðarenda, ok var hann einn fyrir, en hér eru hús ramlig, sem þar váru, ok munu 5 þeir eigi skjótt sökja. Þetta er ekki þann veg at skilja, segir Skarphæðinn, þvíat Gunnarr sóttu heima þeir höfðingjar, er svá váru vel at sér, at heldr vildu frá hverfa, en brenna hann inni; en þessir munu þegar sökja oss með eldi, er þeir megu eigi annan veg; þvíat þeir munu alt 10 til vinna, at yfir taki við oss; munu þeir þat ætla, sem eigi er úlíkligt, at þat sé þeirra bani, ef oss dregr undan; ek em ok þess úfúss, at láta svæla mik inni sem melrakka í greni.

Njáll mælti: nú mun sem optar, at þér munu bera 15 mik ráðum, synir mínir, ok virða mik engis, en þá er þér varut yngri, gjörðut þér þat eigi, ok fór yðart ráð þá betr fram. Helgi mælti: gerum vér sem faðir várr vill, þat mun oss best gegna. Eigi veit ek þat víst, segir Skarphæðinn, þvíat hann er nú feigr; en vel má ek gera 20 þat til skaps föður míns, at brenna inni með hánum, þvíat ek hræðumst ekki dauða minn.

Hann mælti þá við Kára: fylgjumst vel, mágr, svá at engi skillst við annan. Þat hefi ek ætlat, segir Kári, en ef annars verðr auðit, þá mun þat verða fram at koma, ok 25 mun ek ekki mega við því gera. Hefdu vár, en vér þín, segir Skarphæðinn, ef vér lifum eptir. Kári kvað svá vera skyldu.

Gengu þeir þá inn allir, ok skipaðust í dyrrin. Flosi mælti: nú eru þeir feigir, er þeir hafa inn gengit, ok skulu 30 vér heim ganga sem skjótast, ok skipast sem þykkvast fyrir dyrrin, ok geyma þess at engi komist í þaraut, hværki Kári né Njáll synir, þvíat þat er várr bani. Þeir Flosi kómu nú heim, ok akipuðust umhverfis húsin, ef nokkurar væri laundir á. Flosi gekk framán at húanum ok þat megn.

Hróaldr Özurarson hljóp þar at, sem Skarpheðinn var fyrir, ok lagði til hans. Skarpheðinn hjó spjótit af skepi fyrir hánum, ok hjó til hans, ok kom þá ofan í skjöldinn, ok bar at Hróaldi þegar allan skjöldinn, en hyrnan á—in fremri tók andlitit, ok féll hann á bak aptr, ok þegar dauðr. Kári mælti: lítt dró enn undan við þik, Skarpheðinn, ok ertu vár fræknast. Eigi veit ek þat víst, segir Skarpheðinn, ok brá við grænum, ok glöpti at. Kári ok Grámr ok Helgi lögðu út mörgum spjótum, ok særðu marga menn, en Flosi ok hans menn féngu ekki atgert. 10

Flosi mælti: vér höfum fengið mikinn mannskaða á mönnum várum, eru margir sárir, en sá veginn er vér myndim sízt til kjósa; er nú þat sét, at vér getum þá eigi með vápnum sótt; er nú sá margr, er eigi gengr jafnsköruliga at, sem létu, en þó eggjuðu mest; mæli ek þetta mest til Grana Gunnarssonar ok Gunnars Lambasonar, er sér létu verst eira, en þó munu vér nú verða at gera annat ráð fyrir oss. Eru nú tveir kostir til, ok er hvárgi góðr, sá annarr at hýersa frá, ok er þat várr bani; hinn annarr at bera at eld, ok brenna þá inni, ok er þat stórr 20 ábyrgðanutr fyrir guði, er vér erum menn kristnir sjálfir, en þó munu vér þat bragðs taka.

Peir tóku nú eld, ok gerðu bál mikit fyrir dyrunum; þá mælti Skarpheðinn: eld kveymit þér nú, sveinar, eða hvárt skal nú búa til seyðis? Grani Gunnarsson svaraði: 25 svá skal þat vera, ok skaltu eigi þurfa heitara at baka. Skarpheðinn mælti: því launar þú mér, sem þú ert maðr til, er ek hefnda föður þins, ok virðir þat meira, er þér er úskyldara.

Þá báru konur sýru í eldinn, ok slóktu niðr fyrir 30 þeim, sumar báru vatn eða bland. Kolr Þorsteinsson mælti til Flosa: ráð kemr mér í hug, ok hefi sét lopt í skálanum á þvertrjám ok skulu vér þar inn bera eldinn, ok kveykja við arfasátu, þá er hér stendr fyrir ofan húsinn.

Síðan tóku þeir arfasátuna, ok báru í eld; fundu þeir eigi fyrr, er inni váru, en logaði ofan allr skálinn.

Gerðu þeir Flosi þá stór bál fyrir öllum dyrum, tók þá kvennafélkit illa at þola, þat sem inni var. Njáll
 5 mælti til þeirra: verðit vel við, ok mælit eigi æðru, því-
 at el eitt mun vera, ok skyldi langt til annars slíks; trúit þér ok því, at guð er svá miskunnsamr, at hann mun oss eigi bæði brenna láta þessa heims ok annars. Slíkar fortölur hafði hann fyrir þeim ok aðrar hraustligri. Nú
 10 taka öll húsin at loga, þá gékk Njáll til dyra, ok mælti: hvárt er Flosi svá nær, at hann megí heyra mál mitt? Flosi kvaðst heyra mega. Njáll mælti: vilt þú nókkut taka sættum við sonu mína, eða leyfa nókkurum mönnum útgöngu? Flosi svarar: eigi vil ek við sonu þína sættum taka,
 15 ok skal nú yfir lúka með oss, ok eigi fyrr frá ganga, en þeir eru allir dauðir, en lofa vil ek útgöngu konum ok börnum ok húskörlum.

Njáll gékk þá inn, ok mælti við fólkit: nú er þeim út at ganga öllum, er leyft er, ok gakk þú út, Þorhalla
 20 Ásgrímsdóttir, ok allr lýðr með þér, sá er lofat er. Þorhalla mælti: annarr verðr nú skilnaðr okkar Helga, en ek ætlaða um hrið, en þó skal ek eggja föður minn ok bræðr, at þeir hefni þessa mannskaða, er hér er gerr. Njáll mælti: vel mun þér fara, þvíat þú ert góð kona. Síðan
 25 gékk hon út ok mart lið með henni.

Ástriðr af Djúpárbakka mælti við Helga Njálsson: gaktu út með mér, ok mun ek kasta yfir þik kvennskikkju, ok falda þik með höfuðdúki, hann taldist undan fyrst, en þó gerði hann þetta fyrir bæn þeirra. Ástriðr vaðði höfuð-
 30 dúki at höfði Helga, en Þórhildr kona Skarpheðins lagði yfir hann skikkjuna, ok gékk hann út á meðal þeirra, ok þá gékk út Þorgerðr Njálsdóttir ok Helga systir hennar ok mart annat fólk.

En er Helgi kom út, mælti Flosi: sú er há kona ok

mikil um herðar, er þar fór, takit ok haldit henni. En er Helgi heyrði þetta, kastaði hann skikkjunni; hann hafði haft sverð undir hendi sér, ok hjó til manns, ok kom í skjöldinn, ok af sporðinn ok fótinn af mannum. Þá kom Flosi at, ok hjó á hálsinn Helga, svá at þegar tók 5 af höfuðit.

Flosi gékk þá at dyrum, ok kallaði á Njál, ok kvazt vildu tala við hann ok Bergþóru. Njáll gerir nú svá. Flosi mælti: útgöngu vil ek bjóða þér, Njáll bóndi; þvíat þú brennr úmakligr inni. Njáll mælti: eigi vil ek út ganga; 10 þvíat ek em maðr gamall, ok lítt tilbúinn at hefna sona minna, en ek vil eigi lifa við sköm. Flosi mælti þá til Bergþóru: gaktu út, húsfreyja, þvíat ek vil þik fyrir öngan mun inni brenna. Bergþóra mælti: ek var ung gefin Njáli, hefi ek því heitit hánun, at eitt skyldi ganga yfir 15 okkr bæði. Síðan gengu þau inn bæði.

Bergþóra mælti: hvat skulu við nú til ráða taka? Ganga munu við til hvílu okkarrar, segir Njáll, ok leggjast niðr, hefi ek lengi værugjarn verit. Hon mælti þá við sveininn Þórð Kárasen: þik skal út bera ok skaltu eigi 20 inni brenna; hinu hefir þú mér heitit; amma, segir sveinninn, at við skyldim aldri skilja, meðan ek vilda hjá þér vera, en mér þykkir miklu betra, at deyja með ykkir Njáli, en lifa eptir; hon bar þá sveininn til hvílunnar. Njáll mælti við brytja sinn, nú skaltu sjá hvar við leggjumst 25 niðr, ok hversu ek bý um okkr, þvíat ek ætla heðan hvergi at hrærast, hvárt sem mér angrar reykr eða bruni, máttu nú nær geta, hvar beina okkarra er at leita, hann sagði svá vera skyldu.

Þar hafði slátrat verit uxa einum, ok lá þar húðin, 30 Njáll mælti við brytjann, at hann skyldi breiða yfir þau húðina, ok hann gerði svá; þau leggjast nú niðr bæði í rúmit, ok leggja sveininn í millum sín, þá signdu þau sik ok sveininn, ok fálú guði önd sína á hendi, ok mæltu

þat síðast, svá menn heyrði. Þá tók brytinn húðina, ok breiddi yfir þau, ok gekk út síðan. . . .

Skarpheðinn sá, er faðir hans lagðist niðr, ok hversu hann hjó um sik; hann mælti þá: snemma ferr faðir várr 5 í rekkju, ok er þat sem ván er, maðr gamall. Þá tóku þeir Skarpheðinn ok Kári ok Grímr brandana, jafnskjótt sem ofan duttu, ok skutu út á þá, ok gekk því um hrið. Þá skutu þeir spjótum inn at þeim, en þeir tóku öll á lopti, ok sendu út aptr; Flosi bað þá hætta at skjóta, 10 þvíat oss munu öll vápnaskipti þungt ganga við þá; megu þér nú vel biða þess, er eldrinn vinnr þá.

Þeir gera nú svá. Þá féllu ofan stórviðirnir or ræfri-
inu. Skarpheðinn mælti þá: nú mun faðir minn dauðr
vera, ok hefir hvárki heyrt til hans styn né hósta; þeir 15 gengu þá í skálaendann, þar var fallit ofan þvertré, ok brunnit mjök í miðju; Kári mælti til Skarpheðins: hlauptu herát, ok mun ek beina at með þér; en ek mun hlaupa þegar eptir ok munu við þá báðir í brott komast, ef við breytum svá, þvíat hingat leggr allan reykin. Skarp-
20 heðinn mælti: þú skalt hlaupa fyrr, en ek mun þegar á hæla þér. Ekki er þat ráð, segir Kári, þvíat ek komumst vel annarsstaðar út, þótt hér gangi eigi. Eigi vil ek þat, segir Skarpheðinn, hlauptu út fyrir, en ek mun þegar eptir. Þat er hverjum manni boðit, at leita sér lífs, með-
25 an kostur er, segir Kári, ok skal ek ok svá gera, en þá mun þó sá skilnaðr með okkr verða, at við munum aldri sjást síðan; þvíat ef ek hleyp or eldinum, þá mun ek eigi hafa skap til, at hlaupa inn aptr í eldinn til þín, ok mun þá sína leið fara hvárr okkar. Þat hlægir mik, segir
30 Skarpheðinn, ef þú kemst í brott, mágr, attu mun hefna mín. Þá tók Kári einn setstokk loganda í hönd sér, ok hleypir út eptir þvertrénu, slóngvir hann þá stokkinum út af þekjunni, ok féll hann at þeim er úti váru fyrir; þeir hlupu þá undan. Þá loguðu klæðin öll á Kára, ok svá

hárit, hann steypir sér þá út af þekjunni, stíklar svá með reykinum. Þá mælti einn maðr, er þar var næstr: hvárt hljóp þar maðr út af þekjunni? Fjarri fór þat, segir annarr, heldr kastaði þar Skarpheðinn eldstokki at oss. Síðan grunudu þeir þat ekki. Kári hljóp til þess er hann kom 5 at læk einum, hann kastaði sér þar í ofan, ok slókti á sér eldinn, síðan hljóp hann með reykinum í gróf nökkura, ok hvíldi sik; ok er þat síðan kölluð Káragröf.

Nú er at segja frá Skarpheðni, at hann hleypr út á þvertréit þegar eptir Kára, en er hann kom þar er mest 10 var brunnit þvertréit, þá brast niðr undir hánun. Skarpheðinn kom sótum undir sik, ok réð þegar til í annat sinn, ok rennr upp vegginn, þá reið at hánun brúnássinn, ok brataði hann inn aptr. Skarpheðinn mælti þá: sét er nú hversu vera vill, gékk hann þá fram með hliðvegginn. 15

Gunnarr Lambason hljóp þá upp á vegginn, ok sér Skarpheðin, hann mælti svá: hvárt grætr þú nú Skarpheðinn? Eigi er þat, segir Skarpheðinn, en hit er satt; at súrnar í augunum; en hvárt er sem mér sýnist, hlærðu? Svá er vist, segir Gunnarr, ok hefi ek aldri fyrr hlegit, 20 síðan þú vatt Þráinn á Markarfljóti. Skarpheðinn mælti: þá er þér hér nú minjagriprinn; tók hann þá [ax] or þussi sínum, er hann hafði böggvit or Þráni, ok kastaði til Gunnars, ok kom í augat, svá þegar lá úti á kinninni; féll Gunnarr þá ofan af þekjunni. 25

Skarpheðinn gékk þá til Gríms bróður síns, hældust þeir þá í hendr, ok tráðu eldinn; en er þeir kómu í miðjan skálann, þá féll Grímr dauðr niðr; Skarpheðinn gékk þá til enda hússins, þá varð brestr mikill, brast þá ofan þekjan, varð Skarpheðinn þá þar í millum ok gafflaðs- 30 ins, mátti hann þá þaðan hvergi hrærast.

Þeir Flosi váru við eldana, þar til er mornat var mjök; þá kom þar maðr einn riðandi at þeim, Flosi spurði hann at nafni, en hann nefndist Geirmundr, ok

- kvazt vera frændi Sigfússoða: þér hafit mikit stórvirki unnit, segir hann. Flosi mælti: bæði munu menn þetta kalla stórvirki ok illvirki; en þó má nú ekki at hafa. Hversu mart hefir hér fyrirmanna látizt? segir Geirmundr.
- 5 Flosi svarar: hér hefir látizt Njáll ok Berghóða ok synir þeirra allir, Þórðr Kárason, Kári Sölmundarson, en þá vitu vér úgjörla um fleiri menn, þá er oss eru úkunnari. Geirmundr mælti: dauðan segir þú þann nú, er vér höfum hjalat við í morgin. Hverr er sá? segir Flosi. Kára
- 10 Sölmundarson fundu við Bárðr búi minn, segir Geirmundr, ok fékk Bárðr hán um hest sinn, ok var brunnit af hán um, hárit ok svá klæðin. Hafði hann nökkut vápna? segir Flosi. Hafði hann sverðit Fjörsvafni, segir Geirmundr, ok var blánaðr annarr eggteinninn, ok sögðu við Bárðr at
- 15 dignat mundi hafa; en hann svaraði því, at hann skyldi herða í blóði Sigfússoða eða annarra brennumanna. Flosi mælti: hvat sagði hann til Skarpheðins? Geirmundr svarar: á lífi sagði hann þá Grim báða, þá er þeir skildu, en þó kvað hann þá nú mundu dauða.
- 20 Flosi mælti: sagt hefir þú oss þá sögu, er oss mun eigi setugrið bjóða; þvíat sá maðr hefir nú á brott komizt, er næst gengr Gunnari at Hlíðarenda um alla hluti. Skulut ér nú þat vita, Sigfússynir ok aðrir brennumenn, at svá mikit eptirmál mun hér verða um brennu þessa,
- 25 at margan mun þat gera höfuðlausan, en sumir munu ganga frá öllu fénu.

GUNNLAUGS SAGA ORMSTUNGU

OK SKÁLD-HRAFNS

1. Þorsteinn hét maðr, hann var Egilsson Skalla-grímssonar Kveldúlfssonar hersis or Noregi; en Ásgerðr hét móðir Þorsteins ok var Bjarnardóttir. Þorsteinn bjó at Borg í Borgarfirði; hann var auðigr at fé ok höfðingi mikill, vitr maðr ok hógværr ok hófsmaðr um alla hluti. 5 Engi var hann afreksmaðr um vöxt eða afl, sem Egill faðir hans, en þó var hann it mesta afarmenni ok vinsæll af allri alþýðu. Þorsteinn var vænn maðr, hvítr á hár ok eygr manna bezt. Þorsteinn átti Jófríði Gunnars dóttur Hlífasonar. Jófríðr var XVIII vetra er Þorsteinn fékk 10 hennar; hon var ekkja; hana hafði átt fyrr Þóroddr, son Tungu-Odds, ok var þeirra dóttir Húngerðr, er þar fœddist upp at Borg með Þorsteini. Jófríðr var skörungr mikill; þau Þorsteinn áttu mart barna, en þó koma fá við þessa sögu; Skúli var elztr sona þeirra, annarr Koll- 15 sveinn, þriði Egill.

2. Eitt sumar er þat sagt at skip kom af hafi í Guf-árós; Bergfinnr er nefndr stýrimaðr fyr skipinu, norrœnn at ætt, auðigr at fé ok heldr við aldr; hann var vitr maðr. Þorsteinn bóndi reið til skips ok réð jafnan mestu hver 20 kaupstefna var, ok svá var enn. Austmenn vistuðust, en Þorsteinn tók við stýrimanninum, fyr því at hann beiddist þangat. Bergfinnr var fátalaðr of vetrinn, en Þorsteinn veitti hán um vel. Austmaðrinn hendi mikit gaman at draumum. Um várit einn dag rœddi Þorsteinn um við 25 Bergfinn, ef hann vildi riða með hán um upp undir Val-fell; þar var þá þingstöð þeirra Borgfirðinga; en Þorsteini var sagt at fallnir væri búðarveggir hans. Austmaðrinn kveðst þat vist vilja, ok riðu þeir heiman of daginn III

saman ok húskarlar Þorsteins, þar til er þeir koma upp undir Valfell, til bæjar þess er at Grenjum heitir; þar bjó einn maðr féltill, er Atli hét; hann var landseti Þorsteins, ok beiddi Þorsteinn Atla, at hann færi til starfs með þeim, 5 ok hefði þál ok reku; hann gjörði svá. Ok er þeir koma til búðartóptanna, þá tóku þeir til starfs allir, ok færðu út veggina. Veðrit var heitt af sólu ok varð þeim Þorsteini ok Austmanni erfitt; ok er þeir höfðu út fært veggina, þá settist Þorsteinn niðr ok Austmaðr í búðartóptina, 10 ok sofnaði Þorsteinn ok lét illa í svefni; Austmaðr sat hjá hánum ok lét hann njóta draums síns, ok er hann vaknaði, var hánum erfitt orðit. Austmaðr spurði, hvat hann hefði dreymt, er hann lét svá illa í svefni. Þorsteinn svaraði: ekki er mark at draumum. Ok er þeir riðu heim um 15 kveldit, þá spyrr Austmaðr, hvat Þorsteinn hefði dreymt. Þorsteinn segir: ef ek segi þér drauminn, þá skaltu ráða hann sem hann er til. Austmaðr kveðst á þat hættu mundi. Þorsteinn mælti þá: þat dreymdi mik, at ek þóttist heima vera at Borg ok úti fyri karldyrum, ok sá ek upp á húsin 20 ok á mæninum álpit eina væna ok fagra, ok þóttist ek eiga, ok þótti mér allgóð. Þá sá ek fljúga ofan frá fjöllumunum örn mikinn: hann fló hingat ok settist hjá álpinni, ok klakaði við hana blíðliga, ok hon þótti mér þat vel þekkjast. Þá sá ek, at örninn var svarteygr, ok járnklær 25 váru á hánum; vaskligr sýndist mér hann. Því næst sá ek fljúga annan fugl af suðrætt; sá fló hegat til Borgar, ok settist á húsin hjá álpinni ok vildi þýðast hana. Þat var ok örn mikill. Brátt þótti mér sá örninn er fyri var ýfast mjök, er hinn kom til, ok börðust þeir skarpliga ok 30 lengi, ok þat sá ek, at hvárrtveggja blæddi; ok svá lauk þeirra leik, at sinn veg hné hvarr þeirra af húsmæninum, ok váru þá báðir dauðir. En álpin sat eptir, hnipin mjök ok darplig. Ok þá sá ek fljúga fugl or vestri, þat var valr; hann settist hjá álpinni ok lét blítt við hana, ok

siðan flugu þau í brott bæði samt í sömu ætt; ok þá vaknaða ek. Ok er draumr þessi úmerkiligr, segir hann, ok man vera fyr veðrum, at þau mœtast í lopti, or þeim ættum er mér þóttu fuglarnir fljúga. Austmaðr segir: ekki er þát min ætlan, segir hann, at svá sé. Þorsteinn mælti: 5 gjör af drauminum slíkt er þér sýnist líkligast, ok lát mik heyra. Austmaðr mælti: faglar þeir munu vera manna fylgjur; en húsfreyja þín er eigi heil, ok man hon fœða meybarn frítt ok fagrt, ok man þú unna því mikit; en göfgir menn munu biðja dóttur þinnar, or þeim ættum sem 10 þér þóttu ernirnir fljúga at, ok leggja á hana ofrást, ok berjast of hana; ok látað háðir af því efni; ok því næst man hinn þriði maðr biðja hennar, or þeirri ætt er valrinn fló at, ok þeim man hon gípt vera. Nú hefi ek þýddan draum þinn, ok hyggt eptir man ganga. Þorsteinn 15 svarar: illa er draumr ráðinn ok úvingjarnliga, sagði hann, ok mant þú ekki drauma ráða kunna. Austmaðr segir: Þú mant at raun um komast, hversu eptir gengr. Þorsteinn lagði fæð á Austmanninn, ok fór hann á brott um sumarit, ok er hann nú or sögunni. 20

3. Um sumarit bjóst Þorsteinn til þings, ok mælti til Jófríðar húsfreyju, áðr hann fór heiman: svá er háttat, segir hann, at þú ert með barni; ok skal þat barn út bera, ef þú fœðir meybarn, en upp fœða ef sveinn er. Ok þat var þá siðvandi nökkurr er land var alt alheiðit, 25 at þeir menn, er félithir vǫru, en stóð úmegð mjök til handa, létu út bera börn sín, ok þótti þó illa gjört ávalt. Ok er Þorsteinn hafði þetta mælt, þá svarar Jófríðr: þetta er úþinsliga mælt, segir hon, slíkr maðr sem þú ert: ok man þér eigi sýnast þetta at láta gjöra, svá auðigr maðr 30 sem þú ert. Þorsteinn svarar: veizt þú skaplyndi mitt, segir hann, at eigi man lýðisamt verða ef af er brugðit. Siðan reið hann til þings; en Jófríðr fœddi meðan meybarn ákafa fagrt. Konur vildu þat bera at henni, en hon kvað

þess litla þörf, ok lét þangat kalla smalamann sinn, er Þorvarðr hét; ok mælti hon: hest minn skaltu taka ok leggja söðul á, ok færa barn þetta vestr í Hjarðarholt Þorgerði Egilsdóttur ok bið hana upp fæða með leynd, 5 svá at Þorsteinn verði eigi varr við; ok þeim ástaraugum renni ek til barns þessa, at víst eigi nenni ek at þat sé út borit. En hér eru þrjár merkr silfrs, er þú skalt hafa at verkkaupi; en Þorgerðr skal fá þér fari vestr þar, ok vist um haf. Þorvarðr gjörði sem hon mælti. Síðan reið 10 hann vestr í Hjarðarholt með barnit, ok fékk Þorgerði í hendr; en hon lét upp fæða landseta sinn, er bjó inn á Leysingjastöðum í Hvammsfirði. En hon tók Þorvarði fari norðr í Steingrímsfirði, í Skeljavík, ok vist of haf, ok fór hann þar utan ok er hann nú or sögunni.

15 Ok er Þorsteinn kom heim af þingi, þá sagði Jófríðr hánun, at barnit er út borit, sem hann hafði fyr mælt, en smalamaðr var í brott hlaupinn, ok stólit í brott hesti hennar. Þorsteinn kvað hana hafa vel gjört, ok fékk sér smalamann annan. Nú liðu svá VI vetr, at þetta varð 20 ekki víst. Ok þá reið Þorsteinn til heimboðs vestr í Hjarðarholt, til Ólafs þá, mágs síns, Höskuldssonar, er þá þótti vera með mestri virðingu allra höfðingja vestr þar. Þorsteini var þar vel fagnat, sem líkligt var. Ok einhvern dag at veizlunni er þat sagt, at Þorgerðr sat á tali við 25 Þorstein, bróður sinn, í öndvegi; en Ólafr átti tal við aðra menn. En yfir gegnt þeim á bekkinum sátu meyjar þrjár. Þá mælti Þorgerðr: hversu lízt þér, bróðir, á stúlkur þessar, er hér sitja gegnt okkr? Hann svarar: allvel, segir hann, ok er þó ein fegrst miklu, ok hefir hon 30 vænleik Ólafs, en hvíti ok yfirbragð vart Mýramanna. Þorgerðr svarar: víst er þat satt, er þú segir, bróðir, at hon hefir hvíti ok yfirbragð vart Mýramanna, en ei vænleik Ólafs þá: þvíat hon er ei hans dóttir. Hversu má þat vera? segir Þorsteinn, en þó sé hon þín dóttir. Hon

svarar: með sannindum at segja þér, frændi, kvað hon, þá er þessi þín dóttir, en eigi mín, hin fagra mæ; ok segir hán um síðan alt sem farit hafði, ok biðr hann fyrigefa sér ok konu sinni þessi afbrigði. Þorsteinn mælti: ekki kann ek ykk at ásaka um þetta, ok veltr þangat sem vera vill um flesta hluti; ok hafi þit vel yfir slétt vanhyggju mína; lízt mér svá á mey þessa, at mér þykkir mikil gipta í at eiga jafnfagrt barn; eðr hvat heitir hon? Helga heitir hon, segir Þorgerðr. Helga hin fagra, segir Þorsteinn. Nú skalt þú búa ferð hennar heim með mér. 10 Hon gjörði svá. Þorsteinn var þaðan út leiddr með góðum gjöfum; ok reið Helga heim með hán um ok fæddist þar upp meðr mikilli virðing ok ást af föður ok móður ok öllum frændum.

4. Í þenna tíma bjó uppi á Hvítársíðu, á Gilsbakka, 15 Illugi svarti Hallkelsson, Hrosskelssonar; móðir Illuga var Þuríðr dylla, dóttir Gunnlaugs ormstungu. Illugi var annarr mestr höfðingi í Borgarfirði en Þorsteinn Egilsson; Illugi svarti var stóreignamaðr ok harðlyndr mjök, ok hélt vel vini sína. Hann átti Ingibjörgu, dóttur Ásbjarnar Harðarsonar or Örnólfsdal. Móðir Ingibjargar var Þorgerðr, dóttir Miðfjarðar-Skeggja. Börn Ingibjargar ok Illuga váru mörg, en fá koma við þessa sögu. Hermundr hét son þeirra, en annarr Gunnlaugr. Báðir váru þeir efniligir menn, ok þá frumvaxta. Svá er sagt frá Gunnlaugi, at 25 hann var snemmendis bráðgjör, mikill ok sterkr, ljósjarpr á hár ok fór allvel, svarteygr ok nokkut nefljótr ok skapfelligr í andliti, miðmjör ok herðimikill, kominn á sik manna bezt, hávaðamaðr mikill í öllu skaplyndi, ok framgjarn snemmendis, ok við alt úvæginns ok harðr, ok 30 skáld mikit, ok heldr niðskárr, ok kallaðr Gunnlaugr ormstunga. Hermundr var þeirra vinsælli ok hafði höfðingjabragð á sér. Ok er Gunnlaugr var XII vetra gamall, bað hann föður sinn fararefna, ok kvaðz hann vilja fara

- utan ok sjá sið annarra manna. Illugi bóndi tók því seinliga, kvað hann eigi mundu þykkja góðan í útlöndum, er hana þóttist trautt mega semja hann þar heima, sem hann vildi. Ok einhvern morgin var þat, allitlu síðar, at
- 5 Illugi bóndi gékk út snemma, ok sá, at útibúr hans var opit, ok vāru lagðir út vōrusekkar nōkkurir á blaðit VI ok þar lēnur með. Hann undraðist þessa mjōk. Þar gēkk þā at maðr, ok leiddi fjōgur hross, ok var þar Gunnlaugr, son hans, ok mælti: ek hefi sekkana út lagit, segir hann.
- 10 Illugi spurði, hví hann gjōrði svá? Hann sagði, at þat skyldu vera fararefni hans. Illugi mælti: engi ráð skalt þú taka af mér, ok fara hvergi, fyrr en ek vil, ok kipti inn aptr vōrusekkunum. Gunnlaugr reið þā í brott þaðan, ok kom um kveldit ofan til Borgar, ok bauð Þorsteinn
- 15 bóndi hānum þar at vera, ok þat þiggr hann. Gunnlaugr segir Þorsteini, hversu farit hafði með þeim feðgum. Þorsteinn bæð hann þar vera þeim stundum sem hann vildi, ok þar var hann þau misseri, ok nam lōgspeki at Þorsteini, ok virðiz öllum mōnnum þar vel til hans. Jafnan
- 20 skemtu þau Helga sér at taflī ok Gunnlaugr; lagði hvárt þeirra góðan þokka til annars bráðliga; sem raunir bar á síðan. Þau vāru mjōk jafnaldrar. Helga var svā fōgr, at þat er sōgn frōðra manna, at hon hafi fegrst kona verit á Íslandi. Hār hennar var svā mikit, at þat mátti bylja
- 25 hana alla, ok svā fagrt sem gullband; ok engi kostr þótti þā þvílíkr, sem Helga en fagra, í öllum Borgarfirði ok víðara annarsstaðar.

- Ok einhvern dag, er menn sátu í stofu at Borg, þā mælti Gunnlaugr til Þorsteins: einn er sá hlutr í lōgum,
- 30 er þú hefir eigi kent mér: at fastna mér konu. Þorsteinn segir: þat er litit māl, ok kendi hānum atferli. Þā mælti Gunnlaugr: nú skalt þú vita, hvárt mér hafi skilizt, ok man ek nú taka í hönd þér, ok láta sem ek festa mér Helgu, dóttur þína. Þorsteinn segir: þarfleysi ætla ek þat

vera, segir hann. Gunnlaugr þreifaði þá þegar í hönd hán um ok mælti: veit mér nú þetta, segir hann. Gjör sem þú vilt, segir Þorsteinn, en þat skulu þeir vita, er hjá eru staddir, at þetta skal vera sem úmælt, ok þessu skulu engi undirmál fylgja. Síðan nefndi Gunnlaugr sér 5 vatta, ok fastnaði sér Helgu, ok segir síðan, hvárt þá mætti svá nýta. Hann kvað svá vera mega; ok varð mönnum mikil gaman at þessu, þeim er við vátu staddir.

5. Önundr hét maðr, er bjó suðr at Mosfelli; hann var auðmaðr hinn mesti, ok hafði goðorð suðr þar um 10 nesin. Hann var kvángaðr maðr, ok hét Geirný kona hans, Gnúpsdóttir, Molda-Gnúpssonar, er nam suðr Grindavík. Peirra synir vátu þeir: Hrafn ok Þórarinn, ok Eindriði. Allir vátu þeir efniligir menn; en þó var Hrafn fyr þeim í hvívetna. Hann var mikill maðr ok sterkr, 15 manna sjálgastr, ok skáld gott. Ok er hann var mjök roskaðr, þá fór hann landa á milli, ok virðist hvervetna vel, þar sem hann kom. Þá bjó suðr á Hjalla í Ölfusi þeir Þóroddr hinn spaki, Eyvindarson, ok Skapti, son hans, er þá var lögsögumaðr á Íslandi. Móðir Skapta var 20 Rannveig, dóttir Gnúps, Molda-Gnúpssonar, ok vátu þeir systra synir Skapti ok Önundar synir. Var þar vinátta mikil með frændsemi. Þá bjó út at Rauðamel Þorfinnr Selþórisson, ok átti VII sona, ok vátu allir efniligir menn; þeir hétu svá: Þorgils, Eyjólfir ok Þórir; ok vátu þeir 25 mestir menn út þangat. Ok þessir menn, er nú eru nefndir, vátu allir uppi á einn tíma.

Ok þessu næst urðu þau tíðindi, er bezt hafa orðit hér á Íslandi, at landit varð alt kristit, ok alt fólkk hafnaði fórnum átrúnaði. Gunnlaugr ormsunga, er áðr var 30 frá sagt, var nú ýmist at Borg með Þorsteini, eðr Illuga feður sínum á Gilsbakka, VI vetr; ok var hann þá XVIII vetra; ok samdiast þá mikil með þeim feðgum. Maðr hét Þorkell svartí; hann var heimamaðr Illuga ok náfrændi, ok



hafði þar upp vaxit. Hánum tæmdist arfr norðr í Vatnsdal í Ási, ok beiddi hann Gunnlaug fara með sér; ok hann gjörði svá, ok riðu norðr II saman í Ás ok féngu féit ok greiddu þeir féit af höndum, er varðveitt höfðu, með
 5 atgöngu Gunnlaugs. Ok er þeir riðu norðan, gistu þeir í Grimstungum at auðigs bónda, er þar bjó. Ok um morgininn tók smalamaðr hest Gunnlaugs, ok var þá sveittr mjök, er þeir féngu. Gunnlaugr laust smalamanninn í úvit. Bóndi vildi eigi svá búit hafa, ok beiddi bóta
 10 fyrri. Gunnlaugr bauð at gjalda bónda mörk. Bónda þótti þat oflútt. (Gunnlaugr kvað þá vísu:

Mörk hauð ek mundangs sterkum | manni tygjast ranna
 gráséna, skalt þú góna | glóspýr! þat, nýja.

15 Iðrast mantu ef yðrum | allráðs flóða or sjóði
 lætr eyðanda liða | linns samlagar kindar.)

Þessi varð sætt þeirra, sem Gunnlaugr bauð, ok riðu þeir suðr heim við svá búit.

Ok litlu síðar beiddi Gunnlaugr fōður sinn fararefna í annat sinn. Illugi segir: nú skal vera, sem þú vilt, segir
 20 hann; hefir þú nú heldr samit þik, or því sem var. Reið Illugi þá heiman skjótt, ok keypti skip hálf til handa Gunnlaugi, er uppi stóð í Gufarósi, at Auðunni festargram. Ok er Illugi kom heim, þá þakkaði Gunnlaugr hánum vel. Þorkell svarti réðz til ferðar með Gunnlaugi, ok var fluttr
 25 varnaðr þeirra til skips; en Gunnlaugr var at Borg, meðan þeir bjuggu skipit, ok þótti glaðara at tala við Helgu, en vera í starfi með kaupmönnum. Einhvern dag spurði Þorsteinn Gunnlaug, ef hann vildi riða til hrossa með hánum upp í Langavatnsdal. Gunnlaugr kvað þat vilja.
 30 Nú riða þeir II saman, þar til er þeir koma til selja Þorsteins, er heita á Þorgilstöðum; ok váru þar stóðhross, er Þorsteinn átti, IV saman, ok váru rauð at lit. Hestr var allvænigr ok lítt reyndr. Þorsteinn bauð at gefa

Gunnlaugi hestinn; en hann kvað eigi hrossa þurfa, er hann ætlaði af landi. Ok þá riðu þeir til annarra stóðhrossa; var þar hestr grár með IV merum, ok var sá beztr í Borgarfirði, ok bauð Þorsteinn at gefa þann Gunnlaugi. Hann svarar: eigi vil ek þessi, heldr en hin; eðr hvi býðr 5 þú mér eigi þat, er ek vil þiggja? Hvat er þat, segir Þorsteinn. Gunnlaugr mælti: Helga hin fagra, dóttir þín. Þorsteinn svarar: eigi man svá skjótt ráðast, segir hann, ok tók annat mál; ok riðu heimleiðis ofan með Langá. Þá mælti Gunnlaugr: vita vil ek, segir hann, hverju þú 10 vilt svara mér um þónorðit. Þorsteinn svarar: ekki sinni ek hégóma þínum, segir hann. Gunnlaugr mælti: þetta er alhugi minn, en eigi hégómi. Þorsteinn svarar: vita skyldir þú fyrst hvat þú vildir. Ertu ei ráðinn til utanferðar? ok lætr þó, sem þú skyllir kvángast! Er þat ekki 15 jafnræði með ykkir Helgu, meðan þú ert svá úráðinn, ok man því ekki verða álitit. Gunnlaugr mælti: hvar til ætlar þú um gjaforð dóttur þinnar, ef þú vilt eigi gipta syni Illuga svarta? eða hvar eru þeir í Borgarfirði, er meira háttar sé en hann? Þorsteinn svarar: ekki fer ek í mann- 20 jöfnuð, segir hann, en værir þú slíkr maðr sem hann, þá mundi þér ei frá vísat. Gunnlaugr mælti: hverjum vilt þú heldr gipta dóttur þína en mér? Þorsteinn svarar: mart er hér gott mannval. Þorfinnr at Rauðamel á VII sonu, ok alla vel mannaða. Gunnlaugr svarar: hvárgi 25 þeirra, Önundar né Þorfinns, er jafnmenni föður míns; þvíat þik skortir sýnt við hann. Eðr hvat hefir þú í móti því, er hann deildi kappi við Þorgrím goða Kjallaksson á Þórnes-þingi, ok við sonu hans, ok hafði einn þat er við lá. Þorsteinn svarar: ek stökta í brott Steinari, syni 30 Önundar sjóna, ok þótti þat heldr mikilræði. Gunnlaugr svarar: Egils nauztu at því, föður þíns; enda man þat fám bóndum vel endazt, at synja mér mægðar. Þorsteinn svarar: hafðu í frammi kúgan við þá uppi við fjöllin, en

þat kemr þér fyrri ekki hér út á Mýrunum. Um kveldit koma þeir heim. Ok um morgininn riðr Gunnlaugr upp á Gilsbakka, ok það föður sinn riða til kvánþœna með sér út til Borgar. Illugi svarar: þú ert úráðinn maðr, þar
 5 sem þú ert ráðinn til utanferðar, en lætr nú sem þú skulir starfa í kvánþœnum, ok veit ek, at slíkt er ekki við skaplyndi Þorsteins. Gunnlaugr svarar: ek ætla þó utan alt eins, ok líkar mér ekki utan þú fylgir þessu. Síðan reið Illugi heiman með tóltta mann ofan til Borgar, ok tók
 10 Þorsteinn vel við hánnum. Um morgininn snemma ræddi Illugi til Þorsteins: ek vil tala við þik. Þorsteinn svarar: göngum upp á bergina, ok tölum þar; ok svá gjörðu þeir. Gunnlaugr gékk með þeim. Þá mælti Illugi: Gunnlaugr frændi minn kveðst hafa vakið þónorð við þik fyrri sína
 15 hönd, at biðja Helgu, dóttur þinnar, en nú vil ek vita, hvern stað eiga skal málit; er þér kunnig ætt hans ok fjáreign vár; skal hvarki til spara af várri hendi staðfestu né manna forráð, ef þá er nær en áðr. Þorsteinn svarar: þat eitt finn ek Gunnlaugi, at mér þykkir hann vera úráð-
 20 inn, segir hann; en ef hann væri þér tíkr í skaplyndi, þá munda ek litt seinka. Illugi svarar: þetta man okkr verða at vinslitum, ef þú synjar okkr feðgum jafnræðis. Þorsteinn svarar: fyrri þíu orð, segir hann, ok okkra vingan, þá skal Helga vera heitkona Gunnlaugs, en eigi festarkona,
 25 ok biða þrjá vetr; en Gunnlaugr skal fara utan, ok skapa sik eptir góðra manna siðum; en ek skal lauss allra mála ef hann kemr ei svá út, eðr mér virðist eigi skapferði hans. Ok við þetta skilja þeir. Riðr Illugi heim, en Gunnlaugr til skips. Ok er þeim gaf byr, létu þeir í haf,
 30 ok kvámu skipi sínu norðr við Noreg, ok sigldu ian eptir Þrándheimi til Niðaróss, ok lágu þar í lægi ok skipuðu upp.

6. Í þenna tíma réð fyrri Noregi Eirekr jarl Hákonarson, ok Sveinn, bróðir hans. Eirekr jarl hafði atsetu

inn á Hlöðum, at fœðrleifð sinni, ok var ríkr höfðingi. Skúli Þorsteinsson var þá með jarli, ok var hirðmaðr hans, ok vel metinn. Þat er frá sagt, at þeir Gunnlaugr ok Auðunn festargrámr géngu, VII menn saman, inn á Hlaðir. Gunnlaugr var svá búinn, at hann var í grám kyrtli ok í 5 hvítum leistbrókum. Sull hafði hann á fœti, niðri á ristinni; freyddi or upp blóð ok vagr, er hann gékk við. Ok með þeim búningi gékk hann fyrri jarlinn, ok þeir Auðunn, ok kvöddu hann vel. Jarl kendi Auðun ok spyrir hann tíðinda af Íslandi; en Auðunn sagði slík sem váru. Jarl 10 spyrir Gunnlaug, hvern hann væri; en hann sagði hánun nafn sitt ok ætt. Jarl mælti: Skúli Þorsteinsson, sagði hann, hvat manna er þessi á Íslandi? Herra, segir hann, takit hánun vel; hann er hins bezta manns son á Íslandi, Illuga svarta af Gilsbakka, ok fóstbróðir minn. Jarl mælti: 15 hvat er fœti þínum, Íslendingr? Sullr er á, herra! sagði hann. Ok gékk þú þó ekki haltr? Gunnlaugr svarar: ei skal haltr ganga, meðan bæðir fœtr eru jafnlangir. Þá mælti hirðmaðr jarls, er Þórir hét: þessi rembiz mikit, Íslendingrinn, ok væri vel at vér freistaðim hans nökkut. 20 Gunnlaugr leit við hánun, ok mælti:

Hirðmaðr er einn, | sá er einkar meinn,
trúit hánun vart, | hann er illr ok svartr!

Þá vildi Þórir grípa til exar. Jarl mælti: lát vera kyrt, segir hann; ekki skulu menn gefa at slíku gaum; 25 eðr hve gamall maðr ertu, Íslendingr? Gunnlaugr svarar: ek em nú XVIII vetra, segir hann. Þat læt ek um mælt, segir jarl, at þú verðir ei annarra XVIII. Gunnlaugr mælti, ok heldr lágt: bið mér engra forbœna, segir hann, en bið þér heldr. Jarl mælti: hvat sagðir þú nú, Íslend- 30 ingr? Gunnlaugr svarar: svá sem mér þótti vera eiga, at þú bæðir mér engra forbœna, en bæðir sjálfum þér hallkvæmri bæna. Hverra þá? segir jarl. At þú fengir ei

þvílíkan dauðdaga sem Hákon jarl, faðir þinn. Jarl setti svá rauðan sem blóð, ok það taka fól þetta skjótt. Þá gekk Skúli fyri jarl, ok mælti: gjörir fyri mín orð, herra, ok gefit manningum grið, ok fari hann á brottu sem skjótast. Jarl mælti: verði hann á brottu sem skjótast, ef hann vill griðin hafa, ok komi aldri í mitt ríki síðan. Þá gekk Skúli út með Gunnlaugi, ok ofan á bryggjur. Þar var Englands-far, albúit til útláts; ok þar tók Skúli Gunnlaugi far ok Þorkatli, frænda hans; en Gunnlaugr fékk Auðunni skip sitt til varðveizlu, ok fé sitt, þat er hann hafði eigi með sér. Nú sigla þeir Gunnlaugr í Englandshaf, ok kvámu um haustit suðr við Lundúnabryggjur, ok réðu þar til hlunns skipi sínu.

7. Þá réð fyri Englandi Aðalráðr konungr Játgeirsson, ok var góðr höfðingi; hann sat þenna vetr í Lundúnaborg. (Ein var þá tunga á Englandi sem í Noregi ok í Danmórku; en þá skiptust tungur í Englandi, er Vilhjalmr bastarðr vann England. Gekkk þaðan af í Englandi Valska, er hann var þaðan ættaðr.) Gunnlaugr gekk bráðliga fyri konung, ok kvæddi hann vel ok virðuliga. Konungr spurði, hvaðan af löndum hann væri. Gunnlaugr segir sem var: en því hefi ek sótt á yðvarn fund, herra, at ek hefi kvæði ort um yðr, ok vilda ek, at þér hlýddit kvæðinu. Konungr kvað svá vera skyldu. Gunnlaugr flutti fram kvæðit vel ok sköruliga; en þetta er stefit í.

Herr sést allr ins örva | Englands, sem guðs, þengils,
ætt lýtr grams ok gumna | gunnbráðs Aðalráði.

Konungr þakkaði hánum kvæðit, ok gaf hánum at bragarlaunum skallats-skikkju, skinndregna enum beztum skinnnum ok hlaðbúna í skaut niðr, ok gjærði hann hirðmann sinn, ok var Gunnlaugr með konungi um vetrinn, ok virðist vel. Ok einn dag, um morgininn snemma, þá mætti Gunnlaugr III mönnum á stræti einu, ok nefndist

sá Þórormr er fyri þeim var. Hann var mikill ok sterkr, ok furðu torvelligr. Hann mælti: Norðmaðr, segir hann, sel mér fé nökkut át láni. Gunnlaugr svarar: ekki mun þat ráðligt, at selja fé sitt úkunnum mömum. Hann svarar: ek skal gjalda þér at nefndum degi. Þá skal á þat hætta, 5 segir Gunnlaugr. Síðan seldi hann hánum féit. Ok litlu síðar fann Gunnlaugr konunginn, ok segir hánum fjárlánit. Konungr svarar: nú hefir litt til tekizt; þessi er þvín mesti ránsmaðr ok vikingr, ok eig ekki við hann; en ek skal fá þér jafnmikit fé. Gunnlaugr svarar: illa er oss þá 10 farit, segir hann, hirðmönnum yðrum; göngum upp á saklausa menn, en láta slíka sitja yfir váru; ok skal þat aldri verða. Ok litlu síðar hitti hann Þórorm, ok heimti féit at hánum; en hann kvaðst eigi gjalda mundu. Gunnlaugr kvað þá vísu þessa:

15

Meðalráð er þér, Móði | málma galdrs! at halda,
att hafit ér við prettum | oddrjóð, fyri mér hoddum;
vita máttu hitt, at ek hétu, | hér sé ek á því feru,
þat fékkst nafn af nokkvi, | naðrstunga, mér ungum.

Nú vil ek bjóða þér lög, segir Gunnlaugr, at þú gjalt 20 mér fé mitt, eðr gakk á holm við mik ella, á III náttu fresti. Þá hló vikingrinn ok mælti: til þess hefir engi orðit fyrri en þú, at skora mér á hól, svá skarðan hlut sem margr hefir fyri mér borit, ok em ek þessa albuinn. Ok við þat skildu þeir Gunnlaugr at sinni. Gunnlaugr 25 sagði konungi svá búit. Hann svarar: nú er komit í all-óvænt efni; þessi maðr deyrir hvert vapr. Nú skaltu minum ráðum fram fara; ok er hér sverð, er ek vil gefa þér, ok með þessu skaltu vega, en sýn hánum annat. Gunnlaugr þakkaði konungi vel. Ok er þeir váru til hólms 30 búnir, þá spyrr Þórormr, hvernig sverð þat væri, er hann hafði. Gunnlaugr sýnir hánum, ok bregðr, en hafði lykkju um meðalkafla á konungsnaut, ok dregr á hönd sér.

10*

Berserkrinn mælti, er hann sá sverðit: ekki hræðumst ek þat sverð, segir hann, ok hjó til Gunnlaugs með sverði, ok af hánum mjök svá skjöldinn allan. Gunnlaugr hjó þegar í mót með konungsnaut, en berserkrinn stóð hlíf-
 5 arlauss fyrri, ok hugði at hann hefði hit sama vápn ok hann sýndi; en Gunnlaugr hjó hann þegar banahögg: Konungr þakkaði hánum verkit; ok af þessu fékk hann mikla frægð í Englandi ok víða annarstaðar. Um várit, er skip géngu milli landa, þá bað Gunnlaugr Aðalráð konung
 10 orlofs at sigla nökkut. Konungr spyr, hvat hann vildi þá. Gunnlaugr svarar: ek vilda efna þat, sem ek hefi heitit, ok kvað vísu þessa:

Koma skal ek víst at vitja | viggs döglinga þriggja,
 því hef ek hlutvöndum heitit | hjarls, ok tveggja jarla;
 15 hverf ek aptr, áðr arfi, | auðveitir gefr rauðan
 ormabeð fyrri ermar, | oddgefna mér stefni.

Svá skal ok vera, skáld, segir konungr, ok gaf hán-
 um gullhring, er stóð VI aura; en því skaltu heita mér,
 segir konungr, at koma aptr til mín at öðru hausti, fyrri
 20 því at ek vil ei láta þik fyrri sákir íþróttar þinnar.

8. Síðan siglir Gunnlaugr af Englandi með kaup-
 mönnum norðr til Dyflinnar. Þá réð fyrir Írlandi Sig-
 tryggr konungr silkiskegg, son Ólafs kvarans ok Kormlaðar
 dróttningar; hann hafði þá skamma stund ráðit ríkinu.
 25 Gunnlaugr gekk þá fyrri konung, ok kvaddi hann vel ok virðuliga. Konungr tók hánum semiliga. Gunnlaugr mælti:
 kvæði hefi ek ort um yðr ok vilda ek hljóð fá. Konungr
 svarar: ekki hafa menn til þess orðit fyrri, at færa mér
 kvæði, ok skal víst hlýða. Gunnlaugr kvað þá drápuna,
 30 ok er þetta stefit:

Elr Svaru skæ | Sigtryggr við hræ.

Ok þetta er þar:

Kann ek máls of skil, | hvern ek mæra vil
 konungmanna kon; | hann er Kvarans son.
 Muna gramr við mik, | venr hann gjöfði sik,
 þess man grepp vara, | gullbring spara.
 Segi siklingr mér | ef hann heyrði ger
 dýrligra brag; | þat er drápu lag.

5

Konungr þakkaði hánnum kvæðit, ok kallaði til sín
 féhirði sinn, ok mælti svá: hverju skal launa kvæðit? Hann
 svarar: hverju vili þér, herra, segir hann. Hversu er
 launat, segir konungr, ef ek gef hánnum knörru tvá. Fé- 10
 hirðinn svarar: of mikit er þat; herra, segir hann; aðrir
 konungar gefa at bragarlaunum gripi góða, sverð góð eða
 gullhringa góða. Konungr gaf hánnum klæði sín af nýju
 skallati: kyrtíl hlaðbúinn, ok skikkju með ágætum skinn-
 um, ok gullhring, er stóð mörk. Gunnlaugr þakkaði hán- 15
 um vel, ok dvaldiz þar skamma stund, ok fór þaðan til
 Orkneyja.

Þá réð fyrri Orkneyjum Sigurðr jarl Hlökkversson; hann
 var vel til islenzkra manna. Gunnlaugr kvaddi jarl vel,
 ok sagði sik hafa at færa hánnum kvæði. Jarl kvaðst hlýða 20
 vilja kvæði hans, svá stórra manna sem hann var á Íslandi.
 Gunnlaugr flutti kvæðit, ok var þat flokk, ok vel ort.
 Jarl gaf hánnum breiðöxi, silfrrekna alla, at kvæðislaunum,
 ok bauð hánnum með sér at vera. Gunnlaugr þakkaði
 hánnum gjöfina, ok boð hit sama, en kveðst verða at fara 25
 austr til Svíþjóðar, ok gékk síðan á skip með kaupmönnum
 þeim er sigldu til Noregs, ok kómu um haustit austr
 við Konungahellu. Þorkell frændi hans fylgði hánnum
 jafnan. Or Konungahellu féngu þeir leiðtoga upp í Gaut-
 land hit vestra, ok kómu fram í kaupstað þeim, er í 30
 Skórum heitir. Þar réð fyrri jarl sá, er Sigurðr hét,
 ok var við aldr. Gunnlaugr gékk fyrri hann ok kvaddi
 hann vel, ok kvaðst kvæði hafa ort um hann. Jarl

gaf gott hljóð til. Gunnlaugr kvað kvæðit, ok var þat flokkur. Jarl þakkaði hánnum ok launaði hánnum vel, ok bauð hánnum með sér at vera um vetrinn. Sigurðr jarl hafði jólaboð mikit um vetrinn. Ok atfangadag jóla koma þar sendimenn Eireks jarls norðan af Noregi, tólf saman; þeir fóru með gjöfum til Sigurðar jarls. Jarlinn fagnaði þeim vel, ok skipaði þeim um jólin hjá Gunnlaugi. Þar var ðlteiti mikil. Gautar ræddu um, at engi jarl væri meiri ok frægri en Sigurðr. Noregsmönnum þótti Eirekr jarl miklu framar. Ok um þetta þrættu þeir, ok tóku Gunnlaug til orskurðarmanns hváirtveggju um þetta mál. Gunnlaugr kvað þá visu þessa:

Segit ér frá jarli, | oddfeimu stafir! þeima,
hann hefir litnar hranna | hár, karl er sá, búrur;
15 sigrreynir hefir sénar | sjálfr í miklu gjálfri
austr fyrri unnar hesti | Eirekr hlár fleiri.

Hváirtveggju undu vel við orskurðinn, en betr Noregsmenn. Sendimenn fóru þaðan eptir jólin með fégjöfum, er Sigurðr jarl sendi Eireki jarli; sögðu þeir nú 20 Eireki jarli orskurðinn Gunnlaugs. Jarli þótti Gunnlaugr hafa sýnt við sik einörð ok vináttu, ok lét þau orð um fara at Gunnlaugr skyldi þar friðland hafa í hans ríki. Þat frétti Gunnlaugr síðan, hvat jarl hafði um mælt. Sigurðr jarl fékk Gunnlaugi leiðtoga austr í Tíundaland í 25 Svíþjóð, sem hann beiddi.

9. Í þenna tíma ræð fyrri Svíþjóð Ólafr konungr scenski, son Eireks konungs sigrsæla ok Sigríðar hinnar stórráðu, dóttur Skóglar-Tosta; hann var ríkr konungr ok ágætr, metnaðarmaðr mikill. Gunnlaugr kom til Uppsala nær 30 þingi þeirra Svía um várit, ok er hann náði konungs fundi, kvaddi hann konunginn. Hann tók hánnum vel ok spyrr, hvern hann væri. Hann kvaðst vera íslenzkr maðr. Konungr mælti: Hrafn, segir hann, hvat manna er hann

á Íslandi? Maðr stóð upp af hinum úœðra þekk, mikill ok vaskligr, gékk fyrir konung ok mælti: herra! segir hann, hann er hinnar beztu ættar, ok sjálfr hinn vaskasti maðr. Fari hann þá, ok siti hjá þér, sagði konungr. Gunnlaugr mælti: kvæði hefi ek at fœra yðr, sagði hann, ok vilda 5 ek at þér hlýddit ok gefit hljóð til. Gangit fyrst ok sitit, sagði konungr; ekki er nú tóm til yfir kvæðum at sitja. Þeir gjörðu svá.

Tóku þeir þá tal með sér, Gunnlaugr ok Hrafn; sagði hvárr öðrum frá ferðum sínum. Hrafn kvaðst farit hafa 10 áðr um sumarit af Íslandi til Noregs, ok öndverðan vetr austr til Svíþjóðar. Þar gjörist brátt vel með þeim. Ok einn dag, er liðit var þingit, váru þeir báðir fyrir konungi, Gunnlaugr ok Hrafn. Þá mælti Gunnlaugr: nú vilda ek herra, segir hann, at þér heyrðit kvæðit. Þat má nú, 15 segir konungr. Nú vil ek flytja kvæði mitt, herra, segir Hrafn. Þat má vel, segir hann. Þá vil ek flytja fyrr kvæði mitt, herra, segir Gunnlaugr, ef þér vilit svá. Ek á fyrr at flytja, herra, segir Hrafn, er ek kom fyrr til yðvar. Gunnlaugr mælti: hvar kvámu feðr okkrir þess, 20 segir hann, at faðir minn væri eptirbátr fœður þíns? hvar nema alls hvergi; skal ok svá með okkr vera. Hrafn svarar: gjörum þá kurteisi, segir hann, at vér fœrum þetta ei í kappmæli ok látum konung ráða. Konungr mælti: Gunnlaugr skal fyrri flytja, þviat hán um eirir illa, ef hann hefir 25 eigi sitt mál. Þá kvað Gunnlaugr drápuna, er hann hafði orta um Ólaf konung; ok er lokit var drápunni, þá mælti konungr: Hrafn, sagði hann, hversu er kvæðit ort? vel, herra, sagði hann; þat er stórt kvæði ok úfagrt, ok nökkut stirkveðit, sem Gunnlaugr er sjálfr í skaplyndi. Nú skaltu 30 flytja þitt kvæði, Hrafn, segir konungr. Hann gjörir svá. Ok er lokit var, þá mælti konungr: Gunnlaugr, segir hann, hversu er kvæði þetta ort? Gunnlaugr svarar: vel, herra, segir hann; þetta er fagrt kvæði, sem Hrafn er sjálfr at

sjá, ok (þó) yfirbragðslitit; eðr hvi ortir þú flokk um konunginn, segir hann, eðr þótti þér hann eigi drápunnar verðr? Hrafn svarar: tölum þetta ei lengr, til man verða tekit, þótt siðar sé, segir hann; ok skildu nú við svá
 5 búit. Litlu siðar gjörðist Hrafn hirðmaðr Ólafs konunga, ok bað hann orlofs til brottferðar; konungr veitti hánun þat. Ok er Hrafn var til brottferðar búinn, þá mælti hann til Gunnlaugs: lokit skal nú okkarri vináttu, fyrri því at þú vildir hrópa mik hér fyrri höfðingjum; nú skal ek ein-
 10 hverju sinni eigi þik minnr vanvirða, en þú vildir mik hér. Gunnlaugr svarar: ekki hryggja mik hót þín, segir hann, ok hvergi munu vit þess koma, at ek sé minna virðr en þú. Ólafr konungr gaf hánun góðar gjafr at skilnaði, ok fór hann í brott siðan.

15 Hrafn fór austan um várit ok kom til Þrændheims ok bjó skip sitt ok sigldi til Íslands um sumarit, ok kom skipi sínu í Leiruvág fyrri neðan Heiði, ok urðu hánun fegnir frændr ok vinir, ok var hann heima þann vetr með fæður sínum. Ok um sumarit á alþingi fundust þeir
 20 frændr, Skapti lögmaðr ok Skáld-Hrafn. Þá mælti Hrafn: þitt fullting vilda ek hafa til kvánbænar við Þorstein Egilsson, at biðja Helgu dóttur hans. Skapti svarar: er hon eigi áðr heitkona Gunnlaugs ormstungu? Hrafn svarar: er eigi liðin sú stefna nú, segir hann, sem mælt var með
 25 þeim? enda er miklu meiri hans ofsi, en hann muni nú þess gá eðr geyma. Skapti svarar: gjörum sem þér líkár. Siðan géngu þeir fjölmennir til buðar Þorsteins Egilssonar; hann fagnaði þeim vel. Skapti mælti: Hrafn, frændi minn, vill biðja Helgu, dóttur þinnar, ok er þér kunníg ætt hans
 30 ok auðr fjár ok menning góð, frænda afli mikill ok vana. Þorsteinn svarar: hon er áðr heitkona Gunnlaugs, ok vil ek halda öll mál við hann, þau sem mælt vátu. Skapti mælti: eru nú eigi liðnir III vetr, er til vátu nefndir með yðr? Já, sagði Þorsteinn, en ei er sumar liðit, ok má

hann enn til koma í sumar. Skapti svarar: en ef hann kemr eigi til sumarlangt, hverja ván skulum vér þá eiga þessa máls? Þorsteinn svarar: hér munu vér koma annat sumar, ok má þá sjá hvat ráðligast þykkir, en ekki tjár nú þetta at tala lengr at sinni. Ok við þat skildu þeir, 5 ok riðu menn heim af þingi. Ekki fór þetta tal leynt, at Hrafn bað Helgu. Ei kom Gunnlaugr út á því sumri. Ok annat sumar á alþingi fluttu þeir Skapti bónorðit ákafli- iga: kváðu þá Þorstein lausan allra mála við Gunnlaug. Þorsteinn svarar: ek á fár dætr fyri at sjá, ok vilda ek 10 gjarna, at engum manni yrði þær at rógi; nú vil ek finna fyrst Illuga svarta; ok svá gjörði hann. Ok er þeir fundust, þá mælti Þorsteinn: þykki þér ek eigi lauss allra mála við Gunnlaug, son þinn? Illugi mælti: svá er víst, segir hann, ef þú vilt; kann ek hér nú fátt til at leggja, 15 er ek veit eigi gjörla efni Gunnlaugs, sonar mins. Þorsteinn gekk þá til Skapta, ok keyptu þeir svá, at brúðlaup skyldi vera at vetrnáttum at Borg, ef Gunnlaugr kvæmi eigi út á því sumri, en Þorsteinn lauss allra mála við Hrafn, ef Gunnlaugr kvæmi til ok vitjaði ráðsins. Eptir 20 þat riðu menn heim af þinginu, ok frestaðist tilkvama Gunnlaugs, en Helga hugði ilt til ráða.

10. Nú er at segja frá Gunnlaugi, at hann fór af Svíþjóðu þat sumar er Hrafn fór til Íslands, ok fékk þá góðar gjafir af Ólafi konungi at skilnaði þeirra. Aðalráðr 25 konungr tók við Gunnlaugi allvel, ok var hann með hánunum um vetrinn með góðri sœmd. Í þenna tíma réð fyri Danmörku Knútr hinn ríki, Sveinsson, ok hafði nýtekit við föðrleið sinni ok heitaðist jafnan at herja til Englands, fyri því at Sveinn konungr faðir hans hafði unnit mikit 30 ríki á Englandi, áðr hann andaðist vestr þar. Ok í þann tíma var mikill herra danskra manna vestr þar, ok var sá höfðingi fyrir, er Hemingr hét, son Strútharalds jarls ok bróðir Sigvalda jarls ok hélt hann þat ríki undir Knút

- konung, er Sveinn konungr hafði áðr unnit. Um vart bað Gunnlaugr konunginn sér orlofs til brottferðar. Hann svarar: ei samir þér nú at fara frá mér, til slíks úfriðar sem nú horfir hér í Englandi, þar sem þú ert minn hirð-
5 maðr. Gunnlaugr svarar: þér skulit ráða, minn herra! ok gef mér orlof at sumri til brottferðar, ef Danir koma eigi. Konungr svarar: sjám vit þá! Nú leið þat sumar, ok vetrinn eptir, ok kvámu Danir eigi. Ok eptir mitt sumar fékk Gunnlaugr orlof til brottferðar af konungi, ok fór
10 Gunnlaugr þaðan austr til Noregs ok fann Eirek jarl í Þrándheimi á Hlöðum ok tók jarl hánun þá vel ok bað hánun þá með sér at vera. Gunnlaugr þakkar hánun boðit, ok kveðst þó vilja fara fyrst út til Íslands, á vit festarmeyjar sinnar. Jarl mælti: nú eru öll skip í brottu,
15 þau er til Íslands þjuggust. Þá mælti hirðmaðr einn: hér lá Hallfreðr vandræðaskáld í gær út undir Agðanesi. Jarlinn svarar: svá má vera, segir hann; hann sigldi héðan fyri V náttum. Eirekr jarl lét þá flytja Gunnlaug út til Hallfreðar ok tók hann við hánun með fagnaði; ok gaf
20 þegar byr undan landi, ok váru vel kátir. Þat var síð sumars. Hallfreðr mælti til Gunnlaugs, hefir þú frétt bón-orðit Hrafn's Öndarsonar við Helgu hina fögru? Gunnlaugr kveðst frétt hafa, ok þó úgjörla. Hallfreðr segir hánun, slíkt sem hann vissi af, ok þat með, at margir
25 menn mæltu þat, at Hrafn væri ei úröskvari en Gunnlaugr. Gunnlaugr kvað þá vísu:

- Ræki ek lítt, þó leiki, | létt veðr er nú, þéttan
austan vindr at andra | anness, viku þessa:
meir sjámsk hit, en hæru | hoddstriðandi bíði,
30 orð, at ek eigi verða | jafnröskr taliðr Hrafn.

Hallfreðr mælti þá: þess þyrsti, félagi, at þér veitti betr en mér málun við Hrafn; ek kom skipi mínu í Leiruvág fyri neðan Heiði fyri fám vetrum, ok átta ek at

gjalda hálfa mörk silfrs húskarli Hrafn, ok hélt ek því
fyrí hánun; en Hrafn reið til vár með LX manna, ok hjó
strengina ok rak skipit upp á leirur, ok búit (var) við
skipbroti; varð ek þá at selja Hrafn sjálfðæmi, ok galt
ek mörk; ok eru slíkar minar at segja frá hánun. Ok þá 5
var þeim eintalat um Helgu, ok losaði hann mjök vænleik
hennar. Gunnlaugr kvað þá visu þessa:

Munat háðvörum hyrjar | hriðmundaðar þundi
hafna, hörvi drifna, | hlýða jörð at þýðast:
þvitat lausikjar leikum | lyngs, er várum yngri, 10
álnar gims á ýmsum | andnesjum því landi.

Þetta er vel ort, segir Hallfreðr. Þeir tóku land norðr á
Melrakkasléttu, í Hraunhöfn, hálfum mánaði fyrí vetr, ok
skipuðu þar upp.

Þórðr hét maðr; hann var bóndason þar á Sléttunni; 15
hann gékk í glímur við þá kaupmennina, ok gékk þeim
illa við hann. Þá varð komit saman fangi með þeim
Gunnlaugi. Ok um náttina áðr hét Þórðr á Þór til sigrs
sér; ok um daginn, er þeir fundust, tóku þeir til glímu;
þá laust Gunnlaugr báða fœtrna undan Þórði, ok feldi 20
hann mikit fall; en fótrinn Gunnlaugs stókk or liði, sá er
hann stóð á, ok féll Gunnlaugr þá með Þórði. Þá mælti
Þórðr: vera má, segir hann, at þér vegni eigi annat betr.
Hvat þá? segir Gunnlaugr. Málin við Hrafn, ef hann fær
Helgu hinnar vænu at vetrnáttum; ok var ek hjá i sumar 25
á alþingi, er þat réðst. Gunnlaugr svarar engu. Þá var
vaððr fótrinn ok í liðinn fœrðr, ok þrútnaði allmjök. Þeir
Hallfreðr riðu XII menn saman, ok kvámu suðr á Gils-
bakka í Borgarfirði þat laugarkveld, er þeir sátu at brúð-
laupinu at Borg. Illugi varð feginn Gunnlaugi, syni sínum, 30
ok hans fœrunautum. Gunnlaugr kvaðst þá þegar vilja ofan
riða til Borgar. Illugi kvað þat ekki ráð, ok svá sýndist
öllum, nema Gunnlaugi; en Gunnlaugr var þá úfœrr fyrí

fótarins sakir, þótt hann léti ekki á sjást, ok varð því ekki af ferðinni. Hallfreðr reið heim um morgininn, til Hreðuvatns í Norðrárdal; þar réð fyrir eignum þeirra Galti, bróðir hans, ok var vaskr maðr.

- 5 11. Nú er at segja frá Hrafn, at hann sat at brúð-
laupi sínu at Borg, ok er þat flestra manna sögn, at
brúðrin væri heldr döpr, ok er þatt satt, sem mælt er,
at lengi man þat er ungr getr ok var henni nú ok svá.
Pat varð til nýlundu þar at veizlunni, at sá maðr bað Hún-
10 gerðar Þórodds dóttur ok Jófriðar er Svertingr hét ok var
Hafr-Bjarnarson, Molda-Gnúpssonar, ok skyldu þau ráð
takast um vetrinn eptir jól uppi at Skáney. Þar bjó Þor-
kell, frændi Húngerðar, son Torfa Valbrandssonar. Móðir
Torfa var Þórodda, systir Tungu-Odds. Hrafn fór heim
15 til Mosfells með Helgu konu sína, ok er þau höfðu þar
skamma stund verit, þá var þat einn morginn, áðr þau
risu upp, at Helga vakir, en Hrafn svaf, ok lét hann illa
í svefni. Ok er hann vaknaði, spyrr Helga, hvat hann
hefði dreymt. Hrafn kvað þá vísu:

- 20 Hugðumsk orms á armi | ýdöggvar þér höggvinn,
væri brúðr! í blóði | beðr þinn roðinn mínu;
knáttit endr of undir | ölstafns njórun, Hrafn
lík getr þat, lauka | lind! hagdreyrins binda.

- Helga mælti: þat man ek aldri gráta, segir hon, ok
25 hafi þér illa svikit mik, ok man Gunnlaugr út kominn; ok
grét Helga þá mjök. Ok litlu síðar sluttist útkvama Gunn-
laugs. Helga gjörðist þá svá stíð við Hrafn, at hann fékk
eigi haldit henni heima þar, ok fóru þau þá heim aptr
til Borgar, ok nýtti Hrafn lítit af samvistum við hana.
30 Nú búast menn til boðs um vetrinn. Þorkell frá Skáney
bauð Illuga svarta ok sonum hans. Ok er Illugi bóndi
bjóst, þá sat Gunnlaugr í stofu ok bjóst ekki. Illugi gekk
til hans ok mælti: hví býst þú ekki, frændi? Gunnlaugr

svarar: ek ætla eigi at fara. Illugi mælti: fara skaltu víst, frændi! segir hann, ok slá ekki slíku á þik, at þrá eptir einni konu, ok lát sem þú vitir eigi, ok mun þik aldri konur skorta. Gunnlaugr gjörði sem faðir hans mælti, ok kvámu þeir til boðsins, ok var þeim Illuga ok sonum hans 5 skipat í öndvegi, en þeim Þorsteini Egilssyni ok Hrafni, mág hans, ok sveitinni brúðguma í annat öndvegi gegnt Illuga. Konur sátu á palli, ok sat Helga hin fagra næst brúðinni, ok rendi opt augum til Gunnlaugs, ok kemr þar at því sem mælt er, at eigi leyna augu ef ann kona manni. 10 Gunnlaugr var þá vel búinn, ok hafði þá klæðin þau hin góðu, er Sigtryggr konungr gaf hánum, ok þótti hann þá mikit afbragð annarra manna fyrir margs sakir, bæði afis ok vænleiks ok vaxtar. Lítil var gleði manna at boðinu. Ok þann dag er menn váru í brottbúningi, þá brugðu konur 15 göngu sinni ok bjoggust til heimferðar. Gunnlaugr gékk þá til tals við Helgu ok töluðu lengi ok þá kvað Gunnlaugr vísu:

Ormstungu varð engi | allr dagr und sal fjalla
hægr, sízt Helga hin fagra | Hrafn's kvánar réð nafni; 20
lítt sá höldr hinn hvíti | hjörþeys, faðir meyjar,
gefin var Eir til aura | ung, við minni tungu .

Ok enn kvað hann:

Væn á ek vest at launa | vingeftn! fðður þínum,
fold nemr flaum af skáldi | flóðhyrs, ok svá móður: 25
þvíat gjörðu bil borða | bæði senn und klæðum,
hér hafi hölds ok svarra | hagvirki, svá fagra.

Ok þá gaf Gunnlaugr Helgu skikkjuna Aðalráðsnaut, ok var þat gersimi sem mest. Hon þakkaði hánum vel gjöfina. Síðan gékk Gunnlaugr út, ok váru þá komin 30 hross ok hestar söðlaðir, ok margir allvænligir, ok bunduir heima á hlaðinu. Gunnlaugr hljóp á bak einhverjum hesti,

ok reið á skeið eptir túninu, ok at þangat er Hrafn stóð fyr, ok varð Hrafn at hoga undan. Gunnlaugr mælti: ekki er at hoga undan, Hrafn, segir hann, fyr því at enga ógn býð ek þér at sinni, en þú veizt til hvers þú 5 befir unnit. Hrafn svarar ok kvað vísu:

Samira okkr um eina | ullr brimloga! fullu
frægir folka ságu | fang, í brigð at ganga;
mjök eru margar slíkar | mótrunnr! fyr haf sunnan,
ýti ek sævar sóta | sannfróðr, konur góðar.

10 Gunnlaugr svarar: vera má, segir hann, at margar sé, en eigi þykki mér svá. Þá hlupu þeir Illugi at ok Þorsteinn, ok vildu ekki at þeir ættist við. Þá kvað Gunnlaugr vísu:

15 Gefin var Eir til aura | ormdags, en litfagra,
þann kveða menn né minna | minn jafnoka, Hrafn,
allra nýztr meðan austan | Aðalráðr farar dvaldi,
því er menreyrir minni | málgráðr, í gny stála.

Ok eptir þetta riðu menn heim hvarutveggju, ok var alt kyrt ok tíðindalaust um vetrinn. Nýtti Hrafn síðan 20 ekki af samvistum við Helgu, þá er þau Gunnlaugr höfðu fundizt.

Ok um sumarit riðu menn fjölmennir til þings: Illugi svarti ok synir hans með hánun, Gunnlaugr ok Hermundr; Þorsteinn Egilsson ok Kollsveinn, son hans; Önundr frá 25 Mosfelli ok synir hans allir; Svertingr Hafr-Bjarnarson. Skapti hafði þá enn lögsögu. Ok einn dag á þinginu, er menn gengu fjölmennir til lögbergs, ok er þar var lykt at mæla lögskilum, þá kvaddi Gunnlaugr sér hljóðs, ok mælti: er Hrafn hér Önundarson? hann kveðst þar vera. Gunnlaugr ormsunga mælti þá: þat veizt þú, at þú hafir fengit 30 heitkonu minnar, ok dregst til sjáðskapar við mik; nú fyr þat vil ek bjóða þér hólmgöngu hér á þinginu á þriggja

nátta fresti í Öxarárhólmi. Hrafn svarar: þetta er vel boðit, sem ván var at þér, segir hann, ok em ek þess albuinn þegar þú vill. Þetta þótti ilt frændum hvárstveggja þeirra, en þó vǫru þat lög í þann tíma at hjóða hólmgöngu, sá er vanhluta þóttist verða fyrri öðrum. Ok er 5 þrjár nætr vǫru liðnar, hjuggust þeir til hólmgöngu: ok fylgði Illugi svarti syni sínum til hólmsins með miklu fjölmenni, en Skapti lögsögumaðr fylgði Hrafn, ok faðir hans ok aðrir frændr hans. Ok áðr Gunnlaugr gengi út í hólminn, þá kvað hann vísu þessa:

10

Nú em ek út á eyri | allvangs búinn ganga,
happs unni guð greppi! | gert með tegnum hjörvi;
hnakk skal Helgu lokka, | haus vinn ek frá bol lausan
loks með ljósum mæki, | ljúfsvelgs í tvau kljúfa.

Hrafn svarar ok kvað þetta:

15

Veitat greppr hvárr greppa | gagnsælli hlýtr fagna,
hér er bensigðum brugðit, | búinn er egg í leggi;
þat man ein ok ekkja | ung mæ, þó at vit særimst,
þorna spöng at þingi | þegns hugrekki fregna.

Hermundr hélt skildi fyrri Gunnlaug, bróður sinn, en 20 Svertingr Hafr-Bjarnarson fyrri Hrafn. Þinn mörkum silfrs skyldi sá leysa sik af hólminum, er sárr yrði. Hrafn átti fyrr at höggva, er á hann var skorat, ok hjó hann í skjöld Gunnlaugs ofanverðan, ok brast sverðit þegar sundr undir hjóltunum, er til var höggit af miklu afli. Blóðrefillinn 25 braut upp af skildinum, ok kóm á kinn Gunnlaugi, ok skeindist hann heldr en eigi. Þá hlupu feðr þeirra þegar á millum, ok margir aðrir menn. Þá mælti Gunnlaugr: nú kalla ek, at Hrafn sé sigraðr, er hann er slyppr. En ek kalla, at þú sér sigraðr, segir Hrafn, er þú ert sárr 30 vorðinn. Gunnlaugr var þá allæfr ok reiðr mjök, ok kvað ekki reynt vera. Illugi faðir hans kvað þá eigi skyldu reyna

- meir at sinni. Gunnlaugr svarar: þat munda ek vilja, segir hann, at vit Hrafn mœttimst svá öðru sinni, at þú værir fjarri, faðir, at skilja okkr. Ok við þetta skildu þeir at sinni ok gengu menn heim til buða sinna. Ok annan dag
- 5 eptir í lögréttu var þat í lög sett, at af skyldi taka hólmgöngur allar þaðan í frá, ok var þat gjört at ráði allra vitrustu manna, er við váru staddir; en þar váru allir þeir, er vitrastir váru á landinu; ok þessi hefir hólmganga síðast framin verit á Íslandi, er þeir Hrafn ok Gunnlaugr
- 10 börðust. Ok einn morgin, er þeir bræðr Hermundr ok Gunnlaugr gengu til Óxarár at þvá sér, þá gengu öðrumegin at ánni konur margar, ok var þar Helga hin fagra í því liði. Þá mælti Hermundr: sér þú Helgu, vinkonu þína, hér fyri handan ána? Gunnlaugr svarar: sé ek
- 15 hana víst, ok þá kvað Gunnlaugr vísu þessa:

Alin var rýgr at rógi, | runnr olli því gunnar,
lág var ek auðs at eiga | óðgjarn, fíra börnum;
nú er svánmærar síðan, | svört augu mér hauga,
lands til læsi gunnar | lítil þörf at líta.

- 20 Síðan gengu þeir yfir ána, ok töluðu þau Helga ok Gunnlaugr um stund. Ok er þeir gengu austr yfir ána, þá stóð Helga ok starði á Gunnlaug lengi eptir. Gunnlaugr leit þá aptir yfir ána, ok kvað vísu þessa:

- Brámáni skein brúna | brims af ljósum himni
25 Hristar hörvi glæstar | haukfrán á mik lauka;
en sá geisli sýslar | síðan gullmens friðar
hvarma tungls ok hringa | Hlínar óþurft mína.

- Ok eptir þetta umliðit riðu menn heim af þinginu, ok var Gunnlaugr heima á Gilsbakka. Ok einn morgin
- 30 er hann vaknaði, þá váru allir menn upp risnir, nema hann lá. Hann hvíldi í lekrekku innar af seti. Þá gengu í skálann XII menn, allir alvápnaðir, ok var þar kominn

Hrafn Önundarson. Gunnlaugr spratt upp þegar, ok gat fengit vápn sín. Þá mælti Hrafn: við engu skal þér hætt vera, segir hann, en þat er eyrindi mitt hingat, at þú skalt nú heyra: þú bautt mér hólmgöngu í sumar á alþingi, ok þótti þér sú ekki reynd verða; nú vil ek þér bjóða, at við farim báðir á brott af Íslandi, ok utan í sumar, ok gangim á hólmi í Noregi; þar munu eigi frændr okkrir fyrri standa. Gunnlaugr svarar: mæl drengja heilast! ok þenna kost vil ek gjarna þiggja, ok er hér at þiggja, Hrafn, segir hann, þann greiða, sem þú vill. Hrafn svarar: þat er vel boðit, en riða munu vér fyrst at sinni; ok við þetta skildu þeir. Þetta þótti frændum hvártveggja stórum illa, ok féngu þó ekki atgjört fyrri ákafa þeirra sjálfra; enda varð þat fram at koma sem til dró.

12. Nú er at segja frá Hrafn, at hann bjó skip sitt í Leiruvágum. Tveir menn eru þeir nefndir, er fóru með Hrafn, systursynir Önundar, fæður hans; hét annarr Grímr, en annarr Ólafir ok váru báðir gildir menn. Öllum frændum Hrafn þótti mikill svipt, er hann fór í brott; en hann sagði svá: kvaðst því Gunnlaug á hólmi skorat hafa, at hann kvaðst engar nytjar hafa Helgu, ok kvað annanhvárn verða at hníga fyrri öðrum. Síðan sigldi Hrafn í haf, er þeim gaf byr, ok kvámu skipi sínu í Þrándheim, ok var þar of vetrinn, ok frétti ekki til Gunnlaugs á þeim vetri, ok þar beið hann Gunnlaugs um sumarit; ok enn annan vetr var hann í Þrándheimi, þar sem heitir í Lifangri.

Gunnlaugr ormstunga réðst til skips með Hallfreði vandræðaskáldi norðr á Sléttu, ok urðu þeir síðbúnir mjök ok sigldu þeir í haf þegar byr gaf, ok kvámu við Orkneyjar litlu fyrri vetr. Sigurðr jarl Hlökkversson réð þá fyrri eyjunum, ok fór Gunnlaugr til hans ok var þar um vetrinn, ok virði jarl hann vel. Ok um vart bjóst jarl í hernað; Gunnlaugr bjóst til ferðar með hánum, ok herjuðu

um summarit vísða um Suðreyjar ok Skotlandsfjörðu ok áttu margar orrostur ok reyndist Gunnlaugr hinn hraustasti ok hinn vaskasti drengr, ok hinn harðasti karlmaðr, hvar sem þeir kvámu. Sigurðr jarl snérist snemmendis sumars aptr, 5 en Gunnlaugr sté þá á skip með kaupmönnum, þeim er sigldu til Noregs ok skildu þeir Sigurðr jarl með mikilli vináttu. Gunnlaugr fór norðr til Þrándheims á Hlaðir, á fund Eireks jarls, ok var þar öndverðan vetr, ok tók jarl vel við hánum ok bauð hánum með sér at vera, ok þat 10 þekktist hann. Frétt hafði jarl áðr viðrskipti þeirra Hrafn, svá sem var, ok sagði Gunnlaugi, at hann legði bann fyrri, at þeir herðist þar í hans ríki. Gunnlaugr kvað hann slíku ráða mundu; ok var Gunnlaugr þar um vetrinn, ok jafnan fálátr. Ok um várit einn dag gékk Gunnlaugr úti, 15 ok Þorkell frændi hans með hánum; þeir gengu í brott frá bænum, ok á völlum fyrri þeim var mannbringr, ok í hringinum innan váru II menn með vápnum, ok skyldast; var þar annarr nefndr Hrafn, en annarr Gunnlaugr. Þeir mæltu, er hjá stóðu, at Íslendingar hyggi smátt, ok væri 20 seinir til at muna orð sín. Gunnlaugr fann, at hér fylgði mikit háð, ok hér var mikit spott at dregit, ok gékk Gunnlaugr í brott þegjandi. Ok litlu síðar eptir þetta segir Gunnlaugr jarli, at hann kveðst eigi lengr nenna at þola háð ok spott hirðmanna hans um mál þeirra Hrafn ok 25 beiddi jarl fá sér leiðtoga inn í Lifangr. Jarli var sagt áðr, at Hrafn var í brottu or Lifangri ok farinn austr til Svíþjóðar, ok því gaf hann Gunnlaugi orlof at fara ok fékk hánum leiðtoga tvá til ferðarinnar.

Nú ferr Gunnlaugr af Hlöðum við sjaunda mann inn 30 í Lifangr; ok þann morgin hafði Hrafn farit þaðan með fimta mann, er Gunnlaugr kwam þar um kveldit. Þaðan fór Gunnlaugr í Veradal, ok kom þar at kveldi jafnan sem Hrafn hafði áðr verit um náttina. Gunnlaugr ferr til þess er hann kom á efsta bæ í dalnum, er á Súlu hét, ok

hafði Hrafn þaðan farit um morgininn. Gunnlaugr dvaldi þá ekki ferðina ok fór þegar um náttina; ok um morgininn í sólarroð þá sá hvárir aðra. Hrafn var þar kominn sem váru vötn tvau ok á meðal vatnanna váru vellir sléttir; þat heita Gleipnisvellir; en fram í vatnit annat 5 gókk nes lítit, er heitir Dinganes. Þar námu þeir Hrafn við í nesinu ok váru fimmm saman; þeir váru þar með Hrafn frændr hans, Grímr ok Ólafr. Ok er þeir mœttust, þá mælti Gunnlaugr: þat er nú vel, er vit höfum fundizt; Hrafn kvaðst þat ekki lasta mundu; ok er nú kostr hvárr 10 er þú vill, segir Hrafn. at vér berimst allir eðr vit tveir, ok sé jafnmargir hvárir. Gunnlaugi kveðst vel líka, hvárt at heldr er. Þá mæltu þeir frændr Hrafn, Grímr ok Ólafr: kvaðust eigi vilja standa hjá, er þeir berðist; svá mælti ok Þorkell svartí, frændi Gunnlaugs. Þá mælti 15 Gunnlaugr við leiðtogana jarls: þit skulut sitja hjá ok veita hvárigum, ok vera til frásagnar um fund várn; ok svá góðu þeir.

Síðan gængust þeir at, ok börðust frœkniliga allir. Þeir Grímr ok Ólafr gengu báðir í mót Gunnlaugi einum, 20 ok lauk svá þeirra viðskipti, at hann drap þá báða, en hann varð ekki sárr. Þetta sannar Þórðr Kolbeinsson í kvæði því, er hann orti um Gunnlaug ormstungu:

Hlóð, áðr Hrafní næði, | hugreifum Óleifi

Göndlar þeys ok Grími | Gunnlaugr með hjör þunnum;

hann varð hvatra manna, | hugmóðr drifinn blóði

ullr réð yta falli | undviggs, bani þriggja.

Þeir Hrafn sóttust meðan ok Þorkell svartí, frændi Gunnlaugs, ok féll Þorkell fyri Hrafní ok lét líf sitt; ok allir féllu förunautar þeirra at lyktum. Ok þá börðust þeir tveir með stórum höggum ok öruggum atgangi, er 30 hvárr veiitti öðrum, ok sóttust einart í ákafa. Gunnlaugr hafði þá sverðit Aðalráðsnaut, ok var þat hit bezta vápn. Gunnlaugr hjó þá um síðir til Hrafn, mikit högg með

- sverðinu, ok undan Hrafni fótinn; Hrafn féll þó eigi at heldr, ok hnekkti þá at stofni einum, ok studdi þar á stúfinum. Þá mælti Gunnlaugr: nú ertu úvigr, segir hann, ok vil ek eigi lengr berjast við þik, örkuðlaðan mann.
- 5 Hrafn svarar: svá er þat, segir hann, at mjök hefir á leikizt minn bluta, en þó mundi mér enn vel duga, ef ek fénga at drekka nökkut. Gunnlaugr svarar: svík mik þá ei, segir hann, ef ek færa þér vatn í hjálmi mínum. Hrafn svarar: ei mun ek svíkja þik, segir hann. Síðan
- 10 gekk Gunnlaugr til lækjar eins ok sótti í hjálminum, ok færði Hrafni; en hann seildist í mót hinni vinstri hendinni, en hjó í höfuð Gunnlaugi með sverðinu hinni hægri hendi, ok varð þat allmikil sár. Þá mælti Gunnlaugr: illa sveiktu mik nú ok údrengiliga fór þér, þar sem ek trúða þér.
- 15 Hrafn svarar: satt er þat, segir hann; en þat gekk mér til þess, at ek ann þér eigi faðmlagsins Helgu hinnar fögru. Ok þá börðust þeir enn í ákafa; en svá lauk at lyktum, at Gunnlaugr bar af Hrafni, ok lét Hrafn þar líf sitt. Þá géngn fram leiðtogar jarlsins, ok bundu höfuð-
- 20 sárit Gunnlaugs; hann sat þá meðan ok kvað þá vísu þessa:

Oss gekk mætr á móti | mótrunnr í dyn spjóta
 hrið gjörfandi hjörva | Hrafn framliga jafnan;
 hér varð mörg í morgin | málmslaug um Gunnlaugi
 her gerðandi á hörðu | hringpollr! nesi Dinga.

- 25 Síðan hjuggu þeir um dauða menn, ok færðu Gunnlaug á hest sinn eptir þat, ok kómust með hann alt ofan í Lifangr; ok þar lá hann þrjár nætr ok fékk allá þjónustu af presti, ok andaðist síðan, ok var þar jarðaðr at kirkju. Öllum þótti mikill skaði at um hvárntveggja þeirra, Gunnlaug
- 30 ok Hrafn, með þeim atburðum sem varð um líflát þeirra.

13. Ok um sumarit áðr þessi tíðindi spurðust út hegat til Íslands, þá dreymdi Illuga svarta, ok var hann þá heima á Gilsbakka: hán um þótti Gunnlaugr at sér koma

í svefninum, ok var blóðugr mjök, ok kvað vísu þessa
fyrí hánúm í svefninum. Illugi mundi vísuna er hann
vaknaði, ok kvað síðan fyrí öðrum:

Vissa ek Hrafn, en Hrafn | hvöss kom egg í leggi,
hjaltnugguðum höggva | hrynfiski mik brynju; 5
þá er hræskæri hlýra | hlaut fen ari benja,
klauf gunnspjóti Gunnar | Gunnlaugs höfuð nunna.

Sá athurðr varð suðr at Mosfelli hina sömu nátt, at
Önund dreymdi at Hrafn kvæmi at hánúm ok var allr al-
blóðugr; hann kvað vísu þessa: 10

Róðit sverð, en sverða | sverðrögnir mik gerði,
váru reynd í röndum | randgálkn fyrí ver handan;
blóðug hygg ek í blóði | blóðgögl of skör stóðu,
sárfikinn hlaut sára | sárgammr en á þramma.

Ok um sumarit annat eptir á alþingi mælti Illugi svarti 15
til Önundar at lögbergi: hverju viltu bæta mér son minn,
sagði hann, er Hrafn, son þinn, sveik hann í trygðum?
Önundr svarar: fjarkominn þykkist ek til þess, sagði hann,
at bæta hann, svá sárt sem ek hélt á þeirra fundi; man
ek ok engra bóta beiða þik fyrí minn son. Illugi svarar: 20
kenna skal þá nakkvarr at skauti þinn frændi eðr þinna
ættmanna. Ok eptir þingit um sumarit var Illugi jafnan
dapr mjök.

Þat var sagt um haustit, at Illugi reið heiman af
Gilsbakka með XXX manna; ok kwam til Mosfells snemma 25
morgins. Önundr kwamst í kirkju ok synir hans, en Illugi
tók frændr hans II, hét annarr Björn, en annarr Þorgrímur;
hann lét drepa Björn, en fóthöggva Þorgrim. Reið Illugi
heim eptir þat ok varð þessa engi rétting af Önundi.
Hermundr Illugason undi lítt eptir Gunnlaug, bróður sinn, 30
ok þótti ekki hans hefnt at heldr, þótt þetta væri atgjört.
Maðr hét Hrafn ok var bróðurson Önundar at Mosfelli;
hann var farmaðr mikill ok átti skip, er uppi stóð í

Hrútafirði. Ok um várit reið Hermundr Illugason heiman einn samt ok norðr Holtavörðuheidi, ok svá til Hrútafjarðar, ok út á Borðeyri til skips kaupmannana; kaupmenn váru þá búnir mjök. Hrasu stýrimaðr var á landi ok mart
 5 manna hjá hánum; Hermundr reið at hánum; ok lagði í gegnum hann spjótinu ok reið þegar í brott; en þeim varð öllum bilt, félögum Hrafnas, við Hermund. Engar kvámu bætr fyri víg þetta. Ok með þessu skilr skipti þeirra Illuga svarta ok Önuadar at Mosfelli.

- 10 Þorsteinn Egilsson gipti Helgu, dóttur sína, er stundir liðu fram, þeim manni er Þorkell hét ok var Hallkelsson; hann bjó út í Hraundal; ok fór Helga til bús með hánum ok varð hánum lítt unnandi, þvíat hon verðr aldri afhuga Gunnlaugi, þótt hann væri dauðr; en Þorkell var þó vaskr
 15 maðr at sér ok auðigr at fé ok skáld gott. Þau áttu börn saman, ekki allfá; Þórarinn hét son þeirra ok Þorsteinn, ok enn fleiri börn áttu þau. Þat var helzt gaman Helgu at hon rekti skikkjuna Gunnlaugsnaut ok horfði þar á löngum. Ok eitt sinn kom þar sótt mikil á bæ þeirra
 20 Þorkels ok Helgu ok krömdust margir lengi. Helga tók þá ok þyngð ok lá þó eigi. Ok einn laugar-aptan sat Helga í eldaskála ok hneigði höfuð í kné Þorkatli bónda sínum ok lét senda eptir skikkjunni Gunnlaugsnaut. Ok er skikkjan kwam til hennar, þá settist hon upp ok rakti
 25 skikkjuna fyri sér ok horfði á um stund; ok síðan hné hon aptr í fang bónda sínum ok var þá örend. Þorkell kvað þá visu þessa:

Lagða ek orms at armi | armgóða mér tróðu,
 guð brá leyðrar lífi, | lins andaða mína;

- 30
 þó er beiðendum biða | blíks þungara miklu.

Helga var til kirkju færð, en Þorkell bjó þar eptir, ok þótti öllum mikít fráfall Helgu, sem ván var at. Ok lýkr þar nú sögunni. —

HALLFREÐAR SAGA

DAUÐI HALLFREÐAR

At sumri fór Hallfreðr út til Íslands ok kom skipi sínu í Leiruvág fyrir sunnan land. Þá bjó Önundur at Mosfelli. Hallfreðr átti at hálsa mörk silfrs húskarli Önundar, ok svaraði heldr harðliga. Kom húskarlinn heim ok sagði sín vandræði. Hrafn kvað slíks ván, at hann mundi lægra 5 hlut bera í þeirra skiptum. Ok um morguninn eptir reið Hrafn til skips ok ætlaði at höggva strengina ok stöðva brottferð þeirra Hallfreðar. Síðan áttu menn hlut í at sætta þá ok var goldit hálfu meira en húskarl átti ok skildu at því. Annat sumar eptir áttu þeir Hallfreðr ok 10 Gunnlaugr ormstunga ferð saman ok komu á Melrakka-sléttu; þá hafði Hrafn fengit Helgu. Hallfreðr sagði Gunnlaugi hversu hánnum hafði vegnat við Hrafn. Hallfreðr var lengstum í ferðum ok undi sér engu eptir fall Ólafs konungs. Hann fór til Svíþjóðar at vitja Auðgils sonar síns 15 ok fjár síns, hann ætlaði þar at festast; þá var Hallfreðr nærr fertugum manni, er hann ætlaði til Íslands at sækja fé sitt. Hallfreðr son hans var þá með hánnum; þeir höfðu útivist harða. Hallfreðr jós at sínum hlut ok var þó sjúkr mjök, ok einn dag er hann gékk frá austri settist hann 20 niðr á ásin, ok í því laust áfall hann niðr í skipit ok ásin ofan á hann. Þá mælti Þorvaldr: er þér bróðir erbitt við orðit? Hallfreðr kvað vísu:

Hnauð við hjarta ok siðu | breggblásnum mér ási,
 svá hefir yðr at öðru | áfall tekit varla;
 marr hnauð mínum knerri | mjök er ek vátr of látinn
 muna úrþægin eira | aldan sínu skaldi.

25

Peir þóttust sjá sótt á hánnum ok leiddu hann aptr eptir skipinu, ok hjuggu um hann, ok spurðu hversu hánnum segði hugr um sik. Hann kvað vísu:

Sprund mun hvítri hendi | hördúks um brá mjúka
 5 fjóð gat fremdar æði | fjöleirrin mjök þerra:
 ef dauðan mik meiðar | morðveggs skulu leggja,
 áðr var ek ungu fjóði, | út um borð, at sútum.

Þá sá þeir konu ganga eptir skipinu, hon var mikil ok í brynju; hon gekk á bylgjum sem á landi. Hallfreðr leit
 10 til ok sá at þar var fylgjukona hans. Hallfreðr mælti: & sundr segi ek öllu við þik. Hon mælti: viltu, Þorvaldr, taka við mér? Hann kvaðst eigi vilja. Þá mælti Hallfreðr ungi: ek vil taka við þér. Síðan hvarf hon. Þá mælti Hallfreðr: þér, son minn, vil ek gefa sverðit konungsnaut, en
 15 aðra gripi skal leggja í kistu hjá mér, ef ek öndumst. Litlu síðarr andaðist hann, ok var í kistu lagðr ok gripir hans með hánnum, skikkja, hjálmr ok hringr ok skotit síðan fyrir borð öllu saman. Kistan kom í Eyna helgu í Suðreyjum ok fundu sveinar ábóta; þeir brutu upp kistuna ok
 20 stálu féinu en söktu líkinu í fen mikit. Ábóta dreymdi þegar um náttina at Ólafr konungr kæmi at hánnum, hann var reiðuligr ok kvað hann illa sveina eiga, hafa þeir brotit skip skálds mins ok stolit fé hans en bundit stein við háls hánnum; nú haf þú sannar sögur af þeim ella munu
 25 yðr henda hver undr. (Síðan) vóru sveinar teknir ok gengu þeir við ok var þeim gefit frelsi. Lík Hallfreðar var flutt til kirkju ok var grafit virðuliga; kalekr var gjörr af hringinum, en altarisklæði af skikkjunni, en kertastíkur or hjálminum. Þeir Þorvaldr tóku land ok fóru á Óttarsstaði ok vóru þar um
 30 vetrinn. Þorvaldr fór utan um sumarit, en Hallfreðr gerði bú á Óttarsstöðum; hann var kallaðr vandræðaskáld, hann var mikilmenni ok gæfumaðr, er mart manna frá hánnum komit. Lýkr þar at segja frá Hallfreði.

ÞORSTEINS SAGA SÍÐU- HALLSSONAR

... hverfingunni ok váru þau drepin bæði. Þetta
 sumar ætlaði Þorsteinn utan með Þorleifi ok váru búnir
 fyrir þing; þá var umrætt hverjum hann mundi fá í hendir
 goðorð sitt. Þorsteinn svarar: verit mundi þat hafa, at
 ek munda eigi leitast hafa við á ef Þórhaddr væri jafnnær, 5
 en nú veit ek eigi at þessum málavöxtum sem nú eru;
 hefir hann ok flesta hluti til, bæði vit ok harðfengi; er
 nú sæð með okkr. Svá er sem mælt er, at ferr orð er um
 munn liðr, ok koma þessi orð til Þórhadds; hann ferr
 þegar á fund Þorsteins ok mælti: vel gezt mér at orðum 10
 þeim, sem ek hefi spurt, ok gerum svá vel ok setjum
 niðr sæð þá, sem á hefir verit með okkr, en tókum upp
 nýtt vinfengi, ok ef þér sýnist þat ráð, at ek taka við
 goðorði þínu, þá skal ek boðinn ok búinn til þess starfs
 sem þú vilt mik til nýta. Þorsteinn kvað þetta vel mælt, 15
 ok tók Þórhaddr við goðorðinu á þingi, ok skildu með
 vináttu. Fór Þorsteinn utan ok kom við Orkneyjar; þá
 réð fyrir eyjunum Sigurðr jarl Hlödversson, hann sagnaði
 vel Þorsteini ok bauð hán um til sín, ok hann var með
 jarlinum of vetrinn vel metinn. Ok er váraði, þá spurði 20
 jarl Þorstein hvárt hann vildi fara með hán um í hernað,
 eðr vildi hann eptir vera. Þorsteinn kaus at fara, ok var
 stafnbúi á skipi jarls, ok var enn braustasti maðr á skipi,
 sem hann væri vanr því starfi. Þorsteinn var maðr ráð-
 ugr ok vitr ok frókn, ok bað jarl hann lengi með sér 25
 vera, síðan hann kannaðist við ætt hans, ok hann vissi
 frændesemi þeirra í milli; þvíat Þórey Özurardóttir var
 móðir Halls á Síðu, en Özurr var son Hrollaugs Rögnvalds-

sonar af Mœri. Torf-Einarr jarl var son Rognvalds jarls af Mœri, en faðir Þorfinns jarls hausakljúfs, föður Hlöðvers jarls, föður Sigurðar jarls. En Sigurðr jarl herjaði víða um sumarit um Skotland, ok fryði engi maðr Þorsteini
 5 framgöngu ok hugar; flutti þetta hvártveggja fram mál Þorsteins, ætt hans ok hraustleiki. Jarl drap mart úþjóða fólk, en sumt flyði undan á skóga, ok fór jarl víða um Vestrlönd ok brendu. Sið um haustit fór hann heim til Orkneyja ok hafði þá kyrrsetu III mánuði, ok gaf þá vin-
 10 um sínum góðar gjafir. Jarl mælti þá við Þorstein: góða fylgð hefir þú mér veitta ok drengiliga, ok þigg af mér öxi gullrekna, hana samir þér at bera. Þorsteinn þakkar jarli, því þat var en mesta gerseni. Þetta haust kom Brennu-Flozi til Orkneyja ok hans menn ok fóru skipti
 15 þeirra Sigurðar jarls sem segir í Njáls sögu.

2. Þenna vetr bjóst Sigurðr jarl til Írlands, ok þá barðist hann við Brján konung, ok hefir sú orrosta frægst verit fyrir vestan haf, bæði af fjölmenni ok stórtíðindum þeim sem þar urðu; ok er jarl bjóst heiman, spurði hann
 20 Þorstein, hvárt hann vildi fara. Þorsteinn kvað sér eigi annat sama en fara ok fylgja hán um í háskanum, er oss þikkir gott at hafa hógilífi með yðr í friðinum. Jarl þakkaði hán um orð sín. Þeir fóru síðan til Írlands ok börðust við Brján konung, ok urðu þar mörg tíðindi í senn, sem
 25 segir í sögu hans; þar féllu III merkismenn Sigurðar jarls, ok þá bað jarl Þorstein bera merkit; þá mælti Þorsteinn: þer sjálfir krák þinn, jarl. Þá mælti einn maðr: rétt gerir þú Þorsteinn, þvíat af því hefi ek mist III sonu mína. Jarl tók merkit af stönginni ok lét koma milli klæða sér,
 30 ok barðist þá alldjarflega, ok litlu síðarr heyrðu (menn) mælt í loptinu: ef Sigurðr jarl vill sigr hafa, þá seeki hann á Dumazbakka með lið sítt. Þat . . . fylgði jafnan jarli ok svá var þá. Þar féll jarl í þeirri atögu ok mart lið með hán um; ok í þessu drap Bróðir Brján konung, en

Óspakr bróðir hans tók hann ok hleypti út þörmunum, ok leiddu hann of eik eina ok dó hann svá. Þá urðu mörg tíðindi seun í mannalátum. Þorsteinn ok þeir nökkurir saman námu stað við skóginn. Þá mælti einn maðr: hvi sýr þú eigi, Þorsteinn? Hann svarar: þvíat ek tek eigi 5 heim í kveld þó at ek sýja. Þorsteini váru grið gefin, ok fór hann aptr til Orkneyja ok þaðan til Noregs, ok kom til hírðar Magnúss konungs Ólafssonar, ok gerðist hans hírðmaðr, ok var úlíkr þeim er heima spyrja tíðindin at búum sínum; hann var með mörgum ríkum mönnum ok 10 vel virðr, ok þótti enn mesti ágætismaðr; hann var ok enn mesti rausnarmaðr í búi, ok vel mátti bær hans jafnast við ríkra manna herbergi. Þorsteinn var vinkallr ok glaðr ok lítillátr, vitr ok þolinmóðr, djúpsær ok langrekr, en grimmr mótgerðarmönnum sínum, góðr við ólæmusur ok 15 alla þá er hans þurftu, en ina stærri menn bar hann opt ofríki þá er hann var hér á landi. Uppruni hans var merkiligr; hann fékk sér ok góða mægð ok traust þeirra Vápnfirðinga. En er hann hafði III vetr utan verit ok var orðinn frægr mjök, þá fór hann út higat. Þá var Þor- 20 steinn tvítugr er hann var í Brjáns-orroetu; hann kom út í Fjörðum austr fyrir leið of haustút, ok fór heim til bús síns, ok urðu hánúms segnir frændr hans ok vinir ok allir hans þingmenn. En meðan Þorsteinn var utan, þá hélt Þórhaddr vel þingmenn hans, þar með fékk hann mikit af 25 fé Hauks, ok et fyrsta sumar er hann tók fjárheimtuna, var hánúms goldinn ketill mikill ok góðr, ok er þeir fundust um skiptin, urðu þeir vel á sáttir, þar til er ketillinn kom upp. Þá mælti Þórhaddr: þenna grip vil ek hafa til míns bús, en þú haf annat fé í móti. Haukr kvaðst 30 eigi missa mega, ok kvað hann þó mega vel við una, er hánúms var gefit alt ok eigi sannligt í móti at mæla, at hann hefði. Þórhaddr kvað svá vera, en lét þó fleirum mönnum nauðsyn til kalla en hánúms einum; reið hann í

- brott; þá kom Guðleif at í því ok mælti: eigi mundir þú á katlinum hafa haldit ef ek hefða ráðit, ok mun þat illa gefast við ofsa sǫður míns, ok riði eptir hánum, ok biði hann hafa ketilinn. Haukr mælti: engi þörf er þess ok mun
- 5 heimt annat ef annat er veitt. Hon mælti: eigi vilda ek hætta til orráða sǫður míns ok kaupu heldr þér annan ketil. Þá var riðit til fundar við Þórhadd ok boðinn hánum ketillinn. Hitt er ráð, segir hann, at Haukr hafi ketil, en vér munum fara með váru máli sem oss líkar. Haukr
- 10 spyr þetta ok þótti hánum vel. Guðleif kvað illa mundu afleiða; ok et næsta haust lét Þórhaddr reka af sjalli yxn V, er Haukr átti, ok XXX geldinga ok lét drepa ok mælti, at svá skyldi segja Hauki at þetta væri nökkurr hlutr af ketilverðinu. Hauki þótti úsæmiliga til sín gert, en mátti
- 15 eigi at hafa meðan Þorsteinn var í brottu, ok þótti sér illa launat fjár tillagit. Guðleif kvað mikit atgert, en kveðst vilja hætta til þess, at þá væri kyrt. Vel var Þórhaddr til annarra manna þar um sveitir ok hugsaði rétt milli manna. Ok annat haust lét Þórhaddr reka fé jafu-
- 20 mart af sjalli, þat er Haukr átti, ok drepa í bú sitt, ok það enn segja Hauki at þat var nökkurr hlutr af ketilverðinu. Haukr kvaðst eigi vita hvat hann sætlaði til um rán við sik, kvaðst sakna Þorsteins vinar síns. Nú liðu þau misseri, ok et þriðja haust bjóst Þórhaddr til fjall-
- 25 göngu ok allir synir hans, ok lét þá reka af sjalli C geldinga ok X yxn er Haukr átti ok lét slátra í bú sitt. Þetta mæltist illa fyrir. Í öðru lagi hélt hann sér til ýmsa skulda. Haukr leitaði ráða við Guðleifu hversu með skal fara, hon kvað úhægt um at ráða ofbeldi hans at svá búnu;
- 30 mun Þorsteinn brátt til koma.

3. Þetta sumar kom Þorsteinn út sem sagt var ok leið framan til leiðar, ok riðr Þorsteinn með marga menn til leiðar. Þar kom Þórhaddr ok fjölmenni mikit, ok ræddu menn um mál sín ok heraðsstjórn; kvaðst Þorsteinn spurt

hafa, at Þórhaddr hefði vel fylgt fyrir utan mál Hauks, þat kvað hann únytt standa svá búit. Þórhaddr kvað þá mága mundu á þat sættast sjálfa, en kvað þó fleirum hafa gagn at orðit. Þorsteinn kvað þat makligt at hvárr réði sínu, nú mun ok vel fundit, at ek taka við goðorði mínu. 5 Þórhaddr svarar: þetta skyldir þú fyrri talat hafa en lögskil færi fram, en nú samir betr at selja goðorð af hendi á várþingi áðr lögskil fara fram, enda þarftu eigi goðorð í vetr. Þorsteinn reiddist mjök, er hann náði eigi goðorðinu, ok skildu við þat, ok leið sumarit ok vetrinn, 10 ok leið at várþingi, ok áðr Þorsteinn reið heiman, mælti Yngvildr kona hans: eigi er makliga með ykkr Vápnfirðingum, ef þú skalt eigi bera herra nafn en einn höndi; ok er þeir Þorsteinn nálgast þingit, mælti Þorsteinn: hér munum vér nema staðar ok bíða Þórhadds, ok eigi skulum 15 vit Þórhaddr báðir koma á þetta þing, ef ek næ eigi goðorði mínu. Litlu síðarr kom Þórhaddr ok synir hans ok riðull manna. Þorsteinn spratt upp ok bað hann selja af höndum goðorðit ok rétta fram höndina, eða ella skulum vit reyna með okkr, kvað eigi hœfa at bændr væri 20 ræntir, en höfðingjar svívirðir, ok taldi mjök á hann um skipti þeirra Hauks, ok kvað hann eigi Hauk svívirða, heldr ok dóttur sína. Þórhaddr kvað hann djarfan, heldr er sannara at meiri svívirðing gerir þú Hauki er þú gengr í sömu sæng hjá konu hans, hvert sinn er þú gístir þar 25 ok launar svá Hauki góðar gjafir. Þorsteinn svarar: vel lýgr sá, er með vitnum lýgr, ok vænti ek at eigi fáir þú vitni til, at ek hafa né eina manns konu tekit, er þat bæði at ek em vel kvænt, enda em ek henni trúr; gjör nú skjótt um, at þú sel fram goðorðit, eðr annarr skal 30 verri. Þórhaddr svarar: ákafr maðr ertu ok eigi mjök stíltr, ok muntu ná goðorði þínu þó at þú heitist eigi til, ok eigi gerði faðir þinn svá, þá er hann misti Ljóts sonar síns á alþingi, þá mælti hann þó alt vægiliga, ok

var þat þó mannraun, en þetta engi. Nú áttu margir hlut í, ok tók Þorsteinn við goðorði sínu á þingi, fóru fram lögskil; ok æt þinglausnum í þingbrekku stóð Þorsteinn upp ok mælti: kunnigt er mönnum um skipti þeirra

5 Hauks ok Þórhads ok ef slíku skal fram fara, þá eru bæendr mjök forystulausir, skal ok Þórhaddr brátt vita, at ek em ríkari en hann, ok lýsi ek því Þórhaddr! at þér er ætlaðr bústaðr á þeim bæ er á Stræti heitir á Berufjarðarströnd, ok skaltu á brottu verða af Rannveigarstöðum

10 með alt þitt áðr hálfr mánuðr sé liðinn, ella skal ek fœra þik á brott með engri vægð, en eigi skaltu flýja or heraði at mínu ráði, né synir þínir, því vér erum makligstir Austfirðingar at hrœra um ykkar vandræði; en ef þér farit or heraði án mínu ráði, þá skal ek verja inni-

15 hæfn ykkra ok segja þá upp er yðr taka. Þórhaddr kvað úráðamannliga til orðs tækit, ok mætti svá á standast at litil gæði stæði af minni innivist, ef oss er allmjök til þröngt, enda hefi ek sjálfr ráðit bústað mínum hér til. Þorsteinn kvað nú svá vera skyldu, sem hann hafði mælt, ok skildu

20 at því. Fór Þórhaddr heim ok gussaði eigi, leið svá fram um nokkurar stundir; mælti Þórhaddr at Þorsteinn mundi eigi kunna dagatal höggi hans um náttina. Nú leið sú nátt, ok er hann ætlaði kyrru fyrir at halda, kom þar Þorsteinn með XV menn, ok kvaðst því einu hafa

25 heitit Þórhaddi; er hann skal efna. Ok þenna morgin snimma kom inn smalamaðr Þórhads ok segir hán um at XV menn riðu at bænum, en þú sagðir at Þorsteinn mundi eigi (kunna) dagatal, en mér lízt sem hann mun koma nú. Þórhaddr mælti: stöndum upp ok neytum vápna, mart mun

30 í gerast áðr vér erum drepnir. Ok er Þorsteinn kom at garði, þá stigu þeir af baki, ok kvað Þorsteinn eigi skyldu spilla túni Hauks; géngu þeir þá til bæjar, ok var þeim sagt at Þórhaddr mundi inni biða ok synir hans, en hurðir vóru apr. Þorsteinn gékk at dyrum ok mælti: ef

Þórhaddr má heyra mál mitt, þá býð ek engan úfrið ef hann gengr út ok vill í brott fara. Þórhaddr bað hann at sækja, en Þorsteinn kvaðst spara menn sína til þess at ganga á vápn þeirra; skulum vér bera eld at húsum, en bæta Hauki húsbruna. Þeir gerðu svá, ok báru eldinn 5 at. Þorsteinn leyfði konum útgöngu. Nú gerðist brátt svæla mikil í húsum ok reykr tók at vaxa. Þá mælti Helgi: illr dauði þykki mér at brenna inni sem meirakkar; ok vil ek heldr út ganga til gríða eða þola járn at öðrum kosti, ok svá gerði hann; ok svá sem þeir kómu út, þá 10 lét Þorsteinn binda þá, en gera þeim eigi annat. Síðan var bú þeirra í brott fært, ok reka fé á Stræti; lét Þorsteinn skipta þar öllu í helminga, ok varð svá at vera sem Þorsteinn vildi ok bjó Þórhaddr á Stræti; en Þorsteinn fór heim til Hofs; váru nú orð ger Hauki ok tók 15 hann þar við fé sínu. Varð nú af nýju sjáðskapr með Þórhaddi ok Þorsteini ok mest af Þórhaddi, er hann var svá mjök nauðigr; gerðist nú orðflaug mikil af Þórhaddi ok sonum hans til Þorsteins, ok váru þeir enir mesta farsmenn í orðum. Einh aptan kom þar maðr til gistingar 20 sá er Grímkell hét, hann var flökkunarmaðr ok brópstunga mikil. Þórhaddr gerði sér tíðhjalat við hann, ok dvaldist hann þar um hríð. Þórhaddr kaupir at hánum, at hann skal fara á vestanvert land ok bera þar upp rógmæli um Þorstein Hallsson, með því móti at Þorsteinn væri kona 25 ena níunda hverja nátt, ok átti þá viðskipti við karlmenn, ok yfir þessa flugu gein Grímkell, ok fór yfir landit vestr ok hrópaði Þorstein, ok fór síðan svá vestan yfir rógmælit. Þetta fór svá at rógmælit kom nær í hvers manns hús, ok lögðu úvinir Þorsteins á hann úvirðing mikla hér 30 fyrir, en vinir hans hörmuðu. Kolr bróðir hans gekk fyrst í berhögð við hann um þetta mál, var hann þá á vist með hánum ok hafði komit út um sumarit. Kolr mælti eitthvert sinn við Þorstein: finnr þú nokkut til,

frændi, hverr fjándskapr við þik er hafðr ok fáheyrð ok undarlig upplöstning; eru ok því vinir þínir færri við þik en verit hafa, en sumir gera glott at, er ok þetta mál sett með mikkum fjándskap, ok látit sem vestan sé at komit,
 5 en ek hygg at nær þér mun boðinn upp rísa ok má slíks eigi ofhefnt vera. Þorsteinn svarar: klækisefni eru í höfð, er ok líkast at illan enda eigi, ok alls fjándskapar varði mik annars af Þórhaddi ok sonum hans heldr en þessa.

4. hét maðr, er bjó í Breiðdal at Kleif, með
 10 hánum var á vist sá maðr er Steinn hét ok var kallaðr (Drauma-) Steinn; hann reð betr drauma en aðrir menn, hann tefði ok manna bezt upp í Hlíð í Lóni. Ingjaldur hét maðr, hann bjó á (Kársstöðum) (Þorkels) þess er bjó á Berunesi á Aðalbóli, hann var góðr
 15 bóndi . . . dvaldist meðan at Kleif. Þórhaddr var þá kátr mjök ok mælti at þeir mundi tefla, því mér er sagt at þú teflir manna bezt, en ek hendi ok gaman at því. Steinn bað hann ráða. Þeir tefðu ok hafði Þórhaddr eigi við; hann mælti þá: eigi er ofmikit sagt af þessi íþrótt þinni
 20 ok munum vit nú hætta at tefla, þvíat ek á önnur eyrendi við þik. Steinn spurði hver þau væri. Þórhaddr mælti: þat er mér sagt, at þú ráðir manna bezt drauma, ok vil ek þat reyna, þvíat mik hefir mart dreymt undarligt, ok er mér forvitni á at vita, hversu þú ræðr. Úgerla kann
 25 ek drauma at ráða, en eigi er þat úlíkligt at þik dreymi mart, þvíat þú mælir mart. Þórhaddr mælti: þat dreymdi mik, at ek þóttumst hlaupa með stöng upp at fjallinu frá Stræti ok yfir gryfjur nökkvarar ok götur, en ek þóttumst þar niðr koma, er heitir í Hvarfi. Steinn segir: þat ætla
 30 ek, at þá ráða ek rétt draum þinn, at yfirhlaup mani verða í ráði þínu um réttar götur, þat er þá er þú hverfir frá réttu ok tekr upp rangt, en þat má verða þér ljái þess hugar at hverfa aptr, ok em ek þar hræddr um. Þórhaddr mælti: lítt ræðr þú í hag mér. Steinn svarar:

seg mér þá eina drauma, at þú vill at ek ráða eptir því sem ek ætla at vera muni. Sá var annarr draumur minn, segir Þórhaddr, at ek sá tungl II, ok fór annat at venju, en annat var í fjalli at húsbaki, ok þóttumst ek taka þat ok eta, ok þóttumst ek leifa af lítinn mána ok hirða í þússi 5 mínum. Steinn mælti: undarlig er draumur þinn, en sjá þykkjumst ek hvat hann er, þar hefir þú efit heims undr, ok merkir þat glöpyrði þín, þau er fram fara af munni þínum, ok munu enn eigi öll mælt, þau sem þú hirðir í hjarta þínu, er þú hirðir sumt af tunglinu. Þórhaddr 10 mælti: eigi er munligt um þat er mik má henda, enda má vera at eigi sé góðs efni í. Sá var enn III. draumur, at ek þóttumst vera í smiðju ok gera spjót, en synir mínir blésu at, ok þótti mér aldri soðit verða til loks, en sindraði ávalt ór. Steinn mælti: þat eru gómaspjót yðr ok orð sem 15 þér mælit ok sindrar af of alt land, ok mun yðr þykkja aldri fullger, ok ert þú upphafamaðr at, en synir þínir fylgja því. Þórhaddr mælti: sá er enn IV. draumar minn, at ek þóttumst ganga í aðra smiðju ok þá brá því við, er mér þótti undarligt, at ek þóttumst þar finna mik fyrir. Steinn svarar: 20 svá er ok, at í aðra smiðju er komit um ráð þitt, en verit hefir, þá er þú hafðir mannvirðing ok goðaheill, en nú hefir þú sjándskap margra manna, ok er eigi úlfkligt, at þú finnir sjálfan þik fyrir at lyktum. Þórhaddr svarar: sá var draumur minn enn V. at ek þóttumst ganga til sjáfar, 25 þar sem var saltsviða mikil ok synir mínir með mér, ok þóttumst ek eta glóanda salt ok drekka sjáinn við. Steinn mælti: þat merkir svívirðingarorð þín. Þórhaddr mælti: allítt hlífir þú mér í draumaráðningunni. Steinn kvaðst ráða eptir því sem hann ætlaði at vera munði. Þórhaddr 30 mælti: sá er enn VI. draumur minn, at ek þóttumst ganga frá bæ mínum ok synir mínir með mér ok koma milli bjargs ok sjáfar, ok þótti mér sem boði nökkurr lysti oss í bjargskoru nökkura, ok þótti mér mjök þröngt at oss;

- þá þótti mér svá löng höndin á mér, at ek þóttumst seilast upp á hjargit, ok svá komumst ek upp á, ok síðan tók ek á móti sonum mínum ok heimta ek þá til mín, ok stóðum vér þá allir saman á hjarginu. Steinn svarar: þar
- 5 sem hendir þínar vǫru lengri en at hætti ok eðli, þat sýnist í því, at langar muni verða fyrir þínar tiltekjur, ok draga þar eptir þér sonu þína á þat úráð, ok þar sem þér stóðut á hjargi, þá munu þér alla yðra hjörg undir fótum troða. Þórhaddr mælti: þenna draum ætla ek góðan.
- 10 Steinn kvað svá ganga mundu, sem hann segir. Þórhaddr mælti: sá var enn VII. draumr, at ek þóttumst fara leiðar minnar ok fara hjástig hjá götunni ok koma á brekkur nökkurar á bak bönum á Stræti, en mér þótti Þorsteinn Hallason ganga undir niðri rétta götu. Steinn kvað þat
- 15 auðsætt, at Þorsteinn géngi réttan stig en þú rangan í ykkrum skiptam, ok mun hann koma upp undir þér at lyktinni. Þórhaddr mælti: sá var draumr minn enn VIII. at mér þótti tungan svá löng í mér at ek þóttumst krækja henni aptr í hnakkann ok fram í mundinn öðrum megin:
- 20 Steinn svarar: þat er auðsætt, at þér mun tungan um höfuð vefjast í helzta lagi. Þórhaddr mælti: sá er enn IX. draumr minn, at ek þóttumst vera á fjalli því er Gerpír heitir, þat fjall er í Austfjörðum, ok þaðan sá ek um mörg lönd, en hvergi í nánd mér, þvíat myrkri laust yfir alt.
- 25 Steinn mælti: þar er þú vart á fjalli því er Gerpír heitir, þat sýnist mér at ráð þitt var gerpiligt þá er þú vart með goðorð Þorsteins, ok veittir mörgum, bæði í sjártillögum ok málafylgjum, en nú gefr þér glámsýni, er þú hefir illt ráð upp tekit, ok þú sér eigi satt um þat er hjá þér er,
- 30 en þat sér þá glögt er sjarri þér er. Þórhaddr mælti: sá var enn X. draumr minn, at ek þóttumst koma á mót fjölment, ok þótti mér sem kastat væri í fyrirskeyrtu mér jánaum þeim sem rær heita, en enir stærri menn járnútum þungum ok féllu niðr rærnar. Steinn mælti: þess get ek

til at sættarfundr mani lagðr með ykkir Þorsteini, ok væntir mik at smærri menn ok alþýða mani gott til leggja með þér, ok láta þik njóta þess, er þú vart þeirra formælandi, en enir stærri menn munu því öllu niðr slá, er þér er til gagns, ok virða meira fjáðskaparorð þín. Þórhaddr 5 mælti: sá er enn XI. draumr minn, at ek þóttumst fara upp eptir Breiðdal ok hafa svá mikinn faðm, at ek þóttumst mega vöndla upp alt heraðit. Steinn svarar: þar muntu hafa alla heraðsmenn í fangi þér ok í móti þér í sinum ráðum. Þórhaddr svarar: sá var enn XII. draumr 10 minn, at ek þóttumst fara or Breiðdal Hjarðarskarð ok til bæjar þess, er í Þroti heitir, ok þótti mér, sem ekkja nökkur byggi þar, ok þóttumst ek drepa fótum í þófu ok falla, en mér þótti Þorsteinn riða um þvera götuna í móti mér. Steinn mælti: eigi kemr mér þat á 15 úvart, at þú farir Hjarðarskarð ok drepir fótum í banaþófu, ok þrotuir þar. Þórhaddr kvað eigi úlíkligt at hann yrði eigi langær ok hættu nú talinu. Síðan fór Þórhaddr heim.

5. Nökkuru síðarr áttu heraðsmenn hlut í ef nökkurar vánir væri sátta, ok báðu Þorstein til koma, hann kvaðst 20 ætla at til lítils mundi koma at tala um mál þeirra Þórhadds, en ef tala skal um heraðsstjórn, þá man ek koma, þótt Þórhaddr sé þar ok synir hans. Þessi fundr var á Berunesi, kom þar Þorsteinn ok fjöldi bónda, ok létu fyrst talat um heraðsstjórn, hversu fara ætli, ok urðu á 25 þat vel sáttir. Þá mælti Órækja Hólmsteinsson, Bersasonar, Ózurarsonar, Brynjólfs sonar ens gamla, hann var frændi Þórhadds: þik kveð ek at þessu, Þorsteinn, ef nökkut skal mega til sætta tala með ykkir Þórhaddi, viljum vér þar allan hlut í eiga ok eigi til spara hvárki fé né annat; 30 máttu á þat líta at þeir frændr væri þér til margs vel fallnir, en þetta mun þér at engri svívirðu verða, ok eigi minkar höfðingskap þinn orð þeirra ferlig. Þá fylgðu at aðrir heraðsmenn ok tálkuðu mál Þórhadds, ok kvaðu

- Þorstein af því mundu fá frama, segja Þórhadd góðan hug
 hafa á lagt at fylgja hans málum þá er hann var eigi við.
 Þá svarar Kolr, bróðir Þorsteins: undarlig er slík eptir-
 leitan fyrir hönd Þórhadds, þess manns er svá illa hefir
 5 fyrir sér gert ok allir þeir feðgar; ok svá svöruðu þá
 þegar margir til frændr Þorsteins ok vinir. Þá mælti
 Þorsteinn: eigi þarf hér mart um at tala, eigi munum vit
 Þórhaddr sættast; ok fór sættarfundrinn sem Steinn gat.
 Þórhaddr mælti: eigi skulum vér þar ok mörg orð til
 10 leggja, en vita skaltu þat, Þorsteinn, at ek em drauma-
 maðr mikill, ok eigi úlíkligt at brátt ræsi suma, en allir
 munu eiga nökkurn stað. Mik dreymdi þat, at hvítahjörn
 mikill fór af hafi utan ok hljóp yfir höfuð oss feðgum hér
 á Berunesi, ok rann síðan á braut með brekkum nökkurum
 15 löngum, en síðan sá ek at refr nökkurr skauzt ok urðum
 ok banaði birninum, ok ráð þú Þorsteinn! Þorsteinn kvaðst
 eigi ráða mundu draum hans ok eigi tal eiga við hann.
 Þórhaddr svarar: ek skal þá ráða, at slíkt sem flýgr yfir
 at öðrum mönnum, þá veit ek at þú hefir þungan hug á
 20 mér, ok kann verða at þér verði auðit at verða minn
 skaðamaðr ok sona minna, ok er þat gott at taka dauða
 af slíkum manni sem þú ert hjá því sem af vændismanni,
 sem standa mun yfir þínum höfuðsverðum. En sá var
 annarr draumr, at mér þótti, Þorsteinn, sem vit ættim
 25 mat saman ok synir mínir, ok var hverjum várum deildr
 hálfir hleifr brauðs, en öllum saman suflit, ok þótti mér
 sem vér ættim vára hleifa til loks feðgar, en Þorsteinn
 hefði etit brauðsuflit alt frá oss ok hálfan sinn hleif, ok
 ráð þú Þorsteinn þenna draum. Þorsteinn spratt upp ok
 30 kvaðst eigi ráða mundu drauma hans. Þórhaddr kvað sér
 sparat mundu at ráða, ok skal svá vera, ok ræð ek svá,
 at vér feðgar munum brátt lúka várum lífdögum, ok
 muntu Þorsteinn nema frá oss lífsbjörgina, ok kann þó
 vera, þú eigir skamt úlifat. Ok skildu síðan fundinn, ok

fóru menn heim ok óx ávalt úþokki með þeim. Þenna vetr átti Þorsteinn heimanferð norðr til Vápnafjarðar at hitta Skegg-Brodða, mág sinn. Kolr, bróðir hans, fór með hánum ok nökkurir menn aðrir ok vǫru þar um hríð, ok vǫru þeir mágar jafnan á tali. Broddi leysti Þorstein 5 í brott með góðum gjöfum, ok er þeir fóru norðan um Smjörvatnsheiði, þá brapaði maðr þeirra fyrir brekku nökk-ura, ok hló Þorsteinn at ok margir menn aðrir, er manninn sakaði eigi. Þá mælti Kolr: undarligt þykki mér, bróðir, er þú mátt hlæja, slíkt orðtak sem Þórhaddr hefir 10 mælt við þik, ok muntu aldri hefna vilja, ok beint er þér farit sem ólmum dýrum, er smádýrum verða at skaða, ok ferr flokkur þeirra víða ok lýkr fyrir vindi, ok mun ek hefna verða. Þorsteinn kvað eigi betr at meir væri eggjat, en kvaðst sjaldan setit hafa svívirðingar, ok eigi annarra 15 við þurst at hefna. Kómu heim ok vǫru heima of vetrinn, en of várit öndurt fór Þorsteinn suðr at fjárfari sínu ok at hitta þingmenn sína. Þar var á mikil, ok kómust þeir þó vel yfir ok hittu Þórhadd öðrum megin, er þeir kómu af ánni. Hann fór með klyfjahross, ok spurði, hversu 20 yfir ána væri. Þorsteinn kvað hánum ústert einum saman, ok skal ek fá til kná menn at fylgja þér. Þórhaddr lézt þat þiggja mundu, ok þótti þó undarligt, er hann veitti hánum þenna forbeina, ok komst Þórhaddr yfir. En er Þorsteinn var at spurðr, hvi hann gerði þetta, þá svarar 25 hann: þeir hafa fáir hlutir verit, er mér hafi meira um verit en at koma Þórhaddi heilum yfir ána, þvíat ek ætla hánum annan dauða en drukna. Þorsteinn fór heim, ok litlu síðar dreymdi Þorstein, at Jóreiðr móðir hans kom at hánum, hon var Þiðrandadóttir, en hon var þá öndut. 30 Hon spurði: ætlar þú nú brátt til sættarfundar við Þórhadd? Hann kvaðst eigi þat hafa í hug sér. Viltu hefna þá? segir hon; hann kvaðst þat hugsat hafa. Hon mælti: eigi þarftu þá Tengr at fresta, þvíat eigi mun fyrri niðr

falla illmælit en hefndin ferr fram, ok kvað þá vera ráð
 um daginn eftir. Tak ok oxar þínar báðar, Jarlsnaut ok
 Þiðrandanaut ok haf þá í hendi til hefndanna, er þyngri
 er í hendi, þvíat Þiðrandanautr hefir opt vel gefzt, þótt
 5 hon sé eigi jafnsögr sem hin. Síðan vaknar hann, ok
 þóttist sjá svipinn hennar, er hon gekk í braut. Þann
 dag var ofviðri mikit. Þorsteinn tók oxarnar ok jafnavætti
 í hendi sér ok var Þiðrandanautr þyngri, ok þótti hánnum
 eigi þó þess ván. Síðan bjóst hann til ferðar, ok stígr á
 10 ferju; fóru til Hofshólma ok tóku þar langskip gott, ok
 reyru út or Álptafirði snimma of morgin. Þeir váru XVIII
 saman ok fóru svá norðr til (Bú)landsness. Þorsteinn var
 heldr úkáttr áðr en boði féll yfir skipit hjá Æðasteini, ok
 fylldist skipit undir þeim, ok jósu þeir upp, ok gladdist
 15 Þorsteinn síðan, ok þótti þetta vel verða, er þeir styrðu
 undan háskanum. Ok er Þorsteinn var heiman farinn,
 varð varr við austmaðr hans, er á vist var með hánnum;
 hann hafði verit fyrr með Þórhaddi. Þat var hans tiltæki,
 at hann hljóp á fjörðinn, ok er hann kom til fjarðar-
 20 botnsins ok hitti menn, þá spurði hann tíðinda. Þá var
 hann svá móðr at hann fékk eigi mælt meira en þetta,
 þá féll hann niðr. Þeir Þorsteinn koma norðr undir
 Bakka á Berunesi, ok hittu sauðamann Ingjalds, ok spurði
 Þorsteinn hvat þar væri gesta. Hann mælti: mér (er) eigi
 25 laun á; þeir eru hér Helgi Þórhaddsson ok bræðr hans,
 Þorvarðr ok Nadðr, en ek hygg at Þórhaddr sé at Þorkels
 á Berunesi ok Ásbjörn með hánnum. Þorsteinn mælti:
 vel ferr þér frásögnin; ok skildust at því.

6. Nú skal segja frá Þorsteini ok mönnum hans, at
 30 þeir sneyru til bæjar á Kársstaði ok géngu undir húsgafl
 allir saman. Þá mælti Þorsteinn: vitu þér þann málavöxt
 um ferð vára, at ek ætla til hefnda minna harma, en ek
 vil at engi yðvarr veiti mér lið í móti Þórhaddi nema lif
 mitt liggi við, þvíat ek vilda allra þeirra bani verða; vara

ek yör því við, at reiði mín liggir við ef eigi er svá gert. Þorsteinn gekk til dýra ok kvaddi hurðar, ok kom Ingjaldr út ok heilsar Þorsteini; hann spurði hvat þar væri gesta. Ingjaldr varð sár við ok segir þó. Þorsteinn svarar: er eigi þat, at þeir gerist mágar þínir, synir Þórhadds, ok 5 hitti ðætr þínar, bið þá út koma, ef þeir vilja at vér talim um sættir várar; er nú eigi fjölmenni boðit. Bóndi kvað gott ef svá væri, at þeir sættist. Hann gerði svá, gekk inn ok segir þeim at Þorsteinn væri kominn úti, ok vildi tala við þá. Helgi kvaðst eigi vita hvárt hánú væri 10 þat nökkut í hug. Þorvarðr kvaðst vilja út ganga ef Þorsteinn væri einn, ok gekk hann út, ok Naddr, en Helgi var hótí seinni; ok er þeir kómu út, bað Þorsteinn þá niðr setjast ok tala. Þorsteinn gekk frá, at jörfa nökkvarum ok þeir eptir, ok kvað hann eigi mundu vera allskamt 15 talit ok kvað því hæfa at sitja. Þorvarðr settist niðr ok var enn vörpulist maðr, ok í því er hann settist niðr, hjó Þorsteinn Nadd banahögg, en í því er Þorvarðr vildi upp standa, hjó Þorsteinn hann banahögg áðr hann kæm- ist á fœtr. Í því kom Helgi út ok hljóp undir stein einn 20 er þar var í túniþu, ok varðist þaðan; hann var bæði mikill ok sterkr ok garpr enn mesti. Þorsteinn sótti at hánú, ok áttust við um hrið, en Sigurðr enn auðgi hét maðr, er í ferð var með Þorsteini, hann hljóp at Helga ok lagði til hans með sverði, en í þessu hjó Þorsteinn til 25 Helga með öxi ok veitti hánú bana, en kvað Sigurðr illa hjá sitja, en kvað við hann mesta várkunn, ok kvað engum öðrum skyldu hlitt hafa; en þó veitta ek hánú bana. Sigurðr kvaðst eigi lengr þolat hafa atgang þeirra, en . . .

. 30

- ... (Þorvaldr var) bróðir Jóreiðar, faðir Helga ok Grims Droplangarsona ... Hallkatla móðir Þorkels Geitissonar í Krossavík. Óluf hét systir Halls á Síðu, hon var móðir Kolbeins Flosasonar, Þórðarsonar Freysgoða at Svínafelli.
- 5 Ljótr son Halls átti Helgu dóttur Einars frá Þverá, ok var þeirra dóttir Guðrún, er átti Ari Þorgilsson af Reykjanesi. Annarr son Halls var Þorsteinn, er nú hefir verit frá sagt um hrið. Þriði son Halls var Egill, hann átti Þorlaugu dóttur Þorvalds or Ási or Hjaltadal. Þeirra dóttir var Þorgerðr,
- 10 móðir Jóans biskups ens helga. Kolr var enn IV. son Halls, hann átti Álöfu dóttur Özurar frá Breiða. Dóttir Halls var Gróa, er átti Teitr son Gizurar hvíta, þeirra son var Hallr, faðir Gizurar, föður þeirra Magnúss biskups ok Þorvalds, föður Gizurar. Yngvildr hét dóttir Halls,
- 15 hana átti Eyjúlfr son Guðmundar ens ríka af Mœðruvöllum, þeirra dóttir var Þórey, móðir Sæmundar ens fróða, föður Lopts, föður (Jóns, föður) Sæmundar í Odda. Teitr Ísleifsson átti Jórunni, hennar móðir var Þórdís dóttir Þorvalds Halls-sonar af Síðu. Þorgerði dóttur Halls á Síðu átti Þorgrímr son
- 20 Digr-Ketils. Gró dóttur Halls átti síðan Snorri Kálfsson, en eptir hann átti Gró Þorvarðr krákunef. Þórdisi dóttur Síðu-Halls átti Þórðr Halldórsson or Forsárskógum, ok lýkr svá þessi sögu, er frá Þorsteini er sögð.

DRAUMR ÞORSTEINS SÍÐUHALLSSONAR

- Draum þenna dreymdi Þorstein son Halls á Síðu
- 25 austr at Svínafelli áðr hann væri þar veginn: konur III kómu at hánú ok mæltu við hann: vaki þú Þorsteinn, sögðu þær. Gilli þræll þinn vill svíkja þik fyrir þat er þú lézt gelda hann, ok er þetta eigi lygi; láttu drepa hann, sögðu þær. Þá kvað ein þeirra, sú er fyrst gékk,
- 30 vísu þessa ok var harmþrungin:

Allskörpu hefir orpit | æðnhíldr með læfi
 fyrir herðundum hurðar | heinar ægisbeini:
 gumnum stendr fyrir gamni | Gerðr með brúðnu sverði.
 Vill ei enn með öllu | eykvæn Héðins þeyjar,
 eykvæn Héðins þeyjar,

5

.... Þá vaknaði Þorsteinn ok lét leita þrælsins ok fanst hann
 eigi. Þá sofnaði Þorsteinn aðra nátt: þá kómu draum-
 konurnar með hina sömu sögu, ok gekk sú fyrst er áðr
 var í miðju, ok kvað sú þetta er fyrst gekk:

Fram gekk dóms at dómi | dómspakr hinn er lög rakti, 10
 unni guð þess er inni | óþekk skyli slekkja:
 áðr febringin féngi | fangsæl Dvalins banga
 baldr sá er blóðs of eldi | biðkvæn und lok riðnar,
 biðkvæn und lok riðnar

æfi þinnar Þorsteinn! Þorsteinn vaknaði, ok var leitat 15
 þrælsins ok fanst hann eigi. Enu sömu tíðendi gjörðust
 ena þriðju nátt, at þær kómu enn ok váru þá grátandi
 allar; gekk sú þá fyrst er áðr hafði síðast gengit. Sú mælti
 þá: hvert skulum vér þá hverfa eptir þinn dag, Þor-
 steinn? sagði hon. Hann svarar: til Magnúss sonar míns, 20
 sagði hann. Litla stund munu vér þar mega vera, sagði
 hon ok kvað þá vísu:

Flugvörna sitr fjörnis | fákund megin-unda
 hvöss yfir höggnum vísa | hjálma guðr at jálmí:
 þess er endr fyrir enda | andþings um sjót banda, 25
 þat mun ógurligt ægis | óx ský máni tóku,
 óx ský máni tóku

líft frá þér Þorsteinn! Eptir þetta lét Þorsteinn ok
 Yngvildr kona hans leita Gilla, en hann hittist eigi. Þá
 gerði á veðr ilt ok vildi bóndi eigi at þau færi á brott er 30
 veðrit var svá ilt. En ena næstu nátt eptir gekk Gilli

þræll inn um leyndýrr er menn svöfu, ok brá saxi, en Þorsteinn hvíldi svá at hann lagði hönd sína í höfuð sér. Gilli brá saxinu á barka Þorsteini, en hann spratt upp við ok brá sverði ok féll þegar á bak aptr ok var þá dauðr, 5 en þrællinn hljóp utar í eldhúsið, ok varðist þar or horni einu, þvát heimamenn Þorsteins sóttu eptir hánun. Síðan báru þeir fót á vörn hans, þá kastaði hann saxinu ok mælti: at lokum er nú kómit æfi minnar. Þá mælti Yngvildr: hvern ræð þér þetta et illa verk at gera? Hann 10 svarar: einkis manns ráð eru þetta annars en mín. Þá var sett á kvið Gilla glóandi munalaug. Þá mælti Gilli: kvelit mik ekki lengr, alla mun ek mæla þat orð, Yngvildr, at uppi mun vera alla æfi í knérunni yðrum, ok mun á hrina. Þá spyndi Yngvildr á munulaugina, en 15 kviðrinn Gilla sprakk af bruna. Síðan var hann færðr niðr um garð ok sókt í fen eitt, ok sér þess enn merki. Gilli þessi var son Jathguðs Gillasonar, Bjaðachssonar, Kjarfalssonar konungs af Írlandi ens gamla, er þar ríkti lengi.

HEMINGS ÞÁTR

20 1. Þat er upphaf þessa máls, at Haraldr konungr ræð fyrir Noregi, son Sigurðar sýr(s) ok Ástu móður Ólafs konungs helga. Haraldr konungr var tuttugu vetr yfir Noregi. Hann þafði tvá vetr hins fjórða tigar, þá er hann varð konungr at Noregi. Hann átti Ellisif dóttur Jarisláfs 25 konungs, hana lét hann eptir í Hólmgarði ok lézt hennar vitja mundu, ok lét eptir fé mikit at veði. Þat var einn háfrhelgr, sleginn hornaflættig, hann var fullr af skíra silfrið ok kvað hana þann! auð eignæt mundu, ef hann minnst hennar eigi, um þat er sextán vetr væri liðnir. Hvárt

þeirra sór öðru sinn trúnað. Þeirra dóttir var María, er vænst... var kvenna ok mæz bezt verit hefir. En þá er konungr var flendr vorðinn, kvángaðist hann í annat sinn, ok fékk Þóru Þorbergsdóttur Árnasonar ok Ragnhildar Erlingsdóttur Skjalgssonar af Jaðri. Þeirra synir váru 5 þeir Ólafr konungr hinn kyrrri ok Magnús faðir Hákonar, er Steigar-Þórir fóst-raði. Haraldr konungr var mikill maðr á vöxt ok hinn kurteisasti maðr, hann var vitr ok vel á máli farinn. Mart var með hánum hraustra manna. Nikulás Þorbergsson var með hánum, mágr hans, ok af 10 hánum mest virðr, annarr íslenzkr maðr, Halldórr. son Snorra goða, þriði Böðvarr Eldjárnason, Arnórssonar kerlingarnefs, fjórði Oddr Úfeigsson frá Mel í Miðfirði, fimti Hjörtr Ólafsson, sétti Þórarinn Nefjúlsson. Þessir váru allir mikils virðir af Haraldri konungi. Konungr var 15 því vanr, at þiggja veizlur sitt misseri hvert, norðr í landi eða suðr, sem var gamall Noregs-konunga siðr. Á einu hausti þiggr hann veizlur norðr í landi með liði sínu, sem nú skal framvegis frá segja.

2. Áslákr hét bóndi. Hann bjó í ey þeirri er á 20 Torgum heitir. Sú ey liggr norðarlíga fyrir Noregi. Áslákr var spekingr mikill ok höfðingi yfir ey þeirri. Hann átti son, er Björn hét. Hann var hinn gjörviligasti maðr. Haraldr konungr sendi þá Ásláki orð þaðan, er hann var at veizlu, ok kvaðst vilja sinna hann. Áslákr varð við 25 skjótt ok fór á kopungs fund ok kvaddi hann virðuliga. Konungr tók vel kveðju hans ok mælti: þú skalt göra mér veizlu með hundrað manna, ok mun ek þar sitja þrjár nætr. Áslákr mælti: vannfærr em ek til þess, herra! at göra yðr veizlu, en gefa vil ek fé til þess at kosta fyrir 30 yðr, eigi minna en þér munut upp taka at veizlunni ok þar á ofan velja yðr tilhlýðillgar gjafir, sem ek munda hafa gört, þó ek hefða veitt. Konungr spyrr: hvat berr til þess, at þú færst undan at gjöra mér veizluna? Ek

- þykkjumst eigi til þess hífýli hafa, segir Áslákr, at veita tignum mönnum. Konungr mælti: eigi munum vér þat láta við standa. Húsbúning hefi ek engan, segir Áslákr, ok undan vilda ek teljast, at þér þægit af mér veizluna.
- 5 Konungr mælti: finn þú móti hvat þú vill, en þangat mun ek sækja veizluna. Þá skal ok eigi lengr undan teljast, segir Áslákr. En nær munut þér koma? Konungr segir: eigi seinna en á morgun. Áslákr bað hann gjöra sem hann vildi. Áslákr fór heim við svá búit, en konungr
- 10 kemr um morguninn með hundrað manna. Áslákr gengr á móti konungi ok fagnar hánnum afar vel, ok er þeim fylgt í drykkjuskála mikinn ok skipat í sæti. Skálinn var allr skjöldum skreyttir ok sem skrautligast innan búinn at öllu. Hvart þykkir þér þik slíkt skorta, segir konungr,
- 15 annat til veizlunnar, sem húsbúnaðinn? Þat ætla ek, segir Áslákr, at annat muni meir skorta, en þó hygg ek, at meiri muni föng veizlunnar, ef at haldi kœmi, ok hefi ek þó mínum spýtum tjaldat ok eigi af láni til tekít. Konungr lætr yfir því vel. Áslákr lætr skemtunar afía, ok
- 20 eitt ræða þar allir um, at eigi hefði þeir vildari veizlu þegit. Nú líðr náttin. Um morguninn eptir tíðir drekka þeir allir samt. Þá talast þeir við konungr ok Áslákr. Konungr spyr: Áslákr! hversu kanntu lög þau er setti Ólafr konungr hinn helgi Haraldsson, því þú er sagðr
- 25 mikill lagamaðr? Af þykkjumst ek þér mikít kunna at segja, segir Áslákr. Hvat hefir hann þar við lagt, segir konungr, ef menn fóstira upp börn sín á laun? Áslákr segir: eigi er mér þat kunnigt, at maðr megi eigi láta börn sín í fóstir, þar er hann vill. Konungr mælti: önnur
- 30 hefi ek heyrt ummæli hans en þau. Hvat hafi þér þar um heyrt? segir Áslákr. Þat hefi ek heyrt, at sá skal vera útlagi lands ok lífs. Hví skal hánnum svá harðan stafa? segir Áslákr. Konungr mælti: eigi má hann (þann) til landvarnar telja með sér, er hann veit eigi at til er,

ok eigi má hann þann ugga, er hann hefir enga vitund af. Eigi vil ek þar um tala, segir Áslákr, þat kemr ekki til mín. Hitt er mér þó sagt, segir konungr, at þú munir láta fóstura son þinn á laun. Hverr segir þat? segir Áslákr. Þat segir Nikulás Þorbergsson, segir konungr. Segir þú þat, Nikulás? segir Áslákr. Þat verðr mér bágtr, at sigla á millum skers ok báru, segir Nikulás, með þat, er ek treystumst eigi til, at væna konung lygi, enda má ek eigi þurt af hólmi bera, at ek hafi um roett. Man ek þat, segir Nikulás, at ek var hér á Torgum, tíu vetra gamall, 10 ok þóttu ek þá engan veginn heldr en röskr; en þá áttir þú þann son, er Hemingr hét, ok lékumst vit barnleikum, ok sá ek engan þánum líkan, ok at öllu var hann krapta-meiri sex vetra en ek var tíu vetra, ok þá sat hann hér eptir, er vér sórum brott, ok síðan hefi ek ekki neitt til 15 hans spurt. Nú hefi ek ekki konungi framar sagt, segir Nikulás. Konungr spurði: hvat er orðit af þeim manni? Svá er þat, segir Áslákr, son átta ek, þann er Hemingr hét, ok þótti mér hann mjök vænligr, en litlu síðar tók hann vitfirring ok senda ek hann brott af Torgum ok svá 20 langt frá öðrum mönnum, at engi skyldi til hans spyrja ok aldrigi hefi ek forvitnast um hann síðan ok eigi veit ek, hvárt hann er lífs eða látinn. Þá mælti konungr: eigi skaltu langan kostnað af oss hafa at sinni. Nú skál búa ferð vára brott, ok eigi skaltu taka við oss fyrr en 25 önnur misseri í þetta mund, þá lát þú hér kominn son þinn Heming, hvárt sem hann stýrir meira viti eða minna; líka þó hann sé látinn, þá vil ek sjá bein hans, segir konungr. Þat er mér ekki fyrir því, segir Áslákr; með því þér sœkit svá fast á þetta, kann ek at veita yðr þat 30 sem þér biðit.

3. Nú skilja þeir tal sitt. Ferr konungr heim ok er heima þau misseri, ok var enn alt kyrt í landinu. En önnur misseri eptir sœkir konungr veizluna til Ásláks á

- Torgum. Áslákr tók hánunum vel ok virðuliga; en er nátt var liðin, þá talast þeir við konungr ok Áslákr. Konungr mælti: mantu nokkut, hverju þú hézt mér í fyrra? Ekki hefi ek þar um hugat, segir Áslákr. Hér mun nú kominn
- 5 son þinn, segir konungr, er þú hefir mesta laun á dregit. Þar hefi ek aldriði um hugsat, segir Áslákr, ok eigi sæ ek hánunum hingat komit; miklu sítr hann firr. Konungr segir: nú skal ek eigi svá harða reiði á þik leggja, sem þú ert verðr, ok skulum vér burt fara af veizlunni ok vera tvá
- 10 mánuði í brott, ok hygg ek, at þér verðit úfegnir yðrum hlut, ef þá er eigi Hemingr hér kominn. Áslákr segir: eigi þurfu þér svá stórt um þetta at tala. Mér verðr ekki fyrir, at láta hann vera kominn á þeirri stund, er þér hafit ákveðit. Öllum mönnum var auðséð reiðipykkja á
- 15 konungi, ok síðan skildu þeir. Konungr þiggir veizlur á meginlandi, þangat til at mánuðr er af vetri. Þá heldr konungr út á Torgir. Áslákr hefir búna veizluna fyrir, ok var hinn kátasti, ok aldriði þótti þeim sœmiligri veizla fram hafa farit heldr en þá. Enn fréttir konungr Áslák
- 20 um daginn: hvárt er hér nú kominn Hemingr, sem þú hefir lengi þrjózkast við at láta mik sjá? Áslákr segir: enn hefir mér eigi í hug komit yður þráfysi um þetta. Konungr mælti: eigi þurfum vér mörgum orðum við at talast um þetta; en segja mun ek þér ætlan mína. Send
- 25 þú eigi optir syni þínum, fyrr en þú vill sjálfr, en hér munum vér sitja, þar til er hann kemr, en ef þik þrotar fyrr söng, þá muntu eigi fleiri veizlur gjöra eða Björn son þinn. Þér munut ráða slíku, segir Áslákr, ok skilja þeir tal sitt at sinni.
- 30 4. Áslákr bóndi kallar til tals við sik verkstjóra sinn, þann er Kálfr hét, ok tvá húskarla sína með hánunum ok mælti: ferð hefi ek ætlat yðr. En þeir segjast vilja fara, hvárt sem hann vili á sjó eða landi. Á skip skulut þér fara, segir hann, ok róa norðr fyrir Snös ok lenda á nesi

því er á Framnesi heitir. Þar skaltu ganga upp, Kálfr! ok fjórir menn með þér, en aðrir skulu gæta skips. Þér skulut fara upp frá bygð í skóginn. Þá verðr fyrir yðr stigr á mörkinni. Stigrinn er þeim mun breiðari er þér hafit lengr gengit. Þér munut hljóta at fara fjóra daga, 5 þó at þér gangit vel snúðigt. Þá munut þér ganga um fram skóginn at áliðnum degi. Þá verðr fyrir yðr dalr. Hann er hómrum luktr ok skógi vaxinn mjök tveim megin, en hann þverr eigi, fyrr en fram or dalnum kemr. Þar mun verða fyrir yðr húsabær. Gangit þar til. Þar mun 10 eigi fleira manna en karlmaðr ok kona. Þau munu fréttu, hvaðan þér sét, en þér skulut segja hit sanna. Þau munu bjóða yðr allan greiða, ok þat skulut þér þekkjast ok taka þar hvíld. Látit snemma veita yðr umbúnað. Þér munut hvíla í eldaskála; en einnhverr skal halda vöku af yðar 15 mönnum. Þá gét ek, at maðr gangi inn í skálann, þá er nökkut er af nátt, vænn, mikill ok sælligr. Þar munu eldar upp kveiktir. Hann mun setjast við eldinn. Eigi dyl ek, at hann sé skapligri, en ek hefi frá sagt. Þá skaltu standa upp ok heilsa Hemingi með nafni ok segja 20 hánun kveðju mína ok bjóða hánun á minn fund, ok ef hann lætr úbrátt við, þá bið hann ráða sjálfan, ok seg, at þar liggi við líf mitt ok Bjarnar sonar míns, en meiri ván þykki þat, at hann fái sér forðat; en seg þú, at ek byggja, at þar liggi líf hans við, ef hann kemr, en bið 25 þú hann þann at taka, er hánun þykkir kostuligastr. Síðan biðr hann þá vel fara. Eptir þat fara þeir leiðar sinnar, svá sem Áslákr hafði fyrir þá lagt. Kálfr gékk á land ok þeir fimmm saman, ok ekki varð söguligt í ferð þeirra, fyrr en þeir kómu til karls ok kerlingar, ok er 30 þeim veittr góðr beini, er þau vissu, hvaðan þeir váru. Nú er þar hífylum á leið snúit, ok fara þeir til hvílu, en þau sitja við eld eptir, hjónin. Þá tekr kerling til orða: seint verðr nú fóstra okkar heim farit í kveld. Karl mælti:

litit á ek fjár, en þó vilda ek gefa þat til þess, at hann
 kæmi eigi heim á þessarri viku. Hvat berr til þess, segir
 karl, at þessir menn sé eptir hánun sendir. Eigi veit ek,
 hvern veg þá mun verða, ef ek skal skilja við fóstra minn,
 5 segir kerling. Vel munda ek yfir láta, segir karl, ef ek
 vissi fyrir víst, at hann tæki því betra við. Þá er skamt
 at hiða, áðr en gengit er hjá úti, ok í því kemr maðr
 inn í skálann í rauðum skarlats-kyrtli ok drepit blöðunum
 undir belti sér. Gullhlað var um höfuð hánun, ok lá
 10 hár hans á herðum. Engan þóttist Kálfr sét hafa jafn-
 vaskligan mann, né at öllu gildligri. Þau stóðu upp ok
 heilsauðu Hemingi fóstra sínum. Hann tekr vel kveðju
 þeirra ok sezt niðr við eldinn. Karl frétti, hvat til veiða
 heðri orðit? Hemingr sagði, eigi sá ek fuglana marga, en
 15 sjálfrátt var mér, at veiða eigi þá er ek sá. Hemingr
 spyrr, hvaða menn hér sé komnir. Karl mælti: þat eru
 menn föður þíns; ok uggir mik, at þeir sé þess erindis
 komnir, at sækja þik af hendi föður þíns. Hemingr mælti:
 þá munu margir mæla, at þat sé eigi ofrátt.

20 5. Nú skal segja frá Kálfi, at hann stendr upp, gengr
 at Hemingi ok kveðr hann. Hemingr tekr vel kveðju hans
 ok fréttir, hvaðan hann væri. Ek em sendr erinda frá
 föður þínum, segir Kálfr, hann býðr þér á sinn fund ok
 vildi, at þú kæmir. Nú er mikit um, segir Hemingr, at
 25 mér skal orð senda, en bærr þykkjumst ek at ráða, ok
 mun ek heima sitja. Ek ætla, segir Kálfr, at eigi þurfi
 holan baug um þat at klappa, at Áslákr bað þik at ráða;
 ok segir nú Hemingi orð þau, sem Áslákr lagði fyrir hann.
 Hemingr mælti, þá farit þér þegar á morgun ok léttit eigi,
 30 fyrr en þér komit til skips, ok ef þér sjáit ekki til minna
 ferða, þá farit þér yðar veg ok þurfut þér þá eigi min at
 vænta. Eptir þat stytta þeir tal sitt. Strax um morguninn
 búast þeir Kálfr til ferða, ok létta eigi fyrr en við skip
 niðr, ok setja fram skipit; en þá þeir eru búnir, sjá þeir,

hvar Hemingr rennr á skíðum af landi ofan. Hann steig á skip til þeirra. Kálfr spurði, hvenær hann færi heiman. Hemingr segir: í morgun um aptrelding. Nú fara þeir af stað, ok er eigi getit um ferðir þeirra, fyrr en þeir koma á Torgir. Áslákr tók vel syni sínum. Þá var svá komit 5 morgni, at menn fóru til tíða; en eptir tíðir, þá er konungur var í sæti kominn, þá gengr Hemingr inn fyrir konung ok kveðr hann virðuliga. Konungur tók því, ok spyrr at nafni hans. Hann segir sem var. Konungur mælti: eigi vilda ek flá þá öldungs húð, sem þú ert af einum 10 fœti hemingrinn. Eigi er hvern slíkr, sem hann er séðr, segir Hemingr, en því em ek hér kominn, at ek vil bjóða yör alla þá hluti, er þér vilit þiggja. Þó ek hafa lítit brautargengi at bjóða, þá er yör þat heimilt, ef þér vilit mik þar til nýta; einnig byð ek yör útlegð mína til 15 friðar fœður mínum ok öðrum frændum, en vilit þér mér dauða dæma, þá mun ek eigi undan hlaupa. Konungur spyrr: ertu nókkurr íþróttamaðr? Hemingr svarar: svá þótti þeim karli ok kerlingu, sem ek kynna mart vel; ek hefi eigi öðrum mönnum mína kurteisi sýnda, en lítit get 20 ek yör um finnast. Eina íþrótt þykkjumst ek kunna at fremja, segir Hemingr. Skíðaferð hirði ek eigi við hvern ek reyni, þat skal engi um mik vinna. Konungur segir: sjá skulum vér leiki þína, ok vita, hvern slægr oss þykkir í vera. Hemingr segir: við skal ek leitast at leika á eptir 25 þat sem þér látit leika fyrir. Vér skulum út ganga ok leikast við, segir konungur. Þá gékk Áslákr til konungs ok mælti: búit hefi ek yör burtflutning á skipum, ef þér vilit þat. Konungur mælti: sitja munum vér daglangt. Gékk konungur þá út ok allir hans menn. 30

6. Eyin var mjök skógi vaxin, ok gengu menn til skógar. Konungur tók eitt spjót ok setti niðr í völlinn odd spjótisins; síðan leggr hann ör á streng ok skýtr í lopt upp. Örin snérist í loptinu, ok kom síðan aptan í

- spjótshalamn ok stóð rétt upp. Hemingr tók aðra ör ok skýtr eptir, ok var sú örinn upp horfin lengi, ok þar kemr örvaroddrinn í strenglág hinnar örvarinnar. Þá tekr konungr spjótit ok skýtr af hendi. Hann hendir svá hart ok
- 5 langt, at allir höfðu at orði, ok þó gegnt. Konungr biðr Heming at skjóta á eptir. Hemingr gjörir svá ok um frama öllu, svá at örvarfalrinn lá á spjótsoddi konungsins. Konungr tekr spjótit ok skýtr í annat sinn um fram skot Hemings öllu skoti lengra. Nú vilda ek eigi eptir skjóta,
- 10 segir Hemingr, því ek sé, at ek get eigi neitt. Þú skalt skjóta, segir konungr, ok hafa einurð at skjóta lengra, ef þú getr, ok er þat mála sannast, at angraðr er gumi hverr, ef eigi vegr með þeim vápnum, er hann hefir til. Þat verðr sem má, segir Hemingr. Nú skýtr hann, ok
- 15 langt um fram skot konungs. Nú tekr konungr kníf ok stingr hánnum í eik eina, leggrr síðan ör á streng, ok skýtr síðan aptan í knífskaptit, svá (at) örinn stendr föst. Hemingr tekr þá örvar sínar. Konungr stóð hjá hánnum ok mælti: gulli eru roðnar örvar þínar, ok metnaðarmaðr
- 20 ertu hinn mesti. Hemingr mælti: engar þessar hefi ek gjöra látit, gefnar hafa mér verit örvarnar, ok hefi ek engan búnað af þeim tekit. Hemingr skýtr nú eptir, ok flýgr örinn aptan í knífskaptit, ok klýfr heptit, en örvaroddrinn stóð í tanganum. Konungr mælti: lengr skulum
- 25 við þreyta, ok tók ör eina; var hann þá mjök reiðuligr; leggrr á streng ok dregr svá bogann, at saman þótti bera hálsana. Örinn flaug allangt af boganum ok nemr staðar á einum mjóvum kvisti. Mæltu þá allir, at þetta væri hit mesta frægðarskot. Þá skýtr Hemingr nokkut lengra, ok
- 30 stóð örinn í gegnum hnot eina eða skógarnýra. Þetta undrúðust allir, er hjá váru. Þá mælti konungr: nú skal taka hnotina ok setja á höfuð Birni, bróður þínum, ok þar skaltu hœfa hnotina, ok eigi skemmra til skjóta en áðr; en ef þú missir skotsins, þá skal þar við liggja líf

þitt. Hemingr mælti: þér verðit lífi (minu) at ráða, herra! en eigi mun ek þetta skot skjóta. Björn mælti: heldr skaltu skjóta, en at þú takir dauða þinn, af því þat er boðit at lengja líf sitt, meðan má. Hemingr mælti: ertu ráðinn í því, at standa kyrr fyrir, ok skjótast eigi undan? 5 Eftaust skal ek, segir Björn. Þá standi konungr hjá, segir Hemingr, ok hyggi at, hvárt ek hæfi hnotina. Konungr kvaðst hjá hánun standa mundu, en kvaddi til Odd Úfeigsson at standa hjá Birni, ok gæta at, hvárt rétt væri skotit. Oddr gékk þangat, ok kvað sér hæfisraun at halda 10 þar einurð um. Þá gékk Hemingr þangat, er konungr vill at hann standi; hann signir sik ok mælti: guð nefni ek til vitnis um þat, at ek vil eigi Birni bróður mínum bana heldr en sjálfum mér, ok fel ek Haraldi konungi á hendr alla ábyrgð hér. Síðan skýtr Hemingr með spjóti. 15 Spjótit ferr skjótt ok smýgr undir hnotina ok aptr af hvirflinum, en Björn skaðaði ekki (hit) minsta. Spjótit fór miklu lengra, ok stöðvaðist eigi, fyrr en niðr kom. Þá kom konungr at, ok spyrr Odd, hvárt á kæmi hnotina. Oddr mælti: 'skulut þér nokkut trúa því, er ek frá segi? 20 segir Oddr. Konungr mælti: sá hlýtr at bera, er veit. Betr þótti mér en hann hæfði, segir Oddr, hann skaut undir hnotina, svá hon valt aptr af höfðinu, en manninn skaðaði eigi hit minsta. Ekki virðist mér, at hann hafi svá skotit, sem ek bauð, segir konungr. Ok sofa þeir nú 25 af um náttina.

7. Um morguninn gengr Áslákr til konungs, ok mælti: búit hefi ek ferð yðra, herra! ok þykkir mér nú mál, at hætta leikum. Dvelja munum vér í dag, segir konungr. En er drykkjumáli var lokit, þá kveðr konungr menn út 30 at ganga til sjóar. Þá kom konungr at máli við Halldór Snorrason ok mælti: þér ætla ek at fyrirkoma Hemingi á sundi í dag. Halldórr mælti: heptast mun þat fyrir þeim, er meiri eru fyrir sér en ek. Þá kvaddi konungr til

- Böðvar Eldjárnson. Böðvarr mælti: þó ek hefða allra manna íþróttir, skylda ek hann þó at engu þína, en allra sízt, er ek veit, at mik skortir alt við hann. Þá mælti konungr við Nikulás Þorbergsson: þú skalt þreyta Heming
- 5 á sundi. Nikulás mælti: eigi veit ek, hversu gengr, en freista má ek, ef þér vilit. Konungr kvaddi þá báða til sunds. Hemingr mælti: eigi þarf ek nú við at hlífast, því helzt vilda ek við hann eiga, ef ek ætta við nökkurn. Nú kasta þeir klæðum, ok fara síðan til sunds. Nikulás spyr: 10 hvárt skulum vér nú reyna kappsund áfram langt? Þess er kostur, segir Hemingr, at reyna kappsund; þú hefir mik fyrri lagt á hinu öðru. Síðan leggr Hemingr undan landi. Nikulás fréttir, er þeir hafa lengi lagzt: sýnist þér eigi, at vit hverfim aptr? Hemingr mælti: framar get (ek), at 15 þér vilit, konungs mágarnir, lykkju gjöra á leiðinni, ok leggst sem áðr. Nikulás leggst hóti seinna, ok fréttir litlu síðar: ertu ráðinn í at leggjast lengra? Hemingr mælti: einfærr hugða ek at þú mundir, þótt (þú) vildir at landi, en fara mun ek lengra. Vel þykkir mér þat ætlat vera, 20 segir Nikulás, ok á þat mun ek hætta, at hverfa til lands. Hann hverfr þá aptr, ok var eigi lengi at biða, áðr hann doðnaði mjök, ok var hánun þá þrotit alt megn. Nökkuru síðar kemr svá, at Hemingr leggr at hánun, ok fréttir, hversu sundit gangi. Nikulás mælti: engu skiptir þik þat, 25 ok fara máttu leið þína. Hemingr mælti: hafa þótti mér þú mækligeika til þess, þótt þú létir hér líf þitt, en nú megum vit fylgjast báðir saman. Tak þú hendi á bak mér, ok styð þik svá. Ok við þat flytjast þeir báðir til lands. Nikulás skreiðist á land, ok var orðinn alstirðnaðr, en 30 Hemingr settist á stein í flæðarmáli. Konungr fréttir Nikulás, hvernig sundit hefði gengit. Nikulás svaraði: engi tíðindi munda ek til lands segja, ef Hemingr yrði mér eigi betri drengr en þú. Nú skal Halldórr fyrirkoma Hemingi, segir konungr. Þat mun ek eigi gjöra, segir hann

Því mér þykkir þeim lítt tekizt hafa, er fyrr reyndu sund við Heming. Konungr kastaði klæðum, ok var hinn reiðasti. Áslákr gengr til fundar við Heming, ok mælti: haltu undan ok forða lífi þínu, því konungr vill þik feigan, en skamt er á skóginn. Hemingr mælti: öndverðir skulu 5' ernir klóast, en þann má eigi kesa, er guð vill hefja. Fari hann, þegar (er) hann vill. Þá reis Hemingr af steini, ok konungr í annan stað, ok þegar leggst konungr at hánun, ok rekr hann á kaf. Þá sjá aðrir eigi til þeirra atgangs, en sjórinna gjörðist mjök úkyrr yfir þeirra viðskiptum, en þá tók at liða mjök at kveldi, en þá er allmyrkt var orðit, kyrði sjóinn. Leggst þá konungr at landi, ok var þá svá reiðr, at engi þorði við hann at mæla. Konungi váru þá fengin þurr klæði, en engi sá til Hemings, ok engi þorði hann at hánun at spyrra. 15 Konungr gengr heim ok hans menn. Þar var lítill ölteiti. Konungr var allhryggr af reiði, en Áslákr bryggr af harmi vegna sonar síns. Log váru kveikt í skálanum, ok konungr í sæti kominn. Í því gengr Hemingr í skálann fyrir konung ok hans menn, ok leggr kníf í kné konungi, þann 20 er konungr hafði haft á belti sér um daginn. Þóttust nú allir vita, at Hemingr mundi þann kníf af konungi tekit hafa í þeirra viðskiptum á sundinu, ok hann ætlaði at drepa Heming með í kafinu. Síðan fara menn til náða ok sofa af um náttina.

25

8. Strax um morguninn kemr Áslákr til konungs ok mælti: búit höfum vér ferð yðra, herra! ef þér vilit á brott. Konungr mælti: nú skal eigi dvelja, en Hemingr skal fylgja oss til meginlands. Síðan fór konungr ok lið hans burt or Torgum, ok er Hemingr í ferð með hánun. 30 Þeir lenda nú við eitt mikit fjall, ok þat heitir á Smalsarhorni. Þat var mjök bratt, ok var leið, ef á fæti skyldi fara, með hlið fjallsins, ok lá þar einstig eitt. Flughamrar váru fyrir neðan, en hátt fjall fyrir ofan, ok var engi

- fjallinn meiri en einn maðr mátti fram riða í senn. Kon-
 ungr mælti til Hemings: nú skaltu skemta oss á skiða-
 ferð þinni eptir fjalli þessu. Hemingr mælti: eigi er nú
 vel fallit at fara á skiðum, því fjallit er snjólaust, svelldott
 5 ok hörkl mikit. Konungr mælti: eigi væri raun at fara á
 skiðum, ef alla vega væri sem bezt. Þetta er nú ráðit, at Hem-
 ingr stigr á skiðin, ok rennr fram með fjalls hliðinni ýmist
 upp eðr niðr, ok þat mæla allir menn, at engan sá þeir svá
 mjúkliga fara. Hemingr rennr at konungi ok mælti: hættu
 10 mun ek nú skiðaförinni. Konungr mælti: eigi skaltu nú fara
 meir en um sinn. Nú skaltu fara þvers upp á fjallit, ok reyna
 á skiðum ofan fyrir, ok gæta at því, at þú stöðvir þik á
 framanverðum björgunum. Hemingr mælti: ef þér vilit
 dauða minn, þá þurfut þér eigi at fresta því. Ef þú vill
 15 eigi gjöra þat, sem ek býð, segir konungr, þá skaltu
 missa líf þitt. Lítil er mér dauðadvöl í þessu, segir Hem-
 ingr, at gjöra þenna yðarn vilja, en þó er hverjum boðit,
 at lengja líf sitt. Skal nú eigi lengr undanferast, hvernig
 sem lyktar. Áslákr gengr at konungi, ok bauð hánunum
 20 alla eigu sína, ef Hemingr væri þá nær lífi. Konungr
 segist eigi vilja fé hans, enda skal hann nú eigi fara nema
 þessa einu ferð. Skaltu nú fara, segir konungr við Hem-
 ing. Hemingr bað engan mann sik undan mæla. Síðan
 snýr hann burt frá öllum ok Oddr Úfeigsson með hánunum
 25 ok mælti: illa skiljumst vér hér við góðan dreng, ok sýna
 skal ek þér í einum hlut, at ek vil þú haldir lífi þínu.
 Ek hefi hér lindúk þann, er verit hefir dúkr hins helga
 Stephani. Hann mun ek at þér snara, því ek veit engá
 þá skepnu dait hafa, er dúkinn hefir um sik haft; en
 30 rennir þú fyrir björg ofan, ok látist svá, þykkir mér eigi
 dúkrinn betri en annat lín; en ef þér verðr lífs auðit or
 þessarri dauðastofnan, þó at vit finnimst eigi, þá skaltu
 góð skil á gjöra, því ek gef þér hann ekki, ok engum
 manni, er hann faltar. Hemingr mælti: vera má þú hafir

eigi launin góð, en eigi skulu verri en engi. Nú skilja þeir at sinni, en engi maðr vissi samtal þeirra. Konungr gengr nú fram á hjargit ok allir hans menn. Konungr hafði möttul rauðan yfir sér á tuglum, ok spjót í hendi. Hann snýr dálk or skikkjunni, ok styðr niðr fjöðr spjótsins. 5 Nikulás Þorbergsson stóð á baki konungs, ok styðr höndum um hann miðjan, ok svá hvern at öðrum. Hemingr gengr upp á fjallit, ok stígr á skiðin, ok rennr ofan eftir fjallinu. Hann fór svá hart, at þat váru mestu undr, at hánúm kastaði eigi til dauðs, en altíð urðu undir hánúm 10 skiðin, ok því næst kemr hann þar niðr sem þeir konungr stóðu, ok styðr skiða geislinum, er hann kemr fram á hjargit, ok bleypr í loft upp. Skiðin flugu fram undan hánúm, en Hemingr kemr fótum undir (sik) at framanverðum hjargenösum. Hann reiðir mjök til á fluginu, 15 ok þrífir í skikkju konungs, en konungr rekr niðr höfðinu; ok steypir fram af sér skikkjunni, ok þá rýkr Hemingr ofan fyrir hjargit, þá er skikkjan varð laus. Konungr mælti: þar skildi nú feigan ok úfeigan. Oddr Úfeigsson mælti: eigi mundi þat verit hafa, at þit hefðit einn veg 20 farit, þó þit hefðit báðir látizt. Hverja gisting ætlar þú hvarum okkar, segir konungr? Þat vilda ek, segir Oddr, fara þeirrar gistingar, er ek hygg Hemingi búna; en þat ætla ek, at Krístr muni eigi vilja, at fjándinn verði þér svá feginn, at hann taki við þér í kveld. Ekki mætta ek 25 þér minna veita, en at þú nair þeirri góðu gistingu, er Hemingr er til kominn, (segir konungr). Byðr þá konungr at taka Odd ok reka hann ofan fyrir flugin: Þá svaraði Halldórr Snorrason: annaðhvært munum vér nú allir látast, Íslendingar, eða engi varr ella, en þó ætlum vér eitthvat 30 (at) hafa fyrir oss, áðr vér látimst. Þat skal ek gjöra fyrir orð þín, Halldórr!: at Oddr fari frá mér vetrarlangt, ok veri svá lengi friðheilagt, ok fari til Íslands í vár; en þá. (er) Oddr er í brott, þá skal ek gjöra hann útlægan

fyrir endilangan Noreg, ok dræpan, hvar sem hann næst hér í mínu ríki. Þá mælti Oddr: þat skal leyfa, sem lífið er, en eigi þykkir mér saka, þó nú skili með okkr. Varð þá Oddr í brott at fara frá augum konungs. Konungr fór 5 nú til veizlu, sem hánú var tilbúin, ok er hann þar fyrst at sinni. En þat er frá Oddi at segja, at hann fór út til Íslands um sumarit, ok kemr hann síðar til þessa máls.

9. Nú er frá Hemingi at segja, þar sem hann flaug fram af berginu. En hánú fór sem öðrum, þeim er 10 stókkva á fluginu, at á hánú blés út öll klæðin. Nú belgir upp dükinn, ok berr at berginu, ok festist á einni bjarghyrnu, ok þar hangir nú Hemingr ok veit ekki til sín, ok þá er hann vitkaðist, þá var hann mjök felmsfullr ok ótta sleginn; ok sem vit hans vóx, þá dregr óttann ór 15 brjóstinu. Þá mælti hann við sjálfan sik: því megi svá orðið hafa, er ek skal hér staddr vera? en eigi er guði meira fyrir, at láta mik héðan burt komast, heldr en at halda mér við lífið á þessarri bjargnöf. Nú mun ek heit festa, ok heita allri eigu minni, þat er helmingr sjár alls 20 á Torgum. Því fé skal skipta í þrjá parta; skal ek einn gefa hinum helga Ólafi Haraldssyni, annan skal ek gefa til suðrferða, Rómferða, ok þurfaðönnum, hinn þriðja skal ek gefa hinum helga Stephano, ok því fé skal verja til ávaxtar, þar til ek finn Odd Úfeigsson, en suðr ætla ek mér at 25 ganga, ef guð vill, at ek komumst burtu héðan, ok ek mega jafnær vera dauða Haralds konungs, sem hann nú þóttist vera mínum dauða. Þá var sem myrkvast nætr, er hann hafði heitið staðfest; í því sér hann ljós mikit yfir sik koma, ok í ljósinu sér hann mann bjartan ok virðulig- 30 an renna eptir bjarginu. Sá tekr í hönd Hemingi, ok kippir hánú upp á bjargit, ok mælti: hér er nú kominn Ólafr hinn helgi til fundar við þik, því ek vilda eigi, at Haraldi konungi ykist ábyrgð í um dauða þinn; en heit þitt skaltu efna ok ganga suðr; en er þú kemr fyrir úkunna

menn, þá skaltu alltaf hérað af kallast Bøjarleifr, meðan Haraldr konungr er á lífi. Veitast mun þér þat, er þú baðt um, at viðriðinn muntu verða, þá er Haraldr konungr læzt, en eigi þykkir mér þú vel launa lífgjöfina, ef þú skiptir þér mikit þar af. Hemingr mælti: leyfa muntu 5 mér, at ek marka hann at nökkuru, ef ek komumst í fœringarrúm til þess. Ólafr konungr sagðist þessa eigi letja ok munum vit nú skiljast fyrst at sinni. Sá Hemingr konunginn líða í lopt upp með ljósi frá sjón sinni. En Hemingr fékk sér skip, ok réri út í Torgir. Hann gengr 10 til kirkju, ok sá þar björt log, ok þar eru á bænum Áslákr ok Björn, bróðir hans. Björn leit út ok sá Heming bróður sinn, ok urðu þar hinir mestu fagnaðarfundir með öllum þeim feðgum. Sagði Hemingr þeim nú allan atburð, hvernig farit hafði, sem áðr er sagt; ok efndi 15 hann vell öll sín heit. Þaðan hélt hann skömmu síðar vestr til Englands, ok slutti með sér þann fjárlut til verzlunar; er hinn helgi Stephanus átti, ok Hemingr hafði áðr heitit.

10. Þann tíma réði fyrir Englandi Játvarðr konungr. 20 Hann var kvængaðr ok átti eigi börn. Dróttning hans var systir Sigríðar hinnar stórráðu. Eitt sinn lét hann á einni náttu inni brenna tólf konunga. Bøjarleifr fann Játvarð konung, ok bað hann vetrvistar, ok þat veitti konungr hánum. Hann varð brátt vinsæll af konungshirðinni. Bøjar- 25 leifr sendi orð Oddi Úfeigssyni á laun, ok bað hann at finna sik þar, en þá er Oddr frægn þetta, fékk hann sér far, ok sigldi til Englands. Fagnaði þar hvárr öðrum af öllu hjarta. Afhendi Bøjarleifr hánum dúkinn, ok þakkaði hánum sína líðveizlu. Var Oddr nú í Englandi um vetrinn. 30 Hann var örr ok stórgjöfull á fé. Varð hann af því brátt vinsæll. Oddr keypti sér kirkjuvið ok klukku með þeim fjárlut, sem Hemingr fékk hánum, eptir heiti sínu. Eitt sinn stefndi konungr þing at vanda sínum, einhverjum málum

at skipa. Þangat gékk Oddr ok Bøjarleifr. Þar leit Oddr einn mann. Hann hafði brugðit sverð ok tagran feld. Oddr spyrr hann at nafni, en hann kvaðst Aðalbrekt heita. Oddr spyrr, hvar hann hafi þessa gripi fengit. Svá 5 komumst ek at þeim, segir Aðalbrekt, at ek keypta þá með fullu verði. Oddr mælti: hróðir minn átti þá gripi, ok bar þá lengi, hefir aldri neitt til hans spurzt, síðan hann sigldi eitt sinn á skútu einni, ok hygg ek þú hafir hann drepit, ok eigi mun hann sverð sitt selt hafa, ok 10 mun ek þess nú á þér hefna. Bøjarleifr gékk þar at ok bað, at Aðalbrekt segði satt frá öllu. Oddr mælti: sú er náttúra sverðsins, at þat býr eigi, ef sá lýgr, sem á því heldr. Aðalbrekt svarar: ek hitta eitt sinn skip með fræga drengi. Drápum vér alla á því skipi, ok þar tók 15 ek þessa gripi með öðru fleira fé. Oddr kvaðst þetta mál undir konung leggja vilja. Konungr mælti: þú skalt eiga vald á Aðalbrekt ok lífi hans; en þó bið ek þik, at gefa hans líf í mitt vald. Oddr segir, at konungr skuli öllu ráða þar um. Galt konungr þá Oddi fé fyrir hann, ok 20 gjörði Aðalbrekt útlægan, ok fékk hánun fé til burtsigl-ingar. Síðan bjóst Oddr til Íslands-ferðar, ok skildu þeir Hemingr með hinni mestu bliðu, ok báðu hvarr vel fyrir öðrum. Ok sem þeir Oddr létu í haf, rekr á fyrir þeim storma ok myrkr ok hafvillur, ok þekktu sik eigi, fyrr en 25 þeir komu at Noregi nærri Niðarósi. Var þar Haraldr konungr fyrir í bænum. -Oddr legggr skipi sínu inn á fjördinn. Kómu menn til fundar við þá ok spurðu, hverr skipinu stýrði. Oddr kvaðst aldri leynt hafa nafni sínu, ok sagði þeim hit sanna. Fékk Haraldr konungr fljótt 30 fregn af Oddi, bregðr því við, ok lét leggja langskipum í fjarðarkjaptinn, ok öll sem sterkligast samantengsla, ok skulu þau þar fyrir Oddi í vegi verða. En konungr var með lið á landi, svá at Oddr átti eigi undan at sleppa. En sem félagar Odds sjá þetta, var allillr kurr í þeim.

Oddr bað þá eigi æðrast, kvað enn eitthvat til ráðs gott verða, því hálfu verr var Hemingr staddr af hilmis ráðum, ok hjálpaði hánnum, at heill komst á brott með heitum sínum; því skulum vér ok þangat trausts leita. Vil ek nú birta yðr mína fyrirætlun, at ef ek komumst á Ísland, vil ek smíða kirkju á Mel í Miðfirði ok henni gefa fé þat alt, er ek nú flyt á skipi mínu. Lesa þeir með allir pater noster ok Mariu vers; drógu síðan segl upp. Var hinn beinasti byrr, en Oddr stýrði sjálf. Konungsmenn gjörðu nú kals at þessu ok spyrja, hvárt Oddr ætlaði at sigla í landinu 10 eða út or sundinu. Tók nú vindrinn at vaxa mjök, ok sigldi Oddr rétt fram á konungs skipin, svá at næstu tvau langskipin sukku í grunn niðr. Sigldi nú Oddr fram með frjálsu, létu síðan í haf, ok skildi þar með þeim. En Haraldr konungr varð allforviða, ok þóttist hina mestu 15 svívirðing fengit hafa í viðskiptum þeirra Odds. Sigldi nú Oddr til Íslands, ok reisti væna kirkju at Mel í Miðfirði, ok kostaði þar til ærnu fé. Klukkurnar, er hann gaf, eru þar, ok dúkrinn hins hælga Stephani, til margra hluta brúkaðr, ok hefir kröptugr reynzt til margra hluta. 20 Bjó Oddr á Mel til ellí, ok þótti vera hinn göfugasti maðr, ok hélt manna bezt trú sína. En Hemingr var á Englandi eptir skilnað þeirra Odds, ok segja þat krönikur, at hann muni þar ok banaskotmaðr verit hafa Haralds konungs, en þar eptir hafi hann farit til Róms ok gengit þar 25 í helgan stein ok ent þar æfi sína í helgum lifnaði. Ok endar svá þenna söguþætt.

PIÐREKS SAGA AF BERN

GRIMHILDAR HEFND

356. Attila konungr af Susa spyr at dauðr er Sigurðr sveinn ok eptir lifir hans kona Grimhildr, er allra kvenna er vitrust ok fegrst; en hann er nú kvánlauss. Hann sendir eptir sínum frænda Osið í Herraland, at hann skal koma til hans. Ok er hertoginn spyr at hans frændi Attila konungr vill hann hitta, gerir hann ferð sína til Susa ok með hánum XX riddarar. Attila konungr fagnaði hánum vel ok segir at hann hafi hánum sent orð ok vill at hann fari hans sendiför í Niflungaland. Attila konungr vill senda hann at biðja sér konu Grimhildar, systur Gunnars konungs, er átt hefir Sigurðr sveinn. Osið hertogi léz fara vilja, hvert er konungr vill hann sent hafa. Nú býz hann til þessar ferðar með mikilli kurteisí ok hefir með sér XL hinna kurteisasta riddara ok marga sveina vel búna. Hann ferr alla sína leið til þess er þeir kómu í Niflungaland ok hitta Gunnar konung í Vernizu; þeim er þar vel fagnat; dvelz hann þar nokkura daga.

357. Einn dag heimtí hann Gunnar konung á tal ok með hánum Högna ok Gernoz, ok er þeir eru á málstefnu, mælti Osið hertogi: Attila konungr af Susa sendir góða kveðju Gunnari konungi ok Högna hans bróður. Attila konungr vill fá yðra systur Grimhildi með svá miklu fé sem yðr sómir at senda hánum, ok hann vill vera yðarr vin. En áðr ek fara héðan, verð ek heyra mitt erindi hvert vera skal. Þá svarar Gunnarr konungr: Attila konungr er maðr ríkr ok mikill höfðingi, vill Högni ok Gernoz minir bróðr sem ek, þá megum vér eiga synja hánum þessa. Þá svarar Högni: Svá líz mér sem oss muni þat

vera mikill vegr, at hann ríki Attila konungr fái várrar systur; hann er allra konunga ríkastr ok mestr, nú megum vér af því vera meiri menn en nú erum vér. En þetta mál verður þó at ræða fyrir henni fyrir því at hennar skap er svá stórt, at eigi má Attila konungr ok engi annarra í 5 veröldu hennar fá fyrir utan hennar vilja. Gernoz biðr ráða konung ok þá Högna, ok þykkir þetta vel fallit ef þeim sýniz. Nú ferr Gunnarr konungr ok með hánum Osið ok hitta Grimhildi, ok segir Gunnarr konungr henni öll þessi tíðindi, ok spyr hversu henni man vera í skapi þetta ráð. 10 En hon segir at hon þorir eigi at neita Attila konungi sér til manns, svá er hann ríkr konungr, ok svá er fengit þess manns at reka hans erindi, at heldr vill hon þessu játa ef þat er ráð Gunnars konungs hennar bróður. En konungr segir þat, at eigi vill hann neita þessu ráði, með 15 því at þat er eigi í móti hennar vilja. Gunnarr konungr ok hans bróðr tala alt þetta mál við hertoga Osið, svá at þetta skal vera ráðit. Ok hér eptir býz hertogi Osið heim at riða. Ok er hann er albúinn, þá tekr Gunnarr konungr skjöld gullbúinn ok hjálm er átt hafði Sigurðr sveinn, 20 er allra vápna er beztr, ok gefr hann Osið, ok skiljaz þeir góðir vinir. Riðr hertoginn heim í Húnaland ok segir Attila konungi alla sína ferð. Konungr þakkar hánum vel ok segir at hans ferð er hin hezta orðin.

358. Litlu síðar býr Attila konungr ferð sína ok skal 25 nú fara í Níflungaland eptir sinni festarkonu Grimhildi. Þessi ferð er búin allveglig. Attila konungr hefir D hundruð riddara ok marga sveina. Þá er Gunnarr konungr spyr, at Attila konungr ok Þiðrekr eru komnir í hans land, riðr hann út í gegn þeim með öllum sínum hinum 30 bestum mönnum, ok þá er þeir finnaz, riðr Gunnarr konungr fyrir Attila konung ok heilsar hánum, ok hans bróðir Hogni fyrir Þiðrek konung, ok kyssaz þeir ok hittaz nú hinir beztu vinir. Riða nú allir saman aptir til borgar

Vernizu, ok er nú búin hin dýrligsta veizla, ok at þessi veizlu giptir Gunnarr konungr Attila konungi Grimhildi systur sína. Ok er lokit er þessi veizlu, riðr Attila konungr ok Þiðrekr konungr brott, ok at skilnaði gaf Gunnarr konungr Þiðreki konungi Grana hest Sigurðar sveins, ok sverðit Gram gaf hann margreifanum, en Attila konungi Grimhildi ok silfr svá mikit sem hánur var sómi at, ok skiljaz nú góðir vinir. Riðr Attila konungr ok Þiðrekr konungr heim í sitt ríki, ok gætir um stund síns ríkis.

10 En hans kona Grimhildr grætr hvern dag sinn ljúfa búanda Sigurð svein.

359. Ok er liðnir váru VII vetr svá at Grimhildr hefir verit í Húnaalandi, þá er þat eina nátt at hon mælti við Attila konung: Herra Attila konungr, þat er mikill

15 harmr, er á þessum VII vetrum hefi ek eigi hittat mína bræðr, hvenær viltu herra þeim heim bjóða? Ek kann segja þér þau tíðindi, er þó kann vera at áðr vitir þú, at Sigurðr sveinn minn maðr átti svá mikit gull, at engi konungr í veröldu var jafnaúðigr; en þat mikla fé hafa nú

20 minir bræðr, ok eigi vilja þeir mér af unna eins penninga. En mér þótti semiligr herra, at ek ræða fyr þessu fé, ok þat skaltu víst vita, ef ek fæ þetta gull, at alt skaltu þat eiga með mér. En er Attila heyrir þessi orð, þá

25 En Attila konungr er allra manna fégjarnastr ok þykkir illa er hann skal eigi fá Niflunga skatt, ok svarar á þessa lund: Ek veit frú at Sigurðr sveinn átti mikit gull, þat fyrst er hann tók undan þeim mikla dreka, er hann hafði drepit, næst þat er hann fékk í hernaði, ok þar með þat

30 er hans faðir hafði átt Sigmundr konungr. En alls þessa missum vér, en þó er Gunnarr konungr várr hinn kærsti vin. Nú vil ek frú, at þú bjóðir heim, ef þú vill, þeim þínum bræðrum, en ekki vil ek til spara at búa þá veizlu sem vegligast. Þau skilja sína ræðu at sinni. Ok eigi

mikilli stundu síðar lætr Grimhildr kalla til sína II menn ok segir þeim sína erindi, at hon vill senda þá í Niflungaland, at reka mitt erindi, en til þessar ferðar skal ek ykkir búa með gulli ok silfri ok góðum klæðum ok góðum hestum. Ok þessir leikmenn segja, at þeir vilja alt þat er hon býr gjarnsamliga gera. Nú býr hon ferð þeirra hverja leið er hon má vegligast, ok fær þeim bréf ok innsigli Attila konungs ok sitt.

360. Þessir menn fara alla sína leið, til þess er þeir koma í Niflungaland ok hitta Gunnar konung í Vernizu- borg. Gunnarr konungr tekr vel sendimönnum Attila konungs mágs síns, ok eru þeir þar í góðum fagnaði. Nú er sendimenn hafa þar dvalizt litla hrið, stendr upp sá er erindit bar, gengr fyrir Gunnar konung ok mælti: Attila konungr af Susa ok hans dróttning Grimhildr sendir kveðju Gunnari konungi í Vernizu ok hans bróður Högna ok Gernoz ok Gisler ok öllum þeirra vinum guðs ok sína. Vér viljum yðr bjóða heim til veizlu ok vinattu í vart land. Attila konungr er nú gamall ok þungfærr at stýra sínu ríki, en hans ungi son Aldrian er enn fára vefra gamall. Nú líz oss sem þér munit vera bezt til komnir at stjórna þessu ríki með yðrum frænda hans móður bræðr þá hrið er hann hefir eigi sjálfr aldr til at gæta síns ríkis. Nú verðit þér at koma eptir várri orðsending, ok ráðit landráðum með oss, hvat sem þá sýniz oss af at taka um þetta mál, ok hafit með yðr svá marga menn sem yðar sómi er til, ok verit heilir.

361. Þá er konungr Gunnarr hefir lesit þetta bréf, kallar hann á málstefnu sína bræðr Högna ok Gernoz ok Gisler, hann berr upp þetta mál ok leitar ráðs við þá, 30 hversu háttu skal. Þá svarar Högni: þat kann vera herra, at þér vilit fara í Húnaland at heimboði þins mágs Attila konungs. En með því at þú farir í Húnaland, þá mantu eigi aptr koma ok engi sá er þér fylgir, fyrir því at

- Grimhildr er útrú kona ok vitr, ok má vera, at hon sé í svikum um oss. Nú svarar Gunnarr konungr: Attila konungr minn mágr hefir mér orð sent með vináttu, at ek skal koma til Húnalands, ok fara þessir menn með sann-
- 5 indum. En þat er þitt ráð, Högni, at ek skal eigi fara, en þetta ráð gefr þú mér eptir því sem þín móðir gaf mínum feðr, er hvert sinni var verra hit síðara en hit fyrra. Nú vil ek þat eigi af þér þiggja, nú skal ek at sönnu í Húnaland, ok ventir mik at ek koma aptr eptir
- 10 mínum vilja, ok áðr en ek fer af Húnalandi, man alt Húnaland gefit í mitt vald. En þú Högni fylg mér ~~ef þú vilt~~, en ella sit heima, ef þú þorir eigi at fara. Þá mælti Högni: Eigi mæli ek þetta fyrir því at ek muna vera hræddari um mitt líf en þú skalt vera um þitt, ok eigi þykki
- 15 mér verra at berjaz en þér skal þykkja. En at sönnu má ek þér þat segja ef þú ferr í Húnaland, hvárt er þú ferr með marga menn eða fá, engi þeirra kemr aptr lífs í Níflungaland. En ef þú vill fara í Húnaland, þá vil ek (eigi) eptir sitja. Eða mantu eigi, Gunnarr konungr, hversu vér skildumz við
- 20 Sigurð svein? en með því at þú mant eigi, þá veit ek þann mann í Húnalandi er muna skal, en þat er Grimhildr vár systir, ok hon skal víst þik á minna, þá er þú kemr í Susa. Þá svarar Gunnarr konungr: Þóttu sér svá hræddr fyrst þinni systur Grimhildi, at fyrir þá skyld
- 25 þorir þú eigi at fara, þá skal ek fara eigi at síðr. Högni verðr nú hermt við, er svá opt er í brígðli soert hans móðerni; hann stendr upp ok gengr inn í höll til síns frænda Folker ok mælti við hann: þú mant vilja fara í Húnaland með oss, sem Gunnarr konungr hefir nú ráðit
- 30 eptir orðsending Grimhildar, ok með oss skulu fara allir várir menn, ok vápnir sík nú ok búiz hvatliga, ok þeir einir þurfu at fara er þori at berjaz.

362. Þá stóð upp dróttning Oda móðir Gunnars konungs ok Gisler ok gengr til konungs ok mælti til hans:

Herra, mik dreyndi einn draum er þú skalt heyra. En þat er í þessum draum, at ek sá í Húna-land svá marga fugla daga, at allt land vart var autt af fuglum. Nú heyrir ek þat, at þér Niflungar ætli at fara í Húna-land; en af þessi ferð veit ek at standa man mikit úbapp, hvárttveggja Niflungum ok Húnum, ok meiri ván þykki mér ef þér farit, at margr maðr láti fyrir þat sitt líf. Gerr svá vel herra, far eigi, ilt eina man af standa þótt er farit. Þá svarar Högni: Gunnarr konungr hefir nú ráðit ferð sína, svá sem hann vill vera láta, ok ekki hirðum vör um drauma yðra gamalla kvinna, fátt gott vitit þér, ekki megu yðar orð standa um vára ferð. Þá svarar dróttning: Gunnarr konungr man ráða sinni ferð ok svá þú Högni, hvárt er þit skulut fara í Húna-land eða eigi; en minn ungi son Gisler hann skal heima vera. Já, segir Gisler, ef minir bræðr fara, þá skal ek víst eigi eptir sitja. Ok hleyp upp ok tekr vápn sín.

363. Nú sendir Gunnarr konungr boð upp í sitt land, at til hans skulu koma allir hans menn, þeir er vaskastir eru ok fræknastir eru ok hánunni bazi hugaðir. Ok er þessi ferð er búin, hefir Gunnarr konungr X hundrað manna, góðra drengja ok vel búinna, með hvítum brynjum ok björtum hjálmaum ok skörpum sverðum ok hvössum spjótum ok nýjum skjöldum ok skjótum bestum, ok þar sitr heima mörg fögr kona ok dýrlig eptir sinn búanda ok sinn sun ok bræður. Nú tekr Högni merki Gunnars konungs í sína hönd. Þat merki er inn yzta hlut lit sem gull, en í miðju hvítt, ok í markaðr örn með koronu af rauðu silki, ok neðsti hlutr merkis græna. Gunnarr konungr hefir þvílíkan örn á allri sinni hernesku, en Högni hefir á sinni hernesku ok eigi með koronu. Gernoz ok Gisler hafa skjöldu rauða ok lagt með gulli haukr, ok þat mark hafa þeir allir á sinni hernesku, ok með sama lit eru þeirra merki. Hér af má þá kenna með sína skor

hvar þeir riða. Niðlungar fara nú alla sína leið til þess er þeir koma at Rín, þar sem samán kemr Dinná ok Rín. Ok þar er breitt er árnar hittaz, en þeir fana ekki skip. Þeir dveljaz þar um náttina með sínum landtjöldum.

- 5 364. Um kveldit er þeir eru settir at náttverði mælti Gunnarr konungr til Högni síns bróður: Hværr skal haldá vörð þessa nátt af várum mönnum? skipa þeim er þér sýniz. Þá svarar Högni: Þér megut skipa þeim er yör sýniz til varðhalds upp með ánni, en fyr æðan liðit vil ek
- 10 hér vera varðhaldsmaðr sjálf, þvíat þá megum vér til gæta ef vér fám oss nokkut skip. En Gunnari konungi líkaði þetta vel. Þá er aðrir menn fóru at sofa, tekr Högni öll sín vápn ok gengr með ánni ofan, en á er tungls ljós mikit, ok má hann fyrir því sjá sína leið. Nú
- 15 kemr Högni til eins vatns er heitir Mære, ok er hann sér nokkura menn á vatninu, ok sér hann þeirra búnað liggja við vatnit ok milli ok árinna, hann tekr klæðin ok felr. Ok þetta eru ekki aðrir menn en þat sem kallaðar eru sjókonur; þær eigu eðl á sjó eða vötnum. En þessar
- 20 sjókonur hafa farit or Rín ok í þetta vatn at skemta sér. Nú kallar sjókonan ok biðr hann fá sér klæði sín, ok gengr upp or vatninu. Nú svarar Högni: Seg mér þetta fyrst, hvárt skulum vér koma yfir þessa á ok apt; með því at eigi segir þú mér þat er ek spyr þik, fær þú aldri
- 25 þín klæði. Þá mælti hön: Þér megut komaz allir heilir yfir þessa á en aldri apt, ok mantu þó hafa aðr hit mesta erfiði fyrir. Nú bregðr Högni sínu sverði ok drepr sjókonuna ok höggv í miðju sundr hváratveggju ok dóttur hennar slíkt sama.

- 30 365. Ok enn gengr hann ofan með ánni um hrið. Þá sér hann eitt skip út á miðja ána ok einn mann á, ok bað hann róa at landi, ok sækja einn Elsungsmann. En svá kallar hann hér fyrir því at þá eru þeir komnir í ríki Elsungs jarls hins unga, ok hyggv hann at skipmaðr-

inn man þá róa skjótari í mót hánun. Þá svarar skipmaðrinn: Ekki sœki ek heldr Elsungsmann en annan mann, ok vil ek víst eigi róa utan kaup. Þá mælti Högni, ok tekr sinn gullhring ok heldr upp: Sé hér, góðr drengr, þína skipleigu; hér er einn gullhringr, hann gef ek þér í 5 þinn ferjuskatt, ef þú flytr mik. Ok er þessi skipmaðr veit at hánun er gullhringr boðinn í skipleigu, þá minniz hann þess at hann hefir skömmu áðr kvángaz ok fengit fagrar konu ok ann mikit, ok vill fá henni gull hvar sem hann getr. Hann leggjr sínar árar út ok rœr at landi. Nú stígr Högni á skipit ok fær farningarmanni sinn gullhring ok gengr út á skipit. Nú vill ferjumaðrinn róa aptr yfir ána, en Högni biðr hann róa upp með landi, en ferjumaðrinn vill eigi róa. Högni segir, at hann skal róa, ef hann vill ok svá þótt hann vili eigi. Nú verðr ferjumaðrinn 15 hræddr ok rœr sem Högni vill, ok báðir þeir róa alt þar til er þeir koma til liðs Niflunga.

366. Nú er Gunnarr konungr á fótum ok alt lið hans, ok hafa fengit áðr eitt skip ok er þat allitit. Ok með því litla skipi hafa nökkurir menn farit yfir ána, ok þegar 20 er þeir fóru frá landi fyllir alt þetta skip ok hvelfir undir þeim, ok komaz þeir nauðugliga til lands. En er Högni kemr til þeirra með þetta mikla skip, verða Niflungar fegnir. Stígr Gunnarr konungr sjálf á skipit ok með hánun C manna; róa þeir á miðja ána. Högni rœr svá 25 mikit, at í einum ~~verri hrytr~~ hann sundr báðar árarar ok af keipana, ok mælti at aldri þrifiz sá er þessa há bjó oss til handa, ok hljóp upp ok brá sverði ok hjó höfuð af skipmaanninum er sat fyrir hánun á þiljunum. Þá mælti Gunnarr konungr til Högna: Hvi gerðir þú þetta 30 illa verk, hvat gaftu hánun at sök? Þá svarar Högni: Ek vil eigi at boð fari fyrir í Húaland várri ferð, ok nú kann hann ekki af at segja. Ok þá mælti Gunnarr konungr reiðuliga: Illt eina mentu gera nú ok hvert sinni, ok

aldri ertu kátr nema þá er þú gerir ilt. Þá svarar Högni: Hvat skal ek spara nú at gera ilt meðan vér förum fram, ek veit nú gerla at ekki barn í varri ferð kemr aptr. Gunnarr konungr stýrir, ok nú brestr í sundr stjórnviðin
 5 ok gengr frá stýrit, ok svífr skipinu bæði fyrir straumi ok veðri. Nú hleypr Högni skyndiliga aptr til stýrisins ok dregr í stjórnviðina allharðhendiliga. Ok þá er hann hefir bætt stjórnviðina ok hann hefir við komit stýrinu, þá er skamt til lands, ok í þessu bili hvelðr skipinu ok við þat
 10 koma þeir til lands, at hvert klæði er allvát um þá, þat er innan borðs var. Leiða þeir nú skipit á land, ok bæta á þat sem brotit var, ok láta aptr fara sína menn yfir ána í moti sínu liði, ok flytjaz yfir ána alt þar til er yfir er komit alt liðit. Ok eptir þat fara þeir leið sína allan
 15 þann dag.

367. At kveldi leggjaz þeir niðr ok láta Högna halda vörð. Ok er allir menn eru sofnaðir, þá gengr Högni einn saman á njón langt frá liðinu. Hann kemr þar at er einn maðr ligr ok sefr, sá er með vápnum ok sverð sitt
 20 hefir hann lagt undir sik, ok koma hjöltin fram. Tekr Högni til sverðsins ok bregðr sverðinu ok kastar frá sér; hann stigr sínum bægra fæti á hans síðu ok biðr hann vaka. En þessi maðr hleypr upp ok þrífr til sverðsins ok missir hann ok mælti: Vei verði mér fyrir þenna svefn
 25 er nú svaf ek, mista ek míns sverðs, ok illa man þykkja mínum herra gætt síns ríkis, er svá svaf ek. Ok nú sér hann hvar liðit er komit, ok enn mælti hann: Vei verði þessum svefni er nú svaf ek; nú er kominn herr í land míns herra ~~Raðingeyra~~ margreifa. Ek hefir nú vakat III
 30 daga ok III nætr, ok fyrir þat sama sofnaða ek. Þá mælti Högni við hann ok finnr at hann er góðr drengr. Þá mant vera góðr drengr; sé hér minn gullhring, hann skal ek þér gefa fyrir þinn drengskap, ok þú skalt betr njóta en sá er fyrr var gefit; ek skal ok fá þér sverð þitt. Ok

svá gerir hann. Nú svarar þessi maðr: Haf fyrir mikla guðs þökk þína gjöf, fyrst er þú gaft mér sverð mitt, en síðan þinn gullhring. Nú mælti Högni: Ekki skaltu vera hræddr um þenna her, ef þú gætir lands Roðingeirs margreifa; hann er várr vin. Fyrir þessu ræðr váru liði Gunn- 5 arr konungr af Niflungalandi ok hans bræðr. Seg mér enn, góðr drengr, hvar visar þú oss til gistingar í nátt, eða hversu heitir þú? Ek heiti Ekkivörðr, sagði hann. Ok nú undrumk ek hversu þú ferr; er þú Högni Aldrians son, er drapt minn herra Sigurð sveinn; gæt þín meðan 10 þú ert í Hunalandi, þú mátt hér eiga marga ófundarmenn. En ekki kann ek vísa þér til betra náttstaðar en í Bak- alar til margreifa Roðingeirs, hann er góðr höfðingi. Þá mælti Högni: Pangat hefir þú oss visat er áðr höfum vér ætlat. Rið nú heim til borgar, ok seg at vér munum 15 þangat koma; seg ok at vér erum heldr yátr.

368. Nú skiljaz þeir, ok riðr Ekkivörðr heim, en Högni ferr aptr til sinna manna, ok segir Gunnari konungi alt hversu hán um hefir fariz, ok biðr þá standa upp sem hvatast ok riða heim til borgarinnar. Ok svá gera 20 þeir. Ekkivörðr riðr heim sem hvatligast til borgarinnar, ok er hann kemr í höllina, hefir margreifi Roðingeirr mat- azt ok ætlar at sofa ganga. Þá segir Ekkivörðr, at hann hefir hitt Högna, ok svá at Gunnarr konungr er þá kominn með mikit lið ok vill riða þangat til gistingar. Roðin- 25 geirr margreifi stendr upp ok kallar til allra sinna manna, biðr þá taka skyndiliga ok búaz um sem bezt ok vegligast, ok svá sín bú. Ok nú sjálfr margreifi Roðingeirr lætr taka sína besta ok vill at riða í móti þeim með mörgum riddurum. Ok allir hans menn eru nú í starfi ok umbúnaði. En er 30 margreifi Roðingeirr riðr út af borginni, kemr í gegn hán um Gunnarr konungr með alt sitt lið. Roðingeirr margreifi fagnar vel Niflungum ok býðr þeim með sér til fagn- aðar. En þessu tekr vel Gunnarr konungr ok Högni biðr

Ekkivörð hafa fyrir mikla guðs þökk, hversu hann rak þeirra erindi.

369. Nú koma Níflungar í garð Roðingeirs margreifa ok stiga af sínum hestum. En menn Roðingeirs margreifa
 5 taka þá ok geyma vel. Ok svá sem sagt hefir Ekkivörð, lætr margreiðinn gera tvá elda úti í garðinum, er þeir eru vátir, ok við annan eld sitr Gunnarr konungr ok Högni ok þeirra bræðr ok sumir þeirra menn, en sumt lið þeirra við annan eld. En þeir er fyrir varu fylgja margreifa inn
 10 í höllina ok skipar hann þeim á palla. Nú fara Níflungar af sínum klæðum við eldana. Þá mælti Gudelinda kona margreifans, hon var systir hertoga Naudungs er fall við Granaþort: Níflungar hafa hingat fært marga hvíta brynju ok margan harðan hjálm ok skarpt sverð, nýjan skjöld, ok
 15 þat er harmanda mest at Grimhildr grætr hvern dag Sigurð svein sinn búanda. Þá er þessir eldar eru brunnið, gengr Gunnarr konungr ok Högni ok þeirra bræðr inn í höllina, ok sitja þat kveld ok drekka með hinum bezta fagnaði ok eru nú allkátir. Ok þá fara þeir at sofa.
 20 Roðingeirr margreifi liggir í sinni sæng hjá sinni konu ok talaz þau við. Þá mælti Roðingeirr margreifi: Frú hvat skal ek gefa Gunnari konungi ok hans bræðrum þat er þeim sé virðiligt við at taka, ok mér sé vegr at gefa? Hon svarar: Þat herra, sem yör sýnist ráð til; þat átt
 25 skal vera mitt ráð um þenna hlut er þitt er. Ok enn mælti Roðingeirr margreifi: Ek má segja þér um jungherra Gíslar, ef þat er yðart ráð, at ek man gefa hánum jungfrú mína dóttur eua fyrstu gjöf. Nú svarar Gudelinda: Þat er vel at þú gefir hánum okkra dóttur, ef svá er at
 30 hann mætti njóta, en þat hræðumk ek.

370. Nú er ljóss dagr ok stendr Roðingeirr margreifi upp ok klæðiz ok hans riddarar, ok þá standa upp Níflungar ok kalla sín klæði. En Roðingeirr margreifi biðr þá dveljaz með sér nökkura daga, en Níflungar vilja nú fara

ok dveljaz ekki. Ok þá segir Roðingeirr margreifi at hann vill riða með þeim með sínum riddurum, ok ganga nú til borða ok drekka nú gott vín ok eru allkátir. Þar eru nú margskonar leikar ok önnur skemtan. Nú lætr Roðingeirr margreifi bera inn einn hjálm gulli varðan ok settan dýr- 5 ligum steinum, ok gefr Gunnari konungi, ok þessa gjöf þakkar Gunarr konungr vel ok þykkir vera en mesta gersími. Þá tekr Roðingeirr margreifi einn nyjan skjöld ok gefr Gernoz. Þá gefr margreifinn sína dóttur Gisler, ok mælr: Góði herra Gisler: þessa mey vil ek þér gefa 10 til eiginkonu, ef þú vilt þiggja. Gisler svarar ok biðr hann gefa allra manna heilastan, ok léz vilja þiggja með þökk. Ok enn mælti Roðingeirr margreifi: Sé hér jung- herra Gisler, eitt sverð er ek vil gefa þér, þat heitir Gramr; þat hefir átt Sigurðr sveinn, þat hygg ek at vera 15 skal allra vápna bezt er í yðarri för sé. Ok enn þakkar Gisler þessa gjöf ok biðr hann hafa fyrir góðs laun alla sína sæmd, er hann hefir gert hánunum í þeirri för. Nú mælti Roðingeirr margreifi til Högna, hvern grip máttu þann sjá hér með mér, er þú vilt helst þegit hafa? Þá svarar 20 Högni: Mér litz, svá segir hann, sem hér man hanga eina skjöldr, sá er dökkblár at lit, hann er mikill ok sterkr ventir mik at vera muni, hann hefir stór högg, hann vil ek þiggja at gjöf. Þá svarar Roðingeirr, margreifi: Þat kemr vel við, fyrir þá sök at þann skjöld bar góðr drengr, 25 hertogi Nauðung, ok hann fékk stór högg undir Mimungs eggjum af enum sterka Viðga, áðr hann félli. Ok er þetta heyrir frú Gudelinda, grætr hon sárliga sinn bróður Nauðung. Ok þessi skjöldr var nú gefinn Högna. Þeir þakka Roðingeir margreifa forkunnar vel sínar gjafir ok velgern- 30 ing. Þá er þeir eru mettir, láta þeir taka sína hesta ok búa sjálfa sik, ok með þeim Roðingeirr margreifi ok með hánunum enir vöskustu riddarar ok riða út af borginni; er þeir váru at því búnir, þá bað frú Gudelinda þá fara vel

ok heila, ok koma svá aptr með sæmd ok virðing. Ok margreifinn kyssir sína frú Gudelinda áðr hann riði brott ok biðr hana vel stýra sínu ríki þar til er þau finnaz.

371. Nú er ekki af at seggja þeirra ferð annat en 5 þeir riða hvern dag eptir annan. Ok þann dag er þeir riða til Susam er vát veðr ok mikill vindr, ok allir Niflungar eru nú vátir ok þeirra klæði. Ok er þeir koma fram hjá borg einnihverri er heitir Þorta, riðr í mót þeim einn maðr, hann er sendimaðr Attila konungs ok skal fara 10 í Bakalar at bjóða Roðingeir margreifa til veizlu, en hann riðr fyrir liðinu með sína menn. Ok er þeir finnaz, spyrr margreifinn: Hver eru tíðindi í Susa? Þessi maðr svarar: Þat er nú í Susa tíðast, at Niflungar eru komnir í Húna-land, ok Attila konungr býr nú þeim veizlu, en ek var 15 sendr í móti þér at bjóða þér til veizlunnar. En nú man ek aptr hverfa með yðr, fyrir því at nú hefi ek fengit mitt erindi. Snýr hann aptr nú með þeim ok riðr með Roðingeir margreifa. Þá mælti Roðingeirr margreifi við sendimann: Hversu mikit boð ætlar Attila konungr at gera eða 20 hversu mörgum mönnum til bjóða. Þá svarar sendimaðr. Mér lítz svá sem eigi muni hér vera fáir í yðarri fôr, en Attila konungr hefir boðit mörgum mönnum til veizlu. En dróttning Grimhildr hefir stefnt hálfu fleirum átinum vinum, ok hon safnar mönnum um ált ríki sitt, þeim er henni 25 vilja lið veita, ok er svá mikit til esnat þessarrar veizlu, sem hér skyli vera allmikit fjölmenni, ok þó muni hon lengi standa. Roðingeirr biðr þenna mann riða fyrir til borgarinnar, ok segja at nú eru Niflungar komnir fyrir borg hans ok Roðingeirr margreifi. Nú sendir konungr 30 um alla þessa borg, at hvert hús er búit, sum með tjöldum, en í sumum skal gera elda, ok er nú mikill fyribóaðr í borg Susa. Nú mælti Attila konungr til Piðreks konungs ok biðr hann, at hann skal út riða í gegn þeim. Ok nú gerir hann svá ok riðr út með sína menn, ok er

þeir finnaz, fagna hvarir öðrum vel ok riða allir saman til borgar.

372. Dróttning Grimhildr stendr í einum turn ok sér
fyr bræðra sinna, ok þat at þeir riða nú í borgina Susa.
Nú sér hon þar margan nýjan skjöld ok fagran hjálm ok 5
marga hvíta brynju ok margan dýrligan dreng. Nú mælti
Grimhildr: Nú er þetta hit grœna sumar fagrt; nú fara
mínir bræðr með margan nýjan skjöld ok marga hvíta
brynju ok nú minnumk ok hversu mik harmar in stóru
sár Sigurðar sveins. Nú grætr hon allsárliga Sigurð svein, 10
ok gekk í móti þeim Niflungum ok bað þá vera vel
komna, ok kyssir þann er henni var næstr, ok hvern at
öðrum. Nú er þessi borg nálíga full af mönnum ok hest-
um, ok þá eru ok fyrir í Susa mörg hundruð manna ok
svá hesta, svá at eigi fær tölu á komit. 15

373. Attila konungr tekr vel við sínum mágum, ok er
þeim fylkt í hallirnar þær sem búnar eru, ok görir fyrir
þeim eldar. En Niflungar fara ekki af sínum brynjum,
ok ekki láta þeir sín vöpn at sinni. Nú kemr Grimhildr
inn í höllina, þar er fyrir vöru hennar bræðr við eld ok 20
þurka sik. Hon sér hversu þeir lypta upp sínum kyrtlum
ok þar undir eru hvítar brynjur. Nú sér Högni sína
systur Grimhildi ok tekr þegar sinn hjálm ok setr á höfuð
sér ok spennir fast ok slíkt it sama Folker. Þá mælti
Grimhildr: Högni sitt heill! hvárt hefir þú nú fært mér 25
Niflunga skatt þann er átti Sigurðr sveinn? Þá mælti
Högni: Ek fœri þér, ægir hann, mikinn úvin; þar fylgir
minn skjöldr ok minn hjálmr með mínu sverði ok eigi
heifð ok mína brynju. Nú mælti Gunnarr konungr við
Grimhildi: Frú systir, gakk hingat ok sit hér. Nú gengr 30
Grimhildr at sínum unga bræðr Gisler ok kyssir hann ok
sitir í hjá hánum ok milli ok Gunnars konungs, ok nú
grætr hon sárliga. Ok nú spyrr Gisler: Hvat grætr þú
frú? Hon svarar: Þat kann ek vel þér segja; mik harmar

þat mest nú sem jafnan þau stóru sár er hafði Sigurðr sveinn sér miðil herða, ok ekki vápn var fest á hans skildi. Þá svarar Hogni: Sigurðr svein ok hans sár látum nú vera kyr ok getum eigi. Attila konung af Hünalandi 5 gerum hann nú svá ljúsan sem áðr var þér Sigurðr sveinn; hann er hálfu ríkari. En ekki fær nú atgört at grœða sár Sigurðar sveins; svá verðr þat nú vera sem áðr er orðit. Þá stendr upp Grimhildr ok gengr í brott. Því næst kemr þar Þiðrekr af Bern ok kallar at Niðungar 10 skulu fara til borðs. Ok hánum fylgir son Attila konungs Aldrian. Nú tekr Gunnarr konungr sveininn Aldrian ok berr í faðmi sér út. En Þiðrekr konungr af Bern ok Hogni eru svá góðir vinir, at hvárr þeirra legr hönd sína yfir annan; ok ganga svá út or höllini ok alla leið þar 15 til er þeir koma til konungs hallar. Ok á hverjum turn ok á hverri höll ok á hverjum garði ok á hverjum borgarvegg standa nú kurteisar konur ok allar vilja Högna sjá, svá frægr sem hann er um öll lönd of hreysti ok drengskap. Nú kómu þeir í höll Attila konungs.

20 374. Attila konungr sitr nú í sínu háseti ok setr á hœgra veg sér Gunnarr konung sinn mág ok þar næstr sitr jungherra Gisler, þá Gernoz, þá Hogni, þá Folker þeirra frændi. Á vinstra hlið Attila konungs sitr Þiðrekr konungr af Bern ok Roðingeirr margreifi, þá meistari Hildi- 25 brandr. Þessir allir sitja í háseti með Attila konungi. Ok nú er skipat þessi höll fyrst með hinum tignustum mönnum ok þá hverjum at öðrum. Þeir drekka þat kveld gott vin, ok hér er nú hin dýrligsta veizla ok með alhskonar fóngum er bezt megu vera; ok eru nú 30 kátir. Ok nú er svá mikill fjöldi manna kominn í borgina, at hvert hús er fult nálga í borginni. Ok þessa nátt sofa þeir í góðum friði ok eru nú allkátir ok með góðum umbúnaði.

375. Þá er mornar ok menn standa upp, kemr til

Níflunga Þiðrekr konungr ok Hildibrandr ok margir aðrir riddarar. Nú spyr Þiðrekr konungr: Hversu þeim hafi sofiat þá nátt. Þá svarar Högni ok lætr sér hafa vel sofnat, en þó er mitt skap ekki betra en til meðallags. Nú mælir Þiðrekr konungr: Ver kátr minn góði vin Högni ok glaðr 5 ok með oss vel kominn, ok vara þik hér í Húmalandi, fyrir því at þín systir Grimhildr grætr enn hvern dag Sigurð svein, ok allr muntu þess við þurfa aðr en þú komir heim. Ok nú er Þiðrekr hinn fyrsti maðr er varat hefir Níflunga. Þá er þeir eru búnir, ganga þeir út í 10 garðinn; gengr á aðra hlið Gunnari konungi Þiðrekr konungr, en á aðra meistari Hildibrandr, ok með Högna gengr Folker. Ok nú eru allir Níflungar upp staðnir ok ganga um borgina ok skemta sér. Ok nú stendr Attila konungr upp ok gengr út í svalirnar, ok sér til hvar ganga Níflungar. Ok margr maðr gengr nú at sjá skrautliga ferð þeirra, ok er þó öllum tíðast at spyrja hvar Högni ferr; svá er hann frægr. Nú sér Attila konungr hvar Högni ferr ok Folker, ok eigi er þeirra búnaðr verri en Gunnars konungs; ok eigi kennir Attila konungr til viss, hvar Högni 20 ferr eða Folker, fyrir því at eigi má hann sjá þá svá gerla, þvíat þeir hafa sða hjálma ok spyr hverir þar gatiga með Gunnari konungi ok Þiðreki konungi. Þá svarar hertogi Blodlen: Þat ventir mik at þar man vera Högni ok Folker. Þá svarar konungr: Vel mætta ok kenna 25 Högna fyrir því at hann var með mér um hríð ok ek dubbaða hann til riddara ok Erka dróttning, ok víst var hann þá várr vin góðr. Nú gengr Högni ok Folker um borgina, heldr hvárr þeirra sinni hendi um herðar öðrum, ok sjá þeir þar margar kurteisar konur. Ok nú taka þeir 30 ofan sína hjálma ok láta sjá sik. En Högni er at þessu auðkendr: hann er mjór um miðjan ok breiðr um herðar, langt andlit hefir hapn ok bleikt sem aska, ok eitt auga ok allenart, ok eigi er hann at síðr allra manna drengi-

ligastr. Nú standa Niflungar með sitt lið út við borgarvegginn ok sjá staðinn ok skemta sér. En Þiðrekr af Bern gengr nú heim í sinn garð sem hann á erindi til. Attila konungr sér nú hversu mikit fjölmenni er hér saman komit ok ekki fær hann skipat þessu öllu fólki í eitra höll. En nú er gott veðr ok fagrt sem hann lætr búa veizluna í einum apaldragarði.

376. Í þessu bili gengr dróttning Grimhildr í höll Þiðreks af Bern ok til einmællis við hann. Hann fagnar henni vel ok spyr hvat hon viti. Hon segir grátandi ok veinandi: Góði vin Þiðrekr, nú em ek kominn at sækja þín heil ráð. Nú vil ek þik biðja, góði herra, at þú veitir mér lið, at ek hefna míns hins mesta harma, þar er drepinn var Sigurðr sveinn. Ek vil nú þess hefna á Högna ok Gunnari ok öðrum þeirra bræðrum. Nú viltu svá, góði herra, þá vil ek gefa þér svá mikit gull ok silfr sem sjálf viltu, ok hér með vil ek þér lið veita, er þú vilt riða um Rín ok viltu hefna þín. Þá svarar Þiðrekr konungr: Frú, þat má ek gera rétt eigi ok hvern er þat gerir þá skal þat vera gört utan mitt ráð ok utan minn vilja, fyrir því at þeir eru mínir hinir bestu vinir, ok heldr skylda ek veita þeim gagn en úgagn. Nú gengr hon braut grátandi ok í þá höll er í var Blodlen hertogi. Hon mælti enn: Herra Blodlen, viltu veita mér lið at hefna míns harma? Nú minnir mik sárlega, hversu Niflungar bjoggu við Sigurð svein; þess vilda ek nú hefna þeim, ef þú vildir mér lið veita. Ok ef þú vilt svá gera, þá man ek þér gefa mikit ríki ok þat sem þú beiðiz. Þá svarar Blodlen: Frú, er ek geri þetta, þá man ek hafa fyrir mikla úvináttu Attila konungs, hann er þeirra svá mikill vin. Þá gengr dróttning þaðan á brott, ok nú gengr hon til Attila konungs ok mælti enn við hann sem fyrr: Herra Attila konungr, hvar er þat gull eða hvar er þat silfr, er mínir bræðr hafa fært þér? Attila konungr

segir at þeir hafa ekki fært hánnum gull né silfr, en þó vill hann þeim vel fagna, er þeir hafa hann heima sótt. Þá mælti dróttning: Herra, hvern skal hefna minnar sviðringar ef þú vilt eigi? Nú er mér þat enn hinn mesti harmr, hversu myrðr var Sigurðr sveinn. Ger nú svá vel, herra, hefn mín! ok þá máttu fá Niflunga skatt ok alt Niflungaland. Þá mælti konungr: Frú, hætt ok mæl eigi þetta optar. Hví munda ek svikja mína mága, er þeir hafa gengit á mína trú, ok eigi skaltu þat gera né eian maðr at misbjóða þeim. Nú gengr hon á braut, ok þykkir henni nú allra verst.

377. Nú gengr Attila konungr út í apaldrsgarðinn þar sem veizlan skal vera, ok kallar til sín boðsmenn, ok þangat drífa nú allir. Nú mælti dróttning til Niflunga: Þér skulut nú selja mér til varðveizlu vápn yðar; hér skal nú engi maðr með vápnöm ganga, þér megut nú vel sjá, at svá gera Húnir. Nú svarar Högni: Þú ert ein dróttning, hvað skaltu taka vápn manna? ok þat kændi mér minn faðir, þá er ek var ungr, at aldri skylda ek leggja mín vápn á konu trú, ok meðan ek em í Húna-landi, þá létz ek aldri mín vápn. Nú setr Högni upp sinn hjálm ok bindr nú allra fastast. Ok nú finna þetta allir, at Högni er nú mjök reiðr ok illu skapi, ok vita eigi hverju gegnir. Þá svarar Gernoz: Högni varð aldri í góðu skapi síðan er hann kom í þessa ferð, ok þenna 25 dag kann vera at hann sýni sinn drengskap ok vitrleik. Ok nú grunar Gernoz at vera manni svik, ok svá at Högni man fyrr vitat hafa, hversu takaz man Niflungum þessi ferð, ok setr nú upp hjálm sinn ok spennir fast, ok ganga við svá búit í grasgarðinn. Nú skill Attila konungr at Högni lætr reiðuliga ok hann spennir fast sínum hjálmi, ok spyrr Þíðrek af Bern: Hverir setja upp þar sína hjálma ok láta reiðuliga? Þá svarar Þíðrekr: Svá sýniz mér sem þar muni vera Högni ok hans bróðir Gernoz, ok eru

báðir góðir drengir á úkunnu landi; ok þetta gera þeir við minn móð. Ok enn mælti Þiðrekr konungr: Vist eru þeir góðir drengir ok meiri ván herra! at þenna dag megir þú þat vel sjá, ef svá ferr sem mér væri ván. Nú
 5 stendr Attila konungr upp ok gengr í mót þeim Gunnari konungi ok Gisler ok tók sinni hægri hendi í hönd Gunnari konungi ok vinstri hendi tók hann í hönd jungherra Gisler ok kallar Högna ok Gernoz, ok Attila konungr setr þessa alla í vegligt sæti á hægri hlið sér hvern frá öðrum
 10 svá som fyrr var sagt. Mikill eldr var görr í garðinum ok alt umhverfis þann eld er sett borð, ok þar sætin með. Ok nú eru allir Niðlungar komnir inn í garð með sinum hjálmum ok hvítum brynjum ok skörpum sverðum, en þeirra skildir ok þeirra glæhel eru seld til varðveizlu, ok
 15 þar hafa þeir til sett sína sveina, ok XX sveina hafa þeir til sett fyrir gæzlu liðs, at þera þeim njósni ef svik eða úfriðr kunni hefjaz, ok þessu hefir ráðit Högni ok Gernoz. Folker sitr hjá fóstura Aldrians sonar Attila konunga. Dróttning Grimhildr lætr setja sinn stól gagnvart Attila
 20 konungi ok þar er hertogi Blodlen.

378. Í þessu bili gengr dróttning Grimhildr til síns riddara er fyrir ræðr öðrum riddurum ok heitir Irungr, ok mælti við hann: Góði vin Irungr, viltu hefna minnar svivirðingar? nú vill eigi hefna Attila konungr ok eigi
 25 Þiðrekr konungr ok engir mínir vinir. Þá svarar Irungr: Hvers viltu hefna láta, frú, eða fyrir hví grastr þú svá sárliga? Þá svarar dróttning: Nú kemr mér mest í hug, hversu Sigurðr sveinn var myrðr, hans vilda ek nú hefna, ef nokkurr vill nú mér til daga. Þá tók hon hans gull-
 30 búinn skjöld ok mælti: Góði vin Irungr, viltu hefna minnar svivirðingar? ek fæ þér þenna skjöld fullan af rauðu gulli, sem mest fær þú fyllt; ok hér með alla mína vináttu. Þá mælti Irungr: Frú, þat er mikit fé, en þó er enn meira vert at fá þína vináttu. Ok stendr upp skjótt ok vápnar

sik ok kallar sína riddara til sín ok biðr þá vápnaz, ok hefir nú C riddara. Nú setr hann upp sitt merki. Ok nú mælir dróttning, at hann skal fara fyrst ok drepa þeirra sveina ok láta engan þann komaz í garð er áðr er fyrir utan af Níflungum, ok engan þann út komaz með lífi er áðr er fyrir innan.

379. Ok nú gengr dróttning skyndiliga í garðinn, þar er veizlan var, ok setz í sitt háseti, ok nú renn til hennar Aldrian son hennar ok kyssir hana. Ok nú mælti dróttning: Minn ~~gotti son~~, mantu vera líkr þínum frændum ok 10 hefir þú hug til, þá skaltu ganga til Högna, ok þá er hann lýtr fram yfir borðit ok tekr mat af diskinum, reið upp þinn hnefa ok ljóst á hans kinn sem allra harðast máttu. Þá máttu vera góðr drengr, ef þetta þorir þú. Sveinninn rann þegar yfir til Högna, ok þá er Hogni lýtr 15 fram yfir borðit, þá lýstr sveinninn sínum hnefa á hans kinn. En þat högg varð meira en ván væri at af svá ungum manni. Ok nú sinni vinstri hendi tekr Hogni sveinninn með hárinu ok mælti: Þetta hefir þú eigi gört með þínu ráði ok ei með ráði Attila konungs föður þíns, heldr 20 er þetta eggjan þinnar móður, ok þess mantu nú lítt njóta þessu sinni. Ok sinni hægri hendi tekr Hogni um meðalkafila síns sverðs ok dregr or slíðrum ok höggv af höfuð sveinsins, ok kastar höfðinu á brjóst Grimhildi, ok mælti Hogni: Í þessum apaldrsgarði drekkum gott vín, ok þat 25 verðum vér dýrt at kaupa, hina fyrstu skuld lýk ek með þessu Grimhildi systur. Ok enn höggv hann yfir höfuð Folker til föstra sveinsins ok af hans höfuð. Nú er launat dróttningu sem vert er, hversu þú gættir þessa sveins. Nú hleypr Attila konungr upp ok kallar: Standi upp Húnir 30 allir mínir menn ok vápnir sik ok drepí Níflunga. Ok nú hleypr upp hverr maðr er í var garðinum, ok Níflungar bregða nú sverðum sínum. At ráðum Grimhildar váru breiddar fyr utan garðsliðit nautahúðir ráblautar, ok þá er

Níflungar hlæpa út af garðinum, falla þeir á höfðunum, ok þar fór margr maðr svá at hann fékk báha. En Irungr stendr þar með sína menn ok drepr þar margan góðan dreng. Ok nú drepa Níflungar í garðinum margan mann ok lá nú valrinn mörgum hundruðum í garðinum.

380. Nú þá er Níflungar sinna at þeir láta sína menn þá er út koma af garðinum, endaz þeir aptr ok gera enn á bríð annat sinni ok berjaz við Húna í garðinum, ok eigi létta þeir áðr en þeir hafa drepit hvert manubarn af Húnum, þat er eigi kom á flóttu undan. Attila konungr stendr nú yfir einum kastala ok eggjar þaðan allá sína menn til atgöngu við sína mága Níflunga. En Þiðrekr konungr af Bern gengr heim í sinn garð með alla sína menn, ok þykkir stórilla er svá margir hans góðir vinir skulu ganga í tvá staði ok berjaz. En dróttning Grimhildr gerir þat allan þann dag, tekr brýnjur ok hjálma ok skjolda ok sverð er Attila konungr á ok vǫpnar með þá menn er berjaz vilja, ok stundum gengr hon út í borgina ok eggjar menn atgöngu, ok kallar at hverr maðr er þiggja vill gull ok silfr ok góða gripi af henni, soeki at Níflungum ok drepí þá. Þetta er hennar athöfð allan þenna dag.

381. Nú verðr snórp orrosta þenna dag, er Húnir soekja garðinn, en Níflungar verja, ok heitir Holmgarðr er orrostan stendr í ok svá heitir hana enn í dag Níflunga Holmgarðr. Hér verðr mikít mannfall hvárttveggja af Húnum ok Níflungum, ok þá falla Húnir hálfu fleiri, ok svá drífr þó til mannfólk af heruðum ok öðrum borgum, ok nú hafa Húnir hálfu meira lið en fyrst er til var tekit. Nú mælti Hógni til Gunnars síns bróður: Mér lítz svá sem 30 Húnir ok Amlungar muni margir fallnir vera, en svá marga húnaka menn sem vér höfum drepit, þá drífa þó til hálfu fleiri af heraði, ok er þó sem vér gerim ekki, en höfðingjar Húna koma þó hvergi nær, ok berjumz vér nálíga við þræka þeirra. Nú er mér þat himn mesti harmr er eigi

komum vér út af þessum garði ok mættim vér þá sjálfir kjósa við hverja menn vér skyldim berjaz. En gerla megum vér sjá hversu þessi leikr man fara, ef svá búið skal standa. Níflungar munu falla, þótt heldr þoli þeir spjót ok skot Húna en sverð þeirra, en ekki afrek megum vér vinna, ef eigi megum vér njóta várra höggvápna við Húna. Ok nú vil ek, segir hann, at vér leitum út af garðinum drengiliga. En steinveggr var gerr um þenna garð limdr sem borgarveggr, ok sami steinveggr er enn um hann í dag. Nú hlampa þeir Högni í vestanverðan garðinn, þar var steinveggrinn helzt stökkinn; nú brjóta Níflungar vegginn allsterkliga, ok eigi léttu þeir áðr hlið er á garðinum. Ok nú hleypr Högni þegar út um hliðit, ok þar fyrir utan er stræti breitt ok hallir á tvær hendr ok ekki er rúmt, Gernoz ok Gisler fylgja hánum ok margir Níflungar, ok sökja fram á milli húsanna. Þá kom á móti þeim Blodlenjarl með sína sveit, ok verðr þá nú þeirra í milli snörp orrosta.

382. Nú láta Húnar við kveða sína lúðra, ok kalla at Níflungar eru út komnir or garðinum, ok þar til drífa nú allir Húnar, ok nú er hertogi Blodlen kominn í orrostu við Níflunga. Drífa nú til Húnar þessar orrostu, svá at hvert stræti er fult þar í nánd af Húnum, ok verða nú Níflungar ofrliði bornir ok hrökkva nú aptir í garðinn, en Högni at upp höll einni ok styðr sínu baki við hurð hallarinnar, ok hon var lukt, ok skýtr fyrir sik skildinum ok höggv sinni hendi hvern mann yfir annan, af sumum hendr eða fætr, sumum höfuð, suma sundr í miðju, ok engi sækir sá at hánum at eigi hefir þvilíka kaupferð. Ok svá mikil þröng er þar um, at þeir er drepnir eru, megu trauðla falla til jarðar, ok svá verr hann sik með sínum skildi, at ekki fær hann sár. Ok á vinstrihlið Níflungum stendr höll Þiðreks konungs ok þar stendr hann sjálf uppi á vígskorðum með alt alvápnat sitt lið. Nú spýrr

Gernoz ok Gisler ok Folker af strætinu ok undir höllina ok snúa þar við sínu baki ok verja sik alldrengiliga ok drepa þar margan mann, ok Húnar sækja nú at þeim allfæst. Nú mælti Gernoz til Piðreks konungs: Herra Piðrekr,
 5 betr mættir þú nú ganga til með þína menn ok veita oss ok láta eigi svá marga menn berjaz við einn mann. Nú svarar Piðrekr konungr: Góði vin Gernoz, mér er þat hinn mesti harmr, er þessum stormi var lypt; hér læt ek nú marga góða vini ok fæ ek ekki atgört, ek vil eigi
 10 berjaz við Húna menn Attila konungs míns herra, ok ekki mein vil ek gera Niflungum at svá þúnu.

383. Gunnarr konungr veit nú at Högni, Gernoz ok Gisler hans bræðr eru út farnir af garðinum, ok þat með at hánú er komit ofressi liðs ok berzt við hann, ok allir
 15 hafa nú frá hánú flýit ok aptr í garðinn. Gunnarr konungr hefir staðit ok varit hliðit hit eystra, þat er fyrir stóð Irungr ok hans menn. Þá er Gunnarr konungr heyrir at Högni mun þurfa liðveizlu, þá strýkr hann vestr í garðinn til þess hliðs er Niflungar hafa á brotit, ok gengr
 20 út við sína menn allvaskliga. Ok þegar fyrir utan garðinn standa Húnar alvápnaðir, ok verðr þar hin harðasta orrosta. Ok sækir Gunnarr konungr hart fram, ok engi er svá sterkr hans manna at hánú fái fylgt. Nú kemr í gegn Gunnari konungi hertogi Osid frændi Attila konungs,
 25 er allra kappi er mestr, ok berjaz þeir Gunnarr konungr af miklu kappi langa hrið til þess er myrkt var þaf nátt. Ok nú fyrir því at Gunnarr konungr er kominn einnsamt í her Húna ok hann átti við at eiga hinn mesta kappi,
 30 verðr hann ofrliði borinn ok handtekinn ok lætr sína vápn ok her eptir bundinn. En er Húnar hafa fengit þenna sigr, varð heróp mikit, ok þá kallar Attila ok dróttning at þeim skal færa Gunnar konung ok drepa eigi. Osid færir Gunnar konung fyrir kné Attila konungi; er hánú kastat í ormgarð eptir rátt

dróttningar, ok þar lætr hann sitt líf ok sá turn standa
i miðri Susa.

— 384. Nú heyrir Högni ok Gernoz hvat Húnar kalla, at þeir hafa tekit Gunnar konung. Verðr Högni nú svá öðr, at hann bleypr frá hurðunni ok fram á strætít ok höggr 5 á báðar hendr, ok má nú ekki við hann festaz. Ok þetta sér Gernoz, snýr í mót hánum á strætít ok höggr Húna á báðar hendr, ok hans sverð nam stað hvergi fyrr en í jörðunni. Ok hánum fylgir jungherra Gisler alldrengiliga ok drepr margan mann með sínu sverði Gram. Ok svá 10 mikít gera þeir af sér, at ekki stendr fyrir þeim ok allir Húnar flýja, en sumir váru drepnir. Ok nú koma Níflungar út á strætít af garðinum ok æpa mikít heróp, ok kalla at Húnar eru illir hundar, renni nú er Níflungar vilja nú hefna sín. Ok nú hlaupa þeir alt um borgina ok 15 drepa menn hvar sem þeir koma, ok er nú allmyrkt af nátt. Ok Húnar fara nú ok berjaz við þá flokkum. Attila konungr ferr nú upp í sínar hallir ok (lætr) lúka aptr garðinn ok verja, svá at Níflungar fá þar ekki atgört. Margreifi Röðingeirr gengr upp í höll Þiðreks konungs ok 20 dvelz þar um stund með hánum. Hertogi Blodlen ferr í eina höll við sína menn ok Irungr við sína menn. Á þessarri nátt drífr fjöldi manna í borgina. Nú er ok myrkt.

385. Högni lætr nú við kveða sín basón, ok stefnir 25 til sín öllum Níflungum, en Högni er nú kominn við borgarvegginn. Nú koma til hans allir Níflungar; þá mælti Högni við Gernoz: Hversu margan mann höfum vér látit með Gunnari konungi. Gernoz svarar at þetta er vel mækt, vér skulum nú kanna vára menn. Til hægri bandar 30 frá Högna skal standa Gisler við sitt merki, en mínir menn, sagði Gernoz, til vinstri handa Högna, ok út ífrá mér þeir menn er fylgt hafa þessum merkjum er eptir eru, ok út ífrá Gisler skulu vera þeir menn er fylgðu merkjum

Gunnars konungs, ok með þeim Folker. Ok svá skipa Niflungar sínu liði. Nú telja þeir hve marga menn þeir hafa látit, ok hafa látit CCC manna, en VII hundrað eru eptir. Ok þá mælti Högni, at enn hafa þeir mikit lið, ok Húnar 5 skulu enn láta marga menn aðr Niflungar lúti allir, ok þessu játa allir. Nú mælti Högni: Væri nú dagr ok mættim vér sjá at berjaz svá sem nú er nátt, þá mundum vér fá nú sigr; nú hefir Attila konungr litlu fleira lið en vér höfum. En ef vér skulum hér biða þess er dagar, þá 10 man drífa til borgar lið af heruðum, ok munum vér þá eiga við svá mikit lið, at oss man vera ofresli, ok eigi veit ek hvárt vér munum nökkut frægðarverk vinna aðr vér látim vart líf. Ok mikill harmr, er vér fám oss eigi eld, þá myndim vér enn mega berjaz. Ok nú snýr Högni 15 brott með fá menn, ok þar nær var eitt steikarabús, ok þá fá þeir sér eld, ok kasta þegar þeim eldi í húsit ok brenna upp, ok nú gerir ljóst um alla borgina.

386. Þá setja Niflungar upp sín merki ok ganga um borgina með kalli ok lúðra þýtt, ok eggja Húna at sækja 20 at sér, er þeir koma fyrir hallirnar. En Húnar standa á vígskörðum uppi ok skjóta á þá ok hvárir á aðra, ok vilja Húnar eigi berjaz fyrir dagan, ok þó drepa Niflungar mart manna á þeirri nátt. Ok nú dagar; þá hlaupa Húnar upp á borgina ok ganga inn þeir er sótt hafa af heruðum, 25 ok hafa þar allmikinn her. Nú setja upp hváirtveggju sín merki ok blása ölkum sínum lúðrum hvárir, ok þar næst verðr hin snarpasta orrosta ok löng, ok sækja Húnar nú alldrengiliga fram. Eggjar nú hvern annan ok Grimhildr dróttning eggjar nú hvern mann at drepa skal af 30 Niflungum slíkt alt sem má, ok býðr þar til gull ok silfr. Þenna dag eru þeir hertogi Blodlen ok Irungr í bardaga, ok nú er Attila konungr hvergi nær. Gernoz lætr bera sitt merki í mót Blodlen, ok gangaz þær tvennar fylkingar at móti með miklu kappi. Nú gengr Gernoz fram frá

öllum sínum mönnum ok höggr á tvær hliðar sér ok drepr nú margan mann. Ok nú kemr í gegn hánnum hertogi Blodlen, ok hefja þeir þar sitt einvígi með stórum höggum ok sækja langa hrið allhrestimannliga, ok Gernoz skilz svá þaðan, at hann hefir af höggvit höfuð Blodlen jarls. 5 Ok nú gera Níflungar mikit af sér, ok er nú fallinn einn höfðingi Húna. ~~Ok þá heyrir Roðingeirr margreifi ok verðr reiðr mjök, at fallinn er Blodlen hertogi, ok kallar á sína menn, at nú skulu þeir berjaz ok drepa Níflunga, ok lætr hann bera merki sitt fram í orrostu allhrestimannliga, ok 10 fyrir hánnum falla Níflungar, ok nú hefir hann barizt langa hrið.~~

387. Nú gengr Högni einnsaman fram í miðjan her Húna, ok hæggr annarri sinni hendi hvartveggja til hægri handar ok vinstri handar ok fyrir sik fram Húna, svá 15 langt sem sverð hans tekr, ok mikit vegr hann ok með sínu spjóti, ok allar hendr hefir hann nú blóðgar upp til axlar, ok öll er hans brynja sem dreyri. Ok svá lengi hefir hann nú barzt ok svá langt er hann nú kominn í her Húna, at nálíga er hann nú móðr, ok eigi veit hann 20 nú hvárt hann fær aptr komizt til sinna manna, ok snýr at einni höll ok brýtr upp höllina ok gengr inn ok snýz aptr at durunum ok nemr þá staðar ok hvilir sik. Roðingeirr margreifi gengr nú hart fram á hendr Níflungum ok verðr þar nú mikil orrosta. Nú sækja Húnar at höll- 25 ini þar sem Högni er inni, ok hann verr dyrrinar ok drepr margan mann. Nú sér Grimhildr þetta hvar Högni er, ok svá at hann drepr margan mann; hon kallar hátt á Húna, ok biðr at þeir skulu slá eldi í höllina, þvíat af tré var gjört hraf hallarinnar. Ok svá er gört. Þá kallar 30 Grimhildr sinn kæra vin Irung. Góði Irung, sagði hon, nú máttu sækja at Högna þar sem hann er í einu húsi, fá mér nú hans höfuð, en ek man fylla þinn skjöld af rauðu gulli. Nú snýr Irungr til hallarinnar hvatliga sem

dróttning bað, ok nú er reykr orðinn í höllinni þar sem Högni er inni. Irungr hleypr inn í höllina alldjarnliga ok þá er hann kom inn, höggr hann til Högna alldjarnliga með sínu sverði á hans lær, svá at í sundr nemr brynjuna ok svá mikit af læri sem it mesta stykki þat er til ketils er brytjat. Þá hleypr hann þegar út or höllinni. Nú sér Grimhildr at Högni blæðir ok gengr til Irungs ok mælti: Heyr minn ljúfi Irungr allra drengja beztr, nú veittir þú Högna sár, en annat sinni mantu drepa hann. Hon tók 10 II gullbringa ok spenti öðrum um hans hjálmaband hinum hœgra megin en öðrum hinum vinstra megin ok mælti: Irungr góði drengr, fær mér nú höfuð Högna, þú skalt hafa svá mikit gull ok silfr sem þú vilt mest fylla þinn skjöld, ok vel annat jafnmikit. Ok nú hleypr Irungr annat 15 sinni í höllina at Högna, ok nú varaz Högni við ok snýr í gegn hánun ok leggir sínu spjóti undir hans skjöld í hans brjóst, svá at sundr tekr brynjuna ok húkinn svá at um herðarnar kom út. Ok þá lætr Irungr sigaz við steinvegginn ok þessi steinveggr heitir Irungs vegg enn í 20 dag. Ok spjótit Högna nemr staðar í steinvegginum. Þá mælti Högni: Hefða ek svá goldit Grimhildi sína ilzku sem nú galt ek Irungi mitt sár, þá hafða ek látit drengiliga syngja mitt sverð í Húnalandi.

388. Í þessu bili eru nú mikil tíðindi. Röðingeirr 25 margreifi sækir nú hart fram ok drepr Niflunga, ok hánun í mót kemr jungherra Gisler, ok nú neyta þeir sinna vápna. Ok sverð Gisler Gramr beit nú svá vel, at þá er hann höggr skjöld ok brynju ok hjálma, sneið sem klæði. Ok þar fellr Röðingeirr margreifi fyrir Gisler dauðr til 30 jarðar með stórum sárum, ok þetta alt þá hann með því sama sverði er fyrir gaf hann Gisler at vingjöf. Nú sækir hart fram Gernoz ok Gisler, ok sækja inn í höllina Attila konungs ok drepa þar margan mann. En Folker hann sækir nú fast fram ok drengiliga at höllinni er Högni er

inni, ok svá höggr hann nú hvern mann yfir annan, at aldri stígr hann á þera jörð, heldr búk af bók. Ok nú sér Högni hvar ferr einn Niflungsmáðr ok fellir Húna, ok vill veita hánun lið. Nú spyrr Högni: Hverr er sá maðr er til mín sækir svá drengiliga? Þá svarar hann: Ek er 5 Folker þinn félagi, sé gótuna nú ek hefi hér höggvit. Þá svarar Högni: Haf mikla guðs þökk fyrir hversu þú lézt syngja þitt sverð í hjálmum Húna.

389. Nú sér Piðrekr konungr at Roðingeirr margreiði er dauðr; þá kallar hann hátt: Nú er dauðr minn beztu 10 vin Roðingeirr margreiði, nú má ek eigi lengr vera kyrr. Taki allir mínir menn sín vápn ok verð ek nú berjaz við Niflunga. Nú gengr Piðrekr ofan á strætut, ok svá er sagt í þyðeskum kvæðum, at þar var blauðum manni eigi vært er saman kómu í víg Piðrekr ok Niflungar, ok svá 15 víða beyrir um borgina hversu Ekkisax syngir í hjálmum Niflunga. Ok nú er Piðrekr allreiðr, en Niflungar verja sik vel ok drengiliga ok fella mjök Amlunga menn Piðreks konungs, ok Niflungar falla nú mjök í þessi orroastu. Nú sækir Piðrekr svá hart fram með sína menn, at góði 20 drengir Högni af Troia ferr nú undan með sitt hvassa sverð, ok sækir til þeirra Gernoz ok Gisler í höllina, ok Piðrekr konungr sækir nú eptir þeim ok meistari Hildibrandr, ok nú er inni í höllinni Högni ok Gernoz ok Gisler ok Folker. Nú gengr Piðrekr konungr inn í höllina 25 alldjarfliga, ok fyrir hánun stendr Folker í durunum ok verr hánun, ok fyrsta högg höggr Piðrekr konungr með sínu sverði á hans hjálm, svá at höfuðit fýkr af. Ok þá kemr Högni í mót hánun, ok hefja þeir þar sitt einvigi. Ok meistari Hildibrandr sækir at Gernoz, ok verðr þar 30 mikill stormr, ok nú höggr Hildibrandr Gernoz með hinum mikla Lagúlf, ok þar af fær Gernoz banasár, ok fellr nú dauðr til jarðar. Ok nú standa ei fleiri upp í þessi höll þeir er vápnfærir eru en þessir fjórir,

Þiðrekr ok Högni með sitt víg, Hildibrandr ok Gisler í öðrum stað.

390. Ok nú kemr Attila konungr af sínum turn ok til þar er þeir berjaz. Þá mælti Högni: Þat er drengs verk, Attila konungr, at þér gefit grið þessum sveini Gisler; hann er saklauss af drápi Sigurðar sveins, ok ek einnsaman veittak hánum banasár; látit ér Gisler þess ei gjalda, hann má verða góðr drengr, ef hann má halda sínu lífi. Þá mælti Gisler: Ei mæli ek því þetta, at eigi þori ek at verja mik, þat veit mín systir Grimhildr at þá er drepinn var Sigurðr sveinn, þá var ek V vetra gamall, ok lá ek í rekkju minnar móður með henni, ok saklauss em ek þess vigs. En ekki hirði ek at lifa einn eptir mína bræðr. Ok nú sækir Gisler at Hildibrandi meistara ok höggr hvert högg at öðru. En þeirra einvígi ferr sem ván var at, at meistari Hildibrandr veitir Gisler banasár, ok fellr hann nú.

391. Nú mælti Högni til Þiðreks konungs: Nú lítz mér svá sem hér man skilja okkart vinfengi, svá mikit sem verit hefir ok nú vil ek sækja svá fast eptir mínu lífi, at annathvart verðr nú at vera, at ek læt nú mitt líf eða ek vinn þitt líf. Vinnum þetta einvígi með drengskap ok færi nú hvárgi öðrum í brizgli sína ætt. En svarar Þiðrekr konungr: Engi mann bið ek mér liðveizlu í þessu einvígi ok þat vil ek víst vinna með list ok drengskap. 25 Þeir berjaz lengi ok sterkliga, ok varla kann nú at sjá hvárr þeirra man nú betr hafa, ok svá lengi stendr þetta víg, at hvárrtveggi er nú móðr ok sárr bæði. Ok nú verðr Þiðrekr konungr svá reiðr ok svá fær hann mikinn móð, at þat harmar hann, hversu lengi hann skal berjaz við einn mann. Þá mælti hann: Þetta er víst mikil skömm er ek stendr hér allan dag ok fyrir mér skal standa ok berjaz einn álfis son. Nú svarar Högni: Hvat má verra ván fyrir álfis son en gjöfulsins sjálfs? Ok nú verðr Þiðrekr

konungr svá reiðr, at eldr flýgr af hans munni, ok þar af verðr svá heit brynja Högna, at hann brennr af, ok hon hlífir hánú ekki, heldr brennir hon hann. Ok nú mælti Högni: Nú vil ek gjarna sætaz ok gefa upp mín vápn, nú brenn ek af mínum brynjuhringum. Væra ek sa fiskr sem 5 nú em ek maðr, þá em ek svá steiktr, at sumt mitt hold væri nú ætt. Nú tekr Piðrekr konungr við hánú ok hnykkir af hánú brynjunni.

392. Ok nú gengr Grimhildr ok tekr einn mikinn brand, þar er húsit hafði brunnit, ok gengr at Gernoz 10 sínum bróður, ok stingr brandinum loganda í munn hánú, ok vill víta hvárt hann er dauðr eða lifandi. En Gernoz er at visu dauðr. Ok nú gengr hon at Gisler ok stingr eldibrandinum í munn hánú. Hann var eigi áðr dauðr, ok af þessu deyr Gisler. Nú sér Piðrekr konungr 15 af Bern hvat Grimhildr gerir ok mælti til Attila konungs: Sé hversu djöfullinn Grimhildr þín kona kveðr bræðr sína góða drengi, ok hversu margr maðr hefir látit sitt líf fyrir hennar sakir, ok hversu mörgum góðum mönnum hon hefir spilt, Húnú ok Amlungum ok Niflungum, ok slíkt 20 sama vildi hon koma þér í hel ok mér, ef þat mætti hon. Þá mælti Attila konungr: Víst er hon djöfull, ok drep þú hana, ok þat væri gott verk, ef þú hefðir þat gjört VII náttum fyrir, þá væri margr dýrligr drengr sá heill er nú er dauðr. Nú hleypr Piðrekr konungr at Grimhildi ok 25 höggv hana í sundr í miðju.

393. Nú gengr Piðrekr konungr til Högna ok spýrr ef hann muni vera gveðandi. Högni segir at hann man lífa nökkura daga, en engi ván er at eigi man hann deyja af þessum sárum. Nú lætr Piðrekr konungr bera Högna 30 heim í sína höll ok binda sár hans. Herað hét frændkona Piðreks konungs, hana fær hann til at binda sár hans. Ok um kveldit mælir Högni við Piðrek konung, at hann fái hánú konu, ok segir at hann vill sofa með um

náttina. Ok svá gerir Þiðrekr. Ok at morgni mælir
 Högni við þessa konu: Nú kann vera þá er héðan liða
 nokkurar stundir, at þú munt eiga son við mér ok skal
 sá sveinn heita Aldrian, ok hér eru luklar er þú skalt
 5 varðveita, ok fá þeim sveini er hann verður róskvinn.
 Þessir luklar ganga at Sigisfróð-kjallara, er í er hirðr
 Niflunga skattr. Ok hér eptir deyr Högni. Ok nú er
 lokit æfi Niflunga ok svá allra hinna ríkustu manna í
 Húnalandi nema Attila konungs ok Þiðreks konungs ok
 10 meistara Hildibranda. Í þessi orrostu hafa fallit þusund
 Niflunga ok fjórar þusundir af Húnum ok Amlungum. Svá
 segja þyðeskir menn, at engi orrosta hefir verit frægi í
fornsögum heldr en þessi. Ok eptir þessa orrostu hefir
 orðit svá mikil auðn í Húnalandi stórmennis, at eigi á
 15 dögum Attila konungs hefir orðit jafngott mannvál í Húnalandi
 sem áðr var en þessi úfriðr hófz. Nú er þat fram komit
 er Erka dróttning spáði Attila konungi, at öllum Húnum
 mundi standa af úgagn, ef hann kvángaðiz í Niflungaland.

394. Hér má nú heyra frásögn þyðeskra manna,
 20 thversu farit hafa þessi tíðindi þeirra nokkurra er fæddir
hafa verit í Susa, þar er þessir atburðir hafa orðit, ok
 margan dag hafa sét staðina enn úbrugðna þá sömu er
 tíðindin urðu, hvar Högni féll eða Irungr var veginn, eða
 ormaturninn er Gunnarr konungr fékk bana, ok garðrinn
 25 er enn kallaðr Niflungagarðr ok stendr nú alt á sömu
 leið sem þá var er Niflungar vátu drepnir, ok hliðin;
 hit forna hliðit hit eystra er fyrst hófz orrostan, ok hit
 vestra hliðit er kallat er Högna-hlið er Niflungar brutu á
 garðinum; þat er enn kallat á sömu leið sem þá var.
 30 Þeir menn hafa oss ok sagt ífrá þessu, er fæddir hafa
verit í Brimum eða Mognstborg, ok engi þeirra vissi dæli á
öðrum, ok sögðu allir á eina leið frá ok er þat mest eptir því
sem segja fornkvæði í þyðeskri tungu, er gjört hafa fróðir
menntu um þau stórtíðindi er í þessu landi hafa orðit.

BARLAAMS SAGA

JOSAPHAT OK HANS FADIR

118. Tveim dögum síðan vitjaði konungrinn til sunar síns. Ok þá er hann (Josaphat) frá at konungrinn var á ferð til hans, þá gekk hann glaðliga út í mót hánnum ok hugði at konungrinn myndi minnaz við hann eptir venju sinni með fðurligu blíðlæti ok kurteisri kveðju. En kon- 5 ungrinn syndi sik í mikilli reiði við sun sinn, ok gekk inn í höll til hásætis ok settiz niðr úglaðr, ok kallaði til sín sun sinn ok hóf upp ræðu sína á þessa leið:

Sunr minn, hver eru þessi tíðindi er mér eru fyrir eyru komin um þitt athæfi, er mér þíkkir minn hugr bæði 10 svíða innan ok utan? Ek venti þess at engi hófðingi eða þessa heima maðr myndi jafnmjök fagna eða jafnglaðr við verða í síns sunar tilkomu sem ek varð í þinni hurðartíð. Engi venti ek ok at sá finnaz er slíkan harm ok hryggleik, 15 sorg eða sótt hafi sjálfkrafi utan nauðsynja af sínum syni fengit, ok hefir þú svá vanvirt í æsku þinni elli mína ok mjök svá brott tekit sýnina frá mér ok næsta rænt líkam minn öllu afi sínu. Sá ótti ok sú hræzla er mér þótti ván at vera, kom mér til handa af þinni tilkomu, ok hefir þú gjört á mér úvinum mínum spott ok hlátr með miklu 20 bernsku-ráði ok úvitrligri kenning af fólkskra manna fortölu ok skiptir svá mínu ráði í brott í þeirra úráð, ok hlittir þeirra fortölu meir en minni fðurligri kenning, þar sem þú fyrirlætr at þjóna fornum guðum fððra varra, ok tekr þann guð at elska er oss er sannliga öllum úkunnigr 25 at öllu ok öllum várum síðum gagnstaðligr. Hví vildir þú, sunr, svá gera, þar sem ek lét-þik upp fðstra, næra ok fæða með allskonar gððri gæzlu ok virðuligri varð-

veizlu? Ek hugða at þú skyldir í minni elli vera styrkr ok stuðill mér ok mínu ríki, ok eptir mína daga vera erfingi allrar minnar sælu ok sæmdar. En þú hefir svá umbúnat mér, at þú hefir synt þik mér sannan úvin ok
 5 andskota, eða myndi þér eigi heldr hœfa at hlýða mínum fœðurligum fortölum en þess hins gamla karls ráðlauss ok rotins hégomligri áeggjan, er þér kendi at skipta þessu hinu sælu-lífi í sorgafult ok starfsamt ok angrsamt meinelætis líf, ok þessi hin elskulig athœfi vár brott kasta ok
 10 ímót taka snarpt ok hart ok herfíligt líf þat sem Jesus Mariu sunr bauð at fylgja? Eigi óttaðist þú þá ógn ok reiði mikla ok máttuga goða várra, at þeir refsí þér grimmliga í sinni reiði, annathvært með eldingum brenni þik eða opni jörðina undir þér at svelgja þik, þeir sem
 15 svá mikit gott hafa gjört oss, at þeir hafa sæmt oss með sælu ok ríkdómi, sæmdum ok auðœfum konungligrar tignar, ok undir vårt vald lagt mörg lönd ok stór ríki með útöluligum þjóðum? Ok umfram þetta alt, þat er mér þótti engi ván í vera, þá heyrðu þeir bœn mína ok létu
 20 þik fœðaz til þessa hins mikla fagnaðar, ef þú kynnir sjálfir í höndum at hafa. En þú hefir þeim hörmuliga hafnat ok fyrirlátit ok tekit í staðinn Krist hinn krossfesta ok fylgt þeirra fortölum, er ek veit eigi með hverjum hégoma ok skröksögum þeir segja aðra veröld eptir þessa,
 25 ok flytja þat lygiliga, at dauðir líkamir skulu annat sinni upp rísa. Með slíkum villum ok mörgum öðrum þvflíkum fyrirkoma þeir mörgum úvitrum mönnum.

Nú minn hinn kæri sunr, fylg fortölum fœður þíns ok kasta á brott þessarri glennu ok gabbi, ok skyndum til at
 30 vér mættim fá hægt ok lægt reiði guða várra. Ofrum þeim ok fórnnum hundrað yxna feitra ok freistum svá at minka ok lægja reiði þeirra, þvíat eigi eru þeir síðr máttugir til miskunsemda en til refsinga. Ok mátt þú hér nálíga taka dæmi af oss, er með engum verðleikum kónum

til þessa ríkis, nema heldr með þeirra miskunsemdar
gjöfum, ok fyrir því þjónum vér þeim þakksamliga ok
þeirra þjónustumönnum gerum vér miklar scemdir. En
þeim er fyrirhlíta at tigna þá ok hafna þeim, þá skulum
vér refsa þeim með ýmsum þínskum ok grimum dauða. 5
Konungurinn lauk svá sinni ræðu ok lastaði alla vega krist-
inna manna trú ok ástundan, en hégomligan átrúnað sinnar
villu lofaði hann sem mest mátti hann.

119. Sem konungs sunr hitt blessaða ungmenni sá at
hánunum myndi eigi lengr hœfa at leyna sinni atferð ok heil- 10
ugum tiltækum nema heldr berliga at birta ok sýna með
skynsamligri sannsögu alt þat sem sannast var um sinn
hag ok athœfi, hann mælti með þessum hætti til föður síns:

Herra minn ok konungr ok faðir minn, hlýðit til
andsvara minna, ek skal mínum sannindum eigi leyna 15
fyrir yðr ok því öllu er sannast er um minn hag, ok birta
fyrir yðr opinberliga. Ek hefi hafnat myrkrum, en ljós
hefi ek ætlat at elska, villu hefi ek ok fyrirhlátit, en rétt-
indum vil ek fylgja. Skurguð ok sjánda vil ek frá mér
skilja, en samþykkja héðan af allan minn vilja undir vald 20
ok forsjá föður ok sonar ok hins helga anda, er skapaði
ok gerði heiminn ok himininn ok alt þat sem yfir er ok
undir af engu fyrirhiggjandi efni. Sá hinn sami guð gerði
manninn af jarðar sauri ok gaf hánunum lifnigan andardrátt,
skipaði hánunum í paradísar sælu. En síðan er hann braut 25
guðs boðorð, þá hafði hann vandliga fyrirgjört sínu máli
við guð ok fengit sik af vangæzlu undir sjándans vald. Þá
vendi eigi guð at heldr sínum miskunnar augum af hánunum
nema heldr var hans hinn mildi góðvili til hinnar sömu
hjálpar at leiða hann aptr til hinnar fyrri scemdar ok 30
hinnar föguru sælu er hann vísaði sér ífrá af sjálfs síns
vangæzlu. Ok lagðiz í þessu lávarðr ok skapari allrar
skepnu, ok tók fyrir várar sakir manndóm á sik ok lét
fœðaz af mey heilagri, ok var í samneyzlu með sínum

- þrælum ok þjónustumönnum, ok þoldi fyrir oss úverð-
 ugum dróttinn ok lávarðr sjálfkrafi dauða á hinum dýra
 krossi, ok leysti með þessum hætti af oss synda fjótur at
 frjálsa oss af hinni fyrstu útlægð, ok leiddi oss öðru sinni
 5 á hinn fyrra veg, er vér sjálfir frá viltumz úsynju eilífum
 fagnaði, ok hóf til sinnar dýrðar vára náttúru ok setti í
 himinsríkis sælu sína sæna ástvini ok hét þeim fyrir
 margfalligum fagnaði, en miklu meiri fagnaðr kom fram
 en þeir kynni sjálfir at kjósa. Hann einn er mikill ok
 10 máttugr, vitugr ok valdugr, ríkr ok ráðugr, konungr allra
 konunga, herra ok dróttinn allra valda, hans veldi ok ríki
 er úmáttiligt at sigra, þvíat hann er umfram allan styrk.
 Hann einn er heilagr er helgast í hvíld ok fagnaði heil-
 agra manna með sínum helga feðr ok með sínum helga
 15 anda. Í hans helga nafni em ek sannliga skirðr, bánum
 jata ek ok hann dýrka ek einn sannan guð í þrímur skila-
 ingum sammáttuligum, úskapaðan ok údauðligan, eilíf-
 ligan ok úmroðiligan, fyrir utan hugleiðing, úhikæmligan
 ok úendiligan ok úumskiptiligan fyrir utan allan enda, upp-
 20 haf allrar elsku, birting ok skilning ok dagsbrún alls ljóss
 ok fagnaðar, skapara allra hluta sýniligra ok úsýniligra.
 Undir hans vilja ok varðveizlu verðr alt at vera, hans
 forsjá hefir at vera yfir öllum hlutum, vald ok vili ok
 varðveizlu ráð, ok ríki hans máttar verða allir hlutir
 25 nauðgir ok lostigir undir búa ok hans boðs at biða. Hann
 er líf allra hluta ok hvers hlutar sem eins staðfesta, satt
 ljós ok skirt ok hjart, sannr sætleikr allrar elsku. Sá er
 til hans girniz ok fýsiz verðr aldrigi saddr, þvíat hann er
 umfram þat alt er maðr má til fýsaz.
 30 Hugleið eigi þetta faðir! at fyrirláta svá gósfugligan ok
 góðan, svá valdugan ok vitran, svá varan ok viðskygman,
 svá mikinn ok máttugan, en elska ok þjóna sjáðanum, er
 þat líkar alt er leiðiligt er, dumbum líkneskjum dauðum
 ok daufum þjónustu at veita, er aldrigi váru vel ok eru

nú verr ok verða enn þeirra verst. Hversu mikit vitleysi er þat faðir, at þjóna slíkum? Nær heyrði nokkurr maðr ráð eða ræðu af þeirra munni? Hverr heyrði enn um aldr þau andsvör er þeir fengu er á þá kölluðu? Nær bar nokkurum manni fyrir augu þeirra einhver vitrlig at- 5 höfn eða vel-farandi? Sá nokkurr yðar sinn guð standa eða niðr setjaz, eða var nokkurr yðar nær staddr þá er sá guð yðar er áðr sat, stóð upp? En með því at ek fann þeirra daua ok dauðleik vitleysi ok fjánda villu, er alla yðr hefir falsat, nú af vitjan þess hins helga manns, 10 þá hafnaða ek þessarri villu, er þér farit með, ok hefi ek fullkomliga heitit sönnum guði at þjóna, ok þat skal ek staðfastliga holda um mína daga, ok undir hans vald vil ek alt mitt ráð fela ok með hans ráði fullgera.

Nú af því at mér féll svá gæfusamliga, at guð með 15 sinni miskunn hefir mik úverðugan frjálsat, ok af svá þungum þrældómi ok þeirri hinni herfiligri hertekju hefir hans mildleikr mik aptr kallat, ok ljós hans bins helga andlits hefir alt mitt hjarta ok athæfi lýst, en þó er eigi sorg öldungis or brjósti mér horfin, þvíat mjök svá þykkj- 20 umst ek hafa tapat hálfri sálu minni ok næsta lífinu, ok gengr þat til, at þú minn faðir ok herra vilt eigi vera hluttakari þessarrar hinar háleitu heilsugjöfar. En af því at ek hugleidda þrályndi þitt faðir, þa reitti þat mik mjök ok hrygði, ok vilda ek eigi reita hug þinn né hrygja. En 25 þó bað ek guð optsamliga af öllu hjarta at hann skyldi gefa þér rétta skynsemd at skilja ok at fullgera með öllum vilja þat sem hán um falli í þokka, ok at hann líti miskunnar augum til þín, þóat þú sér hán um af þínum misverkum mjök fjarri ok gjört þik sjálfkrafa lygimann ok 30 blaupingja, ok alls þess sjálfr valdandi, ok er sá minn angr yfir alt at þú hefir sjálf þar til þjónat.

Nú minn herra konungr er þér opinbert þat sem litt er um minn hag, heyr nú gjörsamliga á mína ráðagerð ok

fyrir utan íf staðfasta. Aldrigi skal ek bríðða sáttmáli Jesus Krist ok mínu, eigi skal ek þann fyrirláta eða níta, er svá mikit lét sik kosta mér til lausnar ok frelsis, at hann helti út sínu blóði. En þóat mér hæfi þat at gera
 5 fyrir hans sakir at deyja, þá skal ek þat gjarna gera. Nú starfa ekki at þarflausu um mitt athœfi, þvíat aldriki kemr þú mér af því heilsuráði. Svá úmáttuligt sem þér er at ná höndum til himna eða þurka hafit, eigi skaltu heldr mega snúa mér frá trú míns hins hæsta lávarðar ok skap-
 10 ara allsvaldanda guðs. En ef þér er svá góðs auðit at þú vilt mínu ráði lita, þá skal ek vel fá sett þik ok samþykt við Krist, ok til þeirrar sælu skal ek vísa þér er um fram er alt þat sem maðr megir hugleiða, ok skulum vit vera siðan bæði frændr ok félagar í úendilígu sagnaði.
 15 Elligar skiljumzt ek skjótt frá þinni frændsemi ok þjóna ek siðan fyrir utan alla þökk þína mínum herra Jesu Krist.

120. Sem konungrinn heyrði þetta, þá varð hann gírmúliga ok ágjarnliga reiðr

JÓNS SAGA HELGA

JÓN BISKUP OK SÆMUNDR HINN FRÓÐI

20 Þá er hinn heilagi Jón biskup var í Suðrvegum, sem fyrr segir, gat hann upp spurt ok með sér haft Sæmund hinn fróða; á þann hátt sem hér segir.

Eigi hæfir annat, en geta, framarr en áðr er sagt, hversu mikit lið islenzkum mönnum varð at þínum heilaga
 25 Jóni, jafnvel útanlands sem innan. Teljum vér þann hlut einkanliga þar til, er hann spandi út hígat með sér

Sæmundr Sigfússon, þann mann er verit hefir einhverr
 meistr guðs kristni til nytsemdar á Íslandi, ok hafði lengi
 verit í útlöndum, svá at ekki spurðist til hans. En hinn
 heilagi Jón gat hann upp spurðan, at hann var með nökk-
 urum ágætum meistara, nemandi þar úkunniga frœði, svá 5
 at hann týndi allri þeirri, er hann hafði á óskualdri numit,
 ok jafnvel skirnarnafni sínu. En er hinn heilagi Jón kom
 þar, er hann var fyrir, spurði hvárr annan at nafni. Hinn
 heilagi Jón sagði sitt nafn, en Sæmundr nefndist Kollr.
 Jón svarar af gípt heilags anda ok mikilli kenniþeki: ek 10
 getr at þú heitir Sæmundr ok sér Sigfússon, ok fœddr á
 Íslandi, á þeim bæ er í Odda heitir. Taldi hinn heilagi
 Jón þar til fyrir hánum, at hann kannaðist við: sik ok
 ætt sína. Sæmundr mælti: verð má at sönn sé saga þín,
 ok ef svá er, þá man finnast í túninu í Odda höll mökk- 15
 urr sá er ek lék mér jafnan við. Ok eptir þetta, þá
 kannast þeir við með öllu. Þá mælti hinn heilagi Jón:
 fýsir þik ekki í brott hédan? Sæmundr svarar: gott þykkir
 mér hjá meistara mínum, en þó síðan ek heyrða þín orð, ok
 ek sá þik, virðist mér þó svá, sem sá hafi betr, er þér fylgir 20
 ok aldri við þik skilst, en eigi sé ek þó ráð til þessa, at
 ok mega þér fylgja, þvíat meistari mín vill með öngu
 móti gefa mik liðugan. Hinni heilagi Jón mælti: vit skulum
 bæðir þar at sitja, ok man ok dveljast hér um bríð; skulum
 vit til nýta hverja stund, en vit megum við talast, eigi 25
 síðr nætr en daga. Nú ef meistari þinn ann þér mikit,
 þá man hann leita okkar, ef vit erum einir saman, ok man
 hann þá venjast við ok þykkja ekki grunsamlegt, ef þat
 kemr ept at. En ef hann léttrir af at leita okkar, þá
 skulum vit leita á brott sem skjótast. Sæmundr mælti: 30
 vitrligt ráð er þetta; er þú hefir til lagt, skal þetta grund-
 völlr okkarrar ráðagerðar; en við vitran mann eigum vit
 þar sem meistari minn er, þvíat hann sér ferð okkra
 þegar hann hyggir at himintunglun í heðriku veðri; þvíat

hann kann svá algerla *astronomíam*, þat er stjórnaþrótt; at hann kénzir hvers mánnis stjörnu, þess er hann sér; ok hyggir at um sinn.

- Nú eptir þessa ráðagerð fylgir Sæmundr Jóni á fund
- 5 meistara síns; tók hann við hánum allvel, er Jón þar um brið, þar til er þeir leita á brott á einni nátt; var veðr þykt, ok fara þá nátt alla ok daginn eptir. En er meistarinn saknar þeirra, þá var þeirra leitat ok fundust þeir eigi. En á annarri nátt, þá sá öll himintungl, sér meistarinn þegar hvar þeir fara, ok ferr eptir þeim skyndiliga. Sæmundr leit í loptit upp ok mælti: á ferð er meistari minn kominn, ok sér hvar vit förum. Jón mælti: hvat er nú til ráða? Sæmundr svarar: skjótt skal til ráða taka: tak skó af fœti mér ok fyll af vatni, ok set í höfuð mér.
- 15 Svá gerir hann. Nú er at segja frá spekinginum, at hann sé í himinn upp ok mælti: ill tíðindi! þvíat Jón hina útlenzki hefir drekkt Koll, föstra mánum, þvíat vatn er um stjörnu hans, ok ferr heim aþr. En þeir Jón fara leið sína þá nátt ok daginn eptir. Nú er enn at segja
- 20 frá spekinginum, at á næstu nátt eptir skipar hann himintunglum, ok sér stjörnu Sæmundar fara yfir hánum lifanda, ok ferr eptir þeim Jóni. Sæmundr mælti: enn er stjórnaumestari á ferð kominn, ok man enn ráða við þurfa; tak enn skó af fœti mér ok knif or skeiðum, ok
- 25 högg á kálfa mér, ok fyll skóinn af blóði, ok set í hvirfil mér. Jón gerir svá. Þá gat meistari enn sét stjörnu Sæmundar, ok mælti: blóð er nú um stjörnu meistarans Kolls, ok er nú víst at þessi útlenðingr hefir fyrir farit hánum, ok því hverfr hann aþr leið sína. En þeir Sæ-
- 30 undr ok hinn heilagi Jón fara einn veg framleiðia. Þat er enn at segja, at þá er þessi hinn fróði meistari kom heim, reyndi hann list sína enn af nýju, ok sá enn stjörnu Sæmundar ok mælti: á lif er enn Kollr, lærisveinn minn, er betr er, en nógu mart hefir ok kent hánam, þvíat

hann sigrar mik nú í stjörnuþrótt ok bragðvísí sínni, ok fari þeir nú heilir ok vel, þvíat ekki get ek á móti staðit þeirra brottferð, ok mikils man Jóni þessum auðit verða, ok langælígar nýttar munu menn hafa hans hamingju. En þeir Jón fóru leiðar sínar, ok fórst þeim vel ok greiðliga. 8

Eftir þetta fóru þeir Jón ok Sæmundr út tit Íslands, ok settust í bá, hvárr á sína fæðrleifð, Jón á Breiðabolstað í Fljótshlíð, en Sæmundr í Odda.

UM JÓN BISKUP

10

Skamma stund hafði heilagr Jón biskup verit, áðr en hann tók at færa síðu manna ok háttu í annat efni, en áðr hafði verit, um marga hluti; var hann hirtingasamr viðr úsiðsmenn, en bliðr ok hægr öllum góðum mönnum fyllandi þat alt með verkum sem hann kendi fólkiu með 15 góðum fortölum, opt hugleiðandi þat er várr dróttinn talar í guðspjallinu, ok hann bauð sínum lærisveinum: *luceat lux vestra coram hominibus, ut videant opera vestra bona et glorificent patrem vestrum, qui in celis est*; þat þýðist svá: lýsi ljós yðvart fyrir mönnum, at þeir sjái góðverk yðr 20 ok dýrki fæðr yðvarn, þann sem á himnum er. Herra Jón biskup bauð þat styrklíga sínum undirmönnum öllum, at sækja með góðfýsi helgar tíðir hvern tíma er heilagt var; bjóðandi prestunum at kæra sitt undirtólk um þá hluti, sem þeir þýrftu til guðligrar innngöngu. Bauð hann mönn- 25 um, at hafa þá háttu hversdagliga, sem góðum kristnum mönnum til heyrir, at signa sik þegar um morguninn, er hann vaknaði, ok syngja fyrst *credo in deum*, ok játa svá trú sína í augliti allmáttígs guðs, áðr en maðr fengist í hégómligri margmælgí, ok ganga svá síðan vápnaðr allan 30 daginn með mærkí hins helga kross, en taka aldri svá mat, drykk eðr svefn, at maðr hlífði sér eigi áðr með guðs píslarmærki. Bauð hann hverjum manni kenna at syngja *credo* ok *pater noster* ok *Mariavers*, ok at losa guð

- VII sinnum á daginn, eptir því sem Davíð propheta segir: *sepies in die laudem tibi dñi, domine deus meus*, þat er svá at skilja á norðenu: sjau sinnum á dag sagða ok þér lof, dróttinn guð minn! Ok at ver talim þetta alt jafnsam-
- 5 an í fám orðum, þá kendi hann með sinum iðuligum, áminningum sínum undirmönnum allan hátt guðligrar þjónustu af heilagra feðra setningum, ok gat svá samit á skómmum tíma með guðs fulltingi, framferðir ok siðu fólksins, at heilög kristni í Norðlendinga fjórðungi hefir hvárki áðr né síðan
- 10 skinit með svá björtum blóma ok fagri ásjón, sem þá stóð, meðan fólkit var svá sælt, at þeir náðu at vera undir stjórn ok stýring hins blezaða biskups Jóns, svarf hann ok af snarpri ok bitrligri hirtingarþel alla úháttu, fjólkyngi ok forðæðuskap, galdra ok gerningar, ok allan sjón
- 15 hverfligan kuklaraskap, ok stóð í mót allri illri fornæskju með öllum mátt ok megni, þvíat áðr var eptir í kristninni miklar ok illar afteifar heiðins siðar, er eigi var upp rétt er guðligum akri meðan kristnin var ung. Fyrirbaud hann styrkliga alla hindrvitti, þá er fornir menn höfðu tekit af
- 20 tunglkomum eðr dögum, eðr eigna daga vitrum mönnum heiðnum, svá sem at kalla Týrsdag, Óðinsdag eðr Þórsdag, ok svá um alla vikadaga, en baud at hafa þat dagatal, sem heilagir feðr hafa sett í ritningum, at kalla annan dag viku ok þriðja dag, ok svá út.
- 25 Leikr sá var kærri mönnum, áðr en hinn heilagi Jón varð biskup, at kveða skyldi karlaðr til konu í dans blautlig kynði ok regilig, ok kona til karlmanna mansöngavísur; þenna leik lét hann af taka ok hannaði styrkliga. Mansöngskvaði vildi hann eigi heyra, né kveða láta, en þó
- 30 fékk hann því eigi af komit með öllu. Þat er sagt, at hinn heilagi Jón biskup kom at einni tíma, er einn klerkr, er Klængr hét, ok var Þorsteinsson, er síðan varð biskup í Skálholti, las versabók þá, er heitir *Orðina de arte*. En í þeirri bók talar mästari *Orðina* um kvenna ástir,

ok kénmr með hverjum hætti menn skulu þær gílla ok nálgast þeirra vilja. Sem hinn sæli Johannes sá ok undirstóð, hvat hann las, fyrirbauð hann hánum at heyrast þessi liáttar bók, ok sagði, at mannsins breysklig náttúra væri nógu framsúf til munuðliffs ok holdligrar ástar, þóat maðr tendraði eigi sinn hug upp með saurugligum ok syndsamligum diktum.

SPECULUM REGALE

UM HIRÐ

FADIR. Ef þér verðr þess auðit at koma til hirðar, þá þarftu þat at varask, er þá hendir, er siðlausir koma til hirðar ok hæveskulausir koma frá hirð, ef þú vilt bæði 10 heita siðgóðr ok hæveskr. En með því at þú hefir eptir leitat, hver grein á er þjónestum eða siðum í konungs hirð, þá skat þat nú skýra fyrir þér, ok svá hvat þeim veldr, er úhæveskir koma þaðan ok illa siðaðir. Því er líkt, ef skynlauss maðr ferr til hirðar, sem úfróðr maðr 15 fari til Jórsala eða skitningarlauss komi í skóla góðan. Ef úfróðr maðr ferr til Jórsala, þá trúir hann sjálf, at hann sé fróðr, ok segir ífrá sinni ferð, ok þat flest, er fróðum manni þykki enskis vert nema gabbs ok háðs. Svá gerir ok hinn skilningarlausi, ef hann kemr frá skóla, þá 20 byggek hann þegar vera góðr klerkr, at verðr segian ok görir af mikit spott, ef hann finnr þann, er ekki kann með öllu; en ef hann finnr nökkurn þann, er klerkr er, þá veit hann sjálf ekki. Svá verðr ok ef úsnotrir menn koma til konungs hirðar, þá sökja þeir þegar sína 25 maka, ok nemá þat af þeim, er þeim er auðnæmast, ok hann var áðr órðinn mest áskynja, en þat er ekki nema

skammsýni ok heimska. En ef hann kemr frá hirð, þá verðr hann slíka kurteisí ok síðu at sýna öðrum, sem hann nam þar. En þó góra þat margir, þeir er af úkunnum stöðum koma, hvárt sem heldr eru af öðrum löndum eða hirðum, ok sinna þeir þá, er aðr hafa heima fyrir verit, at bera mörg tíðendi, ok hyggjask þegar vera sannfróðir bæði um síðu ok tíðendi, er þeir sjá úkunnar þjóðir eða önnur lönd, ok allra mest hendir þat skammsýna menn. Nú varask þú, at eigi hendi þik slík úfræði, ef þú vilt vera vel siðaðr. En þar er þú leitaðir eptir, hver grein er væri á þjónostum manna í konungs hirð, þá er þat skýranda, ok svá hvat hverri þjónostu fylgir.

Allir þeir menn er handgengnir eru konungi, þá eru húskarlár; en síðan greinisk tign ok vald með þeim, svá sem þeir kunnu til at þjóna, ok konungr vill hverjum gefit hafa. Nú eru þeir einir húskarlár, er innan hirðar eru jafnan með konungi, ok eru þó eigi málamenn, ok eigi skulu þeir þar eta eða drekka, sem hirð konungs matask. Þeir skulu ok þjóna í konungs garði alt þat er ræðismaðr krefr þá til, hvárt sem hann krefr þá til ferða eða til annars verknaðar í konungs garði.

SONA. Þess vil ek biðja yðr, herra! at eigi virði þér þetta mér til bráðskeytis eða þess, at ek vilja stöðva röðu ydra, þóat ek spyrja með nökkurum orðum um þessarra manna þjónostu.

FADIR. Meðan vit erum í þessarri röðu, spyr slíks sem þér sýnisk, heldr en þik iðri eptir, ok gangir þú fyrir því úviss þess, er þik forvitnar, at vanspurt sé af þinni hendi.

SONA. Með því at þessir menn, er nú hafi þér um rætt, lifa með starfi ok verknaði í konungs garði, ok lifa þar hoveskulausir, svá sem í heraði, hvern snúð sjá þeir sinn í því, at vera heldr með konungi en vinna fyrir frændum sínum eða feðrum í heraði, eða fara kaupförum ok alla sér svá heldr fjár.

FADIR. Þar eru mörg tilgöng, at slíkir menn eru með konungi heldr en í heruðum eða kaupförum. Þeir eru sumir, er fyrir því vilja heldr vera með konungi en í heruðum, þóat þeir vinni þar slík verk eða meiri, at þeir eru svá fátækir at fé, at eigi er kaupfarar kostir fyrir fá- 5 tæktar sakar, ok eigu þeir þó margar góðar kynkvíslir; en ef þeir vinna í heruðum, þá eru þar margir fêmeiri, er eigi eru meiri at kyni eða varla svá. En ef þeir eigu nokkuru at skipta, þá taka hinir auðgu traust af fé sínu, ok bæga þeim er félausir eru, svá at þeir megu eigi 10 réttu ná í þeirra viðrskiptum, ok þykki þeim betra at vinna í trausti með konungi en traustlausir í heraði. En sumum ganga til vígaferði eða önnur vandræði, ok þurfu þeir fyrir vandræða sakar leita sér trausts af konungs ási. Þeir eru ok sumir, at þat þykkir skemtan at vera jafnan 15 í sjölda; ok þó jafnan mikit traust, hvat sem til handa kann at berask. Ok ef þeir koma í herað, þar sem þeir þóttu áðr traustlausir vera, þá þykkja þeir síðan vera hvers manns jafnmaðr fyrir trausts sakar, er þeir verða konungs menn; ok ef þeir verða drepnir í einvígum, þá 20 tekr konungr XL marka í þegngildi fyrir þá sem fyrir aðra þegna sína, ok mörk gulls umfram í húskarls gjöld, ef einhverr verðr drepinn af hans húskörlum.

Vit þú ok þat, at margir koma þeir til hirðar or heraði, er þar þykki mönnum lítill tilkæmd at vera; en 25 þat verðr þó iðuliga, at þeir fá mikil metorð af konungi sakar þjónustu sinnar, ef þeir kunnu til at gæta, er heima váru lítills virðir í heraði. En þeir sem mikils þóttu virðir heima með kotkörlum, bæði fyrir sjár sakar ok frænda ok fóstbræðra, þá verða þeir opt eigi meira virðir í hirðum 30 með konungi en heima í heraði, eða stundum varla svá; ok fá þeir opt minni metorð með konungi, er færikir koma til hans, en hinir er fátækir koma. En þeir er með litlum fjárhlut koma til konungs eða með öllu engan, ok eigu

ekki annars kost; en hafa slíkt sem konungr vill þá miskunnat hafa, þá hefr hann svá hátt bæði at ríki ok fjárlutum, at þeir eru yfir frændum sínum, þar sem þeir þóttu áðr eigi vera jafnmakar frænða sinna, en þeir kœmi
 5 til konungs, ok veldr því annattveggja hvatleikr þeirra í orrostum ok góðir siðir í hirð, eða eru hánnum tryggvir um alla hluti, ok rækja vizku ok ástsemd við hann, ok hjálpar hann þeim viðr ok hefr hátt, er hann sér, at við hann vilja sanna ástsemd hafa ok með sannri vináttu vilja
 10 hánnum þjóna. Nú valda slíkir hlutir því, at konungr hefr ópt ok iðuliga þá hátt af sinni miskunn, er fátækir eru ok hætta fyrir því margir á at fara til konungs, at þess vænta allir, at þeir muni þaðan sœmd ok mikil metorð fá ok sœmiliga uppreist.

15 SONR. Nú þykkjumk ek hafa fengit gnóg svör ok sönn, svá at mér þykkir úkynligt, at þessir menn, er nú hafit þér um rœtt, vili heldr vera konungsmenn en í heruðum, þóat þar verði með jafnbungu starfi eða þyngra en með bóndum. Ok vil ek nú þess biðja, at þér sýnit mér
 20 enn fleiri þær þjónostur, er með konungi eru, svá at mér sé ekki þat úkunnigt af þeim, ef svá má vera.

FADIR. Þat má vel vera, með því at þik forvitnar slíkra hluta, þá skal ek sýna þér þat sem ek veit þar af. Enn eru þeir húskarlar konungs innan hirðar með konungi,
 25 er auknefni eigu með húskarla nafni; ok heita þeir gestir, ok fá þeir þat nafn af sjúlskyldri sýslu, þvíat þeir gista margra manna hífýli, ok þó eigi allra með vináttu, en þessir menn eru þó málamenn konungs ok taka hálfan hirðmanna mála. En þessi sýsla fylgir þessarra manna
 30 þjónostu, at þeir eru skyldir at halda njósnir um alt ríki konungs, ok verða varir, ef hann á nökkura úvís í ríki sínu; en ef úvinir verða funnir, þá skulu gestir fyrirkoma þeim, ef þeir megu því á leið koma; ok ef konungr vísar gestum at úvinum sínum, ok verða þeir dreptir, er at er

viat, þá eigu gestir fyrir starf sitt. Fjarhluti þeirra, þá er þeir flytja þat sinni brott með sér, fyrir utan gull, þat á konungi, ok svá alt þat annat, er gestir féngu eigi brott haft með sér. Ok hvar sem konungr verður varr við úrvini sína, þá er þat skyldarsýsla gesta at liggja á úrinum konungs, ok hreinsa svá ríki hans. En þeima sinnum sem þeir eru innan hirðar staddir með konungi, þá halda þeir ok allskyns vörðu yfir konungi, sem hverr annarra borðfastra manna í konungs garði, fyrir utan höfuðvörð, hann halda þeir eigi, ok eigi skulu þeir í því húsi yfir borð stíga til matar eða drykkjar, er konungr sitr eða hirð, nema um jól ok páskir, þá skulu þeir eta ok drekka í konungs höll með hirð hans, en eigi þess á millum. En ef einhverr verður drepinn af þeima mönnum í einvígi, þá tekr konungr slíkt eptir þessa menn, bæði í þegngildi ok svá í húskarls gjöld, sem eptir hina, er fyrr var frá sagt.

Þá eru þeir enn einir húskarlar konungs, er eigi eru borðfastir með hánum, ok sjaldan at eins koma til hirðar, ok enga hluti þiggja þeir af konungi nema hald ok traust til réttmælis við aðra menn, ok eru þeir þó konungs menn. Slíkt tekr ok konungr, húskarls gjöld með þegngildi, eptir þessa menn, ef þeir verða drépnir, sem eptir þá sína húskarla, er borðfastir eru með hánum. En þessir menn verða hans menn af allskyns íþróttum, sumir bøendr, en sumir kaupmenn, ok sumir leikmenn. En þessa þjónustu eru þeir skyldir konungi at veita umfram aðra þegna hans, at hvarvetna þar sem konungs sýslumenn koma eptir hans bæði at flytja konungs mál eða sýlu, ok verða þessir húskarlar fyrir staddir, er nú höfum vér um rætt, þá eru þeir skyldir til at fylla sýslumanna flokk, ok vinna þeim slíkt föruneysi sem þeir eru til færir um öll konungs mál en þeim á ok heingholt at vera traust af konungs mönnum til allra réttmæla, þar sem þeir eigu málum at skipta;

svá ok ef þeir verða drepnir, þá eyksk slíku réttir konungs á þessum mönnum; sem á þeim er fyrr ræddum vér um.

- Þá eru þeir enn einir húskaflar konungs, er hafa fé af konungi í veizlur, sumir tólf auru, en sumir tvær merkr, 5 en sumir þrjár merkr ok sumir meira, æ svá sem konungur sér af ok traust af þeim verða. Þessir menn eru ekki borðfastir innan hirðar með konungi, heldr eru þeir í heruðum svá sem stjórnarmenn, þvíat þeir eru sumir lendra manna synir, en sumir eru svá ríkir bændr, at 10 þeir þykkja vera lendra manna ígildi. Þessir konungs húskaflar eru slíkt skyldir konungi at þjóna, sem þeir er fyrr var um rætt, ok því meira, at þeir eru til meira færir, ok þeir hafa ok meiri sæmd af konungi; ok svá nökkuru eyksk réttir konungs af þessum mönnum, ef þeim 15 verður misþyrmt, sem fyrr var sagt. Nú allir þessir konungsmenn, er vér höfum nú um rætt, ok eigi eru borðfastir með hánnum, þá má þó konungur krefja af þeim slíkrar þjónustu, sem hánnum sýnisk hverr þessarra vera til fallina. Þeir verða sumir krafðir til at stýra langskipum í her úti með konungi, en sumir verða görvir í sendi- 20 farar landa á millum til útlenzkra konunga eða annarra höfðingja; sumir verða ok sendir landa meðal í kaupfarar með fé konungs eða með skipum hans. Nú eru þeir skyldir þessarra hluta ok svá allra annarra þeirra sem 25 konungs nauðsynjar bera til.

- Nú hefi ek sagt þér frá nökkurum svá konungs þjónostumönnum, ok mátt þú ætla með þér, hverir þér þykki líkastir af þeim, er nú eru upptaldir, at vita allmikil af hveesku eða þeim siðum, er í konungs hirð skyldi vera 30 at réttu, ok eru þó allir þessir konungsmenn, ok máttu af slíku marka, at eigi má hverr maðr vita þegar alla konungliga siðu eða tign, er hann sér konung eða hans menn, fyrir því at sá maðr skal bæði vera siðnæmr ok þó vitr, er hann er eina tólf mánaði í konungs hirð, ok

væri hann hvern dag innan hirðar með konungi, er hann skal þó vera vel siðaðr úhefveskr á tólf mánaða fresti. Nú skaltu þat vita til sanns, at þeir eru fleiri með konungi, er þar eru mikinn hlut æfi sinnar, ok eiga kost hvern dag at sjá góða siðu, ok verða þó aldri hvárki vel siðaðir 5 né kurteisir.

SONA. Ef svá er mál með vexti, at nökkurir siðir eru svá tornæmir í konungs hirð, at bæði þarf við næmleik ok langa athygli, þá er þat víst, at þessir menn, er nú hafi þér um rætt, megu eigi vera mjök vísir af, hvat 10 hoeveska er eða góðir siðir í konungs húsi, þóat þessir sé konungsmenn, með því at þeir koma sjaldan at eins í þau konungs herbergi, er helzt munu vera góðir siðir í hafðir. En þá eru enn þeir hlutir, er mik forvitnar um þessarra manna þjónustu, er nú ræddut þér næstum um: 15 hvat snúð sjá þeir menn sér í konungs þjónustu, er bæði eigu yfrit fé ok kyn, at skylda sik til konungs þjónustu með húskarls nafni einu saman? hvi hafa þeir eigi þær nafnbætr at heita hirðmenn eða elligar véla heima um sína kosti sem aðrir bændr göra? 20

FADAR. Þessa þykki mér eigi fróðligast spurt vera af þinni hendi: en þó með því at þú þykkisk eigi yfrit fróðr um þat vera, þá kalla ek betra spurt en úvís vera, ok þarf fyrir því at andsvara, at spurt er. En þar ganga margir hlutir til, sem fyrr var sagt, at menn vilja vera 25 konungsmenn heldr en heita kotkarlar at eins at nafni. Nú er þetta fyrst til andsvara, at konunginn á alt ríkit, ok svá alt fólkit, er í er ríkinu, ok eru allir þeir menn, er í hans ríki eru, skyldir hán um til þjónustu, þegar hans nauðsynjar krefja; ok á konungr kost at krefja hvern 30 bónda, er hán um sýnisk til vera fallinn, annattveggja í sendifarar til útlenskra höfðingja, ef nökkurir eru til færir fyrir mannvits sakir; svá ok ef konungr krefr bændr til skipatjórnar í her úti með sér, þá verðr hverr at fara,

er til verður mefndr, þóat hann sé eigi handgengian at öðru, en þegn hans. Ok þóat konungr krefi einnhvern klerk eða biskup or víki sínu í sendifarar til annarra konunga eða páva; ef svá vill hann, þá verður sá at fara, er 5 kvæðr er, nema þann vili sæta fjándskap af konungi ok vera rekinn or ríki hans.

Nú með því at allir mennu eru skyldir með konung til þjónustu, þeir sem í eru ríki hans, því mun þá eigi hverjum vitrum manni þykkja mikill munr undir því vera, 10 at hann sé í fullu konungs trausti ok hans vináttu, hvat sem til handa kann at berask við aðra mennu um viðrskipti, ok vera yfirmaðr fóstbræðra sinna ok stjórna til hlýðni við konung sinn, ef þeir vilja eigi áðr hlýðnir vera, heldr en heita kotkarl ok vera æ undir annars stjórn, ok þá 15 nálaga skyldr sem áðr. Ok skalt þú þat víst vita, at eigi er þat nafn fyrirlitanda, svá sem svívirðingarnafn, at heita húskarlar konungs, heldr er þat mikitt sæmdarnafn hverjum er þat nafn fær; þvíat bæði lendirmenn ok hirðmenn, ef þeir letjask at herförum, ok vilja heldr elska þú í heruð- 20 um fyrir nökkurs þungleiks ákir, þá vilja þeir þó eigi missa húskarlis nafns at heldr fyrir sæmdar sakar ok trausts. Nú með því at þér þykki nökkurs vanspurt eða vansvarat um þetta mál, þá megum vit enn auka þessa ræðu, ef þér sýnisk.

25 Sona. Þessa máls er nálaga yfrit spurt með eptirleitan, en þat er nú svá skýrt fyrir með góðum ok gæðum svörum, at mér sýnisk sem eigi megi mátt missa konungs trausts, ef hann vill með öruggleik um sitt mál búa, með því at allr er fjöldinn mislyndr ok úfærugjarn 30 hverr við annan, nema þeir einir eigi, er bæði þiggja af guði mannvit ok sannsýni, en þat eru einkamenn en eigi alþýða. Nú með því at enn er nökkut vanrætt um konungs þjónustu eða siðu, þá fýsir mik enn framar yðarrar ræðu til þess, at ek mega eigi vera úfróðr um þá hluti, er mik ferritnar.

FADIR. Um þá konungs húskarla er nú at rœða, er
 helst verða áskynja, hvat góðir siðir eru í konungs fóru-
 nœtti, ef þeir vilja hug á leggja; en þeir verða þó hvarir-
 tveggja, ok þeir þó færrir optast, er fleiri skylda. En
 þessir konungsmenn, er nú skulum vit um rœða, þá hafa 5
 þau aukanoðin með húskarla nafni, at þeir heita hirðmenn.
 En þat nafn verðr sumum rétt gefit, en mörgum er þat
 aukanafn. En þeir er þat skipuðu fyrir öndverðu, þá settu
 þat á góðan grundvöll, fyrir því at hirðmaðr þýðisk svá
 sem hirzlumaðr ok gæzlu, ok skulu þeir er þetta nafn 10
 vilja með réttu eignask, vera réttir hirzlumenn ok gæzlu-
 menn konungs ok alls konungdómsins. Þeir skulu gæta
 jafagirndar endimarka milli allra manna í ríkinu, þar sem
 þeir verða nær staddir málum manna; þeir skulu ok gæta
 hæveski ok góðrar atferðar ok allra nýtra siða; þvíat þeir 15
 eru jafnan næstir konungi um alla hluti, þeir gæta lífs
 konungs ok hans líkams bæði um nætr ok um daga, þeir
 eru ok jafnan með konungi at éti ok at drykkju, á mál-
 stefnum ok öllum góðum samvistum, svá sem nábornir
 frændr. 20

Þessir menn eigu með réttu at heita herrar at nafni
 af öllum mönnum þeim, er lægri nöfn bera en þeir bera
 sjálfir; þvíat þeir eru svá sem landstjórnarmenn, ef þeir
 halda þeim siðum, sem byrjar nafni þeirra. Þessir eigu
 at vera valdir af öllum mönnum, eigi at eins af kóngdögum 25
 ættum eða fésterkum, heldr eigu þeir sjálfir, ef til þess
 nafns verða kœsnir, at vera algörrir at öllum hlutum,
 hvárttveggja at kyni, fé ok hjartaprýði ok hæveski, ok þó
 hinir siðdömustu. Þeir eigu ok at gæta allskyns ráðvendi
 umfram aðra menn, svá at þeir kunni á því góða skilni- 30
 ing, hverir hlutir elskandi eru fyrir æmdar sakar ok
 góðrar meðferðar, eða hverir hlutir hatandi eru fyrir
 úsæmdar sakar eða skemdar, fyrir því at hvar sem þeir
 koma þá líta allra manna augu til þeirra siða ok meðferðar,

ok allir hneigja sín eyru til þeirra orða, ok vænta þess allir, sem vera ætti, at þeir munu svá miklu framar vera en aðrir menn um siðu sína ok meðferðir, sem þeir verða meiri návistarimenn konungs at þjónestu eða yficlasti en
 5 aðrir menn. Ok ef þessir menn vilja eignask þam nöfn, sem þeim eru gefin með húskarla nöfnum, þá verða þeir at flyja allan þorparaskap ok alla úhævesku, ok verða þeir frá mörgu at hálða sik umfram aðra menn, því er skammssýnilig girnd mun heiðask; þvíat margir hlutir verða
 10 hæveskum mönnum til skemdar bæði í orðum ok í verkum, ef þeir gæta eigi vel tungu sinnar ok meðferðar, er þorparum verður engi skömm í, þóat hann hafi frammi.

Svá kann ok optliga til at bera, at hæveskir sendimenn af öðrum löndum komi til konungs fundar ok hans
 15 hirðar, ok hyggja þar því górr at hans þjónostu ok hæveski hans ok hans hirðar ok öllum siðum í hans hirð, er þeir eru sjálfir hæveskari. Ok ef þeir koma heim aftur til síns lands, þá segja þeir slíka siðu ok öll önnur tíðendi, sem þeir sá eða heyrðu með þeim konungi, er þá vátu
 20 þeir til sendir. En öll þau tíðendi, er til annarra landa koma ok flytjask um höfðingja, ok verða þau með sönnu flutt, þá er þat optast, at þau snúask annathvart til háðs ok gabbs eða til sæmdar. Þat kann ok optliga til handa at bera, at konungar þurfu sjálfir at finnsk, ok tala um
 25 skipan ok setning þá, er vera á landa þeirra á meðal, ok verður þat jafnan hinna bestu manna samfundr, þar sem konungar eigu stefnur sínar; þá koma með þeim til stefnu höfðingjar þeirra, erkihiskupar, jarlar ok ljóðbiskupar, lendirmenn ok hirðmenn eða riddarar, ok verður þá vand-
 30 liga at hugt hævesku eða siðum allra þeirra, er þar koma saman, hinna ríku fyrst, ok því næst allra annarra, þvíat þar skygnir hverr um annars athæfi. Ok ef funnin verður einhverr konunganna úhæveskr, eða einhverr höfðingja annarra, þá verður sá þegar fyrir spotti ok háði, ok svá

haldinn sem einshverr þorpari. Ok þóat hirð einshvers konungs verði fundin úhævesk eða eigi vel siðug, eða allra helzt af þjónosta hans verðr eigi hæveskliga eða með sögnum siðum framflutt í hans herbergi; þá verðr dæmdr úhæveskr konungr sjálf, ok kalla svá allir, ef hann væri s. hæveskr sjálf eða vel siðugr, at þá mundu allir siðask af hánum. En svá kann þó til at bera, at hæveskr höfðingi hljóti mikla skömm fyrir úhævesks manns sakar ok úsiðugs, ok væri fyrir því mikit undir, at þeir kynni góða skilning á öllu, hvárt vel bæri eða illa, er þess gírnask 10 at vera nágönglir konungi með sögru nafni ok sömiligu; þvíat sá á eigi mikillar sömdar ván af konungi síðan, er hann verðr hánum at úsöemd, þar sem margir koma sömdarmenn saman, ok hánum þótti mikit undir at halda sinni söemd; en þat er í öllum stöðum, þvíat konungr á 15 hvergi úsöemd at bera; ok hagar þá siðleysa ok úgaumgæfi eigi vel fyrir manni, at hann láti með svívirðing ok fjándskap sömiligt nafn sitt, gott yfirlæti ok fagra þjónostu, þóat hann haldi lífi sínu eða limum; en verða má hann konungi sínum svá mjök at úsöemd, at hánum sé 20 heimill hæðiligr dauði fyrir, ok svá mörgum frændum hans. Nú eru slíkar greinir bæði á þjónostum ok nöfnum í konungs hirð sem nú hefir þú heyr. En ef þér þykkir nökkvat vanspurt þar um, þá máttu nú fleira spyrja, ef þér sýnisk. 25

UM STAFROFIT

1. Í flestum löndum setja menn á bœkr annattveggja þann fróðleik, er þar innan lands hefir gjörzt, eðr þann annan, er minnisamligastr þykkir, þóat annarstaðar háfi.

heldr gjörzt, eða lög sín setja menn á bæk, hver þjóð á sína tungu. En af því at tungurnar eru ólíkar hver annarri, þær er or eizni ok hiani sömu tungu hafa gengit eða greint: þá þarf ólíka stafi í at hafa, en eigi 5 hina sömu alla í öllum, sem eigi rita Grikkir latinustöfum girzkuna, ok eigi Latínumenn girzkum stöfum latínu, né enn heldr ebreskir menn ebreskuna hvarki girzkum stöfum né latínu, heldr ritar sínum stöfum hver þjóð sína tungu. Hvergei tungu er maðr skal rita annarrar tungu 10 stöfum, þá verðr sumra stafa vant, af því at eigi finst þat hljóð í tungunni, sem stafirnir hafa, þeir er af ganga. En þó rita enskir menn enskuna latínustöfum öllum, þeim er réttreðir verða í enskunni; en þar er þeir vinnast eigi til, þá hafa þeir við aðra stafi, svá marga ok þesskonar 15 sem þarf, en hina taka þeir öðr, er eigi eru réttreðir í máli þeirra. Nú eftir þeirra dæmum, alls vér erum einnar tungu, þó at greint hafi mjök önnur tveggja eða nakkvat báðar, til þess at hœgra verði at rita ok lesa, sem nu tíðist ok á þessu landi; bæð lög ok áttvísi eða 20 þýðingar ælgar, eða svá þau hin spakligu fræði, er Ari Þorgilsson hefir á bæk sett af skynsamligu viti: þá hefir ok ok ritat oss Íslendingum stafrof, bæð latinustöfum öllum þeim er mér þótti gegna til várs málís vel, svá at réttreðir mætti verða, ok þeim öðrum er mér þótti í 25 þurfa at vera, en or váru teknir þeir, er eigi gegna atkvæðum várrar tungu: or eru teknir samhljóðendr nökkurir or latinustafrofi, en nökkurir í gjörfir; raddarstafir eru öngvir or teknir, en í gjörfir mjök margir, þvíat vár tunga hefir flesta alla hljóðs, eða, raddar.

UM RADDARSTAFI

30 2. Nú af því at samhljóðendr anegu ekki máli eða atkvæði gjöra einir við sik; eigi svá, þat megi nafn hafa

án raddarstafa, en at raddarstafnum einum ok sérhverjum má kveða, sem hann heitir ok at hánnum kveðr i hverja máli, ok þeir bera svá tign af samhliðöðendum, sem almætti af hálsmætti: þá hefi ek af því fyrri setta þá i stafrofi ok i umræðu hér nú. Við þá hljóðstafi fimtm, er áðr 5 váru i latínu stafrofi, *a, e, i, o, u*, þar hefi ek við gjörfa þessa stafi fjóra, er hér eru ritnir nú: *q, q̄, s, y*. *q* hefir lykkju af *di*, en hringinn af *oi*, þvíst hann er af þeirra hljóði tveggja saman blandinn, kveðinn minnr opnum munni, en *d*, en meir en *ó*. *q̄* er ritinn með lykkju *ds*, en með 10 öllum vexti *es*, sem hann er af þeim tveim samfeldr; minnr opnum munni, en *d*, en meir en *e*. *s*, hann er af hljóði *es* ok *ós*-feldr saman, minnr opnum munni kveðinn, en *e*, ok meir en *ó*, enda ritinn af því með kvisti *es* ok með ósins bring. *y* er af röddu *is* ok *ús* görr at einni röddu, kveðinn 15 minnr opnum munni, en *i*, ok meir en *ú*; ok skal af því hina fyrri kvist af höfuðstafa-*ú*, sem áðr er þeim i stafrofi skipat. Nú má verða at því, at nökkurr svari svá: ek má fullvel lesa danska tungu, þóat latínustöfum réttum sé ritað; má ek þóat líkindum ráða, hva kveða skal, þóat eigi sé allir 20 stafir rétttræðir i því, er ek les; ræki ek eigi, hvárt þú ritr *s* þitt eða *o*, *q* eða *a*, *q̄* eða *e*, *y* ok *u*. En ek svara svá: eigi er þat rúnanna kost, þóat þú lesir vel, eða ráðir vel at líkindum, þar sem rúnar vísa úskýrt, heldr er þat þinn kost; enda er þá eigi örvent, at þeygi 25 lesa ek vel eða minn maki, ef sá finnst, eða ráða ek vel at líkindum, at hvers hins rétta föra skal, ef fleiri vega má föra til rétts, en einn veg, þat sem á einn veg er þó ritat ok eigi skýrt ákveðit, ok skal geta til, sem þú lézt þat vel kanna. En þóat allir mætti nökkut rétt or gjöra, 30 þá er þó vís ván, at þeygi vili allir til eins föra, af máli skipair, allra helzt i lögum. Enda tel ek þik eigi hafa vel svarat, er þú lætr eigi þurfa i váru máli þessa níu raddarstafi, *a, q, e, q̄, i, o, s, u, y*, allra helzt ef ek

klýf or þessum níu sex greinir hins fjórða tigar, þær er sitt mál gjöri hver, ef glögt eru skildar. Nú mun ek þessa stafi átta, alls einigi grein er enn á í gjör, á meðal hinna sömu tveggja samhljóða setja sitt sinn hvern, en
 5 sýna ok doemi gefa, hve sitt mál gjöri hverr þeirra við hinna sömu stafa fullting, í hinn sama stað settr hverr sem annarr, ok á þann veg svá gefa doemi of allan þenna bækling á meðal hinna líkustu greina, þeirra er á stöfunum verða gjörvar: sar, sör, ser, sēr, sor, sör,
 10 sur, syr: sar veitú maðr mér eitt, sör mög veitða ek hánum: ser . . . sēr: goðinn sor einn sörin: sur eru augu syr, slík duga betr, en springi yr.

3. En nú elr hverr þessa stafa níu annan staf undir sér, ef hann verðr í nef kveðinn; enda verðr sú grein svá
 15 skýr, at hon má ok máli skipta, sem ek sýni hér nú eptir, ok seti punkt fyrir ofan þá, er í nef eru kveðnir: har, hár, rø, rø, þel, þél, fēr, fēr, isa, isa, orar, órar, øra, øra, þuat, þvat, syna, sýna. Har vex á kvikindum, en hár er fiskr; rø er eitt tré or
 20 seglviðum, en rø er hyrning húss; þel er á hnefa bundum, en þél er smiðartól; annat er þat, er sauðrinn heitir fēr, en annat þat, er hann fēr læmbs; i-sa skýja-deild; þá er vér komum í isa; orar eru úrøktir órar; spakt skyldi hit elzta barn, þvat hit ellra má øra hit øra;
 25 þar var þu at, er fjáðr klæðit þvat; þriggja syna austur mun ek þér sýna. Nú verðr þetta alt saman raddarstafanna: a, á, o, ö, e, é, e, i, í, o, ó, ø, é, u, ú, y, ý.

4. En þóat ek rita eigi fleiri raddarstafi, en raddar-
 30 nar fundust í váru máli, átján gjörvar or samu latínu- røddum, þá er þó gott at vita þat, at er grein enn á raddarstöfum, bæði þeim er áðr váru í stafrofi, ok þeim öðrum, er nú eru í gjörfir; grein sú, er máli skiptir, hvárt stafr er langr eða skammr, sem Grikkir rita í öðru

líkneski langan staf, en í öðru skamman; svá rita þeir e
 skamman: e, en svá langan, sem sjá stafr er: η, þann
 veg ó skaman: o, en þann veg langan: ω. Þá grein vil ek
 enni sýna (þvíat hon skiptir máli ok, jafnt sem hinar
 fyrr) ok merkja ena löngu með stryki frá hinum skömm- 5
 um; far, fár, rámr, rámr; ol, ol, vön; vön; sepu,
 sépu, framér, fra mér; vēr, vēr, vënz, vënz;
 vil, vil, minna, minna; goð, góð, möna, móna;
 Goðræði, goð ræði, mendi, méndi; dūra, dūra,
 rúnar, rúnar; flytr, flýtr, brýnna, brýnna. Far 10
 heitir skip, en fár nokkurskonar nauð; rámr er stærkr,
 en rámr hinn hási; ol heitir drykk, en ol er band;
 tungan er málinu vön, en at tönnum er bitsins vön;
 sepu, hve vel þeir séðu, er fyrir saumförlinni réðu;
 mjök eru þeir menh framér, er eigi skammast at taka 15
 mína konu fra mér; svá er mörg við vēr sinn vēr, at
 varla of sér hon af hánum nær; vënz eigi góðr maðr
 því, þóat vandr maðr vënz góðum konum; dul vættir
 ok vil, at lina muni erfði ok vil; huglan mann vil ek
 minna hugðra erinda míuna; sú kona gófgar goð, er 20
 sjálf er góð; mæn-a mín móna (kveðr barnit) við
 mik gjöra verst hjóna; vel líkaði Goðræði goð ræði,
 þat eru góðar árar, sem skáld kvað:

Rétt kann ræði slíta ræsis herr or verri.

Loka móndi húsit, ef eigi mándi smíðrinn; ef gestrinn 25
 kveðr dūra, þá skyldi eigi bóndinn dūra; rúnar heita
 geltir, en rúnar málstafr; sepu, hve flotinn flýtr, er
 sækarlínn flytr; stýrimaðr þarf hýrim brýnna, en sá er
 nautunum skal brýnna.

5. Nú ef nókkur þessa greina sex hins fjórða tigar 30
 má svá niðr falla, at aldri þurfi í vöru máli, þá skjót-
 umst ek yfir, sem vís vön er, eða svá ef fleiri finnast í
 mannsins röddu. En þat er gott at vita, sem fyrr var

getit, er svá kveðr at hverjum raddarstaf í hverju máli, sem hann heitir í stafrofi, nema þá er hann hafnar sínu eðli, ok hann má heldr þá samhljóðandi heita, en raddarstafr. Þat verðr, þá er hann er stafaðr við annan raddarstafr, sem hér eru nokkur dæmi nú: austr, eárn, eir, iúr, eyrir, uín. Nú er eigi örvænt, at svá svari nökkurr mór: þar er orð, at þú ritar þar e, er flestir menn rita í, þá er hann verðr fyrir samhljóðanda settr, sem nú er skamt frá því, er þú ritaðir eárn, þar sem ek munda 10 iárn rita, eða svá í mörgum stöðum öðrum. Þá svara ek svá: þú hefir þar rétt fundit, ok þó eigi alls getit, þess er þér má ek kynliga þykkja ritat hafa, er þó hafa ek fyrir önnkost svá ritat í flestum stöðum. Ef ek gjörða annat mál, sem þar væri full þörf ok ærin efni til, er 15 kænka væri, of þat, til hverra stafa hver orð hafa eðli, eða á hverja lund hverja stafi skyldi saman stafa, þá væri sú bók önnur öll, ok miklu meiri, ok má ek af því eigi þat mál nú mæla innan í þessu. En þó mun ek nökkurum orðum svara um þetta hit eina orð, er þú skoraðir 20 helzt í: fyrir því at þat hljóð, er samhljóðandinn hefir, eða sá raddarstafr, er í hans stað er settr, ok stafaðr við annan raddarstafr, er eigi auðskilit, þvíat litit verðr ok við blandit nær eða gróit við raddarstafr þann, er við er stafat. Þá er þess leitanda, hvárt svá finnum vér kveðit 25 hit sama orð, at sá raddarstafr sé frá öðrum raddarstafr skilinn, ok gjöri sína samstöfun hvárr, er optast er við stafaðr svá, at eina samstöfun gjöra báðir. Skáld eru hófundar allrar rynni eða málgreina, sem smiðir gripa eða lögmennt laga. En þessa lund kvað einn þeirra, eða 30 þessu líkt:

Höfðu hart of krafðir | (Hildir óx við þat) skildir
gang, en gamlir sprungu, | gunnpings, eárn-bringar.

Nú þóat kveðandinn skyldi hann til, at slíta eina samstöfu

í sundr, ok gjöra tvær or, til þess at kveðandi haldist í hætti, þá rak hann þó engi nauðr til þess, at skipta stöf-unum, ok hafa *e* fyrir *i*, ef heldr ætti *i* at vera en *e*, þó-at mér lítizt eigi at því. En ef nökkurr verðr svá einmáll eða hjámáll, at hann mælir á mót svá mörgum mönnum & skynsömum, sem bæði létust sjálfir kveða þetta orð, áðr ek ritaða þat, ok svá heyra aðra menn kveða, sem nú er ritat, ok þú lætr *i* skulu kveða, en eigi *e*, þóat þat orð sé í tvær samstöfur deilt: þá vil ek hafa ástráð Katónis, þat er hann réð syni sínum í versum: 10

*Contra verbosos noli contendere verbis;
sermo datur cunctis, animi sapientia paucis.*

Þat er svá at skilja: hirð eigi þú at þræta við málrofs-menn: málrof er gefit mörgum, en spekin fám. Nú lýk ek hér umræðu raddarstafanna, en ek leita við, ef guð 15 lofar, at ræða nökkut um samhljóðendr.

GRÁGÁS

UM PREST

(KRISTINNA LAGA ÞÁTTR 4)

... Þat er manni rétt at láta læra prestling til kirkju sinner. Hann skal gjöra máldaga við sveininn sjálfan, ef hann er XVI vetra; en ef hann er yngri, þá skal hann gjöra við lögrápanda hans. Sá máldagi á at haldaz allr, 20 er þeir gjöra með sér. Nú gjöra þeir eigi annan mál-daga, en (at) maðr tekr prestling til kirkju sinner at lög-máli; hann skal fá hánun kenslu ok fóst, ok láta svá ráða hánun, at þat sé sveininum úvegslaust ok frændum,

ok svá við gjöra sem hans barn væri. Nú vill sveinn eigi nema ok leiðiz hánú bók, þá skal fœra hann til annarra verka ok ráða hánú svá til, at hvártki verði hánú við ilt né við órkuml, en halda til sem ríkast at öllu 5 annars. Nú vill hann hverfa til námsins, ok skal þar hánú þá til halda, unz hann hefir vígslu tekit ok er prestur. Sá er hánú fær kenslu ok er sá skyldr at fá hánú messuföt ok bœkr þær er biskupi sýniz svá, at veita megi með fullu allar XII-mánaða-tíðir af. Prestur 10 skal fara til kirkju þeirrar er hann var vígðr til, ok syngva þar dag hvern löghelgan at meinlausu messu ok óttusöng ok aptansöng ok um langaföstu ok jólaföstu ok imbrudaga alla. Hann skal lýsa máldaga at lögbergi þann er við prestur er gjörðr eða í lögréttu. Hánú er 15 rétt at verja lýritti inni hafnir hans at lögbergi ef hann vill. Ef prestur flær kirkju þá er hann er til lærðr eða firriz svá, at hann veitir eigi tíðir at, sem mælt er, ok varðar þeim manni skóggangr, er við hánú tekr eða tíðir þígr at hánú eða samvistum er við hann jafnt varðar 20 samvista við hann sem við skógarmann lengr er lýritti er varit at lögbergi, ok er þat fimtardóms sök, ok skal sök þá lýsa at lögbergi ok heimta hann sem aðra mánsmenn. Svá skal prestur leysask frá kirkju, at læra annan til í stað sinn, þann er biskupi þykki full hlít, þeim biskupi 25 er þar á yfirsókn. Ef prestur verðr sjúkr, ok skal sá maðr ráða er kirkjunni ræðr, hve lengi hann vill varðveita hann. Sá maðr á kost, er kirkju varðveitir, ef hánú þykkir sótt hans lengjaz, at fœra prest á hendr frændum, en ef hánú batnar á lengr, ok er hann lauss þá frá 30 kirkjunni. En ef kirkju prestur andaz frá stað þeim er hann var til lærðr, ok átti hann fé eptir, ok skal kirkja taka ok sá maðr er hana varðveitir, III hundruð VI álina aura. Ef hann átti meira fé, ok skulu þat taka frændr.

UM FJÓRÐUNGS DÓMA

(ÞINGSKÁPA ÞÁTTIR 20)

Pat er mælt í lögum várum, at vér skulum IV eiga fjórðungs dóma; skal goði hverr nefna mann í dóm er fornt goðorð hefir ok fult; en þau eru full goðorð ok for er þing váru III í fjórðungi hverjum, en goðar III í þingi hverju; þá váru þing úslitin. Ef goðorð eru smæra deild, ok 5 skulu þeir svá til skipta er hlut hafa af fornum goðorðum, at svá sé nefnt sem nú er talit; þá eru fjórðungs dómur fullir. Pat er mælt, at dómur skulu í dag vera nefndir eða ráðnir. Skal goði hverr nefna sinn þriðjungs-mann í dóm, nema hann hafi lögréttu-manna lof til annars. 10 Skal karlmann XII vetra gamlan eða ellra nefna í dóm, þann er fyrir orði eða eiði kann at ráða, frjalsan mann ok heimilis-fastan. Þann mann skal eigi nefna í dóm, er sóknar aðili er eða varnar aðili, eða hann hefir sök handselda eða vörn handselda svá at nú sé búin til þings. 15 Þann mann skal eigi í dóm nefna, er eigi hefir mál numit í barnæsku á danska tungu, áðr hann hefir verit III vetr á Íslandi eða lengr. Ef sá maðr lætr í dóm nefnaz, er nú var frá skildr, eða selr hann öðrum manni sökina af því at hann vill láta í dóm nefnaz, ok verðr hann útlagr 20 um þat III mörkum ok únýtt mál hans, sóknir eða varnir, ef hann átti, nema hann geti þann kvið at hann vissi eigi at sakar váru búnar á hönd hanum. Ef goði nefnir þann mann í dóm er frá var skiliðr eða nefnir í annan dóm en hann hafi hlotit, ok er hann útlagr um þat hvártveggja 25 III mörkum ok or goðorði nema hann geti þann kvið at hann vissi eigi at hinn hefði sök eða vörn handselda, eða hann væri sóknar aðili eða varnar. At lögbergi skal stefna goðanum ok kveðja heimilis-búa hans ok á hvern at sækja þá sök er vill. Goði skal ganga í hamraskarð ok setja 30

niðr þar dómanda sinn, ef hann vil dóm nefna, ok nefna sér vátta II eða fleiri: nefni ek í þat vætti, at ek nefni þenna þegn í dóm, — ok nefna hinn á nafn — at dæma um sakar þær allar er hér koma í dóm þenna, ok lög 5 skylda hann til um at dæma, ok byð ek til sakar-sækjanda ok sakar-verjanda at ryðja dóm þenna; ok ann ek hánunum í setu í dómi, nema lögrengð rétt komi til; þá fæ ek annan réttan í stað hans, ef hann er or numinn at lögum, — ok kveða á í hvern dóm hann nefnir, — ok nefni 10 ek lögdóm. Dómar skulu út fara þváttdag ok vera úti til ruðningar, unz sól kemr á þingvöll dróttinsdag.

UM AÐILDIR VÍGSAKA

(VÍGSLÓÐI 94)

Sonr manns er aðili vígsakar XVI vetra gamall eða ellri, frjalsborinn ok arfgengr svá hygginn, at hann kunni fyrir ráða. Ef eigi er sonr til eða er ærri en svá, þá á faðir þar næst, þá 15 á bróðir samfeðri þar næst, þá á bróðir sammœðri þar næst. Ef brœðr eru fleiri samfeðra, ok eigu þeir allir jöfnum höndum þat er þeir á taka. Ef sumir vilja sækja en sumir sættaz á, ok á sá at ráða er sækja vill til fullra laga. Þat er mælt at rétt er, at þeir búi allir mál til ok þarf engi 20 þeirra öðrum at selja. En ef þeir vilja allir til fullra laga sækja, ok á um hins elzta sök at dæma þeirra er til fullra laga vilja sækja. En ef hinn ellri bróðir selr sökina öðrum manni, en hinn ærri ferr sjálf með, ok á um þess sök þá at dæma er sjálf ferr með. Þótt maðr hafi hand- 25 selda sök af jafnnánum manni tekna sem sá annarr aðilinn er sættaz vill á, ok skal um hans sök þá dæma ef hann vill heldr til fullra laga sækja, en aðiljarnir þeir er sjálfir fara með. Þessir menn eru til aðildar taldir. Eptir brœðr er sonr laungetinn aðili, þá bróðir laungetinn samfeðri, þá 30 bróðir laungetinn sammœðri. Ef eigi eru þessir menn til,

þá á sökina hinn nánasti niðr frjalsborinna ok arfgengra ok samlendrs. Ef fleiri menn eru jafnnánir, þá skal sá ráða, er sækja vill til laga. Eigi ræðr aldr með jafnnán-um mönnum nema bræðrum. Vígsök ok svá bætr hverfa svá í knérunna sem erfð, þótt einn maðr sé or öðrum, 5 en fleiri or öðrum knérunni. Rétt er at sonr sœki vígsök XII vetra gamall ok ærri en XII vetra, ef aðili lofar, en eigi þarf hann at taka þá sök af öðrum.

UM DÁNARFÉ

(ARFA ÞÁTTIR 125)

Ef maðr andaz erlendis, þá á sá maðr at taka þat fé, er skylztr er þar inum dauða þeirra manna er útfært 10 eigi. Hann skal láta virða fé þat til brenns silfrs alt; en ef nökkut er úvirt, þá er svá sem alt sé úvirt. Ef erfingi er þar, þá þarf hann eigi at láta virða, ef hann á allan arfinn. Hann skulu virða íslenzkir menn fimmi; en ef eigi náir þeim, þá er þó rétt at húsfastir menn sé til þar 15 tveir, en þeir skulu virða við bók fé þat; en ef þeir gera eigi, þá skal hann beiða þá at vinna eiðinn. Enda verður þá þó rétt virðing þeirra, ef herra tólfstar-kviðr, at þeir virði svá sem þá mundi þeir, ef þeir virði við bók, enda beiddi hann þá at lögum; en hann skal eiga finna meira 20 af fé því en kaupaleg ok líksöng ok blæju ok kistu. Þat er (mækt), ef maðr tekr dánarfé austr, þá á hann at gefa máttu til fjártökunnar, ef hann náir eigi ella, ok gefa sem hann má minsta. Hann skal alt féit láta virða þat er hann náir. Hann skal vega láta gull ok brent silfr ok þat fé 25 alt er at vættum skal kaupa. En hverskis kyns vara er sú er, er menn kaupa álnum, þá skulu þeir menn mæla er réttar álnar hafa ok svá vega þat er skal ok sjá at þat sé rétt vegit. Hann er skyldr at sýna þeim fé þat alt er hann náir. Hann skal þar láta virða fé þat alt er mest 30

- er saman, þá er hann tekr. Hann skal hvergi færa þat fé á brott or þeim garði áðr alt er virt. Hann skal vitni nefna at því, álengr er lokit er févirðingunni, at hann tekr við fé því er hann lét þar virða ok leggri sína ábyrgð
- 5 á. Nú náir hann eigi þar öllu fénu senn at láta virða, þá skal hann þar láta fé þat virða sem hann tekr, ok fara svá at virðingu sem áðr var tint. Ef fé er á skipi eða at skipi, þá skal hann fé þat láta virða at bryggju-sporðum, ok fara svá at virðingu þar sem annars staðar. Ef féit
- 10 er í búlka, þá er hinn andaz, ok erat hann skyldr at ábyrgjaz þat fé, hann skal ok eigi hafa vöxtuna ef hann lætr eigi virða féit. En þá er þó rétt virðing þeirra ef þeim er þat fé jafnkunt er í búlkanum er sem þeir sei. Ef hann á skip á hlunni þá er hann andaz, ok erat hinn
- 15 skyldr at ábyrgjaz áðr fram er dregit skiplengd. Eigi skal meira kaupa í skipi, áðr virt er féit, en kostur er at selja. Hann skal kjósa með vitni, hvárt hann vill ábyrgjaz féit eða vill hann eigi. En þvíat eins á hann vöxtu á fénu, ef hann ábyrgiz; enda skal hann þá gjalda hálfu færi aura
- 20 brenda hér, en hann tæki. En ef hann kýss hvártki um, þá skal hann ábyrgjaz féit ok hafa ekki af vöxtunum. Þat er ok, at sá einn maðr skal arf taka út hér af danskri tungu eptir sinn frænda, er hann er réttir arftökumaðr hins andaða; enda liggir féit sér hér aldrigi.
- 25 Ef várr landi andaz austr, þá skal féit taka næsta bræðri eða nánari, en féit liggir sér jólanátt hina þriðju. Sýknir menn ok þeir menn er landvært eigu út hér, skulu taka dánarfé til úthafnar, en eigi aðrir. Ef maðr er lengr á brott héðan en III vetr, þá skulu þeir menn varð-
- 30 veita féit hans, er taka ætti, ef hann væri andaðr, þótt hann hefði áðr lengri máldaga á gerva. Ef maðr andaz á Saxlandi eða sunnar, at þat fé skal eigi láta virða áðr þat kemr til Danmarkar; en ef þar er hætt fé hans eða fjörvi, þá skal í Noregi. Ef maðr andaz á Englandi eða

í eyjum vestr eða í Dyflinni, at þat fé skal eigi virða áðr
 hann kemr þar er úhætt sé fé hans ok fjörvi. Nú kemr
 hann í Noreg með féit ok er annarr maðr þar skyldri,
 þá skal hann láta út ganga féit at lögum; hann skal hafa
 ávöxtinn allan þann er orðinn er þangat til, hvargi er 5
 hann tók. Ef maðr ferr út af Danmörk, eða af öðrum
 löndum en or Noregi með dánarfé ok treystiz hann eigi
 at láta virða féit, þá skal hann heimta til skipverja, þá er
 hann vill, þegar þeir eru í haf komnir, ok segja þeim hve
 mikit fé þat er ok nefna vitni at því, at hann tekr fé þat 10
 til ábyrgðar ok eignaz, hann þá vöxtu á fénu slíka sem
 hann tæki í Noregi at lögum, ef hann fær þann kvíð, at
 hann mundi virða láta fé þat ef hann kæmi til Noregs,
 ok vissi hann þat, at hann mundi ná út at hafa fyrir
 Noregsmanna sökum. Ef menn gjöra félag með sér hér 15
 á landi ok fara á brott ok andaz annarr, ok skalat hann
 skilja félagit, áðr hann hittir erfingjan; hann skal neyta af
 fénu öllu saman sem mælt er. Eigi skal maðr austr selja
 arfván sína né þann arf er hanum hefir hér tæmz, er
 hann hefir eigi sjálfr til komit, en haldaz eigu þar önnur 20
 kaup öll sem hér, um þau fé öll er hann á hér eptir, ok
 svá þau er út hingat koma. Ef maðr tekr fé á Græn-
 landi, ok skal hann láta virða féit jafnt sem austr, ok
 fara utan á því skipi er fyrst ferr. Slík sókn er þar til
 hin sama ef hann gerr eigi utari fara, sem þá at austr 25
 tekit sé féit ok svá vörn. Ef þeir gera félag með sér
 erlendis, þá skal hann kost eiga at skilja félagit, ef hann
 vill, ok láta virða féit, ok hafa slíka kostu á sem hann
 væri frændi hins danða, en laust skal hann láta þegar er
 nánari maðr kemr til. Nú andaz annattveggja hjóna er 30
 lendis, þá skal þat þeirra hafa fé út, er eptir lifir, ok
 láta fyrir engum manni laust, nema fyrir erfingja. Nú
 andaz þau bæði austr ok koma til þeir menn af hváræ-
 tveggju hendi er rétt komnir eru til úthafnar-sjárins, þá

skulu þeir svá skipta með sér, sem hvárt þeirra hafði átt
 fé við annat, ef þeir vitu þat. Ef þeir vitu eigi hvern
 hlut hvárt þeirra hefir átt í fé við annat, þá skulu konu
 frændr hafa þriðjung, en hinir tvá hluti. Nú koma fleiri
 5 menn jafnánir til, þá skal skipta með þeim at jafnaði í
 knérinna alla þeim er lög vinna til þar. Nú hvar þess
 er maðr náir sá eigi út at hafa féit, er til er kominn, af
 þeim er út hefir, enda vinni hann lög til austr, þá á hann
 heimting hér at þeim, er út hafði, til svá mikils fjár sem
 10 hann væri til kominn ef hann hefði út haft, enda væri at
 lögum tekit austr féit. En erfingjar eigu þann hluta, sem
 þeir eru til komnir at heimta at þeim, er út hafði féit.
 Hann skal fara út hit næsta sumar, en þá er hann kemr
 út, ef hann vill utan fara hit sama sumar, þá skal hann
 15 orð gera erfingjum ok gjalda þeim þá þegar, er þeir koma
 til, ok gjalda hálfu færi áura brenda hér, en hann tók
 austr, ef hann hefir svá at virðingu látit fara ok at fjár-
 tekju sem nú var talit. En ef eigi er svá at farit, þá er
 svá sem úvirt sé. Hann skal þá gjalda mörk sex álna
 20 áura fyrir eyri hvern hér ef hann vill. Fé þat skal gjalda
 hér út í brendu silfri eða í léreptum nýjum eða í vaxi
 eða í vöru íslenzkri eða í búfé, ok gjalda at því lagi alt,
 sem þar gengr er af hendi skal reiða. Nú ferr hann eigi
 tvívegis, þá skal gjalda hit næsta vár því er kann kemr út
 25 at heimili sínu, at gjalda hinn V. dag viku, þá er VII vikur
 eru af sumri. Nú leysir hann eigi fé þat af hendi sér, sem
 mælt er, þá á erfingi kost at stefna um um svá mikit fé
 sem hann ræðr á at kveða, ok hann getr gögn til at hinn
 hafi tekit ok kveðja til tólfar kviðar, hve mikit fé hann tók,
 30 þann goða er sá er í þingi með, er sóttir er. Þess á hann
 ok kost at stefna annarri stefnu um vöxtu svá mikla, sem
 hann getr gögn til, at á þat fé hefði gengit út hingat, ok
 er rétt at kveðja til, hvarz hann vill heimilis búa hins
 IX. eða XII. kviðar hve miklir vextir sé á því fé.

UM ÞURFAMANNA TÍUND

(UM TÍUNDARGJALD 256)

Hreppsmenn þeir er eru til teknir, skulu skipta hvers manns tíund í fjóra staði, nema minni fé en eyris tíund; enda er þó rétt at hon hverfi í einn stað. Fjórðung einn tíundar skal gefa þurfamönnum innan hrepps þeim er til úmaga-bjargar þurfu at hafa á þeim misserum, ok skipta 5 með þeim, gefa þeim meiri er þörf. Eigi á tíund or hrepp at gefa, nema samkvámu-menn verði á þat sáttir, ok þykki utanhreppsmönnum meiri þörf. Þat fé er gefa skal þurfamönnum, þat skal vera í vaðmálum eða í vararsfeldum eða í ullu eða í gærum eða í mat eða í kvikfé öllu nema 10 í hrossum. Þat skal goldit vera ok fram komit þeim mönnum er við skulu taka fyrir Marteins messu; ef þá er eigi framkomit, ok verðr þat tíundarhald, ok verðr sá sekr um þat VI mörkum er gjalda skal. Þurfamaðr sá er til handa er skipt, hann er aðili at sök þeirri bæði sækj- 15 andi ok seljandi. Sá er annarr aðili er til sóknar er tekinn í hreppinum, ok tíund skipti til handa hánun. Sök þeirri skal stefna at lögheimili þess er sótt er, ok kveðja til búa fimm á þingi, þá er næstir búa stefnustöðum. Þeim manni er rétt at stefna heima at sín, er tíund 20 skipti til handa þurfamanni fimta dag viku er IV vikur eru af sumri, ef eigi er áðr fram komit. Rétt er, at hann taki þann dag við vaðmálum til handa þurfamanni, ef hinn vill þá hafa goldit. Era hann þá skyldr at taka við í öðru fé, nema hann vili. Ef eigi kemr þann dag 25 fram, ok skal sá maðr er til sóknar er tekian gangá út í tón at sín, eða sá maðr er hann selr sök, ok nefna vátta at því, at hann er búinn at taka við tíund þeirri er hinn skyldi gjalda ok nefna hann ok kveða á, hve mikit féit er, ok hann sér engi þann er gjaldi haldi upp fyrir 30 hann; hann skal nefna vátta í annat sinn. At því vætti

skal hann kveða at stefni hánum ok nefna hann, um þat at hann heldr tíund fyrir hánum, ok nefna þurfamanninn, ok tel ek hann sekjan um þat VI mörkum, ok gjalda fjórðunginn tvennum gjöldum svá sem búar virða, þann
 5 hluta er úgoldinn er, ef sumr er goldinn, stefni ek til gjalda ok til útgöngu um fé þat, ok kveða á hvar hann stefnir til þings, ok stefna lögstefnu, hann skal kveðja til búa V. á þingi þaðan frá er hann stefndi.

GULAPINGS LÖG

HIN ELDRI

LEYSINGS LÖG

Þat er nú því næst, at maðr kaupir mansmann at
 10 manni öðrum, kaupa saman laga kaupi ok lýritar, sá skal halda ábyrgð á er seldi um ny hit næsta ok niðar, at hann drekki eigi kýr ok við starfa ok við stínga ok við farsóttum öllum ok við því at hann beri sjálf hlánd sitt ok skit af klæðum ok ábyrgjask við leynanda löstum öllum
 15 mánað hinn fyrsta. Nú ef sá löstr er einnhverr á, þá skal þat kaup á fyrsta mánaði aptr sœra með vátum. En ef þræll á launbarn, þá skal sá veita vörð barni er þræl seldi. En ef þræll á orku, þá hafi hann þat til barnfulgu. En ef þræll gengr í ljósi í hvílu konu sinnar, þá
 20 skal sá veita vörð því barni er hon gengr þá með, er þá kaupir, en hinn öllum þeim er fyrr varu. Nú er þat ok leynanda löstr, ef ambátt er með barni, ok yissai sá eigi er keypti, þá skal sá halda ábyrgð á er barn á með henni, er hon á sæng ferr, ef henni verðr þat at lemd eða at
 25 bana, til hon má bera fótur tvær vatas frá brunni, þá skal hanp fara með barni, ok láta meður fylgja þingat

sem sá er, er hánú feldi, ok bjóða hánú ambátt ok
 fœra barn fœðr á hendr. Ljá skal hann ambáttar, ef hín
 þarf at segja faðerni á hendr manni, þá hefir hann barn
 þat á lögum sér fœrt af hendi ok hafa við þat vátta.
 Bœta skal hverr maðr rétti fyrir þræl sinn sem fyr sjálfan 5
 sik, ef hann liggr með konu. Érfingi skal rétt taka á
 konu hverri, nema hon eigi sér bóanda. Sá skal faðir
 at barni, er móðir segir at faðir sé. Nu segir hon faðerni
 þræli á hönd, þá skal dróttni hans heimstefna ok leiða
 heimstefnu vitni sitt; þar skal hann festa lýritar-eið fyrir 10
 svein sinn, ellar taki hann við barni. En ef hann vill
 hvártki gjöra, þá leggi barn þar ok feli hánú ábyrgð á
 hendi. Svá skal frjalsrar konu barn af hendi fœra sem
 ambáttar. Nú segir ambátt faðerni frjólsum manni á hendr,
 þá skal hánú heimstefna til kröfu ok til viðrtóku úmaga; 15
 þingat skal sá fara í þann eindaga er hann hafði hánú
 heimstefnt, ok leiða heimstefnu vitni sitt, en hon segja
 faðerni á hendr hánú, Þann mann skal hon þá krefja
 réttar síns, er hon sagði sögu á hönd ok viðrtóku úmaga;
 þvíat engi skal barn hera á götur út, at bjóða þar 20
 manni. Nú er vel, ef hann kveðr já við, þá er þat barn
 hans þýborit; en ef hann kveðr nei við ok kvezk ekki í
 eiga ok vill hvárki festa rétt né við barni taka, þá skal
 þar niðr leggja, þvíat nei hans er ekki, nema hann bjóði
 lýritar-eið ok festi þar þegar, þá skal sökjandi hafa barn 25
 brott með sér; en eiðar þeir skulu standa X vikur sverra
 daga. Lýritar-eiðr skal fyrir legðr hvert, nema maðr sé
 vendr konu þeirri er hann vinnr údaðaverk á þá er settar-
 eiðr. Nú ef hann sverr þann eið, þá sverr hann þar
 þat af hendi sér, þá er þat í engum ábyrgðum við hann 30
 né við frændr hans. Nú líkist barn þat hánú ok sér
 hann þat at hana hefir missvarit þann eið, þá skal hann
 fara í fjölda manna, ok segja at þat er barn hans ok
 bœta við Krist, at hann hefir missvarit; þá er þat barn

- hans þýborit. Nú hefir hann eið festan ok vill eigi vinna, þá skal hann gjalda hinum sex álna eyris fyrir mánað þvern, meðan hinn fœðir úmaga hans. Nú skal þat eiðfall sótt vera sem hvert annarra á fyrstum XII mánuðum; 5 ellar er sá eiðr sein unninn sé at lögmáli vǫru. Nú ef hinn kallar eigi til barns síns, er eið lét falla, á fyrstum XII mánuðum, þá skal hinn fœða sér upp þræl eða ambátt fyri því at engi várr skal ala öðrum þræl kálfseldi. Nú vill hann ganga til, síðan vaxit er, ok kenna sér, þá 10 skal hann leysa út með verði svá miklu sem valinkunnir menn meta, at verðr sé sá maðr orkulauss. Nú gengr maðr í gegn barni sínu ok berr til kirkju fyrr, en þat hefi III nætr hinar helgu, ok gefr því frelsi, þá er þat jafnréttis-maðr við föður sinn, ok fœðir upp í kyni sínu. 15 Svá má frændi hans at sömu gefa hánun frelsi af hendi hans ok fœðir upp í kyni sínu; þá er sá jafnréttis-maðr við föður sinn.

UM ÆTTLEIDING

- Nú má maðr boeta ráð sunar síns ef hann vill, ok leiða hann í ætt, ef sá jätir er arfi er næstr. Nú ef hann 20 á sunu þá er móðir er mundi keypt, þóat einn sé fulltíða ef sá jätir, þá jätir hann fyri alla þá er í úmegð eru, ok svá fyrir alla þá er úalnir eru. Sá skal óðli jata er óðal á með þeim. Þá skal hann gera þriggja salda öl horskra mæla, ok höggva við oka þritðung, ok flá af fit af fremra 25 fotti högva megin, ok gera af skó ok setja við skapker. Sá skal fyrst í skó stíga er maðnn leiðir í æt, en þá hinn sjálfir er í ætt er leiddr, en þá hinn er arfi jätti, en þá hinn er öðrum jätti, en þá þeir frændr. Engi má gefa arf trídán öðrum, velakaup skal at vettugi hafa. Engi 30 skal öðrum arfveik veita. Nú skal stíga saðir í skó, ef hann leiðir sun sinn í ætt, ok sonr hans sá er fulltíða er.

Nú er þat ættleiðing at fullu. Nú er sunr eigi til, þá skal sá stíga í skó er hánunum játir arfi. En þá skal sá stíga í skó er hánunum játir óðli. Nú skal hann svá mæla, at: ek leiði þenna mann til fjár þess er ek gef hánunum, ok til gjalds ok til gjafar, ok til sess ok til sætis, ok til bóta 5 ok til hauga, ok til alls réttar svá sem móðir hans væri mandi kœpt. Nú má leiða bróðir (systur) ok systir bróður í ætt við sik ok föður-bróðir bróður-sun. Nú skal svá leiða hornung ok hrisung í ætt við sik sem sun þýborinn. Svá megu fleiri frændr í ætt leiða ok til arfs gera sem nú 10 hefi ek talt, ef sá játir er arfi er næstr. Þann mann má ok leiða í ætt, ef faðir gefr frelsi fyrr en hann hafi nær XV hinar helgu, þá skulu þeir allir jata er í erfðum eru við hann. Nú skal hann þat hafa alt er hann er til leiddr, meðan þeir lifa er í skó stígu við hann; þá skal hann 15 taka, síðan þeir eru dauðir, bæði arf ok óðal. Nú skal maðr lýsa ættleiðing sinni á hverjum XX vetrum til hann tekr arf; þá skal arfr bera hánunum vitni um aldr ok um æfi síðan.

UM VITNISBURÐ

Eptir vitnum ok gögnum skal hvert mál døma. Svá 20 er ef einn herr vitni með manni sem engi beri, en tveir sem tinn, ef maðr uggir eigi andvitni á móti. Nú eru þau vitni er eigi skulu andvitni á móti koma, þat er heimstefnu vitni ok þingstefnu vitni ok kváðu vitni ok nauðsynja vitni ok forsagnar vitni ok þau vitni er menn bera 25 um deild manna at öldrhúsi. En ef maðr krefr mann fjár, þá má hann svá kröfu xerja, at kveðast þá skuld goldit hafa, ok nefnir vátta sína þá er við þat vǫru. Nú ef váttar eru innan fylkis, þá skal skapa þeim leiðarlengð til. En ef váttar eru utan fylkis, þá skal gera þeim lagastefnu 30 at þeir komi þar ok beri slíkt vitni sem þeir við vǫru. Nú bera þeir svá vitni, at þeir við þat vǫru er hann lauk

skuld þeirri allri sér af hendi, þá hefir hann kröfu rétt varða, þat heitir ályktarvitni, þar skal ok ekki andvitni á móti koma. En ef þeir koma eigi, þá er hann sekr á kröfu þeirri. Nefgildismenn eða hauggildismenn eða ná-
 5 mágar megu eigi bera vitni með manni, nema þeir sé báð-
 um jafnskyldir.

Taka megu tveir við eins vitni, ef sá er frumváttr er við var, þá verður þat vitni at fallu svá sem þeir hafi allir við verit.

UM ANDVITNI

10 Nú fœra menn andvitni á móti, þá skulu þeir auka einum vátt, þá eru þeir skrókváttar er fyrri báru. En ef þeir bera allir jafumargir, þá eru þeir skrókváttar er efstri báru, ok bera aldri vitni ok slíkt mál síðan, ok bæta III mörkum konungi hverr þeirra.

EF MAÐR GEFR ÞRÆLI FRELSI

15 Nú leiðr maðr þræl sinn til kirkju eða á kistu setr ok gefr frelsi. Nú ef hann gefr skattalaust ok skulda, þá þarf sá eigi at gera frelsis-öl sitt, né engi sá maðr er frjals fellr á jörð, þá skal hann ráða kaupum sínum ok kvánföngum, þó skal hann vera í þyrmslum við skap-
 20 dróttin sinn svá sem hinn er verð reiðir. Nú gefr maðr þræli sínum þeim frelsi er verð reiðir eða ambáttu; frjals er hverr er frelsi er gefit, ef sá gefr er gefa á. Nú ferr þræll frjals manns förum XX vetr eða XX vetrum lengr, ok illir engi maðr farar hans, né kaup hans né kvánföng
 25 hvárt sem hann ferr utanfylkis eða innanfylkis, þá er hann frjals, ef hann vill frjals kallask. Sá maðr, er konungr gefr frelsi, hann skal eigi gera frelsis-öl sitt ok sá annarr er fyrr er frelsi gefit, en hann hafi III nætr hinar helgu

ok fæddr upp síðan skuldlauss. Nú reiðir þræll eða ambátt verðaura sína, þá skal þau til kirkju færa ok leggja bók á höfuð þeim ok gefa frelsi. Nú skal hann þar vinna XII mánuðr fyrri skapdróttni sínum. En ef hánun er svá frelsi gefit, at eptir stendr hálftr verð hans eða 5 meira, þá þóat hann søeki þat með höggum er eptir stendr, þar á ekki konungr á.

UM FRELSIS GJÖF

Nú vill leysingi ráða kaupum sínum ok kvánföngunum, þá skal hann gera frelsis-öl sitt, þriggja salda öl hit minzta, ok bjóða skapdróttni hans til með vattum, ok 10 bjóða eigi sökunautum hans til ok sessa hánun í öndvegi ok leggja VI aura í skálir, hinn fyrsta aptan ok bjóða hánun leysings-aura. Nú ef hann tekr við, þá er vel. En ef hann gefr upp, þá er sem goldit sé. En ef hann vill eigi til fara, þá skal hann leiða vattu sína, at hann 15 bauð hánun þingat, ok láta liggja tómtr öndvegi hans, ok leggja VI aura í skálir, ok bjóða í sæti hans hinn fyrsta aptan; þat heita leysings-aurar. En ef hann hefir nökkurum manni um boðit við at taka, þá er vel. En ef engi maðr tekr við, þá hirði hann til morgins, ok bjóði 20 enn at matmáli. En ef þá tekr engi maðr við, þá hafi hann ok hirði til sá heimtir er hafa skal; þá er frelsis-öl gjört af fullu.

UM KVÁNFANG LEYSINGJA

Nú fær leysingi konu ættborna sá er gjört hefir frelsis-öl sitt ok skiljask þau kvik, þá skulu börn öll með henni 25 hverfa; en ef hon verðr fyrr dauð, þá skulu börn öll hverfa til föður síns aprtr, ok eta fé hans meðan þat er til, en þá er þat er alt etit, þá skulu börn öll aprtr hverfa

í hit betra kyn, en hann undir skapdróttin sinn. Nú fær leysingi konu ættbarna sá er eigi hefir gjört frelsis-öl sitt, hverr sem skilnaðr þeirra verðr, þá hverfa öll börn með henni. Nú fær leysingi leysingju, ok er gjört frelsis-öl
 5 hennar, en eigi hans, þá koma börn til hvárskis arfs; en ef hans frelsis-öl er gjört, en hennar eigi, ok jätir þó skapdróttinn hennar yán undan sér, þá koma börn til beggja arfs. Nú fær leysingi leysingju ok er annars skapdróttins já til, en annars eigi, sá er eigi jätir, ef þar er
 10 auðœsum at skipta, þá má hann sik til telja, en ef vandræði eru, þá má hann sik frá telja göröllu. Nú fær leysingi leysingju ok er gjört frelsis-öl beggja þeirra, þá gegna börn beggja arfi; en ef þau verða at þrotum, þá eru þat grafgangs-menn; skal grafa grös í kirkjugarði ok
 15 setja þau þar í ok láta þar deyja; taki skapdróttinn þat or, er lengst lifir ok fæði þat síðan. Nú fær leysingi leysingju ok er hvárskis þeirra fresis-öl gjört, nú ala þau börn saman, þá eru þau jafnréttismenn við föður sinn; þau skulu þá vinna fyrir karli ok kerlingu. En ef eitt-
 20 hvert vill í braut fara, þá skal þat leggja í stað sinn merkr III.

UM PRÆL OK AMBÁTT

Nú frelsask þau præll ok ambátt, ok búa bæði saman, þá cexla þau hánnum tvá hluti fjár en henni þriðjung; sá mundr skal henni uppi halda er hann gaf til hennar,
 25 hvárt sem var minni eða meiri, þá er þau váru ánauðig.

UM ARF II BRÆÐRA ÁNAUÐGRA

Nú eru bræðr tveir fæddir upp ánauðgir at eins manns, ok eru þeir bæði bræðr ok fóstbræðr ok leysask þeir undan dróttni sínum ok firrask eigi fóstur, eigu

saman verk ok orka, þá kemr hvárttveggja þeirra til annars arfs, börn þeirra koma eigi til, nema þeir geri frelsis-öl sitt.

UM PYRMSLIR LEYSINGJA VIÐ SKAPDRÓTTIN

Nú skal leysingi hafa þyrmslir við skapdróttin sinn. Eigi skal hann í févélum né í fjörvélum við hann vera, 5 né í dómum ígegn hánum, nema hann eigi sitt mál at verja sjálfs, þá skal hann jafnt fyrir hánum verja sem fyrir öðrum mönnum ok eigi jafnask orðum við hann ok hverfa eigi odd né egg á móti hánum ok fylla eigi fjándflokk hans ok bera eigi vitni á hönd hánum ok ganga eigi 10 á hönd ofrikis manni, nema leyfi hans sé til, ok setja eigi dóm annarra á móti hánum. En ef hann gjörir einhvern hlut þeirra, þá skal hann fara aptr í sess hinn sama er hann var fyrr ok leysask þaðan verðaurum; fé sínu hefir hann ok fyrirgjört. Tveir skulu þeir feðgar þyrmask 15 við hina tvá. Ef sunr hans gerir einnhvern hlut þessarra, þá sekkiz hann við skapdróttin sinn verðaurum slíkum sem faðir hans galt. Vitni þau skal leysingi ábyrgjask XX vetr, at hann hefir frelsis-öl sitt gjört. En ef engi illir gerð hans á XX vetrum, þá skal þó gjört vera at úgjört 20 sé, ef hann vill þat segja. Kaupa má leysingi arf börnum sínum, ef þeir verða sáttir á, þá er þat jafnfult sem hann hafði skirt far sitt. En ef þrot sækir þau ok er keypt, þá skulu börn þeirra vinna fyrir þeim meðan þau lifa ok ganga skuldlaust í braut; en ef þau vilja eigi þat, gjaldi 25 fóstrlaun þat þeirra er í braut vill fara.

EF LEYSINGI FERR OR FYLKI UTAN LEYFIS SKAPDRÓTTINS

Nú ferr leysingi or fylki utan ráð dróttins síns ok aflar sér þar fjár eða kaupa, þá skal skapdróttinn fara

eptir með vátta. Ef hann vill aptr fara, þá er vel; en ef hann vill eigi aptr fara, þá leiði hann vitni á hönd hánun, at hann er leysingi hans, ok fœri hann aptr hvárt sem hann vill lausan eða bundinn, ok setja hann í
5 sess hinn sama þar sem hann var fyrr.

EF ÞRÆLL HLEYPZ

Nú hleypr þræll manns ok tekr maðr hann innan fylkis ok utan fjórðungs, þá skal hann hafa eyri. En ef hann tekr hann utan fylkis ok innan laga várra, þá skal hann hafa II aura. Nú ef hann tekr hann innanlands
10 ok utan laga várra, þá á sá hálfá mörk er hann tekr; ef hann hefir hann í höptum heim, þá á hann undingja lausn en ellar eigi.

UM ÁBYRGÐ SVEINS MANNS

Nú leigir maðr þræl manns, hann skal hann ábyrgjask at hann vísi hánun eigi á ár úfœrar eða á ísa úfœra né
15 til bjarnar liða eða í björg úfœr eða á sæ ufœran eða á annat forað. Nú ef hann þá fyrirfersk þar á ok váru eigi hans sveinar þar eða hans verkmenn aðrir, þá skal hann gjalda hinum svein sinn er átti, hann skal fœra hann heim at missera-mótum. En ef hann sendir hann heim
20 ok lætr hann fara einnsaman, þá ef hann hleypr í braut ok kemr eigi heim til handa dróttni sínum, þá skal hann gjalda hánun svein sinn. Nú skal engi maðr flytja svein manns frá dróttni, nema sér vili ábyrgja, skal hverr maðr heim flytja at úsekkju til handa dróttni. Heimild skal
25 hverr maðr taka af dróttni verkasveins sins, ellar ábyrgjaz hann at öllu. Nú leggr hann sjúkan eða sáran, þá skal hann þar liggja VII nætr, en síðan skal hann fœra hinum er á. En ef sá er af landi farinn, þá skal fœra fjárhalds-

manni hans. En ef hann vill lengr láta hann þar liggja, þá skal leigufall í vera slíkt sem til telst, en ekki hefir hann matar þess er hann neytir meðan hann liggr. En ef hann hleypr í braut frá þeim er hefir, þá skal hann gera boð þeim er á, ellar skal hann leiga, þóat hann hafi eigi. 5

UM VERKMENN

Nú keypir maðr verk at frjólsum manni, þá skal hann þat alt halda sem þeir verða á sáttir. En ef bóandi vill eigi halda máli við leigumann sinn ok vísar hán um or vist, þá skal hann krefja með vátta tvá vistar, ok bjóða verk sín slík sem þeir urðu á sáttir. Nú ef bóandi vill þat eigi, þá er hann sekr at XII aurum, en hinn hafa kaup sitt ok matar verð þat er úneytt er. Nú ef leigumaðr vill eigi halda máli við bóanda, þá skal hann krefja hann verka slíkra sem hann handsalaði hán um ok bjóða hán um vist með vátum, en ef hann vill eigi, þá er hann 15 sekr aurum XII. En þá á bóandi slíkt at heimta at hán um sem hann skyldi reiða hán um, en matar hefir hann ekki, þvíat hann hafnar sjálfr. En ef hann tekr mannsverk á hönd sér ok getr eigi unnit, þá skulu menn meta hvert leigufall hán um skal í því vera. Nú leggst leigumaðr 20 sjúkr eða sárr, ef hann liggr V nætr, þá skal ekki leigufall á því vera, en ef hann liggr lengr, þá skulu menn meta verka tjón ok mat þann er hann neytir, ellar fœri á hendr erfingja. Nú festir maðr úmaga í vist, þat skal ok halda. En ef hann vísar hán um or vist ok gengr hann húsa á 25 milli, þá skal hann gjalda merkr III ok varðveita hán um, sem mælt var. Svá skal hverr gjaldá er ganga lætr sinn úmaga húsa á milli, sem ek hefi nú talt.

UM SKULDARMANN

Á þingi skal skuldarmann taka at bjóðask frændum; fyrst sá er næstr er nánastr er, ef hann vill hafa, eða sá 30

ellar er hann vill helzt selja. Engi má konu svá taka í
 skuld, nema hafi frænda ráð við. Leysings börn má taka í
 fjölda hverjum er vill. Halda skal slíkt alt sem menn verða
 á sáttir ok vátta vitu. Eigi skal hann með höggum ráða
 5 hánnum til verka, nema hann megi eigi fá af hánnum skuld
 sína, en síðan er hann réttlauss við hann ok hans konu
 ok mann hans alt, ok svá hvert þeirra við annat. En ef
 aðrir menn ljósta hann, þá á hann slíkan rétt á hánnum
 sem á brytja sínum; sjálfr á hann þat er auk er slíks
 10 réttar sem hann á burð til, en jafndýrr skal hann þá at
 rétti sem hann væri skuldlauss. En ef skuldarkona leggst
 með þræli, þá á ármaðr ekki á henni fyrr en hon hafi
 goldit hina skuld. Nú ef maðr selr skuldarmann mansali,
 nema hann hlaupi or skuld, þá er hann sekr XL marka,
 15 ok svá hverr er frjalsan mann selr. En ef lendr maðr
 selr, þá skal hann hálf konungi gjalda, en hálf fylkis-
 mönnum. En ef ármaðr konungs selr, þá skal hann gjalda
 XL marka fylkismönnum. Ættborinn maðr má gefa barn
 sitt í skuld, ef hann gefr á þingi eða at öldrhúsi eða at
 20 kirkjusókn, þá má hann gefa í þriggja marka skuld ok
 eigi meiri, þá skal þat halda, skal eigi barnit rjúfa ok
 engi maðr annarra. Nú skal hann neyta skuldarmann
 sinn sem þræl sinn ok svá færa hann til verka, þá skal
 orku gefa hánnum sem þrælum sínum. Nú skal hann þar
 25 vera ok fá þá aura er hann er fastr. Ef hann vill eigi
 þar hafa verit, þá skal hann eiga umhverf hálfan mánað
 innan fylkis at sýsla um skuld þá er hann á at gjalda.
 En ef hann ferr huldu höfði eða or fylki, þá er hann
 þræll ef hinn tekr hann er skuld á at hánnum. Engan á
 30 konungr rétt á skuldarmanni, þar sem sjálfr hann á
 engan rétt á sér. Nú gefsk maðr í skuld frjals ok fulltíða
 ok ættborinn, þá má hann gefask í svá mikla skuld sem
 hann vill. Nú vill sá aura hafa af skuldarmanni sínum,
 þá er vel ef hann sýslar sjálfr um. En ef hann vill eigi

sjálfr um sýsla, þá skal hann bjóða frændum; þá er vel, ef þeir vilja hafa keypt ellar skal hann selja hann hvert er hann vill innanlands, ok selja at aurum eigi meirum en hann var fastr. Engi maðr skal selja frjalsan mann mansali, en ef hann verðr at því kunnr ok sannr, þá 5 skal hann gjalda XL marka, ok svá hinn er kaupir, ef hann veit at hann var frjals. Nú ef skuldarmaðr getr börn, þá er vel, ef hann á sjálfr fé til, at fela börn sín af hendi sér, en ef hann á eigi sjálfr fé til, þá skal sá fela er skuld á at hánum; þá eyksk hánum skuld svá miklu 10 sem hann felr börn hans af hendi sér; sýsli þeir báðir um stað barni. Nú skal skuld aukaz hánum til hann þykkir fulldýrr at verði. En ef hann gerir börn svá mörg, þá skulu frændr hans taka við börnum síðan hvegi mörg sem eru. Nú fær hann eigi goldit skuld ok eldisk hann 15 á hendi þeim manni er á at hánum skuld ok verðr hann at úmaga, þá er hann hans úmagi. Hann á ok kost at gefa hánum skuld meðan hann er verkfœrr; þá hverfr hann á hendr frændum, þóat hann verði at úmaga. Ef maðr selr mann frjalsan á heiðit land, þá skal hann gjalda XL 20 marka ok koma hánum aptr ellar gjalda hann gjöldum aptr frændum hans. Nú býðr maðr þrjót þeim er skuld á at hánum ok vill eigi vinna fyrir hánum, fœri hann á þing ok bjóði frændum at leysa hann or skuld þeirri. Nú vilja frændr eigi leysa hann, þá skal sá er skuld á at hánum 25 eiga kost at höggva af hánum hvárt sem hann vill ofan eða neðan. Nú kemr frjals maðr í skuld ok er eigi rétt tekinn í, þá skal hann fara á þing ok bregða sik or skuld; þarf hann engum manni at stefna til. Ef maðr tekr svein manns ok rekr á verk fyrir sér, þá ábyrgisk 30 hann sveininn, ok gjaldi hinum áfang ef hann heimtír, nema hann taki hann af hlaupstigi.

GRÍÐAMÁL

(SAGA AF VÍGA-STYR OK HEIDARVÍGUM kap. 33)

- . . . Nú heyra þeir gný mikinn, at menn ríða margir til árinna. Var þar kominn Þorgils Arason norðan um land frá brúðlaupi sínu, ok Snorri goði með hánum, ok ríðu saman LXXX manna. Þá mælti Barði: tókum ofan búnað
- 5 várn, ok ríðum í flokkinn, ok aldri meir en einn í senn, ok munu þeir ekki í ráða, er myrkt er. Ríðr Barði at Snorra goða, ok hefir grímu á höfði sér, ok hjalar við hann á vaðinu, ok segir hánum tíðendin. Nú ríða þeir af ánni. Þá mælti Snorri: Þorgils, segir hann, hér
- 10 viljum vér æja ok eiga dvöl, ok hjalast við, áðr vér skipum oss á gistingar. Þeir Barði ríða hjá flokkinum, ok ráða menn ekki í þat. Þorgils ætlar um kveldit á Breiðabólstað. Ok er þeir höfðu niðr sezt, þá mælti Snorri: þat er mér sagt, Þorgils, segir hann, at eingi
- 15 maðr mæli jafnvel fyrir gríðum sem þú, ok önnur lögskil. Lítils er um þat vert, segir Þorgils. Nei, segir Snorri, mikit mun til haft, er einmæli er um. Þorgils segir: eigi er fyrir haft, at ek mæli betr fyrir gríðum en aðrir menn, ok má þó lögfult vera. Snorri mælti:
- 20 þat vil ek, at þú látir mik heyra. Hann svarar: hver þörf er þess? eru hér nökkurir missáttir? Hann kveðst aldregi þat vita, en aldregi er því misráðit, ok ger sem ek vil, ok skorar fast á. Þorgils segir, at svá skal vera; hann tók þá til máls:
- 25 Þat er upphaf gríðamála varra, at guð sé við oss alla sáttir; vér skulum ok vera menn sáttir vár í millum ok samværir, at ölvi ok at áti, á þingi ok á þjóðstefnu, at kirkna sókn ok í konungs húsi, ok hvervetna þar er manna fundir verða, þá skulum vér svá sáttir, sem aldri
- 30 hafi fjándskapr vár í millum verit. Vér skulum deila kníf ok kjötstykki ok alla hluti vár í milli, sem frændr

en eigi fjáendr. Ef sakar gjörast héðan af á milli vár, þær skal fé bæta, en eigi flein rjóða, en sá várr, er gengr á gervar sættir eða vegr á veittar trygðir, þá skal hann svá víða vargrækr ok rekinn, sem menn víðast varga reka, kristnir menn kirkjur sækja, heiðnir menn hof 5 blóta, eldar upp brenna, jörð grœr, mögr móður kallar, skip skriðr, skildir blika, sólskin snæ lægir, Fiðr skriðr, fura vex, valr flýgr várlangan dag, standi hánnum beinn byrr undir báða vængi, himinn hverfr, heimr er bygðr, vindr vex, veitir vatn til sjóvar, ok karlar korni sá. Hann 10 skal firrast kirkjur ok kristna menn, guðs hús ok gyma, heim hvern nema helviti. Tekr hverr várr trygðir við annan, fyrir sik ok sinn erfingja, alinn ok úborinn, getinn ok úgetinn, nefndan ok únefndan, en hverr veitir í mót trygðir ok ævintrygðir, mætar trygðir ok megin- 15 trygðir, þær er æ skulu haldast meðan moldir ok menn lifa. Nú eru vér sáttir ok sammála, hvar sem vér finnumst á landi eða á legi, skipi eða á skiði, í hafi eða á hestbaki:

árar at miðla ok ausskotu

20

þóptu ok þilju, ef þarfar gjörast;

jafnsáttir hverr við annan, sem sonr við föður, eða faðir við son, í samförum öllum. Höfum nú lófatak at trygðamálum, ok höldum vel trygðir at vilja Krists ok at vitni allra manna, þeirra er nú heyrðu trygðamál; hafi sá guðs 25 hylli er heldr trygðir, en sá gremi guðs er rýfr réttar trygðir, en hylli sá er heldr; höfum heilir sættzt, en guð sé við alla sáttir!

Ok er Þorgils hafði lokit at mæla fyrri griðum, þá mælti Snorri: haf þökk fyrri, vinr! stórvel er mælt, ok er 30 þat sýnt, at sá er á bak gengr er at visu griðniðingr, ok sé hann við staddr.

PROBEN

ISLÄNDISCHER UND NORWEGISCHER ORTHOGRAPHIE

AUS HANDSCHRIFTEN DES XII. BIS XV. JAHRHUNDERTS

Cod. AM. 237, fol. sæc. XII. Isl.

Predigt

. . . trú rétta. þa es oss leipar inn til almennelegrar cristne. hurþ fyr durum merker skýnsama menn. þa es hraustlega standa at móte villomaonnom. oc býrgia þa fyr utan cristne goþs i kenningom sínom . . .

5 . . . táorom sýnþa flecca af áond (= önd) várre. oc prýþa hana góþom vercom. Oc sva sem ver féoþom (= fæðum) oss itarlegre féozlo of háotiþer (= hátíðir). sva scolom ver oc feóþa áond óra. háotiþlegre feózlo. þat ero orþ goþs. þviat óséomt (= úsæmt) es at likamr féoþesc. oc clæþesc.
10 itarlega. en enn ipre (= innri) maþr se oprúþr . . .

Gislason, Um frump. p. XVII—XVIII.

Cod. reg. Havn. 1812, fol. sæc. XII. Isl.

BROT AF FORNU RÍMI

Ener spocosto menn aislandi hugbo tal í tueim misserom .CCC. daga oc IIIa. þat verþa vicor II ens setta tegar. en monoþr .XII. XXX nattar oc dagar .IIII. umbfram.

þa merkþo þeir at solar gangi at sumar munapi aftr til
vars. en þat kunni engi þeim at segia at degi einom vas
meirr an vicom gegndi oc þat olli. Enmaþr breiþfirþer
hét þorsteinn surtr. hann vas son hallsteinns þorolvs .S.
mostrarsceggia. þess er nam þorsness. lond. oc oscar. 5
þorsteins .d. ens rauða. Ann dreoympi at hann veri at
logbergi. þa es þar vas fiolment. ok vaka en. hann hugþi
alla menn apra sova. Enn siþan hugþesc hann sovna en.
alla apra vacna. E(n) þann draum réþ osyvr. helga .S.
Suat aller menn myndo þegia meþan hann melti. at 10
logbergi. en siþan es hann þagnapi þa myndo aller roma.
þat es hann hafþe melt. þacomo menn til þings oc leitapi
hann þess at logbergi at et .VII. huert sumar scyldi auka
vico oc freista huesso hlyddi. en menn toko. vel under.

Islend. sög. I (1843), tab. IV. und p. 385; vgl. oben p. 101, kap. IV.

Cod. Holm. 15, 4° sæc. XII. Isl.

Homilie

Enoc oc helias — cunna segia. at su es rétt trva 15
es nu hafo cristner menn. oc saþr oc eilifr es favgnop
gópra manna meþ guði. ennda svá oc í avþro lagi ero
sannar oc eilifar qvalar vándra manna meþ diofi. þa trv vill
anticristr niþr brióta oc ónýta. oc seger hann þat rét er rangt
er. en þat rangt er rétt er. snyr hann sva umb eno rétta qllo. 20
at hann segisc siálfr guð vera. sa er enn verstí fiandi er.
oc seger þat himinrikes gavto er helvitis gata er. at lifa
allt at munopom. fasta litt. oc gera mart þat er nu er
cristnom monnom bannat. Nu fyr þi at þeir ganga mest
a mót hanom enóc oc helias. oc leiða marga þa aftr guði 25
til handa meþ réttri trv. es anticristr hever apr villta. þa
lætr anticristr þa taca bápa oc pína. oc láta þeir þar líf
sitt. fyrþi (= fyrir því) at deyia verða aller ór heiminom
þessom. er þa oc scamt at biða at guð lystr anticrist meþ

eldingo. oc verþr hann brápdáupr. siá menn til þess at hann mvni vprisa a enom þriþia dege epter dauþann. svasem hann hafði sagt. en þat fréstasc oc verþr ecki ór uprisonni hans fyrþi at hann lócsk (= laugsk) avllom
 5 guþdoms crapti á. oc mátti hann þá eina stund lifa sialfr. eþa slícar síónhverfingar gera sem hann gører. es guþ bannar honom eigi. Forvitnasc menn umb siþer hui hann risi eigi upp. oc fara at siá líket ec líta brátt at þat vellr mopkom (= maðkum) allt. oc oðáunan af. oc finna menn
 10 þa at þat var villa ein allt þat er hann hefer kennt. en hín es rét trva oc savnn es þeir enóch oc helias kenndo. oc góþer menn havþo aþr i heims bygþinne. snysc þa siþan avll heims bygþ til rétttrar trvar. þat er þá liver epter.

Islend. sög. I (1843), p. 386; vgl. Rydquist: Sv. Språk.

Lagar I, p. XIII—XVII

Cod. AM. 619, 4^o sæc. XII. Norv.

JARTEIGN

Sva bar at síon æit (= eitt) i gaorðum aoustr at
 15 ældr com i capv bæ þann er holm garðr hætir. oc stoð æigi til minna geigs en borgen oll myndi upp ganga. Nu flyiðu aller menn fælmsfullir til clærce æins oc kennimanz þes er stephán var nemdr. hann þionaðe þar inni hælga olafs kirkju oc vildu vist fræista i sva mykilli nauðsyn
 20 styrce oc veldis hins hælga olafs konungs oc ræyna sva til sannz saogur annarra manna. Þegar prestrenn heyrði (= heyrði) þæirra vild oc bænar orð. þa gripr hann i fang ser liceskiu þes góða lávarrz oc sætr amóte ældinum. Siðan þocaðe hvergi ældren umm fram þat er hann
 25 var þa comen. oc varð sva borget hinum mæsta lut borgarennar.

Ant. Russ. I, tab. IX. vgl. p. XXIX. (vgl. Olafs saga helga [Chra 1849] c. 117).

Cod. AM. 315, fol. sæc. XII. Norv.

UM FRÆNDBÆTR

Nu a foður broðer viganda at bæta syni hins dauða halfre morc. en brœðr hins dauða atta ærtogom (= örtugum). En foður brœðr hins dauða .V. ærtogom. oc þrim peningum. Sva skal broðor syni hins dauða at somu. oc sva moðor faðer. oc dottor sunr. Aller æigu þær iammicla bot er i 5 uppname ero saman. Nu a foður broðer viganda at bæta moðor brœðr hins dauða tvæim lutum fimta penings oc æyri (= eyri). Sva skal bæta systur syni hins dauða at somu. oc brœðronge. oc broðor dottor syni. oc systlingi. Sva skolu þær aller bæta er i uppname ero með foðurbroðr. Nu 10 skal foður broðer viganda bæta systrungi hins dauða .IIII. peningum oc tvæim ærtogom oc sva skal hværr þæira i þvi uppname. Sva skolu þær bæta systur dottor syni. oc brœðrongs barne. oc moðor brœðr moðor hins dauða.

Norg. gamle Love I, p. 113.

Eiðsiva þingslög, fragm. sæc. XIII. in. Norv.

UM BÚHÖGG

Ðat ero logh. ef maðr hæggr bu firir manne. þo at 15 eighi hoggvi meira en eina ku. oc er þa bu hans allt hoggvit. þa ero þeir aller ubota menn er hioggo. oc at þvi verki varo. En ef hann a tvær kyr gjallde .III. merkr ef aðra hæggr. en ef baðar hæggr. þat er obota værk. En ef maðr a þriu nout. þa er fiar fœlengh (= fjár felling) 20 a tveim. en ubota værk ef oll hæggr þriu. En ef maðr a meira bu en þriu nout. þa liggja .III. merkr við þriu nout. þ. d. a. (= þrideili á). En ef maðr hæggr hitt fiórða. þa er ubota værk ollum þeim er at varo. oc fylghðu 25 til. oc ifra. oc sva aller þeir er reðo. oc at þvi verða

kunnir oc sanner. þeir heita gorrvarghar (= gjörvargar).
 Sa skal flytia dóm eptir þeim til þriðjunghs þings. eða
 holvu þings. af holvu þingi oc til fylkis þings. eða alykta
 þings. af fylkis þingi. oc til .III. fylkna þings. þa er . . .

Norg. gamle Love II, p. 523.

Norweg. Urkunde, ausgest. zu Oslo vom König Philipp,
 undat. (1207—1217.)

- 5 Philippus konungr sender ollum Morsdælum þeim er
 j lyðni villia vera við oss q(veðia) G(uðs) oc sina. Vm
 eign þa oc uttvægh (= útveg) er Jngi. konungr. gaf til
 Hauwðeyiar or bæ þeim er Aspar heita a Follœ ser til
 miskunnar þa er oss. saght at þer haveð genget a meðr
 10 kappe oc agirnd oc malghat þa eign með rangyndum oc
 unyta sva. fyrir munkum j Hauwðey. Nu hava þeir
 loghuunnitt (= lögvunnitt) eignena sem Simun logh maðr
 hevir laogh um skyrt. Nu ef nokor maðr verðr sua diarfr
 at hann gerer þeim nokot spial virki eða lan bum þeira.
 15 a gaurðum eða grindum eða a þui er til heivir leghet at
 forno eða nyiu þa skall hann engo fyrir koma nema livi
 eða limum ef ver meghom na honom. Walete.

Diplomat. Norweg. I, nr. 3.

Norweg. Urkunde, ausgest. zu Oslo vom Bischof Nikulas,
 12. März 1224.

- Ollum livandum oc viðr komandum guðs vinum oc
 sinum þæim sem þetta bref sea eða bæyra sender Nikulas
 20 biscop oc korsbrœðr i Oslo queðiu guðs oc sina. Ver
 vilium yðr kunnict gera upp eign þa er ver guldum
 Judarðe mote fearlut sinum. halfrar mærkr bol ór Vælli
 i Gravar kirkiu sokn. oc annat halfrar mærkr bol ór
 Skæphæimium i Jolund. En Vddarðr gaf þat mærkr bol

fram a leið guði oc hinni hælgu mœy Mariu oc sva hinum
hælga Eðmundi staðenum til upphallz í Howðœy. var þetta
gort allt með einu skil orðe. scœyt (= skeytt) oc trygt
af vare hende oc Vddarðar með allum fullmælum gort.
En sa er þetta ryfr eða rofsmenn til fær þa liggi hanum 5
slict við sem molldrofs manne a við at liggia at logum.
Þetta var gort á Gregores mœsso degi i biscups garðe
Anno ab incarnatione .m°. cc.xx.iiii. En þesser varo vættir
við. Sira. J. Geslengr. Meistare Jon naso. Jon Bataðr.
Guðleikr prestr. Jon scolameistare. Hughleikr. Asbiorn 10
kopr. Hallkæl mærr. Olafr giældkyri oc fiolde annara
manna.
Diplomat. Norweg. I, nr. 7.

Cod. AM. 325, b .4°. sæc. XIII. in .Isl. [?]

(ÁGRIP v. Catal. p. 55.)

. . . oc inávfra of svrna dal til þronndheims. en menn
hoconar með lybsins fcltingi sotto amot honum oc felldo
j gaular dali þar sem nu er callat gamla leir af hans nafnni. 15

Enn því næst a. ix. uetra fresti sittsz þeir bravþr
hafþo í noseg sott með bardaga. þa heldo þeir bravþr er
eftir uoro. haraldr grafeldr er þeirra uar merkiligast
at gamla fallinn með gvnhildi moþor sinni astr-iland. oc heldo
orrostu við hocon afittiom istorþ (= á Fitjum í Storð). hia 20
hvscops steinni. þar uoro fiorir of einn a mot hoconi. þar
uar með þeim því lipi samþr er hét afindr (= Eyvindr)
scraygia. hann var cappi michil meiri enn aprir menn
oc hito varla iornn (= járn). hann gec sva umb dagenn at
ecku uetta helt við honum. þvíat engi hafþi favng á imoti 25
honum hann for sva grenniandi oc emiandi oc ruddi sva
at hann hio abapar hendr oc spvrþi hvar hann norþmanna
konungr uæri. hvi lavnisc hann nu. haltu sva vel fram
ef þu uil hann hita quap konungr. enn hann austisk at
meirr við oc hio abapar hendr með mikilli bræþri avxi 30

svaaf í iorþo nam staðar. þa mælti þoralfr enn sterki
 islendzcr maðr er þa uar með konn(unginum) mition uetra
 gamal oc callaðr uar iam sterkr kon(unginam). uiltu herra
 qvað hann at ec rapþomsc imot honum. Nei qvað hann
 5 mic uil hann hitta skal hann oc því mic finna. varp af
 hafði ser dvlhetti er scalda spiller hafði sett . . .

Gislason, um frump. p. XXXIX—XL, vgl. Fms X, 382—383.

Cod. AM. 645, 4° sæc. XIII. in. Isl.

. . . alre dyrþ goða varra oc o sømer hana sva ingavgo
 goð (vár, at) hann seger at Þorr se non (= eigi) guð
 fvltrue varr oc en sterxte qs areþess fvlr (= áss áraðis
 10 fullr). oc er nēr hvarss sem hann es blotenn. En þá
 ósemp. oc ovirþing veiter hann óþne órlavsna fvlom oc
 hvarfseme. at sia Clemens callar hann. fiannda oc ohrcinan
 annda. En hann qveþr freyto portkono verit hafa. fþler
 hann frey. En hræper heimdavl. lastar hana loca með
 15 sløgþ sina. oc vclar. oc callar hann oc illan. hatar hann
 hœni. Bølvar hann baldri. Tefr hann tý. Niþer hann
 Niorþ. Jllan seger hann ull. flimter hann frig. En hinn
 gør (= geyr) gefion. Sekia dœmer hana sif. fir ilzco sina
 queþr hann sva at orþe. oc sia lagabriotr fœler œl goð ór oc
 20 lastar þav miœc oc gremr at qs (= oss). oc engi þeirra asa
 ma hann heýra vel latenn. hvártke þór né oþenn. Øllom
 bindr hann þeim iamnnan sciöld vp goþom orum. oc callar
 œll oþef með øllo vel hvart heyrþo þer mann sliet mela
 fyrr. blôte hann nř þegar i staþ vel hafe bana ella. Nv
 25 er sa domr várr allra of hann.

Gislason, um frump. p. LXIV.

Cod. Upsal. 8, fol. sæc. XIII. in. Norv.

JARTEIGN

Alvalldr het maðr krypill æinn er hinn hælgi Olaf
 konongr grœdde. Hann somnaðe uti dag æinn. maðr kom

at hanum gafurlegr oc spurði hvært hann villdi fara. oc
 bæð hann fara til Olafs kirkiu til Lundana þar mantu hæill
 verða. Nu for hann oc kom fram um siðir til Lundana
 bryggju. Hann spurði hvar Olafs kirkia var. þa kom at
 hanum maðr æinn oc mælte at þeir skilddi fara bæð 5
 saman. Ec man visa þer leiðena til kirkjuannar. Treskiolldrenn
 var har firir durunum oc varð at væltazt inn ivir. Þu
 næst varð hann hæill. oc sa hværgi þa farunauta sinn.

Ólafs saga helga (Chra 1849) k. 118.

Cod. AM. 686, 4^o sæc. XIII. in. Isl

Predigt

Af þessom iartegnom raskar enge fōsto tið drotenns
 dags halde. huege skylleg er hon vøre. ef hana berę 10
 a annann dag. at domini dagr merker ihalde sino. ęilifa
 hotið. þa er aller helger muno halda meþ almotkom guþe.
 at lipnom ęlloim vandrebom heims þessa. iþiminrikess dyrþ
 ęrugger oc ottalavaser of allar allder. Sva oc sem pascar
 ero helgare en aþrar tiper. sva er margfallega meirr 15
 vonndōð tið til pasca hallz. en til annarss hotipa hallz. þat
 er fyrst iþvi merkelect. at pasca scal eigi hallda fvrr varss.
 en at lipno iamdege. þvi er at hōcmale verþr benedicti-
 dag. fyr þvi at þat er maclelect at minning sigrs domini
 þess er hann vā ahōþingia helvites myrcra. iþupriso sinne. 20
 se iþann tið årss hallden er dagr ma meira en nōtt at
 leingþ. oc sol er meira hlut dōgra fvrvan iorþ en
 munder iorþo. Aenom nesta manape eþter iafnndōge scal
 pasca hallda. fyr þvi at sa monopr er uphaf arss at ebreisco
 tale. Var ahonom heimr scapaþr iaphase oc ahonom hōse 25
 pasca halld gyþinga aęiptalande. oc ahonom var framed
 þingng Christi. ocþa com fram m vprisa hannss. En þo hōver
 at en hēsta hotip domini. lipi eg af enom ęrta manape
 arss. Adrotenns dege scal pasca dagr vera. fyr þvi at hann

hever margfallda dyrþ umframm of aðra viko daga. Adrotenns
 dege iuphæfe heims voro englar scapaþer. er ǫzter voro
 allrar guþsþeppno iþþle sino. Adrotenns nett lavstesc lyþr
 guþs af egiptalande. ór velde faraonis með leiðslo moysi.
 5 oc ááron bróþra tveggia. ocaenom fimtǫgonða dege. þáþan
 fra. gaf guþ lǫg moysi afialle því er sína heiter. oc var
 þat enn adrotinnsdege. Jhesus cristr helgæpe domini nott
 með upriso sinne. Oc a enom fimtǫgonnda dege epter
 upriso hanss. var enn helge annde gefen postulum. þat er
 10 ocsagt at enn helge ande qveme með Marie at vera
 adrotenns dege.

Gíslason, um frump. p. CI—CII.

Cod. Upsal. 4—7, fol. sæc. XIII. med., Norv.

NABOREIS STREINGLEICR

I Kornbreta lannde var konungr einn. er callaðo
 Naboreis. Naboreis var einn riddare curteis oc vaskr oc
 vapndiafr. grimr uvinum. goðgiarn vinum. atti mikit riki.
 15 mioc rica oc auðga foðurleifð. hann fecc ser kono ricrar
 ættar dyrlega oc pruða. friða oc heyveska oc vel vaxna.
 Hon lagðe allan hug a þat at klæðazc vel oc buaz
 snyrtilega. laza klæðe sin oc bva hofuð sit með hverskonar
 kvenna hofuðbunaðe. er hon fann til segrðar var oc kvenna
 20 pruðleics. þui at hon var uhofsamlega dramblætis kona.
 Naboreis bonde hennar at hugði siðveniu hennar oc
 mislicaðe honum mioc at hon villde sva ofprvðlega hvazc.
 oc reiddiz hann henni oftsamlega oc refsti henni leynilega
 með horðum orðvm. oc ræddi hann iðulega vm meðað
 25 hennar oc drambvisi. mikillæti. ofpruðleic. oc sagðe at þat
 var ei sacar hans. hellðr af þui at hugr hennar stoð a
 oðrum. Hann kvað ser lica athævi hennar. þo at hon
 være ei sva mikillat ne sva uhofsom i skarti sinu. i lazan
 klæða sinna ok hofuðfallda. oc sva einkennilego drambe er

hon bar a ser. Nu sem hon villdi engum kosti hafna ne af lata tiltekiu (oc) uhofsamlego drambe sinu. þa senddi Naboreis bonde hennar eftir morgum þeim monnum er villdazter varo. oc er þar komo hinir skyldazto frænndr hennar. þa kærðe hann firir þeim þat sem honum mislicaðe 5 i atævom hennar. oc sende hann henni þa orð með frændom hennar. at mioc angraðe hann at hon vill ei af lata ofstarki sinu. Ef henni licaðe þa villde hann giarna at hon eftir late raðom hans oc af late ofstarki sinu. En nu heyrit hversu hon svaraðe bonda sins orðsendingvm. 10 Herrar kvað hon. ef bonda minum mislicar oc firirkann at ec klæðe mic. oc at ec bvmzc virðulega sem siðr er friðra oc kurteisra kvenna. þa kann ec engan annan orskurð orðzenndinga hans. en þat at þér segit af minni hennde. at hann late lengi vaxa skegg ocampa. siðan skere hann 15 af hvarttveggia. þa hevir hann vel hefnt sin sem abruðigr herra. Þeir er heyrðu svor frunnar gengv fra henni. oc logu mioc at orðvm hennar. oc gerðo ser gaman af svorum hennar. oc var þetta mioc við dreift oc fregit hvervitna. Þeir er skola helldo at gera streingleiki gerðo fagran 20 strengleicssong vm Naborez. oc kallaðo strengleikinn nafns hans.

Strengleikar (Chra 1850) p. 81 — 82.

Norweg. Urkunde, ausgest. von Haukr Erlendsson,
zu Oslo, 28. Jan. 1302.

Ollvm monnvm þeim sem þetta bref sia eða heyra sendir Havkr Erlenz svn logmaðr i Oslo Q. G. ok sina. ek vil yðr kvnnigt gera. at Botilldr kiærði firir mer. at 25 hon ok bondi hennar sa er Gvðbrandr het hefði mist .VI. avra bols i Geirsstoðvm. þers er Þorgarðr a Havgvn faðir hennar gaf henni. eftir því sem þeir barv vitni firir mer Hallkell ok Þorðr er hia vorv giofinni ok hansalinv hia

verandi ok Astv er jordina varðe. ok af því at þeir barv
vitni a logþingi i Oslo Þorðr langr Amvndi a Kleifvm
Hallvarðr a Skvtv rvðe. ok skvtv sva sinv male til gvðs.
at þeir vorv þa i hia ok heyrðv. at Gvðbrandr heimte
5 landskyld af Simvni mage sinvm af fyrr nefndri jorð. ok
kiærði at hann hafði rænt hann. en Simvn tok exi sina
ok liop at Gvðbrandi ok var hann halldin. sagði Simvn at
hann skyldde fyrr hafa vfagnað af honvm en nockora
penninga. sva barv ok vitni a logþingi Amvndi ok Þorðr.
10 at þar vorv þeir hia ok sa at Asta er Simvn atte ok
Botilldr logðv þetta mal til logþingis. ok kom Botilldr en
Asta eigi. ok af þvía bornv sem yðr er synt. þa sagða ek.
en logrettv menn dæmðv Botilldi .VI. avra bol i Gerstoðvm.
vtan þat geti provat með skilrikvm vitnum. at Þorgarðr
15 atte minna i jorðinæ. þa var henni sva mikit dæmt sem
hann atte i ok allar landskyldir þær er af hafa gengit.
siþan Simvn tok af þeim jorðina. nv hverr sem þetta ryfr
þa liggr honvm slikt við sem þeim er ryfr logmanz orskvrð
ok þingmanna dóm. ok til sanz vitnisbvrðar gaf ek firir
20 þetta bref mitt innsigli er gort var ok dæmt svnnvdag hin
nesta firir kyndil mersv a .III. ari rikis minus herra
Hakonar konvngs hins koronaða.

Diplom. Norveg. I, nr. 93. vgl. Annal. f. Nord.
Oldkynd. og Hist. 1847. p. 214—215.

Norweg. Urkunde, ausgest. von Haukr Erlendsson,
zu Bergen, 14. Octob. 1310.

Ollvm monnvm þeim sem þetta bref sia eða heyra
sendir Havkr logmaðr q. g. ok sina. Halvarðr bondi a
25 Stafín ok Arni Jorvunar svn komv firi mik a stefnv i
konvngsgarði i Biorgvin ok kiærði Arni at Halvarðr hafði
vloglega tekít af honvm fiski vatn eitt þat er þeir hoðv
nockora stvnd vm kiært ok Logrin heitir. en Hallvarðr bar

þar fram bref var(s) herra konvngsens ok herra Sigvatz a
 Leirholvm ok fleiri dvgande manna þav er her erv með
 læst hver er segia at þeira mal er profat ok dæmt sva
 sem þav bera siolf vitni. vm þa var þat min orskvrðr með
 samþykt herra Vna Petrs svnar ok margra annárra dvgande 5
 manna fyrst at allr sa domr sem dæmðr var af herra
 Sigvati a Leirholvm ok oðrvm dvgandi monnvum eftir boði
 vars herra konvngsens millim fyr nefndra manna skal allr
 standa eftir því sem han er dæmðr ok þar með skal Arni
 lvka Hallvarði fíora manaðar mati i kost þan er Hallvarðr 10
 hafði i þersi ferð ok .iiij. manaðar mati i dom rof innan
 þers manaðar er þeir koma heim. nv at sinni ok til sanz
 vitnis hvððar gaf ek ok herra Vni ockor insigli firir þetta
 bref er gort var i Biorgvin vetrar dag en fysta a .xij. ari
 rikis vars virðulex herra H(akonar) Norex konvngs. 15

Diplom. Norv. II, nr. 103.

Cod. AM. 371, 4° (Hauksbók I.) sæc. XIV. in.

(Aus LANDNÁMABÓK)

Ævarr het maðr hinn gamli broðir Bryniolfs kom vt
 i Reyðarfirði ok for vpp vm fiall. honvm gaf Bryniolfr
 Skriðvdal allan firir ofan Gilsá. hann bio a Arnallzstoðvm.
 Asroðr het maðr er feck Asvarar Heriolfsdottvr broðordottvr
 Bryniolfs ok stivfdottvr. henni fylgðv heiman oll lond millim 20
 Gilsár ok Eyvinðar ár. þav bioggv a Ketils stoðvm. þeirra
 son var Þorvallðr holbarki faðir Þorbergs. foðvr Hafliotz.
 foðvr Þoraz skalar. dottir holbarka var Þorvnn er atti
 Þorbiorn Gravtatlason. onnvr Astriðr moðir Asbiarnar
 loðinhofða. foðvr Þorarins i Seyðarfirði. foðvr Asbiarnar. 25
 foðvr Skolskeggs hins froða ok Ingileifar moðvr Hallz. foðvr
 Finnz logsogvmanz. Rrafnekl het maðr Rafns son. hann
 kom vt sið landnama tiðar. hann var hinn fysta vetr i

- breiðdal en fiall hann aði i Skriðvdal ok sofnaði. þa dreyndi hann at maðr kom at honvm ok bað hann vppstanda ok fara brott sem skiotaz hann vacknaði ok fór abrott. en er hann var skamt komin. þa liop ofan fiall allt ok varð
- 5 vndir golltr ok griðvngv er hann atti. siþan nam hann Hrafnkels dal ok bio a Steinroðar stoðvm. hans son var Asbiorn faðir Høelga ok Þorir faðir Rafnkels gvða. faðir Sveinbiarnar. FRA VNA DANSKA. Vni en danzki eða hinn vborin son Garðaz er fann Island for til Islandz með raði-
- 10 Haralds konvngs hins harfagra ok ætlaði at leggja vndir sig landit. en siþan hafði konvngv heitið at gera hann iarl sinn. Vni tok land þar sem nv heitir Vnaoss ok lvsaði þar. hann nam ser land til eignar fyrri svnan Lagarflot allt herað til Vnalækjar. en er landzmenn vissv ætlan hans.
- 15 tokv þeir at yfaz við hann ok villdv eigi selia honvm kvikfe eðr vistir ok matti hann eigi þar við halldaz. Vni for brott ok kom i Alfta fiord hinn syðra

Isl. sög. I (1843), tab. I. vgl. p. 244 ff.

Cod. AM. 544, 4^o (Hauksbók II) sæc. XIV. in. Isl.

AF HEIDREKI KONVNGI

- Heiðrekr konvngv for i hernað ok kom við Saxland. hann hafði mikin her. konvngv af Saxlandi sendi honvm
- 20 menn oc gerðv þeir frið sin imillim ok let konvngv bioða heiðreke til vezilv ok þat þa hann. at þeirri vezilv bað Heiðrekr dottor konvngs ok feck hennar með miklv fe ok riki ok við þat for Heiðrekr heim i riki sitt. hon beiddiz oft at finna foðor sin. hann let þat eftir henne ok for
- 25 með henni Anga(n)tyr stivpsvñ hennar. ok eítt sin er Heiðrekr kom or hernaði. lá hann við Saxland i einv leyni. hann geck vm nott a land vpp oc kom hann i þa skemmv er drottnei(n)g hans svaf í. ein maðr geck með honvm.

varðmenn allir svafv. hann sa fagran mann i sæing hia konv sinni. hann tok svn sinn Anganty ok hafpi með ser. hann skar or lepp (legg *Hds*) or hari þess manz ok for sipan til skips. Vm morgonin lagdi hann i konvngslægi ok geck þa allt folk moti honvm ok var honvm þa bvin 5 veizla. Litlv siparr let hann þing stefna ok spvrði hvat menn vissi til svnar hans. drottning sagði at hann varð braððavör. hann bað fylgia ser til leiðis hans. drottning sagði at þat mvndi avka harma hans. hann kvez ecki þat hirða. var þa til leitað ok var þar hvndr sveipaðr i dvki. 10 Heiðrekr kvað eigi svn sinn vel hafa skipaz. let hann nv leiða fram sveininn á þingit ok segir þa allan atbvrð vm framferð drottningar. let konvngv þa leiða fram þan mann er i hvilvnni hafpi verið. ok var þat þræll einn. Heiðrekr sagði þar skilið við drottningv ok for heim sipan i riki 15 sitt. Eitt svmar er Heiðrekr var i hernaði kom hann i Hvnaland ok heriaði þar. Hvmlí magr hans flyði vndan. tok Heiðrekr þar herfang mikít ok dottor hans er Sifka het ok for hann sipan afr i riki sitt ok var þeirra svn Loðr. sem fyrr var ritað. ok litlv siparr sendi hann hana 20 heim. hann tok enn af Finlandi at herfangi konv þa er en het Sifka. hon var allra þeirra kvenna friðvzt er menn hofðv seð.

Ant. Russ. I, tab. IV. vgl. Fas. I, p. 527.

Cod. AM. 45, fol. (Frissbók) sæc. XIV. in. Isl.

(Anf. von HEIMSKRINGLA)

Her hefr upp konunga bok eftir savgn ara prestz froða oc héfr frst vm þriþivnga skipti heimsins. en sið 25 fra avllvm noregs konungum.

Kringla heimsins su er mannfólkít byggvir er miog vágskorin. ganga stor havf or vt sianom inn i iorðina.

Er þat kvnnigt at haf gengr af niorva sundom ok allt vt til iorsala landz. af hafino gengr langr hafs botn til landnorðrs. er heitir svarta haf. sa skilr heims þrið(i)vnnga, heitir fyr austan asia. en fyr vestan kalla svmir evropa. 5 enn sumir enea. Enn norðan af svarta hafi gengr sviðiþ en mikla eða hin kallda. Sviðiþ hina myklo kalla sumir menn eigi minni. enn serkland hit mikla. sumir iafna henni við bla land hit mikla. hinn neyrðri hlutr sviðiþar liggir obyðr af frosti oc kvþa. sem hinn syðri lutr 10 blalandz er auðr af solar hita.

Ant. Russ. I, tab. V. vgl. oben p. 37, 6 ff.

Cod. reg. Havn. 1005, fol. (Flateyjarbók) sæc. XIV. ex.
(1387—1395) Isl.

HER HEFR GRÆNLENDINGHA ÞAATT. CAPITULUM

Þat er nu þessu næst at biarne heriulfsson kom vtan af grænlande afund æireks iarls. oc tok iarl við honum vel. sagðe biarne fra ferdum sínum er hann hafðe lond set. oc þotti monnum hann verit hafa vforuitin er hann 15 hafðe ekki at segia af þeim londum oc fek hann af því nokkut amæli. biarnne gerðizst hirdmadr iarls. oc for vt til grenlandz vm svmarit estir. var nu mikil vmroeda vm landa læitan. leifr son æireks rauða ór brattahljð for afund biarna heriulfssonar oc keyfte skip at honum oc red 20 til haseta sua at þeir voru halfr fyorde tógr manna saman. leifr bad sinn fódur æirec. at hann munde enn fyr vera fôrinne. æirekr talðizst helldr undan. kuetzst þá vera hnigin j alldr oc kuetzst minna mega við uose aullu en var. leifr quedr hann enn mundu mestri heill styra af 25 þeim frendum oc þetta let æirekr estir Leifi oc ridr heiman. þa er þeir eru at þui bunir oc var þa skamt at fara til skipsins

Ant Americ. tab. I.

Cod. acad. Havn. Add. 20, fol. sæc. XV. (1400—1450) Isl.

(Aus HARDAR SAGA)

. . . Valbrandr het madr er bio a breidabolstad j reykiadal
 ínum nyrdra. han uar son ualþiofs hins gamla. hans son
 uar torfi rikr madr oc frægr oc miðc hardudigr. þar ox
 upp sa madr er sigurdr het. gunnhilldr het modir hans.
 han uar skylldr torfua oc uar kalladr torfa fostri efniligr 5
 madr var hann oc uel gerr at ser um marga hluti. Signy
 het cona. hun uar systir torfa. hun bio a Signyiar stöðum.
 þat er skamt fra breida bolstad hun uar eckia hun uar
 skörungr oc skapstor. grimur het son hennar ær þar ox
 med henni upp. hann uar efniligr madr. þar ox upp med 10
 henni grimr en litli fostri hennar oc uar gilldr madr firir
 ser. Kolr kiallacs son bio at sundi j sydra reykia dal.
 Þorualldr het madr er bio at uatzhorni j skoradal ættstor
 madr oc á marga frændr. Þorgrima het cona. hun uar
 eckia oc bio j huammi j skorra dal hun uar audig oc æigi 15
 uid alþydy. skap eindridi het son hennar mikill madr
 oc efniligr.

Isl. sög. II (1847), tab. II. vgl. p. 476—477.

Cod. Holm. 3, fol. sæc. XV. ex. (1450—1500) Isl.

UM ÓSVALD OK HRAFN HANS

. . . Pa sem sa dagr kom. at hann (Ósvaldr) atte at
 krynazt til konungs oc smyria hann efter veniu med krisma.
 þa efter gudz tilskickan sanzt hverrgi krismi at smyria 20
 hann med. Pa mællte Ausvalldus. siat nu goder viner at
 drottenn gud minn birtter nu fyrer ollum. at ek er
 overdogr til sliks. þa þogdu aller. þvi at þeir þóttuzt ecki
 vitha hvat þeir skyldu til giora eda hvat gudz vile mundi

vera umm þetta. Enn i þessu kom einn hrafn fliugande ofan af himnum ok hafde einn budk fullann af krisma er sanctte Petr hafde sialfr vigt. þennan budkenn hafde hann i nefenu a sier ok var giordr af skiru gulle. En a
 5 halsenum a hrafnum var heugt eitt bref ok inn siglat med einnum gulligum crosse. þessi hrafnn kunne ok at thala lathinu ok mællte; Sie hierna krismann þann er þier eigit at smyria Osvalldum med. hann hefur (= hefi) ek flutt ofan af himne. Sidan thaka þeir brefit ok lesa. stod
 10 þar inne eins ok fyr seiger. at sancte Petrus hafde bæde vigt krismann ok blezat hann. ok þesri hrafn var efter a alltiaft i pallacio Osvalldz konungs.

Annal. f. nord. Oldk. og Hist. 1854, p. 26—28.

ANMERKUNGEN ZU DEN VERSEN

1. Die in obigen Texten vorkommenden Verse sind entweder in Fornyrðalag oder Ljóðaháttir oder in Dróttkvæði oder in Rúnhenda abgefasst: in beiden letzteren sind die Halbzeilen durch | getrennt.

Die Verse (je durch Alliteration, sei es mit oder ohne Silbenreim, zu einem metrischen Ganzen verbundene Wortreihen) sind in Fornyrðalag viertaktig (in Ljóðaháttir folgt dem viertaktigen ein dreitaktiger), ebenso in Rúnhenda, sechstaktig in Dróttkvæði; z. B.:

F: 24, 8: Fafnis | hjarta || við funa | steikir

Lj: 21, 13—14: Þokk mun | grata || þurru | taru
Baldur | bal | farar

Rh: 148, 31: Elr Svaru | skæ || Sigtrygg | við hræ

Dr: 148, 13:

Koma skal ek | víst at | vitja || viggs | döglinga | þriggja
oder 96, 7: undr | lata þat | ytar || eigi | smatt er | mattit

Allen Versen gemeinsam ist die Alliteration; z. B.:

F: 45, 14: vágr | vindlauss || of viðá | skyldi

Lj: 1, 9—10: ranna | þeirra || er ek rept | vita

míns veit ek | mest | magar

Rh: 149, 2: konungmanna | kon || hann er Kvarans | son

Dr: 164, 21:

oss gékk | mætr á | móti || mótrunnr | í dyn | spjóta

Eigenthümlich den in Dróttkvæði gedichteten ist die Assonanz, die halbe in der ersten, die ganze in der zweiten Hälfte, z. B.:

160, 16: alin var rýgr at rógi | runnr olli því gunnar

160, 25: Hristar hörvi glæstar | hauksfrón á mik lauka

In Rúnhenda reimen die Schlussilben der ersten mit der zweiten Vershälfte, männlich oder weiblich; z. B.:

149, 3: muna gramr við mik, | venr hann gjöfni sík,

149, 4: þess man grepp vara | gullhring spara.

oder:

104, 22: vil ek eigi goð geyja | grey þikkir mér Freyja

Strenge Regelmässigkeit in den genannten Beziehungen herrscht eigentlich nur im Dróttkvæði {obwohl in Bragi's Versen (40, 6—9) die halbe Assonanz in allen vier, die ganze im dritten fehlt}, um so grössere Freiheit, rücksichtlich der Alliteration wie der Zahl der Takte, bei den in Fornyrðalag gedichteten. Das Ynglingatal des Þjóðólfr or Hvini (p. 45 . . . 74) ist, wie das Hákonarmál des Sturla Þórðarson, in einem gekürzten, dreitaktigen Fornyrðalag gedichtet; in beiden finden sich viele viertaktige Verse.

Erwähnung verdient noch, dass wie bei den draumavisur und draugavisur gewöhnlich (z. B. Njáls saga k. 79, Heimskr. IX, k. 83 u. 84, vgl. Svarfdæla saga k. 19 und k. 22, Njáls saga k. 126), so auch bei den in Draumr Þorsteins (p. 185) vorkommenden die zweite Hälfte des letzten Verses der Strophe wiederholt wird; eigenthümlich aber scheint diesen die Fortsetzung oder der Uebergang in Prosa zu sein, wenn man nicht, worauf mich H. Guðbr. Vigfússon verweist, eine Stelle in Saga Gísla Súrssonar (NO. VIII.) p. 15, Z. 19. hierher ziehen will:

Heyr undr mikit! heyr örlygi

heyr mál mikit! heyr manns baka,

eins eðr fleiri!

2. Die obigen Strophen sind entweder Bruchstücke grösserer Gedichte oder sogenannte Lausavisur.

Die Strophen auf p. 1 und p. 17,² sind die 24. und 12. in Grimnismál, die zwei auf p. 24 die 32. und 33. in Fáfnismál, zwei Gedichten aus der sogenannten Sæmundar-Edda; die übrigen auf p. 16, 17,¹, 21 und 29 aus verlorenen ähnlichen Gedichten. — Aus einem Gedichte Bragi des Alten die Strophe auf p. 40. — Ynglinga saga enthält ausser den Strophen des Ynglingatal des Þjóðólfr or Hvini, das ihre Grundlage bildet, zwei aus dem Háleygjatal des Eyvindr skáldaspillir, p. 42 u. 53. — Der Anfang der sogenannten alten Bjarkamál (vgl. Herders: ‚Tag bricht an! es kräht der Hahn‘ u. s. w.) auf p. 87. — Aus Sigþrúts grosser Uppreistar-drápa findet sich eine Reihe Strophen p. 90—98; eine Strophe aus einem Gedichte des Hofgarda-Refr auf König Olaf p. 95—96. — In Gunnlaugs saga werden aus dem Gedichte Gunnlaugs auf den englischen König Aðalráðr p. 146, aus einem andern desselben Dichters auf den irischen Jarl Sigtrygg p. 148 und 149 die Kehrzeilen angeführt.

Lausavisur, wie man die bei einer bestimmten Gelegenheit von den betreffenden Personen aus dem Stegreif gedichteten Strophen nennt, finden sich im Buche, sämmtlich in Dróttkvæði verfasst und meist durch die einführenden Worte: þá kvað . . . kenntlich; vorzugsweise in Gunnlaugs saga, mehrere in Ólafs saga (Hkr): p. 86, 88, 89; zwei in Hallfreðar saga: p. 167 und 168.

3. Die bei weitem meisten der vorkommenden Strophen gehören der skaldischen Poesie an. Sie unterscheidet sich von der Einfachheit wie man sie an den Gedichten der sogenannten Sæmundar-Edda kennen lernt, vorzugsweise einmal durch die obwohl keineswegs bloss willkürliche oder bloss durch den Versbau bedingte Trennung der zusammen-

gehörenden Worte, sodann durch die Umschreibungen. Während über letztere das Glossar Auskunft giebt, sind nachstehend sämtliche Strophen, mit wenigen Ausnahmen, in der in Prosa üblichen Wortfolge mitgetheilt.

YNGLINGA SAGA

p. 40: * Gefjon glöð dró frá Gylfa (hinum) djúpröðuls öðla
[auka Danmarkar¹, svá at rauk af renniröknum;
yxn báru fjögur höfuð ok átta ennitungl, þar
er (þeir) gengu fyrir [viðri valröf vineyjar².

* Sn. Edda AM. I, 32. 1 — Sælund 2 — Sælundi

p. 42: [Ása niðr¹ gat við [járnviðju² [skattfœri þann
(er) skjald blæðr³, þá er þau, [skatna vinr¹ ok
Skaði, meirr bygðu í Mannheimum. Ok [öndr-
dis sævarbeins² gat við Óðni sonu marga.

1 — Njörðr 2 — Skaði 3 — Sæming

p. 45, 1: Feigðar-orð, er at Fjölmi kom, varð framgengt
þar er Fróði bjó: ok [vindlauss vágr¹ skyldi
of viðá [Svigðis-geira sikling².

1 — mjöðr 2 — Fjölmi

p. 45, 2: En [Durnis niðja dagskjarr salvörðuðr¹ vélti
Svegði, þá er [hinn stórgeði dulsa-konr² hljóp
í stein ept dvergi ok [þeirra Sökmímis jótun-
bygðr salbjartr³ gein við [jöfri⁴.

1 — dvergr 2 — Svegðir 3 — steinn 4 — Svegði

p. 46: En [vitta-vætr¹ kom Vanlanda á [Vilja bróður²
vit³, ok [tröllkund Grímhildr¹ skyldi of troða
[liðs ljóna бага⁴ ok [menglötúðr sá er mara
kvaldi⁵ brann á Skútu beði.

1 — Huld 2 — Óðins 3 — Valhöll 4 — Vanlanda 5 — Vanlandi

p. 47, 1: Ok [sævar niðr¹ knátti svelgja [Vísburs vilja byrði², þá er [setrverjendr³ öttu [meinþjóf markar⁴ á sinn fœður, ok [glóða garmr¹ beit, glymjandi, allvald [í arinkjöli.⁵

1 = eldr 2 = Vísburs lík = Vísbur 3 = Gisl ok Öndurr
4 = eld 5 = í húsi, inni

p. 47, 2: Hitt var fyrr, at [sverðberendr¹ (með) sínum dróttni ruðu fold ok (at) landherra bar dreyrug vápn á lífsvánan Dómalda, þá (er) Svía kind, árgjörn, of sóa skyldi [Jóta dólgi².

1 = Svíar 2 = Dómalda

p. 48, 1: Ok opt hafða ek of-fregit fróða menn þess, of [Yngva hrær, (ok) hvar Dómarr of borinn væri á [Hálfs dynjanda bana.² Nú veit ek þat, at [Fjölris niðr³, verkbitinn, brann við Fýri.

1 = Dómarr 2 = eldi 3 = Dómarr

p. 48, 2: Kveð'k-at ek dul, nema (at) [Glitnis Gná¹ hefir Dyggva hrær at gamni, þvíat [Úlfs ok Narfa jódis¹ skyldi kjósa konungmann, ok (at) [Loka mæri¹ hefir of-leikinn [Yngva-þjóðar-allvald².

1 = Hel 2 = Dyggva

p. 49: Frá ek, at Dagr frægðar-fúss skyldi of fara (eptir) dauða-orði, þá er [valteins spakfrómuðr¹ kom til Vörva, at hefna spörs. Ok vísa-ferð bar á austrvega þat orð frá vígi: at [Sleipnis verðar slengju þref² skyldi of geta þann gram.

1 = Dagr 2 = heytjúga

- p. 50: Þat tel ek undr, er Skjálfr ráð þóttu (vera) at sköpum Agna-hers; þá er [Loga dis¹, með gullmeni hóf at lopti gæðing hinn, er við Taur skyldi temja [Signfjar vers svalan hest².

1 — Skjálfr 2 — gálga (*der am Galgen hangen sollte*)

- p. 51: Allrekr féll þar er bróður-vápn urðu Eiríki at bana; ok (menn) kváðu, [Dags frændr¹ of drepaz með [hnakkmars höfuðfetlum². Maðr frá-at [Freys afspring¹ hafa áðr [eykja-görvi³ í fólk.

1 — Alrek ok Eirik 2 — hesta-bitlum 3 — hesta-bitla

- p. 52: Ok [véstalls vörðr¹, hinn er Álfr of vá, varð (at) liggja of veginn; er [döglíng², öfundgjarn, rauð dreyrgan mæki á Yngva. Var-a þat bært, at Bera skyldi of hvetja [valsæfendr vígs³, þá er tveir bræðr of afbryði, úpurfendr, urðust at bönum.

1 — Yngvi 2 — Alfr 3 — Yngva ok Alf

- p. 53: En Guðlaugr tamdi við [austrkonunga¹ ofrkapp [Sigars grimman jó², er Yngva synir reiddu [menglötud³ við meið. Ok [Vinga-meidr⁴ náreiðr drúpir á nesi, þar er deilir vikr. Þar er Straumeyjarnes, fjölkynt um fylkis hrær, merkt steini.

1 — Jörundar ok Eiríks 2 — gálga 3 — Guðlaug 4 — gálgi

- p. 54: Jörundr, hinn er endr of dó, varð lífs of latr í Limafirði, þá er hábjóstr [hörva-Sleipnir¹ skyldi of bera [Guðlaugs bana², ok [Hagbarðs höðnu leif³ gékk [hersa-valdi⁴ at hálsi.

1 — gálgi 2 — Jörund 3 — *Galgenstrick* 4 — Jörundi

p. 56: Ana-sótt knátti endr of standa Ön at Uppsölum,
ok [þrálífr¹ skyldi öðru sinni þiggja jóðs aðal.
Ok (hann) hverfði at sér [hinn mjóvara hlut
sveiðuðs mækis², er [áttunga rjóðr¹ liggjandi
drakk [okreins lögðis odd.² [Hárr austrkonungr¹
mátti-at of halda upp [hjarðar mæki².

1 = Ön 2 = Hornspítæ

p. 58: Ok [Týs lofsæll áttungr¹ fló or landi (fyrir) Tunna
riki; en [farra trjónu² rauð á Agli [jötuns
eykr³, flæmingr, sá er áðan lengi hafði brúna-
hörg of-borinn [of austmörk⁴. En [hæfis
hjör, skiðlauss², stóð til hjarta (á) [skilfinga
nið⁵.

1 = Egill 2 = horn 3 = griðungr 4 = í Sviþjóðu 5 = Egil

p. 59: Óttarr, duganligr, féll fyrir Dana vápnum und ara
greipar; hergammr sparn á Vendli (með) bræg-
um fœti þann, [viti borinn¹. Frá ek þau Votts
ok Fasta verk verða at sögum (fyrir) sænskri
þjóð, (ok) at [Fróða eylands jarlar² höfðu of-
vegin [vígframað³.

1 = Óttar 2 = Vötr ok Fasti 3 = Óttar

p. 61, 1: Þat frá ek enn, at vitta-vettr skyldi of við Aðils
fjörvi, ok (at) [Freys áttungr¹, dáðgjarn, skyldi
falla af drasils bógum, ok (at) [bragnings burs
hjarna ægir² varð of blandinn við aur, ok (at)
[Ála dólgr¹ dáðsæll deyja skyldi at Uppsölum.

1 = Aðils 2 = Aðils blóð

p. 61, 2: Veit ek Eysteins lífs lokinn enda folginn á Lof-
undi, (ok) at (menn) kváðu Jótka menn inni

brenna [Sikling¹ með Svíum, ok (at) [hlífðar-
þangs bit-sótt² rann á [hilmi³ í [brandnói⁴, þá
er [tímbrfastr toptar nekkvi⁵, flotna fullr,
brann of [fylki¹.

1 = Eystein 2 = eldr 3 = Eysteini 4 = húsi 5 = hús

p. 62: Þat stökk upp, at [Sýslu kind¹ hefði of sóat
Yngvari; ok (at) Eistneskr herr vá at [ljós-
hömum hilmi² [við lagar hjarta³; ok (at) [aust-
marr kveðr Gýmis ljóð⁴ at gamni (fyrir) [scensk-
um jöfri².

1 = Aðalsyslu fólk 2 = Yngvari 3 = at Steini 4 = *die*
Ostsee braust

p. 64: Önunðr varð und Himinfjöllum heptr (með) [Jón-
akrs-bura harmi¹, ok [hrísungs heipt² kom
[Eistra dölgi³ at hendi of veg; ok sá [Högna
hrærs frömuðr⁴ var of horfinn (með) [foldar
beinum¹.

1 = steini, grjóti 2 = skriða 3 = Önundi 4 = Önunðr

p. 69: Ok [reyks rösuðr¹ trað Ingjald í fjörván á Ræn-
ingi, þá er [húspjófr¹ steig (með) hyrjar leist-
um í gögnum [goðkonung². Ok sá [urðr³ þótti
allri þjóðu (vera) sjaldgætastr með Svíum, er
hann, fyrstr (konunga) vildi sjálf of-fara sínu
fræknu fjörvi.

1 = eldr 2 = Ingjald 3 = Ingjaldr

p. 70: Ok [hofgyldir¹ svalg við vág hræ Ólafs hins er ar
viði; ok [Fornjóts glóðfjalgr sonr¹ leysti görvar
af [Svíá jöfri². Sá [Loðða kyns áttkonr³ hvarf
fyrir löngu frá Uppsölum.

1 = eldr 2 = Ólafi 3 = Ólafr

- p. 71: Hverr frá þat, at sökmiðlendr skyldu sakna Hálf-danar. Ok [hallvarps hlífinauma¹ tók þjóð-konung á Þótni; ok Skæreið í Skíringssal drúpir (nú) of [brynjálfs² beinum.

1 = elli 2 = Hálfðans

- p. 72, 1: En Eysteinn fór fyrir ási til [Byleistis bróður¹ meyar². Ok nú liggr [reiks hlöðuðr³ und [lagar-beinum⁴ á raðar-broddi, þar er Vöðlu straumr, elkaldr, kemr at vági hjá [Gautskum jöfri⁵.

1 = Loka 2 = Heljar (Loka systur) 3 = Eysteinn 4 = steinum 5 = Eysteini

- p. 72, 2: Ok [Hveðrungs mæri¹ bauð jöfri or heimi til [Þriðja² þings, þá er Hálfðan, sá er á Holti bjó, hafði of notit norna dóms. Ok [sigr-hafendr³ fálu síðan [buðlung⁴ á Borrori.

1 = Hel 2 = Óðins 3 = Svíar 4 = Hálfðan

- p. 73: Guðröðr hinn göfugláti, sá er (fyrir) löngu var, var beitr (með) lómi ok [heiptrækt höfuð¹ dró at hilmi umráð at ölum [stilli². Ok hinn lómgeði Ásu [árr³ bar launsigr af [jöfri²; ok [buðlungr⁴ var of stunginn á Stíflusunds fornum beði.

1 = Ása 2 = Guðröði 3 = skósveinn 4 = Guðröðr

- p. 74, 1: Ok [Þrós þröttar niðkvísl¹ hafði of þróaz í Noregi. Ólafr réð forðum með ofsa víðri grund af Vestmari. Unz fótverkr skyldi of-viða [víg-miðlung² við foldar þröm. Nú liggr [gunn-djarfr herkonungr³, ausinn (með) haugi, á Geirstöðum.

1 = Ynglinga ætt 2 = Ólaf 3 = Ólafr

- p. 74, 2: Þat kenninafn veit ek bazt, svá at konungr eigi und blám himni, er Rögvaldr, reiðarstjóri, er of heitinn Heiðum-hárr.

ÓLAFS SAGA HINS HELGA (HKR)

- p. 84: Brennum öll lönd þau er vér finnum fyr innan Inney; herr tegaz verja herbjörg fyrir gram með hjörvi. [Ýs angr¹ skal (vera) kveykt í klungri, ef ek má valda; allir Innþrændr [hafi köld kol sinna húsa².

1 = eldr 2 = sé innbrendir

- p. 86, 1: Búumk við þröng [á barða þingi¹! Fregni (menn) þat orð: þegns dóttir [skal-a ifa² fregna mik úglaðan, þótt svinir sigrunnar segi ván [Heðins kvánar³; verum bragningi at trausti austr [í Ála eli.⁴

1 = í orrostu 2 = skal aldri 3 = orrostu

- p. 86, 2: Rökr at miklu regni hins harða [randar-garðs¹; Verdæla-lið vill berjaz við [snjallan vísa². Verjum [örvan allvald³, ölum teitan [sveitamá³, fellum Þrændr í [þundar breggi⁴; vér eggjumk þess.

1 = orrostu 2 = Ólaf 3 = hrafn 4 = bardaga

- p. 86, 3: Örstiklandi! þryngr at miklu [Ála eli¹; skálmöld vex nú; höldar skyldu eigi fálma skelknir. Búumk við sókn, er göngum at geirþingi með Óleifi; en gunnreifr seggr skyli of forðaz slækni-orð.

1 = orrostu

p. 88: [Þingdjarfr allvaldr¹! ek mun enn hvarfa um kné þér, unz [nait² öðrum skáldum; nær vættir þú þeirra? Þótt veitim frekum hrafni valtafn, komumk vér braut eða liggjum þar; þat vizk eigi, [vága viggruðr!⁴

1 = Ólafr! 2 = nait ér (nair þú)

p. 89: Ek mun þora verja [þann arm¹, er ek hlýt í standa; vér rjóðum rönd af reiði; þat er nekkv-eð [ekkjumunr². [Enn ungi gunnbliðr greppr³ gengr-at á hæl fyr spjótum, þar er slög ríða; menn herða mót at morði.

1 = þá fylking 2 = munr, glæði fyrir ekkju, konu
3 = Haraldr

p. 90, 1: Ek frá Þórð þat sinn herða gört víg geirum með Óleifi; sókn þreifsk; þar fóru saman góð hjörtu. [Framlundaðr Ögmundar bróðir¹ vann fult, bar hátt fagrla-gylta stöng fyr hjaldrmóðum [Hringa-gram².

1 = Þórðr 2 = Ringa-rikis konungi, Ólafi

p. 90, 2: Ólafr hinn digri [vann felda öld¹, [sóknþorinn sinjor² gékk fram í brynju sækja öflgan sigr. En Svíar þeir er nenna austan með [mildum gram³, öðu í hjarta blóðröst: mært segi ek bert.

1 = feldi menn 2 = Ólafr 3 = Ólafi

p. 93: Ólmr [erumk¹ sá harmr [er² [hilmir³ hafði aflfátt austan; [sá jöfurr³ kreisti gulli-vafðan meðalkafla. Ek frá at [þegnar⁴ váru hálfu fleiri, því féngu þeir gagn; þat tældi hvárungi [hvötuð hildar⁵.

1 = er mér 2 = at 3 = Ólafr 4 = búandmenn 5 = Ólaf

p. 94, 1: Fold var at dynja vítt und fótum, þá réð brynj-at fólk í bráða böð; þar var friðbann mönnum. Mikill stálgustr var á Stikla-stað, þá er [álms-ærir¹ þustu árliga ofan með hjarta hjálma.

1 = hermenn

p. 94, 2: Merki fór fram í miðri fylking þeirra Þrændra; snarir funduz þar; búendr iðraz nú þess verks.

p. 95, 1: Ek frá minn dróttin gengu mest fram næstan sínum merkjum; stöng óð fyr gram; þar var gnógr styrr fyrir.

p. 95, 2: [Hykk váru¹ grimlikt [geirs lof rætundum² (at) líta í [hvassar ljóns - sjónir³ gunnreifum Óleifi. Þrœnskir virðar þorðu-at sjá í ormfrán augu hánun; [hersa dróttinn⁴ þótti ægiligr.

1 = hygg ek at þat var 2 = hermönnum 3 = augu 4 = Ólafr

p. 95, 3: (Ólafr) rauð, rönd [með¹ höndum, dreyrug sverð í rekka blóði, þar er gumna-drótt sótti dýran þjóðkonung. Ok [gramr², rœkinn at ísarnleiki, lét rauð-brúnan hjör finnaz [í reikar-túnum Innþrændum³.

1 = i 2 = Ólafr 3 = í Innþrændra höfðum

p. 96, 1: [Stála regndjarfr rimmu askr¹ hafði einn [gunnar gny² við [tvá röskva þegna³; [Hárs-bál⁴ gall. [Árstrauma dalsteypir¹ hjó [draupnis döggr-Frey⁵ banahöggvi, en [vann annan sáran⁶; hann rauð járn.

1 = Gizurr 2 = orrostu 3 = II menn (95,28) 4 = sverð
5 = mann (annan) 6 = særði annan

p. 96, 2: Ýtar láta þat eigi smátt undr, er skylauss röðull mátti-at hlýja [skorðu skæ-njörðungum¹. Dryg furða varð á því dægri, er dagr náði-at fögrum lit*. Ek frá austan athurð konungs-orrostu.

1 = mönnum * (*totale Sonnenfinsterniss vom 31. Aug. 1030*)

p. 96, 3: [Míldr gramr¹ fann sjálfr górst, hvé fjölkunnigra Finna meginrammir galdrar [barg² fullstórum Þóri, þá er [húna hyrsendir¹ laust um herðar [Hundi³ gulli-búnu sverði, slætt réð sízt at bíta.

1 = Ólafr 2 = burgu? 3 = Þóri hundi (96,22)

p. 97: [Seims þollr¹, er frýr Þóri, dylr saðrar snilli hugstórs Hunds; en (ek) veit þat heiman, hvern sæi stærri verk? En [gunmranns þvergarða glyggs þrótt², hinn er sótti fram, þorði at höggva í gegn [konungmanni³.

1 = maðr sá 2 = Þórir 3 = Ólafr

p. 98, 1: Hörð auðn er at [Engla stríði¹, sízt hermenn gjörðu konung [sjúkan lífi²; úmjúk hlíf raufsk fyr [gram³. [Fólks fylkir⁴ gékk (á) odda fund, þar er herra klauf skjöldu; ör öld brá Ólafs fjörvi, en Dagr hélt undan.

1 = Ólafr 2 = dauðan 3 = Ólaf 4 = Ólafr

p. 98, 2: Þjóð réð [þengils¹ dauða; [ógnar skers meiðar² vitu eigi áðr þann styrk búandmanna né hersa, er [sárelds víðir³ feldi sóknum slíkan gram sem Ólafr þótti; mörg dýr drótt lá í dreyra.

1 = Ólafs 2 = hermenn

GUNNLAUGS SAGA ORMSTUNGU

- p. 142: Bauð ek [mundangs-sterkum manni¹ mörk nýja gráséna; skaltu góna þat tygjast, ranna-glóspýr! Mantu iðrast allráðs, ef (þú) lætr liða [samlagar linns kindar² or yðrum [flóða eyðanda³ sjóði.

1 = bónda 2 = mörk 3 = elds, = gulls

- p. 146: Sést allr herr ins örva þengils Englands, sem guðs; ætt gunnbráðs grams ok gumna hlýtr Aðalráði.

- p. 147: Meðalráð er þér, [málma-galdrs Móði¹! at halda fyri mér [hoddum², hafit ér att við prettum [oddrjóð³; máttu vita hit, at ek hétu naðrs-tunga (sé ek hér feru á því), þat nafn fékkst mér ungum af nökkvi.

1 = Þóroddr 2 = fénu 3 = mik

- p. 148: Skal ek víst koma at vitja hjarls döglinga þriggja ok jarla tveggja, hefi ek heitit því [hlutvöndum viggs¹; hverf ek aptr, áðr [arfi oddgefnar² stefni mér; auðveitir gefr [rauðan ormabeð fyrir ermar³.

1 = konungum ok jörlum 2 = norn, dauði 3 = gullin arm-hring

- p. 150: Segit ér, [oddfeimu stafir¹! frá jarli þeima; karl er sá, hann hefir litnar hár hranna-bárur; Eirekr sjálf, sigrreynir, hefir sénar austr í miklu gjálfri [blár² fleiri fyrir [unnar-hesti³.

1 = oddfeima 2 = bláar (bárur) vgl. *Olafsen* NgD. p. 129.
3 = skipi sinu

p. 154: Ræki ek lítt, þó austan-víndr leiki þéttan (leik)
at [anness-andra¹, létt veðr er nú þessa viku;
sjámsk meir hit orð, at ek eigi verða taliðr
jafnröskr Hrafni; en [hoddstriðandi² biði hæru.

1 = skipi 2 = hermaðr (Gunnl., ek)

p. 155: Mun-at hlýða [háðvörum hyrjar hriðmundaðar
þundi¹ at þýðast [hafna-jörð, hörvi drifna²;
þvíat (vér) leikum (=lékum), er (vér) várum
yngri, [á ýmsum andnesjum því landi lausikjar
lyngs, álvar gims³.

1 = mér, vgl. *Egilss.* Lex.: hriðm. 2 = Helgu 3 = með
Helgu vgl. *Egilss.* Lex.: álin

p. 156: Hugðumsk (at ek væra) höggvinn á armi þér
[orms ýðöggvar brúðr¹! (ok at) beðr þinn væri
roðinn í minu blóði; [ölstafns hagdreyrins
njörun, lauka lind¹, knátti-at endr binda of
undir, þat getr lík Hrafni.

1 = Helga

p. 157, 1: Eingi allr dagr und fjalla-sal¹ varð hægr (Gunn-
laugi) orrstungu, sízt Helga hin fagra [réð
nafni Hrafns kvánar²; [hinn hvíti hjörpeys-
höldr, meyyar faðir³, sá lítt við minni tungu,
[Eir ung⁴ var gefin til aura.

1 = himni 2 = varð kván Hrafns 3 = Þorsteinn 4 = Helga

p. 157, 2: Ek á at launa ve(r)st föður þínum, [væn vín-
gefn¹! ok svá móður, [flóðhyrs-fold¹ nemr flaum
af skáldi: þvíat [hæði² gjörðu senn und klæð-
um [borða-bil³ svá fagra; hér hafi (mær) [hólds
ok svarra hagvirki⁴.

1 = Helga 2 = Þorsteinn ok Jófríðr 3 = Helgu
4 = skikkjuna (157, 28)?

p. 158, 1: Samir-a okkr, [ulfr brimloga¹! at ganga í brigið um eina fang-fullu, [frægir fólka ságu¹! mjök margar slíkar góðar konur eru sunnan fyrri haf, [mótrunnr¹! sannfróðr ýti ek sævar-sóta.

1 — Hrafn

p. 158, 2: [Ormdags Eir, hin litfagra¹, var gefin Hrafn til aura; kveða menn þann jafnoka minn (— mér) né minna; meðan Aðalráðr allra nýztr dvaldi austan-farar í stála-gný, því(at) er men-reyrr (— menreyri?) minni málgráðr.

1 — Helga

p. 159, 1: Nú em ek búinn (at) ganga út á [allvangs eyri¹ gert með tegnum hjörvi, guð unni [greppi² happs! skal (ek) kljúfa í tvau [lokka-hnakk Helgu ljúfsvelgs³, vinn ek (til) loks með ljósum mæki haus lausan frá ból.

1 — Öxarár-hólm 2 — mér 3 — höfuð Hrafn

p. 159, 2: Veit-at greppr, hvárr greppa hlýtr fagna gagn-sælli, hér er bensigðum brugðit, egg er búin í leggi; [(hon) þorna-spöng ein (bæði) ung mæ ok ekkja¹ man þat, þegns hugrekki, fregna at þingi, þóat vit særímt.

1 — Helga

p. 160, 1: Rýgr var alin [fíra börnum¹ at rógi, [gunnar runnr² olli því, var ek óðgjarn at eiga auðs-lág;* nú er síðan lítil þörf at líta til [lands avanmærar læsigunnar³, (menn) bauga mér svört augu **.

* Sn. Edda (AM.) I, p. 410.

1 — mönnum 2 — maðr 3 — Helgu ** vgl. Egils.

Lex.: læsigunnr

- p. 160, 2: [Haukfrán(n) brúna brámáni hörvi glæstar lauka
brims Hristar¹ skein á mik af ljósum himni;
en sá [gullmens - fríðar hvarma-tungls² geisli
sýslar síðan óþurft [hringa-Hlínar³ ok mína.*

* Kormaks saga (AM.) p. 14.

1 = auga Helgu 2 = Helgu augu 3 = Helgu

- p. 163: Gunnlaugr — áðr (hann) næði Hrafni — blóð [Göndlar-þeys¹ hugreifum Óleifi ok Grími með hjör þunnum; hann varð bani þriggja hvatra manna, [hugmóðr ullr undviggs², drifinn blóði, réð ýta-falli.

1 = i bardaga 2 = Gunnlaugr

- p. 164: Hrafn, mætr mótrunnr, hjörva-hríð gjörfandi gékk framliga jafnan oss á móti í spjóta-dyn; hér varð í morgin um Gunnlaugi mörg málmflaug, hergerðandi á hörðu Dinga-nesi.

- p. 165, 1: Vissa ek Hrafn höggva mik (með) [hjaltegguðum brynju brynfiski¹, en hvöss egg kom Hrafni í leggi; Gunnar(r) klauf núna Gunnlaugs höfuð (með) gunnspjóti, þá er hræskæri ari hlaut fen hlýr(r)a benja.

1 = sverði

- p. 165, 2: Sverð (er) roðit, en sverða sverðrögnir mik gerði, randgálkn váru reynd í röndum fyrir handan ver; hygg ek blóðug blóðgögl í blóði stóðu of skör, sárfikinn sárgammr hlaut en(n) (at) þramma á sára.

- p. 166: Lagða ek at armi mér [líns-tróðu andaða mína
orms armgóða¹, guð brá ley(ŋ)ðrar lífi; ... þó
er beiðendum miklu þungara (at) biða blikis.

1 = Helgu

HALLFREDAR SAGA

- p. 167: Hreggblásnum ási hnauð við hjarta mér ok siðu,
áfall hefir varla tekit yður svá at öðru; marr
hnauð mínum knerri, ek er (= em) látinn
mjök vátr; úrþægin (= úrþvegin) aldan muna
eira sínu skaldi (= skáldi).*

* vgl. Fms. III, p. 27 (XII, p. 67).

- p. 168: [Fjölerri sprund, hördúks¹ mun þerra mjök
hvítri hendi um mjúka brá; fljóð gat fremdar
œði: ef [meiðar morðveggs² skulu leggja mik
dauðan út um borð, ek var ungu fljóði áðr at
sútum*.

* vgl. Fms. III, p. 27 (XII, p. 67).

1 = Kolfinna s: Fms. III, ind. 2 = menn

DRAUMR ÞORSTEINS

- p. 185, 1: Æfinhildr hefir orpit með læfi allskörpu ægis-
beini fyrir [heinar hurðar herðundum¹: Gerðr
stendr gumnum fyrir gamni með brugðnu sverði.
Eykvæn Hæðins þeyjar vill ei(gi) enn með
öllu

1 = mönnum

- p. 185, 2: Dómspákr ímun (*statt: unni der Hds.*) guð hinn
er rakti lög gékk fram at dóms dómi . . . *das*
Uebrige unverständlich.

p. 185, 3: Fjörnis flugvörna, hvöss hjálmaguðr, sitr fákund
yfir höggnum vísa at jálmi meginunda
das Uebrige unverständlich.

p. 260: Hart of krafðir skildir höfðu gang, Hildir óx
við þat, en gamlir gunnþings eárnþingar
sprungu.*

* Hkr. VII, 12, 1.



Druck von J. B. Hirschfeld in Leipzig.

